

國學基
本叢書
周禮鄭氏注
附札記





周禮卷第一

天官冢宰第一

周禮 鄭氏注

惟王建國

建立也。周公居攝而作六典之職。謂之周禮。營邑於土中。七年致政成王。以此禮授之。使居維維邑。治天下。司徒職曰。日至之景。尺有五寸。謂之地中。天地之所合也。四時之所交也。風雨之所會也。陰陽之所和也。然則百物阜安。乃建王國焉。

辨方正位

辨別也。鄭司農云。別四方。正君臣之位。君南面。臣北面之屬。玄謂考工匠人。建國。水地以縣。置槩以縣。視以景。為規。識日出之景。與日入之景。晝參諸日中之景。夜考之極星。以正朝夕。是別四方。召誥曰。越三日戊申。大保朝至于維維卜宅。厥既得卜。

則經禁。越三日庚戌。大保乃以庶殷攻位於維維。越五日甲寅。位成正位。謂此定宮廟。

體國經野

體猶分也。經謂為之里數。鄭司農云。營國方九里。國中九經。九緯。左祖右社。面朝後市。野則九夫為井。四井為邑。之屬是也。

設官分職

鄭司農云。置冢宰。司徒。宗伯。司馬。司寇。司空。各有所職。而百事舉。

以為民極

極中也。令天下之人。各得其中。不失其所。

乃立天官冢宰。使帥其屬而掌邦治。以佐王均邦

國

掌主也。邦治王所以治邦國也。佐猶助也。鄭司農云。邦治。謂總六官之職也。故大宰職曰。掌建邦之六典。以佐王治邦國。六官皆總屬於冢宰。故論語曰。君薨。百官總己以聽於冢宰。言冢宰於百官無所不主。爾雅曰。冢。大也。冢宰。大宰也。

治官之屬

大宰卿一人。小宰中大夫二人。宰夫下大夫四人。上士八人。中士十有六人。旅下士三十有二人。

變冢言大進退

異名也。百官總焉。則謂之冢。列職於王。則稱大冢。大之上也。山頂曰冢。旅。衆也。下士治衆事者。自大宰至旅下士。轉相副貳。皆王臣也。王之卿六命。其大夫四命。士以三命而下。為差。

府六人。史十有二人。

府治職。史掌書者。凡府史皆其

官長所自辟除。胥十有二人。徒百有二十人。此民給徭役者。若今衛士矣。胥讀如譚。謂其有才。為什長。

宮正。上士二人。中士四人。下士八人。府二人。史四人。胥四人。徒四十人。正。長也。宮正。主宮中官之長。

宮伯。中士二人。下士四人。府一人。史二人。胥二人。徒二十人。伯。長也。

膳夫。上士二人。中士四人。下士八人。府二人。史四人。胥十有二人。徒百有二十人。

膳之言善也。今時美物曰珍膳。膳夫。食官之長也。鄭司農

以詩說之曰。仲允膳夫。

庖人。中士四人。下士八人。府二人。史四人。賈八人。胥四人。徒四十人。庖之言苞也。裹肉曰苞。其賈主市買知物賈。

內饗。中士四人。下士八人。府二人。史四人。胥十人。徒百人。饗。割烹煎和之稱。內饗所主在內。

外饗。中士四人。下士八人。府二人。史四人。胥十人。徒百人。外饗所主在外。

亨人。下士四人。府一人。史二人。胥五人。徒五十人。主為外內饗。煮肉者。

甸師。下士二人。府一人。史二人。胥三十人。徒三百人。郊外曰甸。師猶長也。甸師主共野物官之長。

獸人。中士四人。下士八人。府二人。史四人。胥四人。徒四十人。

廩人。中士二人。下士四人。府二人。史四人。胥三十人。徒三百人。

鼈人。下士四人。府二人。史二人。徒十有六人。

腊人。下士四人。府二人。史二人。徒二十人。腊之言夕也。

醫師。上士二人。下士四人。府二人。史二人。徒二十人。醫師衆醫之長。

食醫。中士二人。食有和齊藥之類。

疾醫。中士八人。

瘍醫。下士八人。瘍創癰也。

獸醫下十四人。獸牛馬之屬。

酒正中士四人。下士八人。府二人。史八人。胥八人。徒八十人。酒正酒官之長。

酒人奄十人。女酒三十人。奚三百人。奄精氣閉藏者。今謂之宦人。月令仲冬其器闕以奄。女酒女奴。曉酒者古者從坐男女沒入縣官為奴。其少才知以為奚。今之侍史官婢或曰奚。官女。

漿人奄五人。女漿十有五人。奚百有五十人。女漿女奴。曉漿者。

凌人下士二人。府二人。史二人。胥八人。徒八十人。凌冰室也。詩云二之日。鑿冰沖沖。三之日。納于凌陰。

籩人奄一人。女籩十人。奚二十人。竹曰籩。女籩女奴。曉籩者。

醢人奄一人。女醢二十人。奚四十人。醢豆實也。不謂之豆。此主醢豆。不盡于醢也。女醢女奴。曉醢者。

醢人奄二人。女醢二十人。奚四十人。女醢女奴。曉醢者。

鹽人奄二人。女鹽二十人。奚四十人。女鹽女奴。曉鹽者。

冪人奄一人。女冪十人。奚二十人。以巾覆物曰冪。女冪。女奴曉冪者。

宮人。中士四人。下士八人。府二人。史四人。胥八人。徒八十人。

掌舍。下士四人。府二人。史四人。徒四十人。舍。行所解止之處。

幕人。下士一人。府二人。史二人。徒四十人。幕。帷覆上者。

掌次。下士四人。府四人。史二人。徒八十人。次。自脩正之處。

大府。下大夫二人。上士四人。下士八人。府四人。史八人。賈十有六人。胥八人。徒八十人。大府。為王治藏之長。若今司農矣。

玉府。上士二人。中士四人。府二人。史二人。工八人。賈八人。胥四人。徒四十有八人。工。能攻玉者。

內府。中士二人。府一人。史二人。徒十人。內府。主良貨賄藏。在內者。

外府。中士二人。府一人。史二人。徒十人。外府。主泉藏。在外者。

司會。中大夫二人。下大夫四人。上士八人。中士十有六人。府四人。史八人。胥五人。徒五十人。

會。大計也。司會。主天下之大計。

計官之長。

若今尙書。

司書。上士二人。中士四人。府二人。史四人。徒八人。

司書主計會之簿書。

職內。上士二人。中士四人。府四人。史四人。徒二十人。

職內。主入也。若今之泉所入謂之少內。

職歲。上士四人。中士八人。府四人。史八人。徒二十人。

主歲計。以歲斷。

職幣。上士二人。中士四人。府二人。史四人。賈四人。胥二人。徒二十人。

司裘。中士二人。下士四人。府二人。史四人。徒四十人。

掌皮。下士四人。府二人。史四人。徒四十人。

內宰。下大夫二人。上士四人。中士八人。府四人。史八人。胥八人。徒八十人。

內宰。宮中官之長。

內小臣。奄上士四人。史二人。徒八人。奄稱士者。異其賢。

闈人。王宮每門四人。囿游亦如之。闈人司昏晨以啓閉者。刑人墨者使守門。囿御苑也。游離宮也。

寺人。王之正內五人。寺之言侍也。詩云。寺人孟子。正內路寢。

內豎。倍寺人之數。豎。未冠者之官名。

九嬪。嬪。婦也。昏義曰。古者天子后立六宮。三夫人。九嬪。二十七世婦。八十一御妻。以聽天下之內治。以明章婦順。故天下內和而家理也。不列夫人於此官者。夫人之於后猶三公之於王。坐而論婦禮。無官職。

世婦。不言數者。君子不苟於色。有婦德者充之。無則闕。

女御。昏義所謂御妻。御猶進也。侍也。

女祝四人。奚八人。女祝。女奴。曉視事者。

女史八人。奚十有六人。女史。女奴。曉書者。

典婦功。中士二人。下士四人。府二人。史四人。工四人。賈四人。徒二十人。典主也。典婦功者。主婦人。絲枲功官之長。

典絲。下士二人。府二人。史二人。賈四人。徒十有二人。

典枲。下士二人。府二人。史二人。徒二十人。

內司服。奄一人。女御三人。奚八人。內司服。主宮中裁縫官之長。有女御者。以衣服進。或當於王。廣其禮。使無色過。

縫人。奄二人。女御八人。女工八十人。奚三十人。女工。女奴。曉裁縫者。

染人。下士二人。府二人。史二人。徒二十人。

追師。下士二人。府一人。史二人。工二人。徒四人。追。治玉石之名。

屨人。下士二人。府一人。史一人。工八人。徒四人。

夏采。下士四人。史一人。徒四人。夏采。夏翟羽色。禹貢。徐州貢夏翟之羽。有虞氏以爲綏。後世或無故染鳥羽象而用之。謂之夏采。

大宰之職。掌建邦之六典。以佐王治邦國。一曰治典。以經邦國。以治官府。以紀萬民。二曰教典。以安邦國。以教官府。以擾萬民。三曰禮典。以和邦國。以統百官。以諧萬民。四曰政典。以平邦國。以正百官。以均萬民。

五曰刑典。以詰邦國。以刑百官。以糾萬民。六曰事典。以富邦國。以任百官。以生萬民。

大曰邦。小曰國。邦之所居亦曰國。典常也。經也。法也。

王謂之禮經。常所乘以治天下也。邦國官府謂之禮法。常所守以爲法式也。常者其上下通各擾。猶馴也。統猶合也。詰猶禁也。書曰。度作詳刑。以詰四方。任猶傳也。生猶養也。鄭司農云。治典冢宰之職。故立其官曰。使帥其屬而掌邦治。以佐王均邦國。教典司徒之職。故立其官曰。使帥其屬而掌邦教。以佐王安擾邦國。禮典宗伯之職。故立其官曰。使帥其屬而掌邦禮。以佐王和邦國。政典司馬之職。故立其官曰。使帥其屬而掌邦政。以佐王平邦國。刑典司寇之職。故立其官曰。使帥其屬而掌邦禁。以佐王刑邦國。此三時皆有官。唯冬無官。又無司空。以三隅反之。則事典司空之職也。司空之篇亡。小宰職曰。六曰冬官。其屬六十。掌邦事。

以八濩治官府。一曰官屬。以舉邦治。二曰官職。以辨邦治。三曰官聯。以會官治。四曰官常。以聽官治。五曰官成。以經邦治。六曰官灋。以正邦治。七曰官刑。以糾邦治。八曰官計。

以弊邦治。

百官所居曰府。弊。斷也。鄭司農云。官屬謂六官其屬各六十。若今博士。大史。大宰。大祝。大樂。屬大常也。小宰職曰。以官府之六屬舉邦治。一曰天官。其屬六十是也。官職謂六官之職。小宰職曰。以官府之六職辨邦治。一曰治職。二曰教職。三曰禮職。

四曰政職。五曰刑職。六曰事職。官聯謂國有大事。一官不能獨共。則六官共舉之。聯讀爲連。古書連作聯。聯謂連事通職。相佐助也。小宰職曰。以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂弛之聯

保庸六曰尊貴七曰達吏八曰禮賓。統所以合率以等物也。親親若堯親九族也。敬故不慢舊也。晏平仲久而敬之。賢有善行也。能多才藝者保庸安有功者尊貴。尊天下之貴者孟子曰天下之達尊者三曰爵也。德

也。齒也。祭義曰先王之所以治天下者五。貴有德。貴貴。貴老。敬長。慈。幼。達吏。察舉勤勞之小吏也。禮賓。賓客諸侯。所以示民親仁善鄰。

以九職任萬民。一曰三農。生九穀。二曰園圃。毓草木。

三曰虞衡。作山澤之材。四曰藪牧。養蕃鳥獸。五曰百工。飭化八材。六曰商賈。阜通貨賄。七曰嬪婦。化治絲

枲。八曰臣妾。聚斂疏材。九曰閒民。無常職。轉移執事。

任猶傳也。鄭司農云。三農。平地。山澤也。九穀。黍。稷。稻。麻。大小豆。小麥。八材。珠曰切。象曰瑳。玉曰琢。石曰磨。木曰刻。金曰鑊。革曰剝。羽

曰析。閒民。謂無事業者。轉移為人執事。若今傭賃也。玄謂三農。原隰及平地。九穀。無稂。大麥而有稂。蔗。樹果。菴曰圃。園。其樊也。虞衡。掌山澤之官。主山澤之民者。澤無水曰藪。牧田在遠郊。皆畜牧之地。行曰商。處曰賈。阜。盛也。金玉曰貨。布帛曰賄。嬪。婦人之美稱也。堯典曰。釐降二女。嬪于虞。臣妾。男女貧賤之稱。晉惠公卜懷公之生。曰。將生一男一女。男為人臣。女為人妾。生而名其男曰圉。女曰妾。及懷公質於秦。妾為宦女焉。疏材。百草根實可食者。疏不熟曰藪。

以九賦斂財賄。一曰邦中之

賦。二曰四郊之賦。三曰邦甸之賦。四曰家削之賦。五曰邦縣之賦。六曰邦都之賦。七曰關市之賦。八曰山

澤之賦。九曰幣餘之賦。

財。泉穀也。鄭司農云。邦中之賦。二十而稅一。各有差也。幣餘。百工之餘。玄謂賦。口率出泉也。今之筭。泉。民或謂之賦。此其舊名。與鄉大夫以歲時登其夫家之衆寡。辨其可任者。國中自七尺以及六十。野自六尺

以及六十有五。皆征之。塗師之職亦云。以徵其財。征皆謂此賦也。邦中。在城郭者。四郊。去國百里。邦甸。二百里。家削。三百里。邦縣。四百里。邦都。五百里。此平民也。關市。山澤。謂占會百物幣餘。謂占賣國中之斥幣。皆末作當增賦者。若今買人倍筭矣。自邦中以至幣餘。各入其

所有穀物以當賦泉之數。每處爲一書。所待異也。

以九式均節財用。一曰祭祀之式。二曰賓客之式。三曰喪荒之式。四曰羞服之式。五

曰工事之式。六曰幣帛之式。七曰芻秣之式。八曰匪頒之式。九曰好用之式。

式謂用財之節度。荒凶年也。羞飲食之物也。工作器物者幣帛所以贈勞

賓客者芻秣養牛馬禾穀也。鄭司農云。匪分也。頒讀爲班。布之班。謂班賜也。玄謂王才分賜羣臣也。好用。燕好所賜予。

以九貢致邦國之用。一曰祀貢。二曰嬪貢。三曰器貢。四曰

幣貢。五曰材貢。六曰貨貢。七曰服貢。八曰旂貢。九曰物貢。

嬪。故書作賓。鄭司農云。祀貢。犧牲包茅之屬。賓貢。皮帛之屬。器貢。宗廟之器。幣。夏繡帛。材貢。木材也。貨貢。珠貝自然之物。

也。服貢。祭服。旂貢。羽毛。物貢。九州之外。各以其所貴爲摯。肅慎氏貢楛矢之屬是也。玄謂嬪貢。絲枲。器貢。銀鐵石磬丹漆也。幣貢。玉馬皮帛也。材貢。樛幹栝柏篠蕩也。貨貢。金玉龜貝也。服貢。絺紵也。旂。讀如囿游之游。游貢。燕好珠璣琅玕也。物貢。雜物。魚鹽橘柚。

以

九兩繫邦國之民。一曰牧。以地得民。二曰長。以貴得民。三曰師。以賢得民。四曰儒。以道得民。五曰宗。以族

得民。六曰主。以利得民。七曰吏。以治得民。八曰友。以任得民。九曰藪。以富得民。

兩。猶耦也。所以協耦萬民。繫連綴也。牧。州長也。九州各有封域。以居

民也。長。諸侯也。一邦之貴。民所仰也。師。諸侯師氏。有德行以教民者。儒。諸侯保氏。有六藝以教民者。宗。繼別爲大宗。收族者。鄭司農云。主謂公卿大夫。世世食采不絕。民稅薄。利之。玄謂利。讀如上。思利民之利。謂以政教利之。吏。小吏在鄉邑者。友。謂同井。相合耦。勸作者。孟子曰。鄉田同井。出入相友。守望相助。疾病相扶。則百姓親睦。藪。亦有虞掌其政令。爲之厲禁。使其地之民。守其材物。以時入于玉府。頒其餘於萬民。富謂藪中材物。

正月之吉。始和。布治于邦國都鄙。乃縣治

象之灋于象魏，使萬民觀治象，挾日而斂之。

正月，周之正月，吉，謂朔日。大宰以正月朔日布王治之事於天下，至正歲，又書而縣於象魏，張木鐸以徇之，使萬民觀焉。小宰亦帥其屬而往，皆所以重治法。

新王事也。凡治有故，言始和者。若改造云爾。鄭司農云：象魏，闕也。故魯災，季桓子御公立于象魏之外，命藏象魏曰：舊章不可忘。從甲至甲，謂之挾日。凡十日。

乃施典于邦國，而建其牧，立其監，設其參，傅

其伍，陳其殷，置其輔。

乃者，更申勅之。以侯伯有功德者，加命作州長，謂之牧。所謂八命作牧者，監謂公侯伯子男各監一國。書曰：王啓監厥亂為民，參謂卿三人，伍謂大夫五人，鄭司農云：殷治律，輔為民之平也。玄謂殷衆也。謂衆士也。王制：諸

侯上士二十七人，其中士下士各居其上之三分。輔，府史庶人在官者。

乃施則于都鄙，而建其長，立其兩，設其伍，陳其殷，置其輔。

長，謂公卿大夫。王子弟，食采邑者，兩謂兩卿，不

言三卿者，不足于諸侯。鄭司農云：兩謂兩丞。

乃施灋于官府，而建其正，立其貳，設其攷，陳其殷，置其輔。

正，謂冢宰、司徒、宗伯、司馬、司寇、司空也。貳，謂小宰、小司徒、小宗伯、小司馬。

小司寇，小司空也。考，成也。佐成事者，謂宰夫、鄉師、肆師、軍司馬、士師也。司空，亡，未聞其考。

凡治，以典待邦國之治，以則待都鄙之治，以灋待官府之治，以官成

待萬民之治，以禮待賓客之治。

成，八成禮。賓禮也。

祀五帝，則掌百官之誓戒，與其具脩。

祀五帝，謂四郊及明堂誓戒。要之，以刑，重失禮也。明堂位所謂各揚

其職，百官廢職，服大刑，是其辭之略也。具，所當共脩，掃除蕪酒。

前期十日，帥執事而卜日，遂戒。

前期，前所諏之日也。十日，容散齋七日，致齋三日。執事，宗伯、大士之屬。既卜，又戒百官以始齋。

及執事，眡

滌濯。

執事，初為祭事。前祭日之夕，滌濯，謂灑祭器及飯廩之屬。

及納亨，贊王牲事。

納亨，納牲將告殺，謂鄉祭之晨。既殺，以授亨人。凡大祭祀，君親牽牲，大夫贊之。

及祀之日，贊玉幣爵之事。

日且明也。玉幣所以禮神。玉與幣各如其方之色。爵所以獻齊酒。不用玉爵。尚質也。三者執以從王。至而授之。

天子左右玉几。宗廟獻用玉爵。大朝覲會同贊玉幣。玉几玉爵。

大神祇。謂天地。

祀大神亦如之。享先王亦如之。贊玉几玉爵。

玉几。所以依神。

天子左右玉几。宗廟獻用玉爵。

大朝覲會同贊玉幣。玉几玉爵。

助王受此四者。時見曰會。殷見曰同。大會同。或於春朝。或於秋覲。舉春秋則冬夏可知。玉幣諸侯享幣也。其合亦如小行人所合六幣云。玉獻。

獻國珍異。亦執玉以致之。玉几王所依也。立而設几。優尊者。玉爵。王禮諸侯之酢爵。王朝諸侯立依前南面。其禮之於阼階上。

大喪贊贈玉含玉。

助王為之也。贈玉既窆所以送先王。含玉死者口實。天子以玉雜記曰含者執璧將命曰奠君。

使某含。則諸侯含以璧。鄭司農云。含玉璧琮。

作大事則戒于百官。贊王命。

助王為教令。春秋傳曰。國之大事在祀與戎。

王眡治朝則贊聽治。

治朝在路門外。羣臣治事之朝。王視。

之則助。王平斷。

眡四方之聽朝亦如之。

謂王巡守在外時。

凡邦之小治則冢宰聽之。待四方之賓客之小治。

大事決於王。小冢宰專平。

終則令百官府各正其治。受其會。

正正處也。會大計也。

聽其致事而詔王廢置。

平其事來至者之功狀而奏白王。

三歲則大計羣吏之

治而誅賞之。

事久則聽之。大無功不徒廢。必罪之。大有功不徒置。必賞之。鄭司農云。三載考績。

小宰之職。掌建邦之宮刑。以治王宮之政令。凡宮之糾禁。

杜子春云。宮皆當為官。玄謂宮刑。在王宮中者之刑。建明布告之糾。猶割也。察也。若今御史中丞。

掌邦之

六典八灋八則之貳。以逆邦國都鄙官府之治。

逆。迎受之。鄭司農云。貳副也。

執邦之九貢九賦九式之貳。以均財節邦用。

以官府之六敍正羣吏。一曰以敍正其位。二曰以敍進其治。三曰以敍作其事。四曰以敍制其食。五曰以敍受其會。六曰以敍聽其情。

敍，秩次也。謂先尊後卑也。治，功狀也。食，祿之多少。情，爭訟之辭。

以官府之六屬舉邦治。一曰天官。其屬六十。掌邦

治。大事則從其長。小事則專達。二曰地官。其屬六十。掌邦教。大事則從其長。小事則專達。三曰春官。其屬

六十。掌邦禮。大事則從其長。小事則專達。四曰夏官。其屬六十。掌邦政。大事則從其長。小事則專達。五曰

秋官。其屬六十。掌邦刑。大事則從其長。小事則專達。六曰冬官。其屬六十。掌邦事。大事則從其長。小事則

專達。

大事從其長。若庖人內外饗與膳夫共王之食。小事專達。若宮人掌舍各爲一官。六官之屬三百六十象天地四時日月星辰之度數。天道備焉。前此者成王作周官。其志有述天授位之義。故周公設官分職以法之。

以官府之六職

辨邦治。一曰治職。以平邦國。以均萬民。以節財用。二曰教職。以安邦國。以寧萬民。以懷賓客。三曰禮職。以

和邦國。以諧萬民。以事鬼神。四曰政職。以服邦國。以正萬民。以聚百物。五曰刑職。以詰邦國。以糾萬民。以

除盜賊。六曰事職。以富邦國。以養萬民。以生百物。

懷亦安也。賓客來共其委積。所以安之。聚百物者。司馬主九畿職。方制其貢。各以其所有。

以官府之六聯合

邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂

弛之聯事。凡小事皆有聯。

鄭司農云。大祭祀。大宰贊玉幣。司徒奉牛牲。宗伯視滌濯。菹玉鬯。省牲鑊。奉玉盥。司馬羞魚牲。奉馬牲。寇前王。此所謂官連。杜子春弛讀為施。玄謂荒政弛力役。及國中貴者。賢者服公事者。老者疾者皆舍。不以力役之事。奉牲者。其司空奉豕與。

寇前王。此所謂官連。杜子春弛讀為施。玄謂荒政弛力役。及國中貴者。賢者服公事者。老者疾者皆舍。不以力役之事。奉牲者。其司空奉豕與。

以官府之八成經邦治。一曰聽政役以比居。二曰

聽師田以簡稽。三曰聽閭里以版圖。四曰聽稱責以傅別。五曰聽祿位以禮命。六曰聽取予以書契。七曰

聽賣買以質劑。八曰聽出入以要會。

鄭司農云。政。謂軍政也。役。謂發兵起徒役也。比居。謂伍籍也。比地為伍。因內政寄軍令。以伍籍發軍起役者。平而無遺脫也。簡稽。士卒兵器簿書簡。猶閱也。稽。猶計也。合也。合計其

士之卒伍。閱其兵器為之要簿也。故逢人職曰稽。其人民簡其兵器。國語曰。黃池之會。吳陳其兵。皆官師擁鐸拱稽。版。戶籍圖。地圖也。聽人訟地者。以版圖決之。司書職曰。邦中之版。土地之圖。稱責。謂貸予。傅別。謂券書也。聽訟責者。以券書決之。傅。傅著約束於文書。別。別為兩。兩家各得一也。禮命。謂九賜也。書契。符書也。質劑。謂市中平賈。今時月平是也。要會。謂計最之簿書。月計曰要。歲計曰會。故宰夫職曰。歲終。則令羣吏正歲會。月終。則令正月要。傅別。故書作傅辨。鄭大夫讀為符別。杜子春讀為傅別。玄謂政。謂賦也。凡其字或作政。或作正。或作征。以多言之。宜從征。如孟子交征利云。傅別。謂為大手書於一札。中字別之。書契。謂出子受入之凡要。凡簿書之最目。獄訟之要辭。皆曰契。春秋傳曰。王叔氏不能舉其契。質劑。謂兩書一札。同而別之。長曰質。短曰劑。傅別。質劑。皆今之券書也。事異。異其名耳。禮命。禮之九命之。姜等。

以聽官府之六計弊羣吏之治。一曰廉善。二曰廉能。三曰廉敬。四曰廉正。五曰廉灑。六曰廉辨。

平聽。

治也。平治官府之計有六事。弊斷也。既斷以六事。又以廉爲本。善其事。有辭譽也。能政令行也。敬不解于位也。正行無傾邪也。法守法不失也。辨辨然不疑惑也。杜子春云。廉辨或爲廉端。

以濩掌祭祀。朝覲會同。賓客之

戒具。軍旅田役。喪荒亦如之。

法謂其禮法也。戒具。戒官有事者所當共。

七事者。令百官府共其財用。治其施舍。聽其治訟。

七事謂先四如之者。

三也。施舍。不給役者。七事。故書爲小。事。杜子春云。當爲七事。書亦爲七事。

凡祭祀。贊玉幣爵之事。裸將之事。

又從大宰助王也。將送也。裸送送裸。謂贊王酌鬱鬯以獻尸。謂之裸。裸之言灌也。明不爲飲主。以祭祀唯

人道。宗廟有裸。天地大神至尊。不裸。莫稱焉。凡鬱鬯受祭之。啐之。奠之。

凡賓客。贊裸。凡受爵之事。凡受幣之事。

唯裸助宗伯。其餘皆助大宰。王不酌賓客。而有受酢。大宗伯職曰。大賓客則攝而載裸。

喪荒。受其含。襚幣玉之事。

春秋傳曰。口實曰含。衣服曰襚。凶荒有幣玉者。賓客所賜委之禮。

月終。則以官府之敍。受羣吏之要。

主每月之小計。贊冢宰

受歲會。歲終。則令羣吏致事。

使齋歲盡文書來至。若今上計。

正歲。帥治官之屬。而觀治象之濩。徇以木鐸曰。不用濩者。國有

常刑。

正歲謂夏之正月。得四時之正。以出教令者審也。古者將有新令。必奮木鐸以警衆。使明聽也。木鐸。木舌也。文事奮木鐸。武事奮金鐸。

乃退。以宮刑憲禁于王宮。

憲。謂表縣之。若今新有法令云。令于

百官府曰。各脩乃職。攷乃濩。待乃事。以聽王命。其有不共。則國有大刑。

乃猶女也。

宰夫之職。掌治朝之濩。以正王及三公六卿大夫羣吏之位。掌其禁令。

治朝在路門之外。其位司士。掌焉。宰夫察其不如儀。

敍羣吏之治。

以待賓客之令。諸臣之復。萬民之逆。

恆次敘諸吏之職事。三者之來。則應使辨理之。鄭司農云。復。請也。逆。迎受王命者。宰夫主諸臣萬民之復逆。故詩人重之曰。冢伯維宰。玄謂復之言報也。及也。反報於王。謂於

朝廷奏事。自下而上。曰逆。逆謂上書。

掌百官府之徵令。辨其八職。一曰正。掌官灋以治要。二曰師。掌官成以治凡。三曰司。掌官

灋以治目。四曰旅。掌官常以治數。五曰府。掌官契以治藏。六曰史。掌官書以贊治。七曰胥。掌官敘以治敘。

八曰徒。掌官令以徵令。

別異諸官之八職。以備王之徵召所為。正。辟於治官則冢宰也。治要。若歲計也。師。辟小宰宰夫也。治凡。若月計也。司。辟上士中士。治目。若今日計也。旅。辟下士也。治數。每事多少異也。治藏。藏文書及器物。贊治。若

今起文書草也。治敘。次序官中。如今侍曹伍伯傳吏朝也。徵令。趨走給召呼。

掌治灋。以攷百官府羣都縣鄙之治。乘其財用之出入。凡失財用物辟名

者。以官刑詔冢宰而誅之。其足用長財善物者。賞之。

羣都。諸采邑也。六遂五百家為鄙。五鄙為縣。言縣鄙而六鄉州黨亦存焉。乘。猶計也。財。泉穀也。用。貨賄也。物。畜獸也。辟名。詐為書以空作

見文書與實不相應也。官刑。在司寇五刑第四者。

以式灋掌祭祀之戒具。與其薦羞。從大宰而砥滌濯。

薦。脯醢也。羞。庶羞內羞。

凡禮事。贊小宰比

官府之具。

比。校次之。

凡朝覲會同賓客。以牢禮之灋。掌其牢禮委積膳獻飲食寶賜之殮。牽與其陳數。

牢。禮之法。多少

之差。及其時也。三牲牛羊豕。具為一牢。委積。謂牢米薪芻。給賓客道用也。膳獻。禽羞俶獻也。飲食。燕饗也。鄭司農云。殮。夕食也。春秋傳曰。殮有陪鼎。牽牲牢可牽而行者。春秋傳曰。饋牽竭矣。玄謂殮。賓客始至所致禮。凡此禮陳數存可見者。唯有行人掌客及聘禮公食大夫。

凡邦之弔事。掌其戒令。與其幣器財用。凡所共者。

弔事。弔諸侯諸臣幣所用。樽也。器所致明器也。凡喪始死弔而含。穉葬而贈。其間加恩厚。則有樽焉。春秋譏武氏子來求樽。

大

喪。小喪。掌小官之戒令。帥執事而治之。

大喪。王后世子也。小喪。夫人以下。小官士也。其大官則冢宰掌其戒令。治謂共辨。

三公六卿之喪。與職喪帥官有

司而治之。凡諸大夫之喪。使其旅帥有司而治之。

旅。冢宰下士。

歲終。則令羣吏正歲會。月終。則令正月要。旬終。

則令正日成。而以攷其治。治不以時舉者。以告而誅之。

歲終。目周季冬。正。猶定也。旬。十日也。治不以時舉者。謂違時令。失期會。

正歲。則以灋警戒羣

吏。令脩宮中之職事。

警。勅戒之言。鄭司農云。正歲之正月。以法戒勅羣吏。

書其能者與其良者。而以告于上。

良。猶善也。上。謂小宰大宰也。鄭司農云。若今時舉孝廉賢良方正茂

才異等。

宮正。掌王宮之戒令糾禁。

糾。猶割也。察也。

以時比宮中之官府次舍之衆寡。

時。四時。比。校次其人之在否。官府之在宮中者。若膳夫。玉府。內宰。內史之屬。次。諸吏直宿。若今

部署諸廬者。舍其所居寺。

爲之版以待。

鄭司農云。爲官府次舍之版圖也。待。待比也。玄。謂版。其人之名籍。待待戒令及比。

夕擊柝而比之。

夕。莫也。莫行夜。以比直宿者。爲其有解。情。離部署。鄭司農云。柝。戒守者所擊也。

易曰。重門擊柝。以待暴客。春秋傳曰。魯擊柝聞於鄰。

國有故。則令宿。其比亦如之。

鄭司農云。故。謂禍災。令宿。宿衛王宮。春秋傳曰。忘守必危。況有災乎。玄。謂故。凡非常也。文王世子曰。公有出疆之政。庶子以公族之無事者守

於公宮正室守大廟諸父守貴宮貴室諸子諸孫守下宮下室此謂諸侯也王之庶子職掌國子之倅國有大事則帥國子而致於天子唯所用之者令宿之事蓋亦存焉

辨外內而時禁

鄭司農云分別外人內人禁其非時出入

稽其

功緒糾其德行

稽猶考也計也功吏職也緒其志業

幾其出入均其稍食

鄭司農云幾其出入若今時宮中有罪禁止不得出亦不得入及無引籍不得入宮司馬殿門也玄謂幾荷其衣服持操及疏數者稍食

祿去其淫怠與其奇袤之民

民宮中吏之家人也淫放濫也怠解慢也奇邪語觚非常

會其什伍而教之道藝

五人爲伍二伍爲什會之者使之輩作輩學相勸帥且寄宿衛之令鄭司

農云道謂先王所以教道民者藝謂禮樂射御書數

月終則會其稍食歲終則會其行事

行事吏職也

凡邦之大事令于王宮之官府次舍無

去守而聽政令

使居其處待所爲

春秋以木鐸脩火禁

火星以春出以秋入因天時而以戒

凡邦之事蹕宮中廟中則執燭

鄭司農讀火絕之云禁凡

國之事蹕國有事王當出則宮正主禁絕行者若今時衛士填街蹕也宮中廟中則執燭宮正主爲王於宮中廟中則執燭玄謂事祭事也邦之祭社稷七祀於宮中祭先公先王於廟中隸僕掌蹕止行者宮正則執燭以爲明春秋傳曰有大事於大廟又曰有事於武宮

大喪則授廬舍辨其親疏貴賤之居

廬倚廬也舍聖室也親者貴者居倚廬疏者賤者居聖室雜記曰大夫居廬士居聖室

宮伯掌王宮之士庶子凡在版者

鄭司農云庶子宿衛之官版名籍也以版爲之今時鄉戶籍謂之戶版玄謂王宮之士謂王宮中諸吏之適子也庶子其支庶也

掌其政令行其秩

敘作其徒役之事

秩祿稟也敘才等也作徒役之事天子所用

授八次八舍之職事

衛王宮者必居四角四中於徵候便也鄭司農云庶子衛王宮在內爲次在外爲舍玄謂次其宿衛所在舍其休沐

之處。若邦有大事作宮衆，則令之。謂王宮之士庶子於邦有大事或選當行。

月終，則均秩。歲終，則均斂。以時頒其衣裘，掌其誅賞。頒，讀

爲班，班，布也。衣裘，若今賦冬夏衣。

膳夫掌王之食飲膳羞，以養王及后世子。

食，飯也。飲，酒漿也。膳，牲肉也。羞，有滋味者。凡養之具，大略有四。

凡王之饋，食用六穀，膳用六牲，飲用

六清，羞用百有二十品，珍用八物，醬用百有二十瓊。

進物於尊者曰饋。此饋之盛者。王舉之饌也。六牲，馬牛羊豕犬雞也。羞，出於性及禽獸，以備滋味。謂之庶羞。公食大夫禮，內則下大夫十

六，上大夫二十，其物數備焉。天子諸侯，有其數，而物未得盡開。珍，謂淳熬、淳母、炮豚、炮脾、桴珍、漬熬、肝膋也。醬，謂醯醢也。王舉，則醢人共醢六十瓊，以五醢七醢七菹三醢實之。醢人共醢菹醢物六十瓊。鄭司農云：羞，進也。六穀，稌、黍、稷、粱、麥、苽、苽、彫胡也。六清，水、漿、醴、醕、醫、醢。

王日一舉，鼎十有二物，皆有俎。

殺牲盛饌曰舉。王日一舉，以朝食也。后與王同庖。鼎十有二，牢鼎九，陪鼎三，物謂牢鼎之實，亦九俎。

以樂侑食，膳夫授祭，品嘗食，王乃

食。

侑，猶勸也。祭，謂刺肺脊也。禮，飲食必祭。示有所先品者，每物皆嘗之，道尊者也。

卒食，以樂徹于造。

造，作也。鄭司農云：造，謂食之故所居處也。已食徹置故處。

王齊，日三舉。

鄭司農云：齊，必變食。

大喪，

則不舉，大荒，則不舉，大札，則不舉，天地有莪，則不舉，邦有大故，則不舉。

大荒，凶年。大札，疫癘也。天莪，日月晦食，地莪，崩動也。大故，寇戎之事。鄭司農云：大故，

刑殺也。春秋傳曰：司寇行戮，君爲之不舉。

王燕食，則奉膳贊祭。

燕食，謂日中與夕食。奉膳，奉朝之餘膳。所祭者，牢肉。

凡王祭祀，賓客食，則徹王之胾俎。

膳夫親徹胾俎。胾，俎最尊。

也其餘則其屬徹之賓客食而王有胙俎王與賓客禮食主人飲食之俎皆為胙俎見於此矣
凡王之稍事設薦脯醢鄭司農云稍事謂非日中大舉時而問食謂之稍事膳夫主設薦脯醢玄謂稍事有小事而飲酒 王燕

飲酒則為獻主鄭司農云主人當獻賓則膳夫代王為主君不敵臣也燕義曰使宰夫為獻主臣莫敢與君亢禮
掌后及世子之膳羞亦主其饌之數不饋之耳 凡肉脩之頒賜

皆掌之鄭司農云脩脯也 凡祭祀之致福者受而膳之致福謂諸臣祭祀進其餘肉歸胙于王鄭司農云膳夫受之以給王膳 以摯見者亦如之鄭司農云以燕鴈雉為摯

見者亦受 歲終則會唯王及后世子之膳不會不會計多少優尊者其頒賜諸臣則計之

庖人掌共六畜六獸六禽辨其名物六畜六牲也始養之曰畜將用之曰牲春秋傳曰卜曰牲鄭司農云六獸麋鹿熊罴野豕兔六禽鴈鶉鷓雉鳩鶴玄謂獸人冬獻狼夏獻麋又內則無熊則六獸當有狼而

熊不屬六禽於禽獸及六犴宜為羔豚犢麋雉鴈凡鳥獸未孕曰禽司馬職曰大獸公之小禽私之 凡其死生蠶薨之物以共王之膳與其薦羞之物及后世子之膳

羞凡計數之薦亦進也備品物曰薦致滋味乃為羞王言薦者味以不饜為尊鄭司農云鮮謂生肉菹謂乾肉 共祭祀之好羞謂四時所為膳食若荊州之鱧魚青州之蟹胥雖非常物進之孝也 共喪紀之庶羞

賓客之禽獻喪紀喪事之祭謂虞祔也禽獻獻禽於賓客獻古文為獸杜子春云當為獻 凡令禽獻以瀆授之其出入亦如之令令獸人也禽獸不可久處賓客至將獻之庖人乃令獸

人取之必書所當獻之數與之及其來致禽亦以此書校數之至于獻賓客又以此書付使者展而行之掌客乘禽於諸侯各如其命之數聘禮乘禽於客日如其饗餼之數士中日則二雙 凡用禽獻春行羔豚膳膏香夏

行脮鱸。膳膏臊。秋行犢麝。膳膏腥。冬行麋羽。膳膏羶。

用禽獻謂煎和之以獻王。鄭司農云膏香牛脂也。以牛脂和之。脮乾。鱸乾魚膏臊。豕膏也。以豕膏和之。杜子春云膏臊。犬膏膏腥。豕膏。

也。鮮魚也。羽。鷹也。膏羶。羊脂也。玄謂膏腥。雞膏也。羔豚物生而肥。犢與麝物成而充。服鱸。曬熱而乾。魚。屬水。潤而性定。此八物者。得四時之氣。尤盛。爲人食之。弗勝。是以用休廢之脂膏煎和膳之。牛屬司徒。土也。雞屬宗伯。木也。犬屬司寇。金也。羊屬司馬。火也。

歲終。

則會。唯王及后之膳禽不會。

膳禽。四時所膳禽獻。加世子可以會之。

內饗。掌王及后世子膳羞之割烹煎和之事。辨體名肉物。辨百品味之物。

割。肆解肉也。烹。煮也。煎和。齊以五味。體名。脊肩臂臄之屬。肉物。載燔之屬。百。

品味。庶羞之屬。言百舉成數。

王舉。則陳其鼎俎。以牲體實之。

取於護以實鼎。取於鼎以實俎。實鼎曰胙。實俎曰載。

選百羞醬物珍物以俟饋。

先進食之時。恆選擇其中御者。

共后及世子之膳羞。

膳。夫掌之。是乃共之。

辨腥臊羶香之不可食者。牛夜鳴則廄。羊冷毛而毳。羶。犬赤股而躁。臊。鳥

臙色而沙鳴。狸。豕盲眊而交睫。腥。馬黑脊而般臂。蜺。

腥。臊。羶。香。可食者。是別其不可食者。則所謂者皆臭味也。冷毛。毛長。總結也。臙。失色不澤美也。沙。漸也。交睫。腥。腥當爲星聲之誤也。肉有。

如米者似星。般臂。臂毛有文。鄭司農云。廄。朽木。臭也。蜺。蜺。蜺。臭也。杜子春云。盲眊。當爲望視。

凡宗廟之祭祀。掌割烹之事。凡燕飲食。亦如之。凡掌共羞脩刑臙臍。

骨鱸。以待共膳。

掌共。共當爲具。羞。庶羞也。脩。鍛脯也。臍。如脯而腥者。鄭司農云。刑臙。謂夾脊肉。或曰。脩肉也。骨鱸。謂骨有肉者。玄謂刑。劓。斃也。臙。臙肉大醬。所以祭者。骨牲體也。鱸。乾魚。

凡王之好賜肉脩。則饗

人共之。

好賜王所善而賜也。

外饗。掌外祭祀之割亨。共其脯脩刑臠。陳其鼎俎。實之牲體魚腊。凡賓客之殮饗饗食之事。亦如之。

殮客始至

之禮饗既將幣之禮致禮於客莫盛於饗。

邦饗者老孤子。則掌其割亨之事。饗士庶子。亦如之。

孤子者死王事者之子也。士庶子衛王宮者若今時之饗衛士矣。王制曰。周人養國老於

東膠。養庶老於虞庠。

師役。則掌共其獻。賜脯肉之事。

獻謂酌其長帥。

凡小喪紀。陳其鼎俎而實之。

謂喪事之奠祭。

亨人。掌共鼎鑊。以給水火之齊。

鑊以所爇肉及魚腊之器。既孰乃齊于鼎。齊多少之量。

職外內饗之饗。亨煮。辨膳羞之物。

職主也。饗今之饗。主於其饗賚物。

祭祀。共大羹。鉶羹。賓客。亦如之。

大羹。肉湆。鄭司農云。大羹不致五味也。鉶羹。加鹽菜矣。

甸師。掌帥其屬而耕耨王藉。以時入之。以共盥盛。

其屬。府史胥徒也。耨。芸芋也。王以孟春躬耕。藉。天子三推。三公五推。卿諸侯九推。庶人終於千畝。庶人謂徒三百人。藉之言借也。王一耕之。

而使庶人芸芋終之。盥盛。祭祀所用穀也。稟。稷也。穀者稷為長。是以名云。在器曰盛。

祭祀。共蕭茅。

鄭大夫云。蕭。字或為茜。茜。讀為縮。束茅立之。祭前。沃酒其上。酒滲下去。若神飲之。故謂之縮。縮。澆也。故齊桓公責楚不貢包茅。王祭不共。無以縮酒。杜子

春。讀為蕭。蕭。香蒿也。玄謂詩所云。取蕭祭脂。郊。特性云。蕭合黍稷。臭陽達於牆屋。故既薦然後燒。蕭合馨香。合馨香者。是蕭之謂也。茅以共祭之。苴以縮酒。苴以藉祭。縮酒。泚酒也。醴。齊縮酌。

共野果蔬之薦。

甸在遠郊之外。郊外曰野。果。桃李之

屬。蔬。瓜。喪事。代王受胥。裁。稟盛者。祭祀之主也。今國遭大喪。若云此黍稷不馨。使鬼神不逞。于王。既殲。大祝作禱辭授甸人。使以禱藉田之神。受胥。裁。弭後殃。王之同姓有罪。則死刑焉。司

農云。王同姓有罪。當刑者。斷其獄於甸師之官也。文王世子曰。公族有死罪。則誓於甸人。又曰。公族無官刑。獄成。致刑于甸人。又曰。公族無官刑。不踐其類也。刑于隱者。不與國人處兄弟。帥其徒以薪蒸。役外內喪之事。

役。為給役也。木大曰薪。小曰蒸。

獸人。掌罟田獸。辨其名物。罟。罔也。以罔搏所當田之獸。冬獻狼。夏獻麋。春秋獻獸物。狼。膏聚。麋。膏散。聚則溫。散則涼。以救時之苦也。獸物。凡獸皆可獻也。及狐狸。時田。

則守罟。備獸觸攫。及弊田。令禽注于虞中。弊。仆也。仆而田止。鄭司農云。弊田。謂春火弊。夏車弊。秋羅弊。冬徒弊。虞中。謂虞人營所田之野。及弊田。植虞旗於其中。致禽而珥焉。獸人主令田。衆得禽者。置虞人所立虞旗

之中。當以給四時社廟之祭。故曰。春獻禽以祭祀。夏獻禽以享禴。秋獻禽以祀祔。冬獻禽以享烝。又曰。大獸。公之小禽。私之。公之謂輸之於虞中。珥焉者。取左耳。以致功。若斬首折趾。故春秋傳曰。以數軍實。凡祭祀。喪紀。賓客。共其死

獸生獸。共其完者。凡獸入于腊人。當乾之。皮毛筋角入于玉府。給作器物。凡田獸者。掌其政令。

獸人。掌以時獻為梁。月令季冬。命漁師為梁。鄭司農云。梁。水假也。假。水為關空。以笱承其空。詩曰。敝笱在梁。春獻王鮪。王鮪。鮪之大者。月令季春。薦鮪于寢廟。辨魚物。為蠶。蕞。以

共王膳羞。鮮。生也。蕞。乾也。凡祭祀。賓客。喪紀。共其魚之蠶。蕞。凡獸者。掌其政令。凡獸征入于玉府。鄭司農云。漁。征。漁者之租稅。漁人主

收之入于玉府

鼈人掌取互物

鄭司農云互物謂有甲蒿胡龜鼈之屬

以時簞魚鼈龜蜃凡狸物

蜃大蛤鄭司農云簞謂以棊刺泥中搏取之狸物龜鼈之屬自狸藏伏於泥中者玄謂狸物亦謂鱣刀含漿之屬

春獻鼈蜃秋獻龜魚

此其出在淺處可得之時魚亦謂自狸藏

祭祀共麇羸蜺以授醢人

羸蟬輪鄭司農云麇蛤也杜子春云羸蜺也蜺蛾子國語曰蟲舍蜺蜺

掌凡邦之

簞事

腊人掌乾肉凡田獸之脯腊臠胖之事

大物解肆乾之謂之乾肉若今涼州烏翅矣薄析曰脯捶之而施薑桂曰餹脩腊小物全乾

凡祭祀共豆脯薦脯臠胖凡

腊物

脯非豆實豆當為羞聲之誤也鄭司農云臠膾肉鄭大夫云胖讀為判杜子春讀胖為版又云臠胖皆謂夾脊肉又云禮家以胖為半體玄謂公食大夫禮曰庶羞皆有大有司曰主人亦一魚加臠祭于其上內則曰麇鹿田豕鬻皆有胖足相參正也大者載

之大鬻臠者魚之反覆臠又詁曰大二者同矣則是臠亦腠肉大鬻胖宜為脯而臠胖之言片也析肉意也禮固有腥臠爛雖其有為執之皆先制乃亨

賓客喪紀共脯腊凡乾肉之事

周禮卷第二

天官冢宰下

醫師掌醫之政令聚毒藥以共醫事

毒藥藥之辛苦者藥之物恆多毒孟子曰藥不瞑眩厥疾無瘳

凡邦之有疾病者疔瘍者造焉則使醫分

而治之

疔頭瘍亦謂禿也身瘍曰瘡分之者醫各有能

歲終則稽其醫事以制其食十全為上十失一次之十失二次之十失三次

之十失四為下

食祿也全猶愈也以失四為下者五則半矣或不治自愈

食醫掌和王之六食六膳百羞百醬八珍之齊

和調也

凡食齊既春時

飯宜溫

羹齊既夏時

羹宜熱

醬齊既

秋時

醬宜涼

飲齊既冬時

飲宜寒

凡和春多酸夏多苦秋多辛冬多鹹調以滑甘

各尚其時味而甘以成之猶水火金木之載於土內則曰棗栗飴蜜以甘

之葦萱粉榆媿槁漸澗以滑之

凡會膳食之宜牛宜稌羊宜黍豕宜稷犬宜粱鴈宜麥魚宜苽

會成也謂其味相成鄭司農云稌稷也爾雅曰稌稻苽彫胡也

凡

君子之食恆放焉

放猶依也

疾醫。掌養萬民之疾病。四時皆有癘疾。春時有瘡首疾。夏時有痒疥疾。秋時有瘡寒疾。冬時有嗽上氣疾。

癘疾。氣不和之疾。瘡。酸削也。首疾。頭痛也。嗽。欬也。上氣。逆喘也。五行傳曰。六癘作見。

以五味五穀五藥養其病。

養。猶治也。病由氣勝負而生。攻其贏。養其不足者。五味。醴酒。飴。蜜。薑。鹽之屬。五穀。麻。黍。稷。麥。豆也。五藥。草木蟲石。穀。

也。其治合之齊。則存乎神農子儀之術云。

以五氣五聲五色。臆其死生。

三者。劇易之徵。見於外者。五氣。五藏所出氣也。肺氣熱。心氣次之。肝氣涼。脾氣溫。腎氣寒。五聲。言語宮商角徵羽也。五色。面貌青赤黃白黑也。察其盈虛。

休王。吉凶可知。審用此者。莫若扁鵲。倉公。

兩之以九竅之變。參之以九藏之動。

兩參之者。以觀其死生之驗。竅之變。謂開閉非常。陽竅七。陰竅二。藏之動。謂脈至與不至。正藏五。又有胃。旁胱。大腸。小腸。脈之大候。

要在陽明寸口。能專是者。其唯秦和乎。岐伯。榆枋。則兼彼數術者。

凡民之有疾病者。分而治之。死終。則各書其所以而入于醫師。

少者曰死。老者曰終。所以謂治之。

愈之狀也。醫師得以制其祿。且為後治之戒。

瘍醫。掌腫瘍潰瘍金瘍折瘍之祝藥。刮殺之齊。

腫瘍。癰而上生創者。潰瘍。癰而含膿血者。金瘍。刃創也。折瘍。踣跌者。祝。當為注。讀如注病之注。聲之誤也。注。謂附著藥。刮。刮去膿血。殺。謂以藥食其。

惡肉。凡療瘍。以五毒攻之。

止病曰療。攻治也。五毒。五藥之有毒者。今醫方有五毒之藥。作之合黃堊。置石膽丹砂雄黃礬石慈石其中。燒之三日三夜。其煙上著。以雞羽掃取之。以注創。惡肉破骨則盡出。

以五氣養

之。以五藥療之。以五味節之。

既刮殺而攻盡其宿肉。乃養之也。五氣。當為五穀。字之誤也。節。節成其藥之力。

凡藥。以酸養骨。以辛養筋。以鹹養脈。以苦養

氣以甘養肉。以滑養竅。

以類相養也。酸木味。木根立地中似骨。辛金味。金之纏合異物似筋。鹹水味。水之流行地中似脈。苦火味。火出入無形似氣。甘土味。土含載四者似肉。滑滑石也。凡諸滑物。這利往來似竅。

凡有瘡

者。受其藥焉。

獸醫。掌療獸病。療獸瘍。

畜獸之疾病。及瘍療同醫。

凡療獸病。灌而行之。以節之。以動其氣。觀其所發而養之。

療畜獸必灌行之者。為其病狀

難知。灌以緩之。且強其氣也。節。趨聚之節也。氣。謂脈氣。既行之。乃以脈視之。以知所病。

凡療獸瘍。灌而刮之。以發其惡。然後藥之。養之。食之。

亦先攻之。而後養之。

凡獸之

有病者。有瘍者。使療之。死。則計其數。以進退之。

酒正。掌酒之政令。以式灋授酒材。

式法。作酒之法。式。作酒既有米麴之數。又有功沽之巧。月令曰。乃命大酋。秫稻必齊。麴蘖必時。沽餽必絮。水泉必香。陶器必良。火齊必得。鄭司農云。授酒材。授酒人以其材。

凡

為公酒者。亦如之。

謂鄉射飲酒。以公事作酒者。亦以式法及酒材授之。使自釀之。

辨五齊之名。一曰泛齊。二曰醴齊。三曰盎齊。四曰緹齊。五曰

沈齊。

泛者。成而滓浮泛泛然。如今宜成醪矣。醴。猶體也。成而汁滓相將。如今恬酒矣。盎。猶翁也。成而翁翁然。葱白色。如今鄴白矣。緹者。成而紅赤。如今下酒矣。沈者。成而滓沈。如今造清矣。自醴以上。尤濁。縮酌者。益以下。差清。其象類則然。古之法。式。未可盡聞。杜子

春。讀齊皆為棗。又禮器曰。緹酒之用。玄酒之尚。玄謂齊者。每有祭祀。以度量節作之。

辨三酒之物。一曰事酒。二曰昔酒。三曰清酒。

鄭司農云。事酒。有事而飲也。昔酒。無事而飲也。清酒。祭祀之酒。玄謂

事酒。酌有事者之酒。其酒則今之醇酒也。昔酒。今之會久白酒。所謂舊醖者也。清酒。今中山冬釀。接夏而成。

辨四飲之物。一曰清。二曰醫。三曰漿。四曰醕。

清。謂醕之涉者。醫。內則所謂或以醕為醕。

凡醕濁。釀醕為之。則少清矣。醫之字從毆。從酉省也。漿。今之酸漿也。醕。今之粥。內則有黍醕。醕。飲粥稀者之清也。鄭司農說以內則曰飲。重醕。稻醕。清醕。黍醕。清醕。粳醕。清醕。或以醕為醕。漿。水醕。后致飲于賓客之禮。有醫醕。糟音聲與酒相似。醫與醕亦相似。文字不同。記之者各異耳。此皆一物。掌其厚薄之齊。以共王之四飲。三酒之饌。及后世子之飲。與其酒。后世子不言饌。其饋食不必具設之。五齊正用醕為飲者。取醕恬與酒味。

異也。其餘四齊味皆似酒。

凡祭祀。以灋共五齊。三酒。以實八尊。大祭三貳。中祭再貳。小祭壹貳。皆有酌數。唯齊酒不貳。皆

有器量。

酌器。所用注尊中者。數量之多少未聞。鄭司農云。三貳。三益副之也。大祭。天地。中祭。宗廟。小祭。五祀。齊酒不貳。為尊者質。不敢副益也。杜子春云。齊酒不貳。謂五齊以祭。不益也。其三酒人所飲者。益也。弟子職曰。周旋而貳。唯謙之視。玄謂大祭者。王服大

裘。衰冕所祭也。中祭者。王服鷩冕。毳冕所祭也。小祭者。王服希冕。玄冕所祭也。三貳再貳一貳者。謂就三酒之尊而益之也。禮運曰。玄酒在室。醕醕在戶。粢醕在堂。澄酒在下。澄酒是三酒也。益之者。以飲諸臣。若今常滿尊也。祭祀必用五齊者。至敬不尚味而貴多品。共

賓客之禮酒。共后之致飲于賓客之禮。醫醕糟。皆使其士奉之。

禮酒。王所致酒也。王致酒。后致飲。夫婦之義。糟。醫醕。不涉者。涉曰清。不涉曰糟。后致飲。無醕。醫醕不清者。

與王同體。屈也。亦因以少為貴。士謂酒人。粢人。奄士。

凡王之燕飲酒。共其計。酒正奉之。

共其計者。獻酬多少。度當足也。故書酒正。無酒字。鄭司農云。正奉之。酒正奉之也。

凡饗士庶子。饗

者老孤子。皆共其酒。無酌數。

要以醉為度。

掌酒之賜。頒皆有灋以行之。

法。尊卑之差。

凡有秩酒者。以書契授之。

鄭司農云。有秩

酒者給事中予之酒。秩常也。常受酒者。國語曰。至于今秩之。玄謂所秩者。謂老臣。王制曰。七十不俟朝。八十月告存。九十日有秩。

酒正之出。日入其成。月入其要。小宰聽之。

出謂授酒材及用酒之多

少也。受用酒者。日言其計於酒正。酒正月盡言於小宰。

歲終則會。唯王及后之飲酒不會。以酒式誅賞。

誅賞作酒之善惡者。

酒人掌爲五齊三酒祭祀則共奉之。以役世婦。

世婦謂宮卿之官。掌女宮之宿戒及祭祀。比其具。酒人共酒。因留與其奚爲世婦役。亦官連。

共賓客之禮酒飲

酒而奉之。

酒正使之也。禮酒饗燕之酒。飲酒食之酒。此謂給賓客之稍。王不親饗燕。不親食。而使人各以其爵以酬幣。侑幣致之。則從而以酒往。

凡事共酒而入于酒府。

入于酒正之府者是王燕飲之酒。酒正當

之。凡祭祀共酒以往。

不言奉。小祭祀。

賓客之陳酒亦如之。

謂若歸饗饋之酒。亦自有奉之者。以酒從往。

漿人掌共王之六飲。水漿醴涼醫醕。入于酒府。

王之六飲。亦酒正當奉之。醴醴清也。鄭司農云。涼以水和酒也。玄謂涼。今寒粥。若糗飯雜水也。酒正不辨水涼者。無厚薄之齊。

共賓客

之稍禮。

稍禮非殯饗之禮。留問王稍所給。賓客者。漿人所給。亦六飲而已。

共夫人致飲于賓客之禮。清醴醫醕糟而奉之。

亦酒正使之。三物有清有糟。夫人不體王得備之禮。飲醴

用柶者。糟也。不用柶者。清也。

凡飲共之。

謂非食時。

凌人掌冰。正歲十有二月。令斬冰。三其凌。

正歲。季冬火星中。大寒。冰方盛之時。春秋傳曰。火星中而寒暑退。凌。冰室也。三之者。爲消釋度也。故書。重爲政。鄭司農云。掌冰政。主藏冰之政也。杜子春讀掌冰爲

主冰也。政當爲正。正謂夏正。三其凌。三倍其冰。春始治鑑。

鑑如甄大口。以盛冰。置食物于中。以禦溫氣。春而始治之。爲二月對獻羔而啓冰。

凡外內饗之膳羞。鑑焉。凡酒漿之酒醴。亦

如之。酒禮見溫氣亦失味。酒漿。酒人。漿人也。

祭祀。共冰鑑。賓客。共冰。不以鑑往。嫌使停膳羞。

大喪。共夷槃冰。

夷之言尸也。實冰於夷槃中。置之尸牀之下。所以寒尸。尸之槃曰夷。槃牀曰夷牀。衾曰夷衾。移尸曰夷於堂。皆依尸而爲言者也。漢禮器

制度。大槃廣八尺。長丈二尺。深三尺。漆赤中。

夏頒冰。掌事。

暑氣盛。王以冰頒賜。則主爲之。春秋傳曰。古者日在北陸而藏冰。西陸朝覲而出之。

秋刷。

刷。清也。鄭司農云。刷。除冰室。當更內新冰。玄謂秋涼冰不用。可以清除其室。

籩人。掌四籩之實。

籩。竹器如豆者。其容實皆四升。

朝事之籩。其實糶。黃白黑形。鹽。臠。鮑。魚。鱸。

糶。泉實也。鄭司農云。朝事。謂清朝未食。先進寒具。口實之籩。熬。麥曰麩。麻曰糶。

稻曰白。黍曰黑。築鹽以爲虎形。謂之形鹽。故春秋傳曰。鹽虎形。玄謂以司尊彝之職。參之朝事。謂祭宗廟。薦血腥之事。形鹽。鹽之似虎者。臠。臠生魚爲大。臠。鮑者。於稻室中。糶。乾之。出於江淮也。鱸者。析乾之。出東海。王者備物。近者腥之。遠者乾之。因其宜也。今河間以北。麥種。麥實之名曰蓬。燕人膾魚。饋食之籩。其實棗。棗。桃。乾。棗。棗。實。饋食。薦孰也。今吉禮存者。特性。少牢。諸侯之大夫。士祭禮也。不方寸。切其腴。以啗所貴也。裸。不薦血腥。而自薦孰。始是以皆云饋食之禮。乾。棗。乾。梅。也有。

桃諸梅。諸是。其乾者。榛。似栗而小。

加籩之實。蕩芡。臠脯。蕩芡。臠脯。

加籩。謂尸既食。后亞獻尸。所加之籩。重言之者。以四物爲八籩。蕩。芡也。芡。雞頭也。栗。與饋食同。鄭司農云。蕩。芡。脯。脩。

羞籩之實。

糶餌粉羞。

羞。籩。謂若少牢。主人酬尸。宰夫羞房中之羞于尸。侑。主人主婦皆右之者。故書羞作芡。鄭司農云。糶。熬大豆與米也。粉。豆屑也。芡。字或作養。謂乾餌餅之也。玄謂此二物皆粉。稻米。黍米。所爲也。合蒸曰餌。餅之曰糶。糶者。搗粉。熬大豆爲餌。養之。

黏著以粉之耳。餌言。糗糝言粉互相足。

凡祭祀共其籩薦羞之實。

薦羞皆進也。未食未飲。曰薦。既食既飲曰羞。

喪事及賓客之事共其薦籩羞籩。

喪事之籩謂股奠時。

為王及后世子共其內羞。

於其飲食以共房中之羞。

凡籩事掌之。

醢人掌四豆之實。朝事之豆其實韭菹醢醢。昌本麋醢。菁菹鹿醢。茆菹麋醢。

醢肉汁也。昌本。昌蒲根切之四寸為菹。三醢亦醢也。作醢及醢者必先膊。

乾其肉。乃後莖之。雜以粢麴及鹽。漬以美酒。塗置甕中。百日則成矣。鄭司農云。麋醢。麋肝醢醢。或曰。麋醢。醬也。有骨為醢。無骨為醢。菁菹。韭菹。鄭大夫讀茆為茅。茅菹。茅切生。或曰。茆水草。杜子春讀茆為卯。玄謂菁。蔓菁也。茆。薺葵也。凡菹醢皆以氣味相成。其狀未聞。

食之豆其實葵菹羸醢。脾析麋醢。蜃蜃醢。豚拍魚醢。

羸。蠃。蜃。蜃。大蛤。蜃。蜃。子。鄭司農云。脾析。牛百葉也。羸。蛤也。鄭大夫。杜子春。皆以拍為膊。謂脅也。或曰。豚拍。肩也。今河間名豚脊。聲如銀。縛。

加豆之實。芹菹兔醢。深蒲醢醢。落菹鴈醢。筍菹魚醢。

芹。楚葵也。鄭司農云。深蒲。蒲蕻入水深。故曰深蒲。或曰。深蒲。桑耳。醢。醢。肉醬也。落。水中魚衣。故書鴈。或為鶉。杜子春。當為鴈。玄謂深蒲。

蒲始生水中子。筍。箭。萌。筍。竹。萌。

羞豆之實。醢食糝食。

鄭司農云。醢食。以酒醢為餅。糝食。菜餗。蒸。玄謂醢。饗也。內則曰。取稻米。舉極洩之。小切。狼臠。膏。以與稻米為饗。又曰。糝。取牛羊豕之肉。三如一小切之。與稻米。稻米。二肉。一合。以為餌。煎。

之。凡祭祀共薦羞之豆實。賓客喪紀亦如之。為王及后世子共其內羞。王舉則共醢六十饗。以五齊七醢。

七菹三醢實之。

齊當為醢。五醢。昌本。脾析。蜃。豚拍。深蒲也。七醢。醢。羸。蜃。蜃。魚。鴈。醢。七菹。韭。菁。葵。芹。筍。筍。菹。三醢。麋。鹿。醢也。凡醢醬所和。細切為醢。全物若糜為菹。少儀曰。麋鹿為菹。野豕為軒。皆糜而不切。糜為辟雞。兔為宛脾。皆糜而切之。

葱若薤實之醢以柔之。由此言之則鹽菹之稱菜肉通。

賓客之禮共醢五十饗。

致饗饋時。

凡事共醢。

醢人掌共五齊七菹凡醢物以共祭祀之齊菹凡醢醬之物賓客亦如之。

齊菹醬屬醢人者皆須醢成味。

王舉則共齊菹醢

物六十饗共后及世子之醬齊菹賓客之禮共醢五十饗凡事共醢。

鹽人掌鹽之政令以共百事之鹽。

政令謂受入教所處置求者所當得。

祭祀共其苦鹽散鹽。

杜子春讀苦為鹽謂出鹽直用不漬治鄭司農云散鹽漬治者玄謂散鹽醢水為鹽。

賓客共其形鹽散鹽。

形鹽鹽之似虎形。

王之膳羞共飴鹽后及世子亦如之。

飴鹽鹽之恬者今戎鹽有焉。

凡齊事鬻鹽以待戒令。

齊事和五味之事鬻鹽漬治之。

冪人掌共巾冪。

共巾可以覆物。

祭祀以疏布巾冪八尊。

以疏布者天地之神尚質。

以畫布巾冪六彝。

宗廟可以文畫者畫其雲氣與。

凡王巾皆黼。

四飲三酒皆畫黼周尙武其用文德則黻可。

宮人掌王之六寢之脩。

六寢者路寢一小寢五玉藻曰朝辨色始入君日出而視朝退適路寢聽政使人視大夫大夫退然後適小寢釋服是路寢以治事小寢以時燕息焉春秋書魯莊公薨于路寢信公薨于小寢是則人君非一寢。

明矣。為其井區。除其不蠲。去其惡臭。井。漏井。所以受水潦。蠲。猶絮也。詩云。吉蠲為餽。鄭司農云。區。路廁也。玄謂區。豬。謂雷下之池。受畜水而流之者。共王之沐浴。沐浴所以自潔清。凡寢

中之事。埽除。執燭。共鑪炭。凡勞事。勞事。勞。襲之事。四方之舍事。亦如之。從王適四方及會同所舍。

掌舍。掌王之會同之舍。設檜。檜。再重。故書檜為柎。鄭司農云。檜。檜檜也。柎。受居溜水。澆棄者也。杜子春讀為檜。檜。檜。謂行馬。玄謂行馬再重者。以周衛有外內列。設車宮。轅門。謂王行止。

宿阻險之處。備非常。次車以爲藩。則仰車以其轅表門。為壇壝宮。棘門。謂王行止宿平地。築壇。又委壝土。起壘埒。以爲宮。鄭司農云。棘門。以戟爲門。杜子春云。棘門。或爲材門。為帷宮。設旌門。謂王行畫止有所展。

肆若。息。張帷爲宮。則樹旌以表門。無宮。則共人門。謂王行有所逢遇。若住遊觀。陳列周衛。則立長大之人以表門。凡舍事。則掌之。王行所舍止。

幕人。掌帷幕幄帟綬之事。王出宮則有是事。在旁曰帷。在上曰幕。幕或在地。展陳于上。帷幕皆以布爲之。四合象宮室。曰幄。王所居之帳也。鄭司農云。帟。平帳也。綬。組綬。所以繫帷也。玄謂。王在幕若幄中。坐上承塵。幄帟皆以繒爲之。凡四物者。以綬連繫焉。凡朝覲。會同。軍旅。田役。祭祀。共其帷幕幄帟綬。共之者。掌次當以張。大喪。共帷幕帟綬。爲賓客飾也。帷以帷堂。或與幕張之於庭。帟在

上。三公及卿大夫之喪。共其帟。唯士無帟。王有蕙。則賜之。檀弓曰。君於士有賜帟。

掌次。掌王之次之灋。以待張事。法。大小丈尺。王大旅上帝。則張氈案。設皇邸。大旅上帝。祭天於圓丘。國有故而祭。亦曰旅。此以旅見祀也。張氈案。以氈爲牀於幄中。鄭司農

云皇羽覆上邸後板也。玄謂後板屏風與染羽象鳳皇羽色以爲之。朝日祀五帝則張大次小次設重帟重案合諸侯亦如之。朝日春分拜日於東門之外祀五帝於四郊次謂幄

也。大幄初往所止居也。小幄既接祭退侯之處。祭義曰周人祭日以朝及闇雖有強力孰能支之是以退侯與諸臣代有事焉。合諸侯於壇王亦以時休息重帟復帟重案牀重席也。鄭司農云五帝五色之帝。師田則張幕設重帟重

案。不張幄者於是臨誓衆王或迴顧占察。諸侯朝覲會同則張大次小次。大次亦初往所止居。小次即宮待事之處。師田則張幕設案。鄭司農云師田謂諸侯相與師田玄謂此

掌次張之諸侯從王而師田者。孤卿有邦事則張幕設案。有邦事謂以事從王若以王命出也。孤王之孤三人副三公論道者不。言公公如諸侯禮從王祭祀合諸侯張大次小次師田亦張幕設案。凡喪王則

張帟三重諸侯再重孤卿大夫不重。張帟極上承塵。凡祭祀張其旅幕張尸次。旅衆也公卿以下即位所祭祀之門外以待事爲之張大幕尸則有幄鄭司農云尸次祭

祀之尸所居更衣帳。射則張耦次。耦俱升射者次在洗東大射。曰遂命三耦取弓矢于次。掌凡邦之張事。

大府掌九貢九賦九功之貳以受其貨賄之入。頒其貨于受藏之府。頒其賄于受用之府。九功謂九職也。受藏之府若內府也。

受用之府若職內也。凡貨賄皆藏以給用耳。良者以給王之用。其餘以給國之用。或言受藏。或言受用。又雜言貨賄皆互文。凡官府都鄙之吏及執事者受財用焉。凡頒財以式瀆

授之。關市之賦以待王之膳服。邦中之賦以待賓客。四郊之賦以待稍秣。家削之賦以待匪頒。邦甸之賦。

以待工事。邦縣之賦，以待幣帛。邦都之賦，以待祭祀。山澤之賦，以待喪紀。幣餘之賦，以待賜予。待猶給也。此九賦之財給。

九式者，膳服，卽蓋服也。稍秣，卽芻秣也。謂之稍，稍用之物也。喪紀，卽喪荒也。賜予，卽好用也。鄭司農云：幣餘，使有餘來還也。玄謂幣餘，占賣國之斥幣。
凡邦國之貢，以待弔用。此九貢之財所給也。給弔用，給凶禮之五事。 凡

萬民之貢，以充府庫。此九職之財充猶足。 凡式貢之餘財，以共玩好之用。謂先給九式及弔用，足府庫而有餘財，乃可以共玩好。明玩好非治國之用。言式言貢，互文。 凡邦

之賦用取具焉。賦用，用賦。 歲終，則以貨賄之入出會之。

玉府，掌王之金玉玩好兵器。凡良貨賄之藏。良，善也。此物皆式貢之餘財所作，其不良又有受而藏之者。 共王之服玉佩玉珠玉。佩玉者，王之所帶者。玉藻

曰：君子於玉比德焉。天子佩白玉而玄組紱。詩傳曰：佩玉，上有蔥衡，下有雙璜，衝牙，蠶珠，以納其間。鄭司農云：服玉冠，飾十二玉。 王齊，則共食玉。玉是陽精之純者，食之以禦水氣。鄭司農云：王齊當食玉屑。 大喪，共含玉。

復衣裳，角枕，角柶。角枕，以枕尸。鄭司農云：復招魂也。衣裳，生時服。招魂復魄于大廟，至四郊。角柶，角匕也。以楔齒。士喪禮曰：楔齒用角柶。楔齒者，令可飯含。玄謂復于四郊以綏。 掌王之燕衣服，衽席牀

第，凡褻器。燕衣服者，巾絮寢衣袍襍之屬，皆良貨賄所成。第，簀也。鄭司農云：衽，席單席也。褻器，清器。虎子之屬。 若合諸侯，則共珠槃玉敦。敦，槃類。珠玉以爲飾。古者以槃盛血，以敦盛食。合諸侯者，必割牛耳，取其

血，飲之以盟。珠槃，以盛牛耳。尸盟者，執之，故書珠。爲夷。鄭司農云：夷，槃或爲珠槃。玉敦，飲血玉器。 凡王之獻，金玉兵器，文織，良貨賄之物，受而藏之。謂百工爲王所作，可以獻遺諸侯。古

者致物於人尊之則曰獻。通行曰饋。春秋曰齊侯來獻戎捷。尊魯也。文織畫及繡錦。

凡王之好賜共其貨賄。

內府掌受九貢九賦九功之貨賄良兵良器以待邦之大用。

大用朝覲之班賜。

凡四方之幣獻之金玉齒革兵器。

凡良貨賄入焉。

諸侯朝聘所獻國珍。

凡適四方使者共其所受之物而奉之。

王所以遣諸侯者。

凡王及冢宰之好賜予則共之。

冢宰待四方賓客之小治。或有所善亦賜予之。

外府掌邦布之入出以共百物而待邦之用凡有灋者。

布泉也。布讀為宣布之布。其識曰泉。其行曰布。取名於水泉。其流行無不徧入出。謂受之復出之。共百物者。或作之。或買之。待

猶給也。有法。百官之公用也。泉始蓋一品。周景王鑄大泉而有二品。後數變易不復識本制。至漢唯有五銖。久行。王莽改貨而異作泉布。多至十品。今存於民間多者有貨布。大泉。貨泉。貨布。長二寸五分。廣寸。首長八分。有奇。廣八分。其圍好徑二分半。足枝長八分。其右文曰貨。左文曰布。重二十五銖。直貨泉二十五。大泉徑一寸二分。重十二銖。文曰大泉。直十五貨泉。貨泉徑一寸。重五銖。右文曰貨。左曰泉。直一也。

共王及后世子之衣服之用。凡祭祀賓客喪紀會

同軍旅共其財用之幣齋賜予之財用。

齋行道之財用也。聘禮曰。問幾月之齋。鄭司農云。齋或為資。今禮家定齋作資。玄謂齋資同耳。其字以齊次為聲。從貝。變易古字。亦多或。

凡邦之小用。

皆受焉。

皆來受。

歲終則會。唯王及后之服不會。

司會掌邦之六典八灋八則之貳。以逆邦國都鄙官府之治。逆受而鈎考之。以九貢之灋致邦國之財用。以九賦

之灋令田野之財用。以九功之灋令民職之財用。以九式之灋均節邦之財用。掌國之官府郊野縣都之

百物財用。凡在書契版圖者之貳。以逆羣吏之治而聽其會計。郊四郊。去國百里。甸稍也。甸去國二百里。稍三百里。縣四百里。都五百里。書謂簿書契。其最凡也。版戶

籍也。圖。土地形象。田地廣狹。以參互攷日成。以月要攷月成。以歲會攷歲成。參互。謂司書之要貳。與職內之入職歲之出。故書互為巨。杜子春讀為參互。以周知四國

之治。以詔王及冢宰廢置。周猶徧也。言四國者。本逆邦國之治。亦鈎考以告。

司書掌邦之六典八灋八則。九職九正九事。邦中之版。土地之圖。以周知入出百物。以敍其財。受其幣。使

入于職幣。九正。謂九賦九貢。正稅也。九事。謂九式。隱言之者。重其職。明本而掌之。非徒相副貳也。敍。猶比次也。謂鈎考其財幣所給。及其餘見為之簿書。故書受為授。鄭司農云。授當為受。謂受財幣之簿書也。玄謂亦受錄其餘幣而為之簿書。使之入於職幣。

幣物當以時用之。久藏將朽盡。凡上之用財用。必攷于司會。上謂王與冢宰。王雖不會。亦當知多少。而闕之司會。以九式均節邦之財用。三歲則大計羣吏之治。以知民

之財器械之數。以知田野夫家六畜之數。以知山林川澤之數。以逆羣吏之徵令。械。猶兵也。逆受而鈎考之。山林川澤童枯則不稅。凡

稅斂掌事者受灋焉及事成則入要貳焉

法猶數也應當稅者之數成猶畢也

凡邦治攷焉

考其法於司書

職內掌邦之賦入辨其財用之物而執其總以貳官府都鄙之財入之數以逆邦國之賦用

辨財用之物處之使種類相從

總謂簿書之種別與大凡官府之有財入若關市之屬

凡受財者受其貳令而書之

受財受於職內以給公用者貳令者謂若今御史所寫下本奏王所可者書之若言某月某日某甲詔書出某物若干給某官某事及

會以逆職歲與官府財用之出

亦參互鈎考之

而敘其財以待邦之移用

亦鈎考今藏中餘見爲之簿移用謂轉運給他

職歲掌邦之賦出以貳官府都鄙之財出賜之數以待會計而攷之

以貳者亦如職內書其貳令而編存之

凡官府都鄙羣吏

之出財用受式灋于職歲

百官之公用法多少職歲掌出之舊用事存焉

凡上之賜予以敘與職幣授之

敘受賜者之尊卑

及會以式灋贊

逆會

助司會鈎考羣吏之計

職幣掌式灋以斂官府都鄙與凡用邦財者之幣

幣謂給公用之餘凡用邦財者謂軍旅

振掌事者之餘財

振猶拏也檢也掌事謂以王命有所作爲先言

斂幣後言

振財互文

皆辨其物而奠其錄以書楬之以詔上之小用賜予

奠定也故書錄爲祿杜子春云祿當爲錄定其錄籍鄭司農云楬之若今時爲書以著其幣

歲終

則會其出。凡邦之會事，以式瀆贊之。

司裘，掌爲大裘，以共王祀天之服。

鄭司農云：大裘，黑羔裘，服以祀天，示質。

中秋獻良裘，王乃行羽物。

良，善也。中秋，鳥獸雜穢，因其良時而用之。鄭司農云：良裘，王所服也。

行羽物，以羽物飛鳥賜羣吏，玄謂良裘，玉藻所謂黼裘與。此羽物，小鳥鴉雀之屬，鷹所擊者。中秋鳩化爲鷹，中春鷹化爲鳩，順其始殺與其將止而大班羽物。

季秋獻功裘，以待頒賜。

功裘，人功微，謂狐青麕裘之屬。鄭司農云：功裘，卿

大夫所服。

王大射，則共虎侯、熊侯、豹侯，設其鵠。諸侯則共熊侯、豹侯，卿大夫則共麋侯，皆設其鵠。

大射者，爲祭祀射，王將有郊廟

之事，以射擇諸侯及羣臣，與邦國所貢之士，可以與祭者射之，可以觀德行，其容體比於禮，其節比於樂，而中多者，得與於祭。諸侯謂三公及王子弟，封於畿內者，卿大夫亦皆有采地焉。其將祀其先祖，亦與羣臣射以擇之。凡大射，各於其射宮，侯者其所射也。以虎、熊、豹、麋之皮飾其側，又方制之，以爲臺，謂之鵠。著於侯中，所謂皮侯。王之大射，虎侯；王所自射也。熊侯，諸侯所射。豹侯，卿大夫以下所射。諸侯之大射，熊侯；諸侯所自射。豹侯，羣臣所射。卿大夫之大射，麋侯；君臣共射焉。凡此侯道：虎九十弓，熊七十弓，豹麋五十弓，列國之諸侯。大侯亦九十，參七十，千五十，遠尊得伸，可同耳。所射正謂之侯者，天子中之，則能服諸侯。諸侯以下中之，則得爲諸侯。鄭司農云：鵠，鵠毛也。方十尺曰侯，四尺曰鵠，二尺曰正，四寸曰質。玄謂侯中之大小，取數於侯道。鄉射記曰：弓二寸，以爲侯中，則九十弓者，侯中廣丈八尺，七十弓者，侯中廣丈四尺，五十弓者，侯中廣一丈，尊卑異等。此數明矣。考工記曰：梓人爲侯，廣與崇方，參分其廣而鵠居一焉。然則侯中丈八尺者，鵠方六尺，侯中丈四尺者，鵠方四尺六寸大半寸，侯中一丈者，鵠方三尺三寸少半寸，謂之鵠者，取名於鴉，鴉，小鳥而難中，是以中之爲雋，亦取鵠之言較，較者直也。射所以直己志，用虎、熊、豹、麋之皮，示服猛，討迷惑者射者大禮，故取義衆也。士不大射，士無臣祭，無所擇，故書諸侯則共熊侯、虎侯。杜子春云：虎當爲豹。

大喪，獻裘，飾皮車。

皮車，遺車之革路故。

書厥為淫。鄭司農云：淫，裝陳裝也。玄謂厥，興也。若詩之興，謂象似而作之。凡為神之偶衣物，必沾而小耳。

凡邦之皮事，掌之。歲終，則會。唯王之裘與其皮事，不會。

掌皮。掌秋斂皮，冬斂革，春獻之。

皮革踰歲乾，久乃可用。獻之，其良者於王，以入司裘給王用。

遂以式灋頒皮革于百工。

式法，作物所用多少故事。

共其毳毛。

為氈以待邦事。

當用氈，則共之。義毛，毛細縟者。

歲終，則會其財齋。

財，斂財本數及餘見者。齋，所給予人以物曰齋。今時詔書或曰齋計吏。鄭司農云：齋或為資。

內宰掌書版圖之灋，以治王內之政令，均其稍食，分其人民以居之。

版，謂宮中閣寺之屬及其子弟錄籍也。圖，王及后世子之宮中吏官府之形象也。政令，謂施關

寺者，稍食，吏祿稟也。人民，吏子弟分之。使衆者就寡，均宿衛。

以陰禮教六宮。

鄭司農云：陰禮，婦人之禮。六宮，後五前一王之妃百二十人。后一人，夫人三人，嬪九人，世婦二十七人，女御八十一人。玄謂六宮，謂后也。婦人稱寢曰宮，宮隱蔽之言。后

象王立六宮而居之，亦正寢一，燕寢五。教者，不敢斥言之，謂之六宮。若今稱皇后為中宮矣。昏禮，母戒女曰：夙夜毋違宮事。

以陰禮教九嬪。

教以婦人之禮，不言教。夫人世婦者，舉中省文。

以婦職之灋教九御。

使各有屬，以作二事，正其服，禁其奇袤，展其功緒。

婦職，謂織紵組紃縫線之事。九御，女御也。九九而御於王，因以號焉。使之九九為屬，同時御又同事也。正其服，止踰侈奇邪。若今嬪道，展猶錄

也。緒，業也。故書二為三。杜子春云：當為二二事，謂絲枲之事。

大祭祀，后裸獻，則贊。瑤爵亦如之。

謂祭宗廟。王既裸而出迎牲，后乃從後裸也。祭統曰：君執圭瓊，裸尸。大宗執璋，贊亞裸。此大宗亞裸，謂夫人不與而

攝耳獻，謂王薦腥薦孰，后亦從後獻也。瑤爵，謂尸卒食，王既醑尸，后亞獻之，其爵以瑤為飾。

正后之服位，而詔其禮樂之儀。

薦徹之禮，當與樂相應位。謂房中戶內及阼所立處。

贊九嬪之禮。

事。助九嬪贊后之事。九嬪者。贊后薦玉璽薦徹豆籩。凡賓客之裸獻。瑤爵皆贊。謂王同姓及二王之後來朝觀爲賓客者。裸之禮。亞王而禮賓。獻謂王

夫人故大饗。致后之賓客之禮。謂諸侯來朝觀及女賓之賓客。凡喪事。佐后使治外內命婦。正其服位。使其屬之上士內命婦。謂九嬪。世婦。女御。鄭司農云外

命婦。卿大夫之妻。王命其夫。后命其婦。玄謂士妻亦爲命婦。凡建國。佐后立市。設其次。置其敝。正其肆。陳其貨賄。出其度量。淳制。祭之以陰

禮。市朝者。君所以建國也。建國者必面朝後市。王立朝而后立市。陰陽相成之義。次。思次也。敝。介次也。陳。猶處也。度。丈尺也。量。豆區之屬。鄭司農云。佐后立市者。始立市。后立之也。祭之以陰禮者。市中之社。先后所立社也。故書淳爲敦。杜子春讀敦爲純。純謂幅廣也。制。謂

匹長。玄謂純制。天子巡守禮所云制幣。丈八尺。純四。狝與陰禮。婦人之祭禮。中春。詔后帥外內命婦。始蠶于北郊。以爲祭服。蠶于北郊。婦人以純陰爲。尊郊必有公桑蠶室焉。歲終。

則會內人之稍食。稽其功事。內人。主。謂九御。佐后而受獻功者。比其小大。與其麤良。而賞罰之。獻功者。九御之屬。鄭司農云。烝而獻功。玄謂典

婦功。曰。及會內宮之財用。計夫人以下所用財。正歲。均其稍食。施其功事。憲禁令于王之北宮。而糾其守。均。猶調度也。施。猶賦也。北宮。后

之六宮。謂之北宮者。繫于王言之。明用王之禁令。令之守宿衛者。上春。詔王后帥六宮之人。而生種。種之種。而獻之于王。六宮之人。夫人以下。分居后之六宮者。古者使后宮藏種。

以其有傳類。番孳之祥。必生而獻之。示能育之。使不傷敗。且以佐王耕事。共禘郊也。鄭司農云。先種後執。謂之種。後種先執。謂之稷。王當以耕種于藉田。玄謂詩云。黍稷種。是也。夫人以下。分居后之六宮者。每宮九嬪一人。世婦三人。女御九人。其餘九嬪三人。世婦九人。女

御二十七人從后唯其所燕息焉從后者五日而沐浴其又上十五日而徧云夫人如三公從容論婦禮

內小臣掌王后之命正其服位命謂使令所為或言王后或言后通耳

后出入則前驅道若有祭祀賓客喪紀則擯詔后之禮

事相九嬪之禮事正內人之禮事徹后之俎擯為后傳辭有所求為詔相正者異尊卑也俎謂后受尸之爵飲于房中之俎后有好事于四方則使往有

好令於卿大夫則亦如之后於其族親所善者使往問遺之掌王之陰事陰令陰事羣妃御見之事若今掖庭令晝漏不盡八刻白錄所記推當御見者陰令王所求為於北宮

闈人掌守王宮之中門之禁中門於外內為中若今宮闈門鄭司農云王有五門外曰臯門二曰雉門三曰庫門四曰應門五曰路門路門一曰畢門玄謂雉門三門也春秋傳曰雉門災及兩觀喪服凶器

不入宮潛服賊器不入宮奇服怪民不入宮喪服衰經也凶器明器也潛服若衷甲者賊器盜賊之任器兵物皆有刻識奇服衣非常春秋傳曰彪奇無常怪民狂易凡內人公器

賓客無帥則幾其出入三者之出入當須使者符節乃行鄭司農云公器將持公家器出入者幾謂無將帥引之者則苛其出入以時啓閉時漏凡外內命夫命婦出入

則為之闈辟行人使無干也內命夫卿大夫士之在宮中者掌掃門庭門庭門相當之地大祭祀喪紀之事設門燎蹕宮門廟門燎地燭也蹕止行者廟在中門

外之凡賓客亦如之

寺人掌王之內人及女宮之戒令相道其出入之事而糾之。內人女御也女宮刑女之在宮中者糾猶督察也。若有喪紀賓客祭祀之

事則帥女宮而致於有司。有司謂宮卿世婦。佐世婦治禮事。世婦二十掌內人之禁令凡內人弔臨于外則帥而往

立于其前而詔相之。從世婦所弔若哭其族親立其前者賤也賤而必詔相之者出入於王宮不可以闕於禮。

內豎掌內外之通令凡小事。內后六宮外卿大夫也使童豎通王內外之命給小事者以其無與為禮出入便疾內外以大事聞王則俟朝而自復。若有祭祀賓客喪祀之事

則為內人蹕。內人從世婦有事於廟者內豎為六宮蹕者以其掌內小事。王后之喪遷于宮中則前蹕及葬執褻器以從遣車。喪遷者將葬朝于廟褻器振飾

頽沐之器。

九嬪掌婦學之灋以教九御婦德婦言婦容婦功各帥其屬而以時御敍于王所。婦德謂貞順婦言謂辭令婦容謂婉婉婦功謂絲枲自九

嬪以下九九而御于王所九嬪者既習於四事又備於從人之道是以教女御也教各帥其屬者使亦九九相與從於王所息之燕寢御猶進也勸也進勸王息亦相次敍凡羣妃御見之法月與后妃其象也卑者宜先尊者宜後女御八十一人當九夕世婦二十七人當三夕九嬪九人當一夕三夫人當一夕后當一夕亦十五日而徧云自望後反之孔子云日者天之明月者地之理陰契制故月上屬為天使婦從夫放月紀。凡祭祀贊玉盥贊后薦徹豆籩。玉盥玉敦受黍稷器后進之而

不徹故書玉爲王。
杜子春讀爲玉。

若有賓客則從后。

當贊后事

大喪帥敝哭者亦如之。

亦從后帥猶道也后哭衆之次序者乃哭

世婦掌祭祀賓客喪紀之事帥女宮而濯摝爲齋盛。

摝拭也爲猶差擇

及祭之日蒞陳女宮之具凡內羞之物。

蒞臨

也內羞房中之羞

掌弔臨于卿大夫之喪。

王使往弔

女御掌御敝于王之燕寢。

言掌御敝防上之專妬者于王之燕寢則王不就后宮息

以歲時獻功事。

絲枲成功之事

凡祭祀贊世婦。

助其帥蒞女宮

大喪掌

沐浴。

王及后之喪

后之喪持鬻。

鬻棺飾也持而從柩車

從世婦而弔于卿大夫之喪。

從之數蓋如使者之介云

女祝掌王后之內祭祀凡內禱祠之事。

內祭祀六宮之中竈門戶禱疾病求瘳也祠報福

掌以時招梗禴禳之事以除疾殃。

鄭大夫讀梗爲亢謂招善

而亢惡去之杜子春讀梗爲更玄謂梗禦未至也除災害曰禴禴猶刮去也卻變異曰禴禴攘也四禮唯禴其遺象今存

女史掌王后之禮職掌內治之貳以詔后治內政。

內治之法本在內宰書而貳之

逆內宮。

鉤考六宮之計

書內令。

后之令

凡后之事以

禮從。

亦如大史之從於王

典婦功掌婦式之灋以授嬪婦及內人女功之事齋

婦式婦人事之模範法其用財舊數嬪婦九嬪世婦言及以殊之者容國中婦人賢善工於事者事齋謂以女功之事來取絲枲故書齋

為資杜子春讀為資鄭司農云內人謂女御女功事資謂女功絲枲之事

凡授嬪婦功及秋獻功辨其苦良比其小大而賈之物書而楬之

授當為受聲之誤也國中

嬪婦所作成即送之不須獻功時賈之物不正齊當以泉計通功鄭司農苦讀為監謂分別其縑帛與布紵之麤細皆比方其大小書其賈數而著其物若今時題畧物

以其王及后之用頒之于內府

典絲掌絲入而辨其物以其賈楬之

絲入謂九職之嬪婦所賈絲

掌其藏與其出以待興功之時

絲之賈少藏之出之可同官也時者若溫煖宜縑帛清涼

宜文

頒絲于外內工皆以物授之

外工外嬪婦也內工女御

凡上之賜予亦如之

王以絲物賜人

及獻功則受良功而藏之辨其

物而書其數以待有司之政令上之賜予

良當為苦字之誤受其麤監之功以給有司之公用其良功者典婦功受之以共王及后之用鄭司農云良功絲功縑帛

凡祭祀共黼畫

組就之物

以給衣服冕旒及依盟巾之屬白與黑謂之黼采色一成曰就

喪紀共其絲纁組文之物

以給纁纁著盱口綦提之屬青與赤謂之文

凡飾邦器者受文織絲

組焉謂茵席屏風之屬歲終則各以其物會之

種別為計鄭司農云各以其所飾之物計會傳著之

典枲掌布總縷紵之麻草之物以待時頒功而授齋

總十五升布抽其半者白而細疏曰紵雜言此數物者以著其類衆多草葛藟之屬故書齋作資

及獻功受苦

功以其賈楬而藏之以待時頒。

其良功亦入於典婦功以共王及后之用鄭司農云苦功謂麻功布紵

頒衣服授之賜予亦如之。

授之授受班者帛言待有司之政令布言

班衣服。
歲終則各以其物會之。

內司服掌王后之六服。禕衣、揄狄、闕狄、鞠衣、展衣、緣衣、素沙。

鄭司農云禕衣書衣也祭統曰君卷冕立于阼夫人副禕立于東房揄狄闕狄畫羽飾展衣白衣也喪大記曰復者

朝服君以卷夫人以屈狄世婦以禮衣屈者音聲與闕相似禮與展相似皆婦人之服鞠衣黃衣也素沙赤衣也玄謂狄當爲翟翟雉名伊維而南素質五色皆備成章曰鞞江淮而南青質五色皆備成章曰搖王后之服刻繒爲之形而采畫之綴於衣以爲文章禕衣畫鞞者揄翟畫搖者闕翟刻而不畫此三者皆祭服從王祭先王則服禕衣祭先公則服揄翟祭羣小祀則服闕翟今世有圭衣者蓋三翟之遺俗鞠衣黃桑服也色如鞠塵象桑葉始生月令三月薦鞠衣于上帝告桑事展衣以禮見王及賓客之服字當爲禮禮之言賣賣誠也詩國風曰玼兮玼兮其之翟也下云胡然而天也胡然而帝也言其德當神明又曰璫兮璫兮其之展也下云展如之人兮邦之媛也言其行配君子二者之義與禮合矣雜記曰夫人復稅衣揄狄又喪大記曰士妻以椽衣言椽者甚衆字或作稅此綠衣者實作椽衣也椽衣御于王之服亦以燕居男子之椽衣黑則是亦黑也六服備於此矣禕揄狄展聲相近綠字之誤也以下推次其色則闕狄赤揄狄青禕衣玄婦人尙專一德無所兼連衣裳不異其色素沙者今之白縛也六服皆袍制以白縛爲裏使之張顯今世有沙縠者名出于此

辨外內命婦之服。鞠衣、展衣、緣衣、素沙。

內命婦之服鞠衣九嬪也展衣世婦也緣衣女御也外命婦者其夫孤也則服鞠衣其夫卿大夫也則服展衣其夫士也則服緣衣三夫人及公之妻其闕狄以下乎侯

伯之夫人揄狄子男之夫
人亦闕狄唯二王後禕衣。

凡祭祀賓客共后之衣服及九嬪世婦凡命婦共其衣服共喪衰亦如之。

凡者凡女御與外命婦也

言及言凡。殊貴賤也。春秋之義。王人雖微者。猶序乎諸侯之上。所以尊尊也。臣之命者。再命以上受服。則下士之妻不共也。外命婦唯王祭祀賓客。以禮佐后。得服此上服。自於其家則降焉。

后之喪。共其衣服。凡內具之物。

內具。紛。衾。線。縗。擊。裘。之。屬。

縫人。掌王宮之縫線之事。以役女御。以縫王及后之衣服。

女御。裁縫王及后之衣服。則為役助之宮中。餘裁縫事。則專為焉。鄭司農云。線。縗。

喪。縫棺飾焉。

孝子既啓見棺。猶見親之身。既載飾而。以行。遂以葬。若存時。居于帷幕。而加文繡。喪大記曰。飾棺。君龍帷。三池。振容。黻。荒。火。三列。黻。三列。素。繡。藉。加。偽。荒。繡。組。六。齊。五。采。五。貝。黼。襲。二。黻。襲。二。畫。襲。二。皆。戴。圭。魚。躍。拂。池。君。繡。戴。六。繡。披。六。此。諸。侯。禮。也。禮。器。曰。天。子。八。襲。諸。侯。六。襲。大。夫。四。襲。漢。禮。器。制。度。飾。棺。天。子。龍。火。黼。黻。皆。五。列。又。有。龍。襲。二。其。戴。皆。加。璧。故。書。焉。為。馬。杜。子。春。云。當。為。焉。

衣。翼。柳。之。材。

必先繡衣其木。乃以張飾也。柳之言聚。諸飾之所聚。書曰。分命和仲。度西曰。柳。穀。故。書。翼。柳。作。接。櫛。鄭。司。農。云。接。讀。為。盪。

櫛。讀。為。柳。皆。棺。飾。檀。弓。曰。周。人。牆。置。盪。春。秋。傳。曰。四。盪。不。踴。

掌凡內之縫事。

染人。掌染絲帛。凡染。春暴練。夏纁玄。秋染夏。冬獻功。

暴練。練其素而暴之。故書纁作繫。鄭司農云。纁。讀。當。為。纁。纁。謂。絳。也。夏。大。也。秋。乃。大。染。玄。謂。纁。玄。者。謂。始。可。以。染。此。色。者。玄。纁。者。天。地。之。

色。以。為。祭。服。石。染。當。及。盛。暑。熱。潤。始。湛。研。之。三。月。而。后。可。用。考。工。記。鐘。氏。則。染。纁。術。也。染。玄。則。史。傳。闕。矣。染。夏。者。染。五。色。謂。之。夏。者。其。色。以。夏。秋。為。飾。禹。貢。曰。羽。翟。夏。秋。是。其。總。名。其。類。有。六。曰。鞞。曰。搖。曰。霽。曰。留。曰。希。曰。蹲。其。毛。羽。五。色。皆。備。成。章。染。者。擬。以。為。深。淺。之。度。是。以。放。而。取。名。焉。

掌凡染事。

追師掌王后之首服為副編取追衡笄為九嬪及外內命婦之首服以待祭祀賓客

鄭司農云追冠名士冠禮記曰委貌周道也章甫股

道也平追夏后氏之道也追師掌冠冕之官故并主王后之首服副者婦人之首服祭統曰君卷冕立于阼夫人副褱立于東房衡維持冠者春秋傳曰衡紘紘紘玄謂副之言覆所以覆首為之飾其遺象若今步繇矣服之以從王祭祀編編列髮為之其遺象若今假紒矣服之以桑也次次第髮長短為之所謂髮髻服之以見王王后之燕居亦繻笄總而已追猶治也詩云追琢其璋王后之衡笄皆以玉為之唯祭服有衡垂于副之兩旁當耳其下以紘縣瑱詩云玼兮玼兮其之翟也髮髮如雲不屑鬢也王之瑱也是之謂也笄卷髮者外內命婦衣鞠衣禮衣者服編衣祿衣者服次外內命婦非王祭祀賓客佐后之禮自於其家則亦降焉少牢饋食禮曰主婦髮髻衣移袂特性饋食禮曰主婦繻笄宵衣是也昏禮女次純衣攝盛服耳主人爵弁以迎移袂袂衣之袂凡諸侯夫人於其國衣服與王后同喪紀共笄經亦如之

屨人掌王及后之服屨為赤烏黑烏赤繻黃繻青句素屨葛屨

屨自明矣必連言服者著服各有屨也覆下曰烏禪下曰屨古人言屨以通於覆今世言屨以通於禪俗

易語反與烏屨有絢有純者飾也鄭司農云赤繻黃繻以赤黃之絲為下緣士喪禮曰夏葛屨冬皮屨皆繻繻純禮家說繻亦謂以采絲繻其下玄謂凡屨烏各象其裳之色士冠禮曰玄端黑屨青絢繻純素積白屨緇絢繻純爵弁繻屨黑絢繻純是也王吉服有九烏有三等赤烏為上冕服之烏詩云王賜韓侯玄袞赤烏則諸侯與王同下有白烏黑烏王后吉服六唯祭服有烏玄烏為上禕衣之烏也下有青烏赤烏鞠衣以下皆屨耳句當為絢聲之誤也絢繻純者同色今云赤繻黃繻青絢雜互言之明烏屨衆多反覆以見之凡烏之飾如纁之次赤繻者王黑烏之飾黃繻者王后玄烏之飾青絢者王白烏之飾言繻必有絢純言絢亦有繻純三者相將王及后之赤烏皆黑飾后之青烏白飾凡屨之飾如纁次也黃屨白飾白屨黑飾黑屨青飾絢謂之拘著烏屨之頭以為行戒繻繻中緇純綠也天子諸

侯。吉事皆寫。其餘唯服冕衣翟著寫耳。士爵弁纁屨。黑絢纁純。尊祭服之屨。飾從績也。素屨者非純吉。有凶去飾者言葛屨。明有用皮時。

以下功屨次命屨。於孤卿大夫則白屨。黑屨。九嬭內子亦然。世婦命婦以黑屨爲功屨。女御士妻命屨而已。士及士妻謂再命受服者。散屨亦謂去飾。

辨外內命夫命婦之命屨功屨散屨。

命夫之命屨。纁屨。命婦之命屨。黃屨。

凡四時之祭祀以宜服之。

祭祀而有素屨散屨者。唯大祥時。

夏采。掌大喪。以冕服復于大祖。以乘車建綏。復于四郊。

求之王平生常所有事之處。乘車。王路於大廟以冕服。不出宮也。四郊以綏。出國門此行道也。鄭司農云。復謂始死招魂復魄。

士喪禮曰。士死于適室。復者一人。以爵弁服。升自東榮。中屋北面。招以衣。曰。臯。某復。三降衣于前。受用篋。升自阼階。以衣尸。喪大記曰。復。男子稱名。婦人稱字。唯哭先復。言死而哭。哭而復。冀其復反。故檀弓曰。復。盡愛之道也。望反諸幽。求諸鬼神之道也。北面求諸幽之義也。檀弓又曰。君復於小寢。大寢。小祖。大祖。庫門。四郊。喪大記又曰。復者朝服。君以卷。夫人以屈狄。大夫以玄纁。世婦以禮衣。士以爵弁。士妻以稅衣。雜記曰。諸侯行而死于館。則其復如於其國。如於道。則升其乘車之左轂。以其綏復。大夫死於館。則其復如於家。死於道。則升其乘車之左轂。以其綏復。喪大記又曰。爲賓。則公館復。私館不復。夏采。天子之官。故以冕服復于大祖。以乘車建綏。復于四郊。天子之禮也。大祖。始祖廟也。故書綏爲禮。杜子春云。當爲綏。禮非是也。玄謂明堂位曰。凡四代之服。器。管。兼用之。有虞氏之旒。夏氏后之綏。則旒旒有是綏者。當作綏。字之誤也。綏以旄牛尾爲之。綴於幢上。所謂注旒於干首者。王祀四郊。乘王路。建大常。今以之復。去其旒。異之於生。亦因先王有徒綏者。士冠禮及玉藻。冠綏之字。故書亦多作綏者。今禮家定作綏。

周禮卷第三

地官司徒第二

惟王建國辨方正位體國經野設官分職以爲民極乃立地官司徒使帥其屬而掌邦教以佐王安擾邦

國

教所以親百姓訓五品有虞氏五而周十有二焉擾亦安也言饒衍之

教官之屬大司徒卿一人小司徒中大夫二人鄉師下大夫四人士

八人中士十有六人旅下士三十有二人府六人史十有二人胥十有二人徒百有二十人

師長也司徒掌六鄉鄉師分而

治之二人者共三

鄉之事相左右也

鄉老二鄉則公一人鄉大夫每鄉卿一人州長每州中大夫一人黨正每黨下大夫一人族師每族上士

一人閭胥每閭中士一人比長五家下士一人

老尊稱也王置六鄉則公有三人也三公者內與王論道中參六官之事外與六鄉之教其要爲民是以屬之鄉焉州黨族閭比鄉之屬別正師胥

皆長也正之言政也師之言帥也胥有才知之稱載師職曰以官田牛田賞田牧田任遠郊之地司勳職曰掌六鄉之賞地六鄉地在遠郊之內則居四同鄭司農云百里內爲六鄉外爲六遂

封人。中士四人。下士八人。府二人。史四人。胥六人。徒六十人。聚土曰封。謂壇壝。埒及小封疆也。

鼓人。中士六人。府二人。史二人。徒二十人。

舞師。下士二人。胥四人。舞徒四十人。舜徒。給繇役能舞者以爲之。

牧人。下士六人。府一人。史二人。徒六十人。牧人。養牲於野田者。詩云。爾牧來思。何蓂何笠。或負其篋。三十維物。爾牲則具。

牛人。中士二人。下士四人。府二人。史四人。胥二十人。徒二百人。主牧公家之牛者。詩云。維謂爾無牛。九十其犝。犝者九十其餘多矣。

充人。下士二人。史二人。胥四人。徒四十人。充。猶肥也。養繫牲而肥之。

載師。上士二人。中士四人。府二人。史四人。胥六人。徒六十人。載之言事也。事民而稅之。禹貢曰。冀州既載。載師者。閭師。縣師。遣人。均人。官之長。

閭師。中士二人。史二人。徒二十人。主徵六鄉賦貢之稅者。鄉官有州黨族閭比正。言閭者。徵民之稅。宜督其親民者。凡其賦貢入大府。穀入倉人。

縣師。上士二人。中士四人。府二人。史四人。胥八人。徒八十人。主天下土地人民已下之數。徵野賦貢也。名曰縣師者。自六鄉以至邦國。縣居中焉。鄭司農云。四百里曰縣。

遣人。中士二人。下士四人。府二人。史四人。胥四人。徒四十人。

鄭司農云。遺。讀如詩曰。棄子如遺之遺。玄謂以物有所饋遺。

均人。中士二人。下士四人。府二人。史四人。胥四人。徒四十人。

均。猶平也。主平土地之力政者。

師氏。中大夫一人。上士二人。府二人。史二人。胥十有二人。徒百有二十人。

師。教人以道者之稱也。保氏。司諫。司救官之長。鄭司農云。詩云。楛維師氏。

保氏。下大夫一人。中士二人。府二人。史二人。胥六人。徒六十人。

保安也。以道安人者也。書敘曰。周公為師。召公為保。相成王為左右。聖賢兼此官也。

司諫。中士二人。史二人。徒二十人。

諫。猶正也。以道正人行。

司救。中士二人。史二人。徒二十人。

救。猶禁也。以禮防禁人之過者也。

調人。下士二人。史二人。徒十人。

調。猶和合也。

媒氏。下士二人。史二人。徒十人。

媒之言謀也。謀合異類使和成者。今齊人名麴楚曰媒。

司市。下大夫二人。上士四人。中士八人。下士十有六人。府四人。史八人。胥十有二人。徒百有二十人。

司市。市官。

長之

質人。中士二人。下士四人。府二人。史四人。胥二人。徒二十人。

質平也。主平定物賈者。

廛人。中士二人。下士四人。府二人。史四人。胥二人。徒二十人。

故書廛爲壇。杜子春讀壇爲廛。說云市中空地。玄謂廛民居區域之稱。

胥師。二十肆則一人。皆二史。賈師。二十肆則一人。皆二史。司虢。十肆則一人。司稽。五肆則一人。胥。二肆則

一人。肆長。每肆則一人。

自胥師以及司稽皆司市所自辟除也。胥及肆長市中給繇役者。胥師領羣胥賈師定物質。司暴禁暴亂。司稽察留連不時去者。

泉府。上士四人。中士八人。下士十有六人。府四人。史八人。賈八人。徒八十人。

鄭司農云。故書泉或作錢。

司門。下大夫二人。上士四人。中士八人。下士十有六人。府二人。史四人。胥四人。徒四十人。每門下士二人。

府一人。史二人。徒四人。

司門若今城門校尉。主王城十二門。

司關。上士二人。中士四人。府二人。史四人。胥八人。徒八十人。每關下士二人。府一人。史二人。徒四人。

關界上之

門。

掌節。上士二人。中士四人。府二人。史四人。胥二人。徒二十人。節猶信也。行者所執之信。

遂人。中大夫二人。

遂師。下大夫四人。上士八人。中士十有六人。旅下士三十有二人。府四人。史十有二人。胥十有二人。徒百

有二十人。

遂人主六遂。若司徒之於六鄉也。六遂之地。自遠郊以達于畿。中有公邑。家邑。小都。大都焉。鄭司農云。遂謂王國百里外。

遂大夫。每遂中大夫一人。

縣正。每縣下大夫一人。

鄙師。每鄙上士一人。

鄼長。每鄼中士一人。

里宰每里下士一人。

鄰長五家則一人。

縣鄙鄰里鄰遂之屬別也。

旅師中士四人下士八人府二人史四人胥八人徒八十人。

主斂縣師所徵野之賦穀者也。旅猶處也。六遂之官。里宰之師也。正用里宰者亦斂民之稅宜督其親民。

稍人下士四人史二人徒十有二人。

主為縣師令都鄙丘甸之政也。距王城三百里曰稍。家邑小都大都自稍以出焉。

委人中士二人下士四人府二人史四人徒四十人。

主斂甸稍芻薪之賦以共委積者也。

士均上士二人中士四人下士八人府二人史四人胥四人徒四十人。

均猶平也。主平土地之政令者也。

草人下士四人史二人徒十有二人。

草除草。

稻人上士二人中士四人下士八人府二人史四人胥十人徒百人。

士訓中士二人下士四人史二人徒八人。

鄭司農云訓讀為馴謂以遠方土地所生異物告道王也。爾雅云訓道也。玄謂能訓說土地善惡之勢。

誦訓。中士二人。下士四人。史二人。徒八人。能訓說四方所誦習及人所作爲久時事。

山虞。每大山中士四人。下士八人。府二人。史四人。胥八人。徒八十人。中山下士六人。史二人。胥六人。徒六

十人。小山下士二人。史一人。徒二十人。虞。度也。度知山之大小及所生者。

林衡。每大林麓下士十有二人。史四人。胥十有二人。徒百有二十人。中林麓如中山之虞。小林麓如小山

之虞。衡。平也。平林麓之大小及所生者。竹木生平地曰林。山足曰麓。

川衡。每大川下士十有二人。史四人。胥十有二人。徒百有二十人。中川下士六人。史二人。胥六人。徒六十

人。小川下士二人。史一人。徒二十人。川。流水也。禹貢曰九川滌源。

澤虞。每大澤大藪中士四人。下士八人。府二人。史四人。胥八人。徒八十人。中澤中藪如中川之衡。小澤小

藪如小川之衡。澤。水所鍾也。水希曰藪。禹貢曰九澤既陂。爾雅有八藪。

迹人。中士四人。下士八人。史二人。徒四十人。

迹之言跡。知禽獸處。

廿人。中士二人。下士四人。府二人。史二人。胥四人。徒四十人。

廿之言礦也。金玉未成器曰礦。

角人。下士二人。府一人。徒八人。

羽人。下士二人。府一人。徒八人。

掌葛。下士二人。府一人。史一人。胥二人。徒二十人。

掌染草。下士二人。府一人。史二人。徒八人。

染草。藍蒨。象斗之屬。

掌炭。下士二人。史二人。徒二十人。

掌茶。下士二人。府一人。史一人。徒二十人。

茶。茅莠。

掌蜃。下士二人。府一人。史一人。徒八人。

蜃。大蛤。月令孟冬。雉入大水為蜃。

囿人。中士四人。下士八人。府二人。胥八人。徒八十人。囿。今之苑。

場人。每場下士二人。府一人。史一人。徒二十人。場。築地為壇。季秋除圃中為之。詩云。九月築場圃。十月納禾稼。

廩人。下大夫二人。上士四人。中士八人。下士十有六人。府八人。史十有六人。胥三十人。徒三百人。藏米曰廩。廩人。舍人。

倉人。司祿官之長。

舍人。上士二人。中士四人。府二人。史四人。胥四人。徒四十人。舍。猶宮也。主平宮中用穀者也。

倉人。中士四人。下士八人。府二人。史四人。胥四人。徒四十人。

司祿。中士四人。下士八人。府二人。史四人。徒四十人。主班祿。

司稼。下士八人。史四人。徒四十人。種穀曰稼。如嫁女以有所生。

舂人。奄二人。女舂。扱二人。奚五人。女舂。扱。女奴能舂與扱者。扱。杼曰也。詩云。或舂或扱。

饕人奄二人女饕八人奚四十人

鄭司農云饕人主炊官也。特牲饋食禮曰主婦視饕饗故書饕作饗。

藁人奄八人女藁每奄二人奚五人

鄭司農云藁讀爲犒師之犒。主冗食者故謂之犒。

大司徒之職掌建邦之土地之圖與其人民之數以佐王安擾邦國

土地之圖若今司空郡國輿地圖。

以天下土地之圖周

知九州之地域廣輪之數辨其山林川澤丘陵墳衍原隰之名物

周猶徧也九州揚荊豫青兗雍幽冀并也。輪從也。積石曰山竹木曰林注瀆曰川水鍾曰澤土高曰

丘大阜曰陵水崖曰墳下平曰衍高平曰原下濕曰隰名物者十等之名與所生之物

而辨其邦國都鄙之數制其畿疆而溝封之設其社稷之壇而樹之

田主各以其野之所宜木遂以名其社與其野

千里曰畿疆猶界也春秋傳曰吾子疆理天下溝穿地爲阻固也。封起土界也。社稷后土及田正之神壇壇與壝埒也。田主田神后土田正之所依

也。詩人謂之田祖所宜木謂若松柏栗也。若以松爲社者則名松社之野以別方面。

以土會之灋辨五地之物生一曰山林其動物宜毛物其植物宜阜物

其民毛而方二曰川澤其動物宜鱗物其植物宜膏物其民黑而津三曰丘陵其動物宜羽物其植物宜

麋物其民專而長四曰墳衍其動物宜介物其植物宜莢物其民皙而瘠五曰原隰其動物宜羸物其植

物宜叢物。其民豐肉而庫。

會計也。以土計貢稅之法。因別此五者也。毛物。貂狐貉貉之屬。絳毛者也。鱗物。魚龍之屬。津潤也。羽物。翟雉之屬。核物。梅李之屬。專園也。介物。龜鼈之屬。水居陸生者。莢物。薺荑王棘之屬。皆白也。瘠臞也。藏

物。虎豹貔之屬。淺毛者。叢物。萑葦之屬。豐。猶厚也。庫。猶短也。杜子春讀生爲性。鄭司農云。植物。根生之屬。阜物。柞栗之屬。今世間謂柞實爲阜斗。膏物。謂楊柳之屬。理致且白如膏。玄謂膏當爲彙字之誤也。蓮茨之實有彙穎。

因此五物者民之

常而施十有二教焉。一曰。以祀禮教敬。則民不苟。二曰。以陽禮教讓。則民不爭。三曰。以陰禮教親。則民不

怨。四曰。以樂禮教和。則民不乖。五曰。以儀辨等。則民不越。六曰。以俗教安。則民不偷。七曰。以刑教中。則民

不越。八曰。以誓教恤。則民不怠。九曰。以度教節。則民知足。十曰。以世事教能。則民不失職。十有一曰。以賢

制爵。則民慎德。十有二曰。以庸制祿。則民興功。

陽禮。謂鄉射飲酒之禮也。陰禮。謂男女之禮。昏姻以時。則男不曠。女不怨。儀。謂君南面。臣北面。父坐子伏之屬。俗。謂土地所生習也。偷。謂朝不謀夕。

恤。謂災危相憂。民有凶患。憂之。則民不解怠。度。謂宮室車服之制。世事。謂士農工商之事。少而習焉。其心安焉。因教以能。不易其業。慎德。謂於其善德。勸爲善也。庸。功也。爵。以顯賢。祿。以賞功。故書儀或爲義。杜子春讀爲儀。謂九儀。

以土宜之。辨

十有二土之名物。以相民宅。而知其利害。以阜人民。以蕃鳥獸。以毓草木。以任土事。

十二土。分野十二邦。上繫十二次。各有所宜也。相。占

視也。阜。猶盛也。蕃。蕃息也。育。生也。任。謂就地所生。因民所能。

辨十有二壤之物。而知其種。以教稼穡樹藝。

壤。亦土也。變言耳。以萬物自生焉。則言土。土猶吐也。以人所耕而樹藝焉。則言壤。壤和緩

之貌。詩云：樹之榛栗，又曰：我藪黍稷，藪猶藪也。

以土均之，濃辨五物九等，制天下之地，征以作民職，以令地貢，以斂財賦，以均齊天下

之政。

均平也。五物，五地之物也。九等，駢剛赤緹之屬，征稅也。民職，民九職也。地貢，貢地所生，謂九穀、財、謂泉穀、賦，謂九賦及軍賦。

以土圭之濃，測土深，正日景，以求地中。日南則景

短，多暑；日北則景長，多寒；日東則景夕，多風；日西則景朝，多陰。

土圭所以致四時日月之景也。測，猶度也。不知廣深，故曰測。故書求為救。杜子春云：當為求。鄭司農云：測

土深，謂南北東西之深也。日南，謂立表處大南，近日也。日北，謂立表處大北，遠日也。景夕，謂日昃，景乃中，立表處大東，近日也。景朝，謂日未中而景中立，表處大西，遠日也。玄謂晝漏半而置土圭，表陰陽，審其南北，景短於土圭，謂之日南，是地於日為近南也。景長於土圭，謂之日北，是地於日為近北也。東於土圭，謂之日東，是地於日為近東也。西於土圭，謂之日西，是地於日為近西也。如是，則寒暑陰風，偏而不和，是未得其所求。凡日景於地千里而差一寸。

日至之景，尺有五寸，謂之地中。

天地之所合也。四時之所交也。風雨之所會也。陰陽之所和也。然則百物阜安，乃建王國焉。制其畿，方千

里而封樹之。

景尺有五寸者，南戴日下萬五千里，地與星辰四遊升降於三萬里之中，是以半之得地之中也。畿方千里，取象於日一寸為正樹，樹木溝上，所以表助阻固也。鄭司農云：土圭之長，尺有五寸，以夏至之日，立八尺之表，其景適與土圭等。

謂之地中，今穎川陽城地為然。

凡建邦國，以土圭土其地而制其域。諸公之地，封疆方五百里，其食者半；諸侯之地，封疆方

四百里，其食者參之一；諸伯之地，封疆方三百里，其食者參之一；諸子之地，封疆方二百里，其食者四之

一諸男之地封疆方百里其食者四之一

土其地猶言度其地鄭司農云土其地但爲正四方耳其食者牛公所食租稅得其半耳其牛皆附庸小國也屬天子參之一者亦然故魯頌曰錫之山川土田附

庸奄有龜蒙遂荒大東至于海邦論語曰季氏將伐顓臾孔子曰先王以爲東蒙主且在邦域之中是社稷之臣此非七十里所能容然則方五百里四百里合於魯頌論語之言諸男食者四之一適方五十里獨此與今五經家說合耳玄謂其食者半參之一四之一者土均均邦國地貢輕重之等其率之也公之地以一易侯伯之地以再易子男之地以三易必足其國禮俗喪紀祭祀之用乃貢其餘若今度支經用餘爲司農穀矣大國貢重正之也小國貢輕字之也凡諸侯爲牧正帥長及有德者乃有附庸爲其有祿者當取焉公無附庸侯附庸九同伯附庸七同子附庸五同男附庸三同進則取焉退則歸焉魯於周法不得有附庸故言錫之也地方七百里者包附庸以大言之也附庸二十四言得兼此四等矣

凡造都鄙制其地域而封溝之以

其室數制之不易之地家百晦一易之地家二百晦再易之地家三百晦

都鄙王子弟公卿大夫采地其界曰鄙鄙所居也王制曰天子之縣內方百里

之國九七十里之國二十有一五十里之國六十有三此蓋夏時采地之數周未聞矣春秋傳曰遷鄭焉而鄙留城郭之宅曰室詩云嗟我婦子曰爲改歲入此室處以其室數制之謂制丘甸之屬王制曰凡居民量地以制邑度地以居民地邑民居必參相得鄭司農云不易之地歲種之地美故家百晦一易之地休一歲乃復種地薄故家二百晦再易之地休二歲乃復種故家三百晦乃分地職奠地守制地貢而頒職事焉以爲地灋而待政令

分地職分其九職所宜也定地守謂衡麓虞候之屬制地貢謂九職所稅也頒職事者分命使各爲其所職之事以荒政十有二聚萬民一曰散利二曰薄征三曰緩刑四曰

弛力五曰舍禁六曰去幾七曰皆禮八曰殺哀九曰蕃樂十曰多昏十有一曰索鬼神十有二曰除盜賊

荒凶年也。鄭司農云：救饑之政，十有二品。散利、貸種、食也。薄征、輕租、稅也。弛力、息繇、役也。去幾、闕市、不幾也。省禮、掌客、職所謂凶荒殺禮者也。多昏、不備禮而娶，昏者多也。索鬼神、求廢祀而修之。雲漢之詩：所謂靡神不舉，靡愛斯牲者也。除盜賊、急其刑以除之。饑饉則盜賊多，不可不除也。杜子春讀蕃樂為藩樂，謂閉藏樂器而不作。玄謂去幾，去其稅耳。舍禁，若公無禁利，皆禮，謂殺吉禮也。殺哀，謂省凶禮。

以保息六養萬民。一曰慈幼，二曰養老，三曰振窮，四

曰恤貧，五曰寬疾，六曰安富。

保息，謂安之使蕃息也。慈幼，謂愛幼少也。產子三人與之母，二人與之餼，十四以下不從征，養老，七十養於鄉，五十異糶之屬，振窮，拊捄天民之窮者也。窮者有四，曰矜，曰寡，曰孤，曰獨。恤貧，貧無

財業，稟貸之寬疾，若今糴不可事，不筭卒，可事者半之也。安富，平其繇役，不專取。

以本俗六安萬民。一曰燬宮室，二曰族墳墓，三曰聯兄弟，四曰聯師儒。

五曰聯朋友，六曰同衣服。

本，猶舊也。美善也。謂約椽攻堅，風雨攸除，各有攸宇，族，猶類也。同宗者生相近，死相迫，連，猶合也。兄弟，昏姻嫁娶也。師儒，鄉里教以道藝者。同師曰朋，同志曰友，同，猶齊也。民雖有富者，衣服不得獨異。

正月之吉，始和，布教于邦國都鄙，乃縣教象之灋于象魏，使萬民觀教象，挾日而斂之，乃施教灋于邦國。

都鄙，使之各以教其所治民。

正月之吉，周正月朔日也。司徒以布王教，至正歲，又書教法而縣焉。

令五家為比，使之相保，五比為閭，使之相受，四

閭為族，使之相葬，五族為黨，使之相救，五黨為州，使之相賙，五州為鄉，使之相賓。

此所以勸民者也。使之者，皆謂立其長而教令使之，保，猶

任也。救，救凶災也。賓，賓客其賢者。故書受為授。杜子春云：當為受，謂民移徙所到則受之，所去則出之。又云：闕當為糾，謂糾其惡。玄謂受者，宅舍有故，相受寄託也。闕者，謂禮物不備，相給足也。閭，二十五家族，百家黨，五百家州，二千五百家鄉，萬二千五百家。

頌職

事十有二于邦國都鄙。使以登萬民。一曰稼穡。二曰樹藝。三曰作材。四曰阜藩。五曰飭材。六曰通財。七曰

化材。八曰斂材。九曰生材。十曰學藝。十有一曰世事。十有二曰服事。

鄭司農云。稼穡謂三農生九穀也。樹藝謂園圃育草木作材。謂虞衡作山澤之材。阜藩謂

藪牧養蕃鳥獸。飭材謂百工飭化八材。通材謂商賈阜通貨賄。化材謂嬪婦化治絲枲。斂材謂臣妾聚斂疏材。生材謂開民無常職。轉移執事。學藝謂學道藝。世事謂以世事教能。則民不失職。服事謂為公家服事者。玄謂生材養竹木者。

以鄉三物

教萬民而賓與之。一曰六德。知、仁、聖、義、忠、和。二曰六行。孝、友、睦、婣、任、恤。三曰六藝。禮、樂、射、御、書、數。

物猶事也。與猶

舉也。民三事。教成。鄉大夫舉其賢者能者。以飲酒之禮賓客之。既則獻其書於王矣。知。明於事。仁。愛人以及物。聖。通而先識。義。能斷時宜。忠。言以中心和。不剛不柔。善於父母為孝。善於兄弟為友。睦。親於九族。姻。親於外親。任。信於友道。恤。振憂貧者。禮。五禮之義。樂。六樂

之歌舞。射。五射之法。御。五御之節。書。六書之品數。九數之計。

以鄉八刑。糾萬民。一曰不孝之刑。二曰不睦之刑。三曰不婣之刑。四曰不弟之

刑。五曰不任之刑。六曰不恤之刑。七曰造言之刑。八曰亂民之刑。

糾。猶割察也。不弟。不敬師長。造言。訛言惑眾。亂民。亂名改作。執左道以亂政也。鄭司農云。任。謂朋友

相任。恤。謂相憂。

以五禮防萬民之僞而教之中。

禮所以節止民之侈僞。使其行得中。鄭司農云。五禮。謂吉。凶。賓。軍。嘉。

以六樂防萬民之情而教之和。

樂所

正民之情思。使其心應和也。鄭司農云。六樂。謂雲門。咸池。大韶。大夏。大濩。大武。

凡萬民之不服教而有獄訟者。與有地治者聽而斷之。其附于刑者。歸于

士。

不服教不厭服於十二教。貪冒者也。爭罪曰獄。爭財曰訟。有地治者謂鄉州及治都鄙者也。附麗也。士司寇士師之屬。鄭司農云。與有地治者聽而斷之。與其地部界所屬吏共聽斷之。士謂主斷刑之官。春秋傳曰。士榮為大士。或謂歸于園土。園土謂獄也。獄城園。

祀五帝奉牛牲羞其肆。

牛能任載地類也。奉猶進也。鄭司農云。羞進也。肆陳骨體也。玄謂進所肆解骨體。士喪禮曰。肆解去蹄。

享先王亦如之。大賓客令野脩道委積。

令遣人使為之也。少曰委。多曰積。皆所以給賓客。

大喪帥六鄉之衆庶屬其六引而治其政令。

衆庶所致役也。鄭司農云。六引謂引喪車索也。六鄉主六引六遂主六紼。

大軍旅。

大田役以旗致萬民而治其徒庶之政令。

旗畫熊虎者也。徵衆刻日樹旗期於其下。

若國有大故則致萬民於王門令無節者不

行於天下。

大故謂王崩及寇兵也。節六節有節乃得行防姦私。

大荒大札則令邦國移民通財舍禁弛力薄征緩刑。

大荒大凶年也大札大疫病也。移民辟災就賤。

其有守不可移者則輸之穀。春秋定五年夏歸粟於蔡是也。

歲終則令教官正治而致事。

歲終自周季冬也。教官其屬六十。正治明處其文書致事上其計簿。

正歲令于教官曰各共

爾職脩乃事以聽王命其有不正則國有常刑。

正歲夏正月朔日。

小司徒之職掌建邦之教灋以稽國中及四郊都鄙之夫家九比之數以辨其貴賤老幼癘疾凡征役之

施舍與其祭祀飲食喪紀之禁令。

稽猶考也。夫家猶言男女也。鄭司農云。九比謂九夫為井。玄謂九比者家宰職出。九賦者之人數也。貴謂為卿大夫賤謂占會販賣者癘疾謂癘病也。施當為弛。

乃頒

比瀆于六鄉之大夫。使各登其鄉之衆寡六畜車輦。辨其物。以歲時入其數。以施政教。行徵令。登成也。成猶定也。衆寡民

之多少。物家中之財。歲時入其數。若今四時言事。及三年。則大比。大比。則受邦國之比要。大比。謂使天下更簡閱民數及其財物也。受邦國之比要。則亦受鄉遂矣。鄭司農云。五家爲比。故以比爲名。今時八月案比是也。

要謂其簿。乃會萬民之卒伍而用之。五人爲伍。五伍爲兩。四兩爲卒。五卒爲旅。五旅爲師。五師爲軍。以起

軍旅。以作田役。以比追胥。以令貢賦。用。謂使民事之伍。兩。卒。旅。師。軍。皆衆之名。兩二十五人。卒百人。旅五百人。師二千五百人。軍萬二千五百人。此皆先王所因農事而定軍令者也。欲其恩足相恤。義足相救。服

容相別。音聲相識。作爲也。役。功力之事。追。逐寇也。春秋莊十八年。夏。公追戎于濟西。胥。何捕盜賊也。貢。嬪婦百工之物。賦。九賦也。鄉之田制與途同。乃均土地。以稽其人民。而周知其數。上地家七

人。可任也者。家三人。中地家六人。可任也者。二家五人。下地家五人。可任也者。家二人。均。平也。周。猶徧也。一家男女七人以上。則授之

以上地。所養者衆也。男女五人以下。則授之以下地。所養者寡也。正以七人六人五人爲率者。有夫有婦。然後爲家。自二人以至於十。爲九等。七六五者。爲其中。可任。謂丁強。任力役之事者。出老者一人。其餘男女強弱相半。其大數。凡起徒役。毋過

家一人。以其餘爲羨。唯田與追胥竭作。鄭司農云。羨。饒也。田。謂獵也。追。追寇賊也。竭。作盡行。凡用衆庶。則掌其政教。與其戒禁。聽其辭

訟。施其賞罰。誅其犯命者。命。所以誓告之。凡國之大事。致民。大故。致餘子。大事。謂戎事也。大故。謂災寇也。鄭司農云。國有大事。當徵召會聚百姓。則小司徒召聚之。餘子。謂漢

也。玄謂餘子。卿大夫之子。當守於王宮者也。

乃經土地而井牧其田野。九夫爲井。四井爲邑。四邑爲丘。四丘爲甸。四甸爲縣。四縣爲都。以任地事而令貢賦。凡稅斂之事。

此謂造都鄙也。采地制井田。異於鄉遂。重立國。小司徒爲經之。立其五溝五塗之界。其制似井之字。因取名焉。孟子曰。夫仁政必自經界始。經界不正。井田不均。貢祿不平。是

故暴君姦吏必慢其經界。經界既正。分田制祿。可坐而定也。鄭司農云。井牧者。春秋傳所謂井衍沃牧隰臯者也。玄謂隰臯之地。九夫爲牧。二牧而當一井。今造都鄙。授民田。有不易。有一易。有再易。通率二而當一。是之謂井牧。昔夏少康在處。思有田一成。有衆一旅。一旅之衆。而田一成。則井牧之法。先古然矣。九夫爲井者。方一里。九夫所治之田也。此制小司徒經之。匠人爲之溝洫。相包乃成耳。邑丘之屬。相連比。以出田稅。溝洫爲除水害。四井爲邑。方二里。四邑爲丘。方四里。四丘爲甸。甸之言乘也。讀如衷甸之甸。甸方八里。旁加一里。則方十里。爲一成。積百井。九百夫。其中六十四井。五百七十六夫。出田稅三十六井。三百二十四夫。治洫四甸爲縣。方二十里。四縣爲都。方四十里。四都方八十里。旁加十里。乃得方百里。爲一同也。積萬井。九萬夫。其四千九十六井。三萬六千八百六十四夫。出田稅二千三百四井。二萬七百三十六夫。治洫三千六百井。三萬二千四百夫。治澮井田之法。備於一同。今止於都者。采地食者皆四之一。其制三等。百里之國。凡四都。一都之田稅入於王。五十里之國。凡四縣。一縣之田稅入於王。二十五里之國。凡四甸。一甸之田稅入於王。地事謂農牧衛虞也。貢謂九穀山澤之材也。賦謂出車徒給繇役也。司馬法曰。六尺爲步。步百爲畝。畝百爲夫。夫三爲屋。屋三爲井。井十爲通。通爲匹馬。三十家。士一人。徒二人。通十爲成。成百井。三百家。革車一乘。士十人。徒二十人。十成爲終。終千井。三千家。革車十乘。士百人。徒二百人。十終爲同。同方百里。萬井。三萬家。革車百乘。士千人。徒二千人。

乃分地域而辨其守。施其職而平其政。

分地域。謂建邦國。造都鄙。制鄉遂也。辨其守。謂衛虞之屬。職謂九職也。政稅也。故當作征。故書域爲邦。杜

子春云。當爲域。

凡小祭祀。奉牛牲。羞其肆。

小祭祀。王玄冕所祭。

小賓客。令野脩道委積。

小賓客。諸侯之使臣。

大軍旅。帥其衆庶。

帥。帥而致於大司徒。

小軍旅巡役治其政令

巡役小力役之事則巡行之

大喪帥邦役治其政教

喪役正棺引窆復土

凡建邦國立其社稷正其畿疆

之封

畿九畿

凡民訟以地比正之

鄭司農云以田畔所與比正斷其訟

地訟以圖正之

地訟爭疆界者圖謂邦國本圖

歲終則攷其屬官之治成

而誅賞

治成治事之計

令羣吏正要會而致事正歲則帥其屬而觀教灋之象徇以木鐸曰不用灋者國有常刑

令羣吏憲禁令脩灋糾職以待邦治

憲表縣之

及大比六鄉四郊之吏平教治正政事攷夫屋及其衆寡六畜

兵器以待政令

四郊之吏吏在四郊之內主民事者夫三爲屋屋三爲井出地貢者三三相任

鄉師之職各掌其所治鄉之教而聽其治

聽謂平察之

以國比之灋以時稽其夫家衆寡辨其老幼貴賤癘疾

馬牛之物辨其可任者與其施舍者掌其戒令糾禁聽其獄訟

施舍謂應復免不給繇役

大役則帥民徒而至治其政

令既役則受州里之役要以攷司空之辟以逆其役事

而至至作部曲也既已也役要所遣民徒之數辟功作章程逆猶鉤考也鄭司農云辟法也

凡邦事令

作秩斂

事功力之事秩常也斂猶次也事有常次則不僭置

大祭祀養牛牲共茅菹

杜子春云菹當爲菹以茅爲菹若葵菹也鄭大夫讀菹爲藉謂祭前藉也易曰藉用白茅无咎玄謂菹士虞禮所謂苴荊茅長五寸

束之者是也。祝設于几。東席上。命佐食取黍稷。祭于苴。三取膚。祭如初。此所以承祭。既祭。蓋束而去之。守祧職云。既祭。藏其隋。是與。

大軍旅會同。正治其徒役。與其輦輦。戮其犯命者。

輦 輦

馬輦人執行。所以載任器也。止以爲蕃營。司馬法曰。夏后氏謂輦曰。余車。殷曰。胡奴車。周曰。輦輦。輦一斧。一斤。一鑿。一。大喪用役。則。

輦一鋤。周輦加二版。二築。又曰。夏后氏二十人而輦。殷十八人而輦。周十五人而輦。故書輦作連。鄭司農云。連讀爲輦。

帥其民而至。遂治之。

治謂監督其事。

及葬。執纛以與匠師御。匱而治役。

匠師。事官之屬。其於司空。若鄉師之於司徒也。鄉師主役。匠師主衆。匠共主葬。引雜記曰。升正柩。諸侯執。

紼五百人。四紼皆銜枚。司馬執鐸。左八人。右八人。匠人執翻。以御柩。天子六引。禮。依此云。鄭司農云。翻。羽葆幢也。爾雅曰。纛。翳也。以指麾。輓柩之役。正其行列進退。

及窆。執斧以泄匠師。

匠師主豐碑之事。執斧以泄之。使戒其事。故書泄作。

立。鄭司農云。窆。謂葬下棺也。春秋傳曰。日中而崩。禮記所謂封者。立讀爲泄。泄。謂臨視也。

凡四時之田。前期。出田。灋于州里。簡其鼓鐸。旗物兵器。脩其卒伍。

田法人徒

及所當有。

及期。以司徒之大旗。致衆庶。而陳之。以旗物辨鄉邑。而治其政令。刑禁。巡其前後之屯。而戮其犯命。

者。斷其爭禽之訟。

司徒致衆庶者。以熊虎之旗。此又以之。明爲司徒致之。大夫致衆。當以鳥隼之旗。陳之。以旗物以表正其行列。辨別異也。故書巡作述。屯。或爲臀。鄭大夫讀屯爲課。殷。杜子春讀爲在後。曰。殷。謂前後屯兵也。玄。謂前後屯。車徒異。

部也。今書多爲屯。從屯。

凡四時之徵令。有常者。以木鐸徇於市朝。

徵令有常者。謂田狩及正月。命脩封疆。二月。命雷且發聲。

以歲時巡國及野。而賙萬。

民之糶。阨。以王命施惠。

歲時者。隨其事之時。不必四時也。艱。阨。饑乏也。鄭司農云。賙。讀爲周急之周。

歲終。則攷六鄉之治。以詔廢置。正歲。稽其鄉器。比。

共吉凶二服。閭共祭器。族共喪器。黨共射器。州共賓器。鄉共吉凶禮樂之器。

吉服者祭服也。凶服者弔服也。比長主集爲之。祭器者簠簋鼎俎之屬。閭

胥主集爲之。喪器者夷槃素俎楛豆鞅軸之屬。族師主集爲之。此三者民所以相共也。射器者弓矢楅中之屬。黨正主集爲之。爲州長或時射於此黨也。賓器者尊俎笙瑟之屬。州長主集爲之。爲鄉大夫。或時賓賢能於此州也。吉器若閭祭器者也。凶器若族喪器者也。禮樂之器若州黨賓射之器者也。鄉大夫備集此四者。爲州黨族閭有故而

若國大比。則攷教察辭。稽器展事。以詔誅賞。

攷教。視賢。

能以知道藝與不。察辭。視吏言事。知其情實。不展。猶整具。

鄉大夫之職。各掌其鄉之政教禁令。

鄭司農云。萬二千五百家爲鄉。

正月之吉。受教灋于司徒。退而頒之于其鄉吏。使各以

教其所治。以考其德行。察其道藝。

其鄉吏。州長以下。

以歲時登其夫家之衆寡。辨其可任者。國中自七尺以及六

十。野自六尺以及六十。有五皆征之。其舍者。國中貴者賢者能者。服公事者。老者疾者。皆舍。以歲時入其

書。

登成也。定也。國中城郭中也。晚賦稅而早免之。以其所居復多役少。野早賦稅而晚免之。以其復少役多。鄭司農云。征之者。給公上事也。舍者。謂有復除舍。不收役事也。貴者。謂若今宗室及關內侯皆復也。服公事者。謂若今吏有復除也。老者。謂若今八十九十復喪卒

也。疾者。謂若今癘不可事者。復之。玄謂入其書者。言於大司徒。

三年則大比。攷其德行道藝。而與賢者能者。鄉老及鄉大夫。帥其吏與其衆寡。

以禮禮賓之。

賢者有德行者。能者有道藝者。衆寡謂鄉人之善者無多少也。鄭司農云。與賢者謂若今舉孝廉與能者。謂若今舉茂才。賓敬也。賓所舉賢者能者。玄謂變舉言與者。謂合衆而尊寵之。以鄉飲酒之禮禮而賓之。

厥明。鄉老

及鄉大夫羣吏。獻賢能之書于王。王再拜受之。登于天府。內史貳之。

厥其也。其賓之明日也。獻猶進也。王拜受之。重得賢者。王上其書於天府。天府掌祖廟之寶藏。

者。內史副寫其書者。

當詔王爵祿之時。

退而以鄉射之禮五物詢衆庶。一曰和。二曰容。三曰主皮。四曰和容。五曰興舞。

以用也。行鄉射之禮。

而以五物詢於衆民。鄭司農云。詢謀也。問於衆庶。寧復有賢能者。和謂閨門之內行也。容謂容貌也。主皮謂善射。射所以觀士也。故書舞爲無杜子春讀和容爲和頌。謂能爲樂也。無讀爲舞。謂能爲六舞。玄謂和載六德。容包六行也。庶民無射禮。因田獵分禽。則有主皮。主皮者。張皮射之。無侯也。主皮和容興舞。則六藝之射與禮樂與。當射之時。民必觀焉。因詢之也。孔子射於矍相之圃。蓋觀者如堵牆。射至於司馬。使子路執弓矢出警射者。又使公罔之裘序點揚觶而語。詢衆庶之儀若是乎。

此謂使民興賢。出

使長之。使民興能。入使治之。

言是乃所謂使民自舉賢者。因出之而使之長民。教以德行道藝於外也。使民自舉能者。因入之而使之治民之貢賦田役之事於內也。言爲政以順民爲本也。書曰。天聰明自我民聰。明天明威。

自我民明威。老子曰。聖人無常心。以百姓心爲心。如是。則古今未有遺民。而可爲治。

歲終。則令六鄉之吏。皆會政致事。

會計也。致事言其歲盡文書。

正歲。令羣吏攷灋于司

徒以退。各憲之於其所治國。大詢于衆庶。則各帥其鄉之衆寡。而致於朝。

大詢者。詢國危。詢國遷。詢立君。鄭司農云。大詢于衆庶。洪範所謂謀及庶民。

國有大故。則令民各守其閭。以待政令。

使民皆聚於閭。胥所治處。

以旌節輔令。則達之。

民雖以微令行。其將之者。無節則不得通。

州長各掌其州之教治政令之灋

鄭司農云二千五百家爲州論語曰雖州里行乎哉春秋傳曰鄉取一人焉以歸謂之夏州

正月之吉各屬其州之民而讀

灋以攷其德行道藝而勸之以糾其過惡而戒之

屬猶合也聚也因聚衆而勸戒之者欲其善

若以歲時祭祀州社則屬其民而

讀灋亦如之春秋以禮會民而射于州序

序州黨之學也會民而射所以正其志也射義曰射之爲言釋也釋者各釋已之志

凡州之大祭祀大喪皆泄其

事

大祭祀謂州社稷也大喪鄉老鄉大夫於是卒者也泄臨也

若國作民而師田行役之事則帥而致之掌其戒令與其賞罰

致之致之於司徒也掌其戒令

賞罰則是於軍因爲師帥

歲終則會其州之政令正歲則讀教灋如初

雖以正月讀之至正歲猶復讀之因此四時之正重申之

三年大比則大攷州里

以贊鄉大夫廢興

廢興所廢退所興進也鄭司農云贊助也

黨正各掌其黨之政令教治

鄭司農云五百家爲黨論語曰孔子於鄉黨又曰闕黨童子

及四時之孟月吉日則屬民而讀邦灋以糾戒之

以四孟之月朔日讀法者彌親民者於教亦彌數

春秋祭禘亦如之

禘謂雩祭水旱之神蓋亦爲壇位如祭社稷云

國索鬼神而祭祀則以禮屬民而飲酒于序

以正齒位壹命齒于鄉里再命齒于父族三命而不齒

國索鬼神而祭祀謂歲十二月大蜡之時建亥之月也正齒位者鄉飲酒義所謂六十者坐五十者立侍六十者三豆七十者

四豆八十者五豆九十者六豆是也必正之者為民三時務農將闕於禮至此農隙而教之尊長養老見孝弟之道也黨正飲酒禮亡以此事屬於鄉飲酒之義微失少矣凡射飲酒此鄉民雖為鄉大夫必來觀禮鄉飲酒鄉射記大夫樂作不入士既旅不入是也齒于鄉里者以年與衆賓相次也齒于父族者父族有為賓者以年與之相次異姓雖有老者居於其上不齒者席于尊東所謂適

凡其黨之祭祀喪紀婚冠飲酒教其禮事掌其戒禁

其黨之民

凡作民而師田行役則以其濃治其政事

亦於軍因為旅帥

歲終則會其黨政帥其吏而致事正歲屬民讀濃而

書其德行道藝

書記

以整時浹校比

浹臨也鄭司農云校比族師職所謂以時屬民而校登其族之夫家衆寡辨其貴賤老幼癘疾可任者及其六畜車輦如今小案比

及大比亦如

之

族師各掌其族之戒令政事

政事邦政之事鄭司農云百家為族

月吉則屬民而讀邦濃書其孝弟睦姻有學者

月吉每月朔日也故書上

句或無事字杜子春云當為正月吉書亦或為戒令政事月吉則屬民而讀邦法

春秋祭酺亦如之

酺者為人物菽害之神也故書酺或為步杜子春云當為酺玄謂校人職又有冬祭馬步則未知此世所云蝮螟之酺與人鬼之步與蓋

亦為壇位如雩祭云族長無飲酒之禮因祭酺而與其民以長幼相獻酬焉

以邦比之濃帥四閭之吏以時屬民而校登其族之夫家衆寡辨其貴賤

老幼癘疾可任者及其六畜車輦

登成也定也

五家為比十家為聯五人為伍十人為聯四閭為族八閭為聯

使之相保相受。刑罰慶賞相及相共。以受邦職。以役國事。以相葬埋。相共猶相救相闢。若作民而師。田行役。則合

其卒伍。簡其兵器。以鼓鐸旗物帥而至。掌其治令。戒禁刑罰。亦於軍因為卒長。歲終。則會政致事。

閭胥各掌其閭之徵令。鄭司農云。二十五家為閭。以歲時各數其閭之衆寡。辨其施舍。凡春秋之祭祀。役政喪紀之數。

聚衆庶。既比。則讀灋。書其敬敏任恤者。祭祀謂社黨禘族。酺也。役田役也。政若州射黨飲酒也。喪紀大喪之事也。四者及比皆會聚衆民。因以讀灋。以勅戒之。故書既為暨。杜子春讀政為征。暨為既。凡

事。掌其比。黷撻罰之事。黷撻者。失禮之罰也。黷用酒。其爵以兕角為之。撻。扑也。故書或言黷撻之罰事。杜子春云。當言黷撻罰之事。

比長各掌其比之治。五家相受相和親。有辜奇袤。則相及。邪猶惡也。徙于國中及郊。則從而授之。徙謂不便其居也。或國中之民。

出徙郊。或郊民入徙國中。皆從而付所處之吏。明無罪惡。若徙于他。則為之旌節而行之。徙於他。謂出居異鄉也。授之者。有節乃達。若無授無節。則唯園土內之。鄉中。

無授。出鄉無節。過所則呵問。繫之園土。考辟之也。園土者。獄城也。獄必圍者。規主仁。以仁心求其情。古之治獄。閱於出之。

封人掌設王之社壇。為畿。封而樹之。壇。謂壇及墉埒也。畿。上有封。若今時界矣。不言稷者。稷社之細也。凡封國。設其社稷之壇。封其四疆。封國。建諸

侯立其國之封。造都邑之封域者，亦如之，令社稷之職。

將祭之時，令諸有職事於社稷者也。郊特牲曰：唯爲社事，單出里，唯爲社田，國人畢作，唯爲社。丘乘共粢盛，所以報本反始也。

凡祭祀。

飾其牛牲，設其楅衡，置其絃，共其水藁。

飾，謂刷治潔清之也。鄭司農云：楅衡所以楅持牛也。絃，著牛鼻繩，所以牽牛者。今時謂之雉，與古者名同，皆謂夕牲時也。杜子春云：楅衡所以持牛，令不得抵觸人。玄謂

楅，設於角，衡設於鼻，如楸狀也。水藁，給殺時洗薦牲也。絃，字當以爲聲。

歌舞牲及毛炮之豚。

謂君牽牲入時，隨歌舞之言其肥香，以款神也。毛炮，豚者爛去其毛而炮之，以備八珍。鄭司農云：封人主歌舞其牲，云博碩肥膷。

凡

喪紀，賓客，軍旅，大盟，則飾其牛牲。

大盟，會同之盟。

鼓人掌教六鼓四金之音聲，以節聲樂，以和軍旅，以正田役。

音聲，五聲合和者。

教爲鼓而辨其聲用。

教爲鼓，教擊鼓者大小之數，又

別其聲所用之事。

以雷鼓鼓神祀。

雷鼓，八面鼓也。神祀，祀天神也。

以靈鼓鼓社祭。

靈鼓，六面鼓也。社祭，祭地祇也。

以路鼓鼓鬼享。

路鼓，四面鼓也。鬼享，享宗廟也。

以鼗

鼓鼓軍事。

大鼓，謂之鼗。鼗鼓長八尺。

以鞀鼓鼓役事。

鞀鼓長丈二尺。

以晉鼓鼓金奏。

晉鼓長六尺六寸，金奏，謂樂作擊編鍾。

以金錡和鼓。

錡，錡于也。圖如確頭。

大上小下，樂作鳴之，與鼓相和。

以金鐻節鼓。

鐻，鉦也。形如小鍾，軍行鳴之，以爲鼓節。司馬職曰：軍行鳴鐻。

以金鏡止鼓。

鏡如鈴，無舌，有乘，執而鳴之，以止擊鼓。司馬職曰：鳴鏡且卻。

以金鐸通鼓。

鐸，大鈴也。振之以通鼓。司馬職曰：司馬振鐸。

凡祭祀百物之神，鼓兵舞，帔舞者。

兵，謂干戚也。帔，列五采綉爲之，有乘皆舞者所執。

凡軍旅夜鼓，鼗。

鼗，夜戒守鼓也。司馬法曰：昏鼓

四通爲大戮。夜半三通爲晨戒。且明五通爲發陶。

軍動則鼓其衆。

動且行

田役亦如之。救日月則詔王鼓。

救日月食。王必親擊鼓者。聲大異。春秋傳曰。非日月之咎不鼓。

大喪。

則詔大僕鼓。

始崩及窆時也。

舞師掌教兵舞。帥而舞山川之祭祀。教帙舞。帥而舞社稷之祭祀。教羽舞。帥而舞四方之祭祀。教皇舞。帥

而舞旱暵之事。

羽析白羽爲之。形如帙也。四方之祭祀。謂四望也。旱暵之事。謂雩也。暵。熱氣也。鄭司農云。皇舞蒙羽舞。書或爲璽。或爲義。玄謂皇析五采羽爲之。亦如帙。

凡野舞則皆教之。

野舞。謂野人欲學舞

者。凡小祭祀不興舞。

小祭祀。王玄冕所祭者。與猶作也。

牧人掌牧六牲而阜蕃其物。以共祭祀之牲牲。

六牲。謂牛馬羊豕犬雞。鄭司農云。牲。純也。玄謂牲體完具。

凡陽祀用騂牲。毛之。陰祀用黝牲。

毛之。望祀各以其方之色牲。毛之。

騂。牲赤色。毛之。取純毛也。陰祀。祭地。北郊及社稷也。望祀。五嶽四鎮四瀆也。鄭司農云。陽祀春夏也。黝。讀爲幽幽。黑也。玄謂陽祀祭天於南郊及宗廟。

凡時祀之

牲必用牲物。

時祀。四時所常祀。謂山川以下至四方百物。

凡外祭毀事用虬可也。

外祭。謂表貉及王行所過山川用事者。故書毀爲甗。虬。作龍。杜子春云。甗當爲毀。龍當爲彪。彪。謂雜色不純。毀。謂副辜。侯

讓毀除殃。告之屬。

凡祭祀共其犧牲以授充人繫之。

犧牲。毛羽完具也。授充人者。當殊養之。周景王時。賓起見雄雞自斷其尾。曰。雞憚其爲犧。

凡牲不繫者共奉之。

謂非時而

祭祀者

牛人掌養國之公牛以待國之政令

公猶官也

凡祭祀共其享牛求牛以授職人而芻之

鄭司農云享牛前祭一日之牛也求牛禱於鬼神祈

求福之牛也玄謂享獻也獻神之牛謂所以祭者也求終也終事之牛謂所以釋者也宗廟有釋者孝子求神非一處職讀爲穢穢謂之牝可以繫牛穢人者謂牧人充人與芻牲之芻牛人擇於公牛之中而以授養之

凡賓客之事共其

牢禮積膳之牛

牢禮殮饗也積所以給賓客之用若司儀職曰主國五積者也膳所以問禮賓客若掌客云股膳大牢

饗食賓射共其膳羞之牛

羞進也所進賓之膳燕禮小臣請執筯者與羞膳者

至獻賓而膳宰設折俎王之膳羞亦猶此

軍事共其犒牛

鄭司農云犒師之牛

喪事共其奠牛

謂股奠遺奠也喪所薦饋曰奠

凡會同軍旅行役共其兵車之

牛與其牽傍以載公任器

牽傍在轅外輓牛也人御之居其前曰牽居其旁曰傍任猶用也

凡祭祀共其牛牲之互與其盆簋以待事

鄭司農云互謂楅衡

之屬盆簋皆器名盆所以盛血簋受肉籠也玄謂互若今屠家縣肉格

充人掌繫祭祀之牲牲祀五帝則繫于牢芻之三月

牢閑也必有閑者防禽獸觸齧養牛羊曰芻三月一時節氣成

享先王亦如之凡散祭祀

之牲繫于國門使養之

散祭祀謂司中司命山川之屬國門謂城門司門之官鄭司農云使養之使守門者養之

展牲則告牲

鄭司農云展具也具牲若今時選牲也充人主以牲牲告展牲者也玄謂展牲

若今夕牲也。特性饋食之禮曰宗人視牲。告充舉獸尾。告備近之。

碩牲則贊。

贊助也。君牽牲入將致之。助持之也。春秋傳曰。故奉牲以告曰博碩肥臚。



周禮卷第四

地官司徒下

載師掌任土之灋以物地事授地職而待其政令

任土者任其力勢所能生育且以制貢賦也物物色之以知其所宜之事而授農牧衡虞使職之

以廛里任國中

之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任

甸地以家邑之田任稍地以小都之田任縣地以大都之田任疆地

故書廛或作壇郊或為蓄稍或作削鄭司農云壇讀為廛廛市中空地未有肆城中空地未有

宅者民宅曰宅宅田者以備益多也士田者士大夫之子得而耕之田也賈田者吏為縣官賣財與之田官田者公家之所耕田牛田者以養公家之牛賞田者賞賜之田牧田者牧六畜之田司馬法曰王國百里為郊二百里為州三百里為野四百里為縣五百里為都杜子春云蓄讀為郊五十里為近郊百里為遠郊玄謂廛里者若今云邑居里矣廛民居之區域也里居也圃樹果蘆之屬季秋於中為場樊圃謂之園宅田致仕者之家所受田也士相見禮曰宅者在邦則曰市井之臣在野則曰草莽之臣士讀為仕仕者亦受田所謂圭田也孟子曰自卿以下必有圭田圭田五十畷賈田在市賈人其家所受田也官田庶人在官者其家所受田也牛田牧田畜牧者之家所受田也公邑謂六途餘地天子使大夫治之自此以外皆然二百里三百里其大夫如州長四百里五百里其大夫如縣正是以或謂二百里為州四百里為縣云途人亦監焉家邑大夫之采地小都卿之采地大都公之采地王子弟所食邑也疆五百里王畿界也皆言任者地之形實不方平如圖受田邑者遠近不得盡如制其所生育賦貢取正於是耳以廛里任國中而途人職授民田夫一廛田百畷是

廛里不謂民之邑居在都城者與。凡王畿內方千里。積百同。九百萬夫之地也。有山陵林麓川澤溝瀆城郭宮室塗巷。三分去一。餘六百萬夫。又以田不易一易再易。上中下相通。定受田者三百萬家也。遠郊之內地居四同。三十六萬夫之地也。三分去一。其餘二十四萬夫。六鄉之民七萬五千家。通不易一易再易。一家受二夫。則十五萬夫之地。其餘九萬夫。廛里也。場圃也。宅田也。士田也。賈田也。官田也。牛田也。賞田也。牧田也。九者亦通受一夫焉。則半農人也。定受田十二萬家也。食貨志云。農民戶一人已受田。其家衆男爲餘夫。亦以口受田。如此。土工商家受田五口。乃當農夫一人。今餘夫在塗地之中。如此。則土工商以事入在官。而餘夫以力出耕。公邑甸稍縣都。合居九十六同。八百六十四萬夫之地。城郭宮室差少。塗巷又狹於三分所去。六而存一焉。以十八分之十三率之。則其餘六百二十四萬夫之地。通上中下。六家而受十三夫。定受田二百八十八萬家也。其在甸。七萬五千家爲六遂。餘則公邑。凡任地。國宅無征。園廩二十而一。近郊十一。遠郊二十而三。甸稍

縣都皆無過十二。唯其漆林之征二十而五。

征稅也。言征者以共國政也。鄭司農云。任地謂任土地以起稅賦也。國宅城中宅也。無征無稅也。故書漆林爲漆林。杜子春云。當爲漆林。玄謂國宅。凡官

所有宮室吏所治者也。周稅輕近而重遠。近者多役也。園廩亦輕之者。廩無穀。園少利也。古之宅必樹而置場有瓜。

凡宅不毛者。有里布。凡田不耕者。出屋粟。凡民無職事者。出

夫家之征。

鄭司農云。宅不毛者。謂不樹桑麻也。里布者。布參印書。廣二寸。長二尺。以爲幣。貿易物。詩云。抱布貿絲。抱此布也。或曰。布泉也。春秋傳曰。買之百兩。一布。又廛人職。掌斂市之次布。僂布。質布。罰布。廛布。孟子曰。廛無夫里之布。則天下之民皆說

而願爲其民矣。故曰宅不毛者。有里布。民無職事。出夫家之征。欲令宅樹桑麻。民就四業。則無稅賦以勸之也。故孟子曰。五畝之宅。樹之以桑。則五十者可以衣帛。不知言布參印書者。何見舊時說也。玄謂宅不毛者。罰以一里二十五家之泉。空田者。罰以三家之稅粟。以共吉凶二服及喪器也。民雖有閒無職事者。猶出夫稅家稅也。夫稅者。百畝之稅。家稅者。出土徒車輦。給縣役。以時徵其賦。

閭師掌國中及四郊之人民六畜之數。以任其力。以待其政令。以時徵其賦。

國中及四郊是所主數。六鄉之中自廛里至遠郊也。掌六畜數者農事之

本也。賦謂九賦及九貢。

凡任民任農以耕事。貢九穀。任圃以樹事。貢草木。任工以飭材事。貢器物。任商以市事。貢貨賄。

任牧以畜事。貢鳥獸。任嬪以女事。貢布帛。任衡以山事。貢其物。任虞以澤事。貢其物。

貢草木謂葵韭果蔬之屬。

凡無職

者出夫布。

獨言無職者。掌其九賦。

凡庶民不畜者。祭無牲。不耕者。祭無盛。不樹者。無棹。不蠶者。不帛。不績者。不衰。

掌罰其家。

事也。盛。黍稷也。棹。周棺也。不帛。不得衣帛也。不衰。喪不得衣衰也。皆所以恥不勉。

縣師掌邦國都鄙稍甸郊里之地域。而辨其夫家人民田萊之數。及其六畜車輦之稽。三年大比。則以攷

羣吏。而以詔廢置。

郊里。郊所居也。自邦國以及四郊之內。是所主數。周天下也。萊。休不耕者。郊內謂之易。郊外謂之萊。善言近。

若將有軍旅。會同。田役之戒。則受灋于司

馬。以作其衆庶及馬牛車輦。會其車人之卒伍。使皆備旗鼓兵器。以帥而至。

受法於司馬者。知所當徵衆寡。

凡造都邑。量其

地。辨其物。而制其域。

物。謂地所有也。名山大澤不以封。

以歲時徵野之賦貢。

野。謂甸稍縣都也。所徵賦貢與閭師同。

遺人掌邦之委積以待施惠鄉里之委積以恤民之糶阨門關之委積以養老孤郊里之委積以待賓客

野鄙之委積以待驛旅縣都之委積以待凶荒

委積者廩人倉人計九穀之數足國用以其餘共之所謂餘法用也職內邦之移用亦如此也皆以餘財共之少曰委多曰積鄉里鄉所居也跟阨

猶困乏也門關以養老孤人所出入易以取餽廩也驛旅過行寄止者待凶荒謂邦國所當通給者也故書跟阨作權阨驛作寄杜子春云權阨當爲跟阨寄當爲驛

凡賓客會同師役掌其道路之委積凡

國野之道十里有廬廬有飲食三十里有宿宿有路室路室有委五十里有市市有候館候館有積

廬若今野

候徒有房也宿可止宿若今亭有室矣候館樓可以觀望者也一市之間有三廬一宿

凡委積之事巡而比之以時頒之

均人掌均地政均地守均地職均人民牛馬車輦之力政

政讀爲征地征謂地守地職之稅也地守衡虞之屬地職農圃之屬力征人民則治城郭涂巷溝渠牛馬車輦則轉委積

之凡均力政以歲上下豐年則公旬用二日焉中年則公旬用二日焉無年則公旬用一日焉

豐年人食四歲之歲也人

食三鬴爲中歲人食二鬴爲無歲歲無贏儲也公事也旬均也讀如營營原隰之營易坤爲均今書亦有作旬者

凶札則無力政無財賦

無力政恤其勞也無財賦恤其乏困也財賦九賦也

不收地守地

職不均地政

不收山澤及地稅亦不平計地稅也非凶札之歲當收稅乃均之耳

三年大比則大均

有年無年大平計之若久不修則數或闕

師氏掌以燂詔王。

告王以善道也。文王世子曰：師也者，教之以事而諭諸德者也。

以三德教國子。一曰至德，以為道本。二曰敏德，以為行本。三

曰孝德，以知逆惡。教三行：一曰孝行，以親父母；二曰友行，以尊賢良；三曰順行，以事師長。

德行內外之稱，在心為德，施之為行。

至德，中和之德，覆燾持載含容者也。孔子曰：中庸之為德，其至矣乎！敏德，仁義順時者也。說命曰：敬孫務時敏，厥修乃來。孝德，尊祖愛親，守其所以生者也。孔子曰：武王周公其達孝矣乎！夫孝者，善繼人之志，善述人之事者也。孝在三德之下，三行之上，德有廣於孝而行莫尊焉。國子，公卿大夫之子弟，師氏教之，而世子亦齒焉。學君臣父子長幼之道。

居虎門之左，司王朝。

虎門，路寢門也。王日視朝於路寢門外畫虎焉，以明勇猛於守。宜也。司猶察也。察王之視朝，若有善道可行者，則當前以詔王。

掌

國中失之事，以教國子弟。

教之者，使識舊事也。中，中禮者也。夫失禮者也。故書中為得。杜子春云：當為得，記君得失。若春秋是也。

凡國之貴遊子弟學焉。

貴遊子弟，王公之子弟遊無官。

司者，杜子春云：遊當為猶，言雖貴猶學。

凡祭祀，賓客會同，喪紀軍旅，王舉則從。

舉猶行也。故書舉為與。杜子春云：當為與，謂王與會同喪紀之事。

聽治亦如之。

謂王舉於野外。

以聽朝。

使其屬帥四夷之隸，各以其兵服守王之門外，且蹕。

兵服，旃布弓劍不同也。門外，中門之外。蹕，止行人不得迫王宮也。故書隸，或作肆。鄭司農云：讀為隸。

朝在野

外，則守內列。

內列，蕃營之在內者也。其屬亦帥四夷之隸守之，如守王宮。

保氏掌諫王惡。

諫者，以禮義正之。文王世子曰：保也者，慎其身以輔翼之而歸諸道者也。

而養國子以道，乃教之六藝：一曰五禮，二曰六樂，三曰五

射。四曰五馭。五曰六書。六曰九數。乃教之六儀。一曰祭祀之容。二曰賓客之容。三曰朝廷之容。四曰喪紀

之容。五曰軍旅之容。六曰車馬之容。

養國子以道者。以師氏之德行審諭之。而後教之。以藝儀也。五禮。吉。凶。賓。軍。嘉也。六樂。雲門。大咸。大韶。大夏。大濩。大武也。鄭司農云。五射。白矢。參連。剡注。囊尺。井儀也。五馭。鳴

和鸞。逐水曲。過君表。舞交衢。逐禽左。六書。象形。會意。轉注。處事。假借。諧聲也。九數。方田。粟米。差分。少廣。商功。均輸。方程。贏不足。旁要。今有重差。夕桀。句股也。祭祀之容。穆穆皇皇。賓客之容。嚴恪矜莊。朝廷之容。濟濟踴踴。喪紀之容。涕涕翔翔。軍旅之容。闐闐仰仰。車馬之容。顛顛翼翼。玄訓祭祀之容。齊齊皇皇。賓客之容。穆穆皇皇。朝廷之容。濟濟翔翔。喪紀之容。纍纍顛顛。軍旅之容。暨暨踴踴。車馬之容。匪匪翼翼。

凡祭祀、賓客、會同、喪紀、軍旅、王舉則從、聽治、亦如

之。使其屬守王闈。

闈宮中之巷門。

司諫。掌糾萬民之德而勸之朋友。正其行而強之道藝。巡問而觀察之。以時書其德行道藝。辨其能而可

任于國事者。

朋友。相切磋以善道也。強。猶勸也。學記曰。強而弗抑。則易。巡問。行問民間也。可任於國事。任吏職。

以攷鄉里之治。以詔廢置。以行赦宥。

因巡問勸強萬民。而考鄉里吏民罪。

過。以告王。所當罪不。

司救。掌萬民之袞惡。過失而誅讓之。以禮防禁而救之。

邪惡。謂侮慢長老。語言無忌而未麗於罪者。過失。亦由邪惡。齷齪好訟。若抽拔兵器。誤以行傷害人。麗於罪者。誅誅責也。古者

重刑且責怒之未即罪也。

凡民之有裘惡者，三讓而罰，三罰而士加明刑，恥諸嘉石，役諸司空。

罰，謂撻擊之也。加明刑者，去其冠飾而書其邪惡之狀著之背。

也。嘉石，朝士所掌，在外朝之門左，使坐焉，以恥辱之。既而役諸司空，使事宜作之也。坐役之數存於司寇。

其有過失者，三讓而罰，三罰而歸于園土。

園土，獄城也。過失近罪，晝日任之以事而收之夜，藏

於獄，亦加明刑以恥之，不使坐嘉石，其罪已著，未忍刑之。

凡歲時有天患，民病，則以節巡國中及郊野，而以王命施惠。

天患，謂災害也。節，施也。施惠，謂恤之。

調人掌司萬民之難而諧和之。

難，相與為仇。諧，猶調也。

凡過而殺傷人者，以民成之。

過，無本意也。成，平也。鄭司農云：以民成之，謂立證佐成其罪也。一說以鄉里之

民共和解之。春秋傳曰：惠伯成之之屬。

鳥獸亦如之。

過失殺傷人之畜產者。

凡和難，父之讎，辟諸海外；兄弟之讎，辟諸千里之外；從父兄弟

之讎，不同國；君之讎，眡父；師長之讎，眡兄弟；主友之讎，眡從父兄弟。

和之，使辟於此，不得就而仇之。九夷八蠻，六戎五狄，謂之四海。主，大夫君也。春秋傳曰：晉荀偃

卒而視，不可舍。宣子盟而撫之，曰：事吳敢不如事主。

弗辟，則與之瑞節，而以執之。

瑞節，玉節之刻圭也。和之而不肯辟者，是不從王命也。王以刻圭使調人執之治其罪。

凡殺人有反殺者，

使邦國交讎之。

反復也。復殺之者，此欲除害弱敵也。邦國交讎之，明不和。諸侯得者即誅之。鄭司農云：有反殺者謂重殺也。

凡殺人而義者，不同國，令勿讎。讎之則死。

義，宜。

也。謂父母兄弟師長嘗辱焉而殺之者，如是為得其宜。雖所殺者人之父兄，不得讎也。使之不同國而已。

凡有鬪怒者，成之不可成者，則書之。先動者，誅之。

鬪怒，辯訟者也。不可成，不可平。

也。書之。記其姓名。辯本也。鄭司農云。成之。謂和之也。和之。猶今二千石以令解仇怨。後復相報。移徙之。此其類也。玄謂上言立證佐成其罪。似非。

媒氏。掌萬民之判。

判。半也。得耦爲合。主合其半。成夫婦也。喪服傳曰。夫妻判合。鄭司農云。主萬民之判合。

凡男女自成名以上。皆書年月日名焉。

鄭司農云。成名。謂子生三

月父名之。

令男三十而娶。女二十而嫁。

二三者。天地相承覆之數也。易曰。參天兩地而奇數焉。

凡娶判妻入子者。皆書之。

書之者。以別未成昏禮者。鄭司農云。入子者。謂

嫁女者也。玄謂言入子者。容媵姪娣不媵之者。

中春之月。令會男女。

中春。陰陽交。以成昏禮。順天時也。

於是時也。奔者不禁。

重天時。權許之也。

若無故而不用。

令者。罰之。

無故。謂無喪禍之變也。有喪禍者。娶得用。非中春之月。雜記曰。已雖小功。既卒哭。可以冠子娶妻。

司男女之無夫家者而會之。

司。猶察也。無夫家。謂男女之饜寡者。

凡嫁子。

娶妻。入幣。純帛無過五兩。

純。實緇字也。古緇以才爲聲。納幣用緇。婦人陰也。凡於娶禮。必用其類。五兩。十端也。必言兩者。欲得其配合之名。十者。象五行十日相成也。士大夫乃以玄纁束帛。天子加以穀圭。諸侯加以大璋。雜記曰。納

幣一束。束五兩。兩五尋。然則每端二丈。

禁遷葬者與嫁殤者。

遷葬。謂生時非夫婦死。既葬。遷之使相從也。殤。十九以下未嫁而死者。生不以禮相接死而合之。是亦亂人倫者也。鄭司農云。嫁殤者。謂嫁死人也。今時娶會是也。

凡

男女之陰訟。聽之于勝國之社。其附于刑者。歸之于士。

陰訟。爭中冓之事。以觸法者。勝國亡國也。亡國之社。奄其上而棧其下。使無所通。就之以聽陰訟之情。明不當宣露其罪不在

赦宥者。直歸士而刑之。不復以聽。士。司寇之屬。詩云。牆有茨。不可束也。中冓之言。不可道也。所可道也。言之醜也。

司市掌市之治教政刑量度禁令。量豆區斗斛之屬度丈尺也。以次敘分地而經市。次謂吏所治舍。思次介次也。若今市亭然敘肆行列也。經界也。以陳肆辨

物而平市。陳猶列也。辨物物異肆也。肆異則市平。以政令禁物靡而均市。物靡者易售而無用。禁之則市均。鄭司農云。靡謂侈靡也。以商賈阜貨而行布。通物曰商。居賈

物曰賈。阜猶盛也。鄭司農云。布謂泉也。以量度成賈而徵債。徵召也。債買也。物有定賈。則買者來也。以質劑結信而止訟。質劑謂兩書一札而別之也。若今下手書言保物要還矣。鄭司農云。

質劑。月平。以賈民禁偽而除詐。賈民。胥師賈師之屬。必以賈民為之者。知物之情偽與實詐。以刑罰禁競而去盜。刑罰。憲。徇扑。以泉府同貨而斂賒。同。

也。同者謂民貨不售。則為斂而買之。民無貨。則賒費而予之。大市日昃而市。百族為主。朝市朝時而市。商賈為主。夕市夕時而市。販夫販婦

為主。日昃。陝中也。市雜聚之處。言主者。謂其多者也。百族必容來去。商賈家於市城。販夫販婦。朝賈夕賣。因其便而分為三時之市。所以物極衆。鄭司農云。百族。百姓也。凡市入。則胥執鞭度守門。市之羣

吏。平肆。展成。奠賈。上旌于思次。以令市。市師涖焉。而聽大治大訟。胥師賈師涖于介次。而聽小治小訟。凡市

入。謂三時之市。市者入也。胥守門。察偽詐也。必執鞭度。以威正人衆也。度。謂量也。因刻丈尺耳。羣吏。胥師以下也。平肆。平賣物者之行列。使之正也。展之言整也。成平也。會平成市物者也。奠。讀為定。數勅會者。使定物賈。防誑豫也。上旌者。以為衆望也。見旌則知當市也。思次。若今市亭也。市師。司市也。介次。市亭之屬。別小者也。故書涖。作立。杜子春云。奠當為定。鄭司農云。思辭也。次。市中候樓也。立當為涖。視視也。玄謂思當為司字聲之誤也。凡萬民之期于市者。辟布者。量度者。刑

戮者各于其地之殺。

期謂欲賣買期決於市也。量度者若今盧斗斛及丈尺也。故書辟為辭。鄭司農云。辭布辭訟泉物者也。玄謂辟布市之羣吏考實諸泉入及有遺忘。

凡得貨賄六畜者亦如之。

三日而舉之。

得遺物者亦使置其地貨於貨之肆。馬於馬之肆。則主求之易也。三日而無識認者舉之沒入官。

凡治市之貨賄六畜珍異亡者使有利者使阜。害者

使亡。靡者使微。

利於民謂物實厚者。害於民謂物行沽者。使有使阜起其買以微之也。使亡使微抑其買以卻之也。侈靡細好使富民好奢微而已。鄭司農云。亡者使有無此物則開利其道使之有。

凡通貨賄以璽

節出入之。

璽節印章如今斗檢封矣。使人執之以通商以出。貨賄者王之司市也。以內貨賄者邦國之司市也。

國凶荒札喪則市無征而作布。

有災害物貴市不稅為民乏困也。金銅無凶年因物貴大

鑄泉以饒民。

凡市僞飾之禁在民者十有二。在商者十有二。在賈者十有二。在工者十有二。

鄭司農云。所以俱十有二者工不得作買不得

粥商不得資。民不得畜。玄謂王制曰。用器不中度。不粥於市。兵車不中度。不粥於市。布帛精麤不中數。幅廣狹不中量。不粥於市。姦色亂正色。不粥於市。五穀不時。果實未孰。不粥於市。木不中伐。不粥於市。禽獸魚鼈不中殺。不粥於市。亦其類也。於四十八則未聞數十二焉。

市刑。小刑憲罰。中刑徇罰。大刑扑罰。其附于刑者歸于士。

徇舉以示其地之衆也。扑撻也。鄭司農云。憲罰播其肆也。故書附為柎。杜子春云。當為附。

國君過市。

則刑人赦。夫人過市罰一幕。世子過市罰一帑。命夫過市罰一蓋。命婦過市罰一帷。

謂諸侯及夫人世子過其國之市。大夫內子過其都

之市也。市者人之所交利而行刑之處。君子無故不遊觀焉。若遊觀則施惠以為說也。國君則赦其刑人。夫人世子命夫命婦則使之出。前異尊卑也。所罰謂憲徇扑也。必罰幕帑蓋帷。市者衆也。此四物者在衆之用也。此王國之市而說國君以下過市者。諸侯之於其國與

王同以其足
以五明之。

凡會同師役市司帥賈師而從治其市政掌其賣債之事。

市司司市也。賈買也。會同師役必有市者。大眾所在來物以備之。

質人掌成市之貨賄人民牛馬兵器珍異。

成平也。會者平物買而來。主成其平也。人民奴婢也。珍異四時食物。

凡賣債者質劑焉。大市以質小市

以劑。

鄭司農云。質劑。月平買也。質。大買劑。小買。玄謂質劑者。爲之券藏之也。大市。人民馬牛之屬。用長券。小市。兵器珍異之物。用短券。

掌稽市之書契。同其度量。壹其淳制。巡而攷之。

犯禁者。舉而罰之。

稽。猶考也。治也。書契。取予市物之券也。其券之象。書兩札。刻其側。杜子春云。淳當爲純。純謂幅廣。制謂匹長也。皆當中度量。玄謂淳讀如淳戶。鹽之淳。

凡治質劑者。國中一旬。郊

二旬。野三旬。都三月。邦國。其期內聽。期外不聽。

謂齋券契者來訟也。以期內來則治之。後期則不治。所以絕民之好訟。且息文書也。郊。遠郊也。野。甸稍也。都。小都大都。

廛人掌斂市。斂布。緇布。質布。罰布。廛布。而入于泉府。

布。泉也。鄭司農云。緇布。列肆之稅布。杜子春云。總當爲僂。謂無肆立持者之稅也。玄謂總讀如租。穆布。謂守斗斛銓衡者之稅也。

質布者。質人所罰犯質劑者之泉也。罰布者。犯市令者之泉也。廛布者。貨賄諸物邸舍之稅。

凡屠者。斂其皮角筋骨。入于玉府。

以當稅給作器物也。其無皮角及筋骨不中用。亦稅之。

凡珍異

之有滯者。斂而入于膳府。

故書滯或作廛。鄭司農云。謂滯貨不售者。宜爲居之。貨物沈滯於廛中不決。民待其直以給喪疾。而不可售買賤者也。廛。謂市中之地。未有肆而可居。以畜藏貨物者也。孟子曰。市廛而不征。法而不廛。則天下之商皆說而願藏於其市矣。謂貨物儲藏於市中而不租稅也。故曰廛而不征。其有貨物久滯於廛而不售者。宜以法爲居取之。故曰法而不廛。玄謂滯讀如沈滯之滯。珍異。四時食物也。不售而在廛久。則將瘦臞腐敗。爲買之入膳夫之府。所以紓民事而官不失貨。

下之商皆說而願藏於其市矣。謂貨物儲藏於市中而不租稅也。故曰廛而不征。其有貨物久滯於廛而不售者。宜以法爲居取之。故曰法而不廛。玄謂滯讀如沈滯之滯。珍異。四時食物也。不售而在廛久。則將瘦臞腐敗。爲買之入膳夫之府。所以紓民事而官不失貨。

胥師各掌其次之政令而平其貨賄憲刑禁焉。

憲表縣之

察其詐偽飾行價賤者而誅罰之。

鄭司農云價賣也賤惡也謂行且賣姦偽

惡物者玄謂飾行價賤謂使人行賣惡物於市巧飾之令欺誑買者

聽其小治小訟而斷之。

賈師各掌其次之貨賄之治辨其物而均平之展其成而奠其賈然後令市。

辨別也

凡天患禁貴價者使有

恆賈。

恆常也謂若儲米穀棺木而賭久雨疫病者貴賣之因天災害阨民使之重困

四時之珍異亦如之。

薦宗廟之物

凡國之賣價各帥其屬而嗣掌其月。

買價

也故書賣為買鄭司農云謂官有所斥賣買師帥其屬而更相代直月為官賣之均勞逸

凡師役會同亦如之。

司虢掌憲市之禁令禁其鬪鬻者與其虢亂者出入相陵犯者以屬遊飲食于市者。

鬻謹也鄭司農云以屬遊飲食羣飲食者

若

不可禁則搏而戮之。

司稽掌巡市而察其犯禁者與其不物者而搏之。

不物衣服視占不與衆同及所操物不如品式

掌執市之盜賊以徇且刑之胥各

掌其所治之政執鞭度而巡其前掌其坐作出入之禁令襲其不正者。

作起也坐起禁令當市而不得空守之屬故書襲為習杜子春云當為襲謂掩捕其不正

者。凡有罪者，撻戮而罰之。罰之使出布。

肆長各掌其肆之政令，陳其貨賄，名相近者相遠也，實相近者相爾也，而平正之。

爾亦近也，俱是物也使惡者遠善善自相近，鄭司農云謂

若珠玉之屬，俱名為珠，俱名為玉，而買或百萬，或數萬，恐農夫愚民見欺，故別異令相遠，使買人不得雜亂以欺人。**斂其總布，掌其戒禁。**杜子春云：總當為儼。

泉府掌以市之征布，斂市之不售貨之滯于民用者，以其賈買之，物楛而書之，以待不時而買者，買者各

從其抵，都鄙從其主，國人郊人從其有司，然後予之。

故書滯為痺，杜子春云：痺當為滯，鄭司農云：物楛而書之，物物為楛，書書其買楛著其物也，不時買者謂急求者也，抵故買也，主者別治

大夫也，然後予之，為封符信，然後予之，玄謂抵實抵字，抵本也，本謂所屬吏主有司是。

凡除者，祭祀無過旬日，喪紀無過三月。

鄭司農云：除，賈也，以祭祀喪紀故從官賈買物。

凡民之貸

者，與其有司辨而授之，以國服為之息。

有司其所屬吏也，與之別其貸民之物，定其賈以與之，鄭司農云：貸者謂從官借本賈也，故有息使民弗利，以其所賈之國所出為息也，假令其國出絲絮，則以絲絮償。

其國出絺葛，則以絺葛償，玄謂以國服為之息，以其於國服事之稅為息也，於國事受園廩之田而貸萬泉者，則菴出息五百，王莽時民貸以治產業者，但計贏所得受息，無過歲什一。

凡國事之財用取具焉，歲終則會

其出入而納其餘。

會計也，納入也，入餘於職幣。

司門掌授管鍵以啓閉國門。

鄭司農云。鍵讀爲鑿。管謂箭也。鍵謂牡。

幾出入不物者。正其貨賄。凡財物犯禁者。舉之。

不物。衣服視。占不與衆同。

及所操物不如品式者。正讀爲征。征稅也。犯禁謂商所不資者。舉之。沒入官。

以其財養死政之老與其孤。

財所謂門關之委積也。死政之老。死國事之父母也。孤。其子。

祭祀之牛牲繫焉。

監門養之。

監門。門徒。

凡歲時之門受其餘。

鄭司農云。受祭門之餘。

凡四方之賓客造焉。則以告。

造。猶至也。告。告於王。而止客以俟迎。

司關掌國貨之節以聯門市。

貨節。謂商本所發。司市之釐節也。自外來者。則案其節而書其貨之多少。通之國門。國門通之司市。自內出者。司市爲之釐節。通之國門。國門通之關門。參相連以檢猾商。

司貨賄

之出入者。掌其治禁與其征塵。

征塵者。貨賄之稅與所止邸舍也。關下亦有邸舍。舍其出布如市之塵。

凡貨不出於關者。舉其貨罰其人。

不出於關。謂從私道。

出辟稅者。則沒其財而撻其人。

凡所達貨賄者。則以節傳出之。

商或取貨於民間。無釐節者。至關。關爲之釐節。及傳出之。其有釐節。亦爲之傳傳。如今移過所文書。

國凶札。則無關門之

征。猶幾。

鄭司農云。凶。謂凶年饑荒也。札。謂疾疫死亡也。越人謂死爲札。春秋傳曰。札瘥天昏。無關門之征者。出入關門。無租稅。猶幾。謂無租稅。猶苛察。不得令姦人出入。孟子曰。關幾而不征。則天下之行旅皆說而願出於其塗。

凡四方之

賓客。敝關。則爲之告。

謂朝聘者也。敝關。猶謂關人也。鄭司農說以國語曰。周之秩官有之。曰。敵國賓至。關尹以告。行理以節逆之。

有外內之送令。則以節傳出內之。

有送令。謂

奉貢獻及文書。以常事往來。環人之職。所送迎通賓客。來至關。則爲之節與傳以通之。

掌節。掌守邦節而辨其用。以輔王命。

邦節者。珍圭。牙璋。穀圭。琬圭。琰圭也。王有命則別其節之用。以授使者。輔王命者。執以行爲信。

守邦國者用玉節。守都鄙者

用角節。

謂諸侯於其國中。公卿大夫王子弟於其采邑有命者。亦自有節。以輔之。玉節之制。如王爲之。以命數爲小。大角用犀角。其制未聞。

凡邦國之使節。山國用虎節。土國用人節。澤

國用龍節。皆金也。以英蕩輔之。

使節。使卿大夫聘於天子諸侯。行道所執之信也。土平地也。山多虎。平地多人。澤多龍。以金爲節。鑄象焉。必自以其國所多者。於以相別爲信明也。今漢有銅虎符。杜子春云。蕩當爲帛。謂以

函器盛此節。或曰英蕩。畫函。

門關用符節。貨賄用璽節。道路用旌節。皆有期以反節。

門關。司門關也。貨賄者。主通貨賄之官。謂司市也。道路者。主治五涂之官。謂鄉塗大夫也。凡

民遠出。至於邦國。邦國之民若來入。由門者。司門爲之節。由關者。司關爲之節。其商則司市爲之節。其以徵令及家徒。則鄉塗大夫爲之節。唯時事而行。不出關。不用節也。變司市言貨賄者。璽節。主以通貨賄。貨賄非必由市。或資於民家焉。變鄉塗言道路者。容公邑及小都大都之吏。皆主治五涂。亦有民也。符節者。如今宮中諸官詔符也。璽節者。今之印章也。旌節。今使者所擁節是也。將送者。執此節以送行者。皆以道里日時課。如今郵行有程矣。以防容姦。擅有所通也。凡節有法式。藏於掌節。

凡通達於天下者

必有節。以傳輔之。

必有節。言遠行無有不得節而出者也。輔之以傳者。節爲信耳。傳說所齋操及所適。

無節者。有幾則不達。

闔土內之。

遂人掌邦之野。

郊外曰野。此野謂甸稍縣都。

以土地之圖經田野。造縣鄙。形體之濃。五家爲鄰。五鄰爲里。四里爲鄣。五鄣

爲鄙。五鄙爲縣。五縣爲遂。皆有地域。溝樹之。使各掌其政令刑禁。以歲時稽其人民。而授之田野。簡其兵

器教之稼穡。

經形體皆謂制分界也。鄰里鄙鄙縣遂猶郊內比閭族黨州鄉也。鄭司農云：田野之居，其比伍之名，與國中異制，故五家為鄰，玄謂異其名者，示相變耳。遂之軍法，道胥起徒役，如六鄉。

凡治野，以下劑致

忙，以田里安忙，以樂昏擾忙，以土宜教忙稼穡，以興勸利忙，以時器勸忙，以彊子任忙，以土均平政。

變民言忙。

異外內也。忙，猶懵懵，無知貌也。致，猶會也。民雖受上田中田下田，及會之，以下劑為率，謂可任者家二人，樂昏勸其昏姻，如媒氏會男女也。擾，順也。時器，鑄作耒耜錢鏹之屬。彊子，謂民有餘力復予之田。若餘夫然，政讀為征，土均掌均平其稅。鄭大夫讀勸為藉，杜子春讀勸為助，謂起民人令相佐助。

廛田百晦，萊百晦，餘夫亦如之。下地，夫一廛，田百晦，萊二百晦，餘夫亦如之。

萊，謂休不耕者。鄭司農云：戶計一夫一婦而賦之田，其一戶有數口者，餘

夫亦受此田也。廛，居也。楊子雲有田一廛，謂百晦之居也。玄謂廛，城邑之居。孟子所云：五晦之宅，樹之以桑麻者也。六遂之民，奇受一廛，雖上地猶有萊，皆所以驍遠也。王莽時，城郭中宅不樹者為不毛，出三夫之布。

凡治野，夫間有遂，遂

上有徑，十夫有溝，溝上有畛，百夫有洫，洫上有涂，千夫有澮，澮上有道，萬夫有川，川上有路，以達于畿。

十夫。

二鄰之田，百夫一鄣之田，千夫二鄙之田，萬夫四縣之田，遂溝洫澮，皆所以通水於川也。遂，廣深各二尺，溝倍之，洫倍溝，澮廣二尋，深二仞，徑，畛涂道路，皆所以通車徒於國都也。徑容牛馬，畛容大車，涂容乘車一軌，道容二軌，路容三軌，都之野涂，與環涂同可也。萬夫者，方三十三里，少半里九而方一同，以南晦圖之，則遂從溝橫，洫從澮橫，九澮而川周其外焉。去山陵林麓川澤溝澮城郭宮室涂巷三分之制，其餘如此，以至于畿，則中雖有都鄙，遂人盡主其地。

以歲時登其夫家之衆寡，及

其六畜車輦辨其老幼癯疾與其施舍者以頒職作事以令貢賦以令師田以起政役

登成也猶定也夫家猶言男女也施讀爲弛職

謂民九職也分其農牧衛虞之職使民爲其事也載師職云以物地事授地職互言矣貢九貢也賦九賦也政役出士徒役

若起野役則令各帥其所治之民而至以遂之大旗致

之其不用命者誅之

役謂師田若有功作也遂之大旗熊虎

凡國祭祀共野牲令野職

共野牲入於牧人以待事也野職薪炭之屬

凡賓客令脩野道

而委積

委積於廬宿市

大喪帥六遂之役而致之掌其政令及葬帥而屬六綈及窆陳役

致役致於司徒給墓上事及窆也綈舉棺索也葬舉棺者

謂載輿說時也用綈旁六執之者天子其千人與陳役者主陳列之耳匠師帥監之鄉師以斧洫焉大喪之正棺殯啓朝及引六鄉役之載及窆六遂役之亦即遠相終始也鄭司農云窆謂下棺時遂人主陳役也禮記謂之封春秋謂之塋皆葬下棺也聲相似

凡

事致野役而師田作野民帥而至掌其政治禁令

遂師各掌其遂之政令戒禁以時登其夫家之衆寡六畜車輦辨其施舍與其可任者經牧其田野辨其

可食者周知其數而任之以徵財征作役事則聽其治訟

施讀亦弛也經牧制田界與井也可食謂今年所當耕者也財征賦稅之事

巡其稼穡而移

用其民以救其時事

移用其民使轉相助救時急事也四時耕耨斂艾芟地之宜晚早不同而有天期地澤風雨之急

凡國祭祀審其誓戒共其野牲

審亦聽也

入野

職野賦于玉府。

民所入貨賄以當九職九賦中玉府之用者。

賓客則巡其道脩庀其委積。

巡其道脩行治道路也故書庀為比鄭司農云比讀為庀庀具也。

大喪使帥

其屬以幄帟先道野役及窆抱磨共丘籠及屨車之役。

使以幄帟先者大宰也其餘司徒也幄帟先所以為葬窆之間先張神坐也道野役帥以至墓也丘籠之役竊復土也其器曰

籠屨車極路也極路載柳四輪迫地而行有似於屨因取名焉行至壙乃說更復載以龍輅屨禮記或作櫛或作輕役謂執紼者鄭司農云抱磨磨下車也玄謂磨者適歷執紼者名也遂人主陳之而遂師以名行校之

軍旅田獵平野民

掌其禁令比敍其事而賞罰。

平謂正其行列部伍也鄭司農云比讀為庀

遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以

稽功事掌其政令戒禁聽其治訟。

施讀亦為弛功事九職之事民所以為功業

令為邑者歲終則會政致事。

不言其遂之吏而言為邑者容公邑及鄉大夫王子

弟之采邑政令戒禁遂大夫亦施焉

正歲簡稼器脩稼政。

簡猶閑也稼器耒耜其之屬稼政孟春之月令所云皆修封疆審端徑術善相丘陵阪險原隰土地所宜五穀所殖以教道民必躬親之

三歲大比則

帥其吏而興厖明其有功者屬其地治者。

興厖舉民賢者能者如六鄉之為也興猶舉也屬猶聚也又因舉吏治有功者而聚勅其餘以職事

凡為邑者以四達戒其

功事而誅賞廢興之。

四達者治民之事大通者有四夫家衆寡也六畜車輦也稼穡耕耨也旗鼓兵革也

縣正各掌其縣之政令徵比以頒田里以分職事掌其治訟趨其稼事而賞罰之。徵徵召也。比案比。若將用野民

師田行役移執事則帥而至治其政令。移執事移用其民。鄭司農云謂轉相佐助。既役則稽功會事而誅賞。

鄙師各掌其鄙之政令祭祀。祭祀祭。祭也。凡作民則掌其戒令。作民謂起役也。以時數其衆庶而察其媿惡而誅賞。四時。

也。時也。歲終則會其鄙之政而致事。

鄼長各掌其鄼之政令以時校登其夫家比其衆寡以治其喪紀祭祀之事。校猶數也。若作其民而用之則以

旗鼓兵革帥而至若歲時簡器與有司數之。簡器簡稼器也。兵器亦存焉有司途大夫。凡歲時之戒令皆聽之趨其耕耨稽其女

功。聽之受而行之也。女功絲枲之事。

里宰掌比其邑之衆寡與其六畜兵器治其政令。邑猶里也。以歲時合耦于耨以治稼穡趨其耕耨行其秩敘

以待有司之政令而徵斂其財賦。考工記曰耜廣五寸二耜爲耦此言兩人相助耦而耕也。鄭司農云耨讀爲藉杜子春云耨讀爲助謂相佐助也。玄謂耨者里宰治處也。若今街彈之室於此合耦使相佐助因放而爲

名季冬之月令命農師計耦耕事修耒耜具田器是其歲時與合人耦則牛耦亦可知也秩敘受耦相佐助之次第

鄰長掌相糾相受

相糾相舉察

凡邑中之政相贊

長短使相補助

徙于他邑則從而授之

從猶隨也授猶付也

旅師掌聚野之勸粟屋粟間粟

野謂遠郊之外也勸粟民相助作一井之中所出九夫之稅粟也屋粟民有田不耕所罰三夫之稅粟閒粟閒民無職事者所出一夫之征粟

而用之以質劑

致民平頒其興積施其惠散其利而均其政令

而讀為若聲之誤也若用之謂恤民之艱阨委積於野如遺人於鄉里也以質劑致民案入稅者名會而貸之興積所興之積謂三者之粟也平頒

之不得偏頗有多少縣官徵聚物曰興今云軍興是也是粟縣師徵之旅師斂之而用之以調衣食曰惠以作事業曰利均其政令者皆以國服為之息

凡用粟春頒而秋斂之

困時施之饒時收之

凡新阡之

治皆聽之使無征役以地之嫩惡為之等

新阡新徙來者也治謂有所求乞也使無政役復之也王制曰自諸侯來徙於家期不從政以地美惡為之等七人以上授以上地六口授以中地五口以下授以

下地與舊民同旅師掌斂地稅而又施惠散利是以屬用新民焉

稍人掌令丘乘之政令

丘乘四丘為甸甸讀與惟馮隲之之隲同其訓曰乘由是改云是掌令都鄙脩治井邑丘甸縣都之溝涂云丘甸者舉中言之溝涂之人名井別邑異則民之家數存焉

若有會同師田

行役之事則以縣師之灋作其同徒輦輦帥而以至治其政令以聽於司馬

有軍旅會同田役之戒縣師受法於司馬邦國都鄙稍甸郊里唯司馬所

調以其法作其衆庶及馬牛車輦會其車人之卒伍使皆備旗鼓兵器以帥而至是以書令之耳其所調若在家邑小都大都則稍人用縣師所受司馬之法作之帥之以致於司馬也同徒司馬所調之同凡用役者不必一時皆徧以人數調之使勞逸遞焉

大喪

帥蜃車與其役以至掌其政令以聽於司徒

蜃車及役途人共之稍人者野監是以帥而致之既夕禮曰既正柩賓出途匠納車于階間則天子以至于士柩路皆從途來

委人掌斂野之賦斂薪芻凡疏材木材凡畜聚之物

野謂遠郊以外也所斂野之賦謂野之園圃山澤之賦也凡斂材草木有實者也凡畜聚之物瓜瓠葵芋禦冬之具也野之農賦旅師斂

之工商嬪婦途師以入王府其牧則途師又以共野牲

以稍聚待賓客以甸聚待羈旅

聚凡畜聚之物也故書羈作奇杜子春云當爲羈

凡其余聚以待頒賜

余當爲餘聲之

誤也餘謂縣都畜聚之物

以式灋共祭祀之薪蒸木材賓客共其芻薪喪紀共其薪蒸木材軍旅共其委積薪芻凡疏材

共野委兵器與其野囿財用

式法故事之多少也薪蒸給炊及燎蠹者曰薪細者曰蒸木材給張事委積薪芻者委積之薪芻也軍旅又有疏材以助禾粟野委謂廬宿止之薪芻也共兵器謂守衛陳兵之器也野囿之財用

者苑囿藩羅之材

凡軍旅之賓客館焉

館舍也必舍此者就牛馬之用

土均掌平土地之政以均地守以均地事以均地貢

政讀爲征所平之稅邦國都鄙也地守虞衡之屬地事農圃之職地貢諸侯之九貢

以和邦國都鄙之

政令刑禁與其施舍禮俗喪紀祭祀皆以地燾惡爲輕重之灋而行之掌其禁令

施讀亦爲弛也禮俗邦國都鄙民之所行先王舊禮也君

子行禮不求變俗隨其土地厚薄爲之制豐省之節耳禮器曰禮也者合於天時設於地財順於鬼神合於人心理萬物

草人掌土化之濃以物地相其宜而爲之種

土化之法化之使美若汜勝之術也以物地占其形色爲之種黃白宜以種禾之屬

凡糞種駢剛用牛赤緹用

羊墳壤用麋渴澤用鹿鹹瀉用貍勃壤用狐埴墟用豕彊藥用蕢輕煨用犬

凡所以糞種者皆謂煮取汁也赤緹縹色也渴澤故水處也瀉鹵也貍縹

也勃壤粉解者埴墟粘疏者彊藥強堅者輕煨輕脆者故書駢爲擊填作豕杜子春挈讀爲駢謂地色赤而土剛強也鄭司農云用牛以牛骨汁漬其種也謂之糞種墳壤多益鼠也壤白色蕢麻也玄謂墳壤潤解

稻人掌稼下地

以水澤之地種穀也謂之稼者有似嫁女相生

以豬畜水以防止水以溝蕩水以遂均水以列舍水以澮寫水以涉

揚其芟作田

鄭司農說豬防以春秋傳曰町原防規偃豬以列舍水列者非一道以去水也以涉揚其芟以其水寫故得行其田中舉其芟鉤也杜子春讀蕩爲和蕩謂以溝行水也玄謂偃豬者畜流水之陂也防豬旁隄也遂田首受水小溝也列田

之畦略也澮田尾去水大溝作猶治也開遂舍水於列中因涉之揚去前年所芟之草而治田種稻

凡稼澤夏以水殄草而芟蕘之

殄病也絕也鄭司農說芟夷以春秋傳曰芟夷蘊崇之今時謂禾下麥爲夷下麥言芟刈

其禾於下種麥也玄謂將以澤地爲稼者必於夏六月之時大雨時行以水病絕草之後生者至秋水涸芟之明年乃稼

澤草所生種之芒種

鄭司農云澤草之所生其地可種芒種芒種稻麥也

旱暵共其雩

斂

稻人共雩斂稻急水者也鄭司農云雩事所發斂

喪紀共其葦事

葦以闡壙禦濕之物

士訓掌道地圖以詔地事

道說也說地圖九州形勢山川所宜告王以施其事也若云荆揚地宜稻幽井地宜麻

道地隱以辨地物而原其生以詔地求地

若障蠱然也辨其物者別其所有所無原其生生有時也以此二者告王之求也

王巡守則夾王車

巡守行視所守也天子以四海為守

誦訓掌道方志以詔觀事

說四方所識久遠之事以告王觀博古所識若魯有大庭氏之庫穀之二陵

掌道方隱以詔辟忌以知地俗

方隱四方言語所惡也不辟其忌則

其方以為苟於言語也知地俗博事也鄭司農云以詔辟忌不違其俗也曲禮曰君子行禮不求變俗

王巡守則夾王車

山虞掌山林之政令物為之厲而為之守禁

物為之厲每物有蕃界也為之守禁為守者設禁令也守者謂其地之民占伐林木者也鄭司農云厲遮列守之

仲冬斬陽木

仲夏斬陰木

鄭司農云陽木春夏生者陰木秋冬生者若松柏之屬玄謂陽木生山南者陰木生山北者冬斬陽夏斬陰堅濡調

凡服耜斬季材以時入之

季猶穉也服與耜宜用穉材尚柔刃也服牝服

車之材令萬民時斫材有期日

時斫材斫材之時也有期日入出有日數為久盡物

凡邦工入山林而掄材不禁

掄猶擇也不禁者山林國之有不拘日也

春秋

之斬木不入禁

非冬夏之時不得入所禁之中斬木也斬四野之木可

凡竊木者有刑罰

竊盜也

若祭山林則為主而脩除且蹕

為主主辨護之也脩

除治道路場壇

若大田獵則萊山田之野及弊田植虞旗于中致禽而珥焉

萊除其草萊也弊田田者止也植猶樹也因止樹旗令獲者皆致其禽而較其耳以知獲數也

山虞有旗以其主山得畫熊虎其仞數則短也。鄰司農云珥者取禽左耳以效功也。大司馬職曰獲者取左耳。

林衡掌巡林麓之禁令而平其守。

平其守者平其地之民守林麓之部分

以時計林麓而賞罰之。

計林麓者計其守之功也。林麓蕃茂民不盜竊則有賞不則罰之。

若

斬木材則受灋于山虞而掌其政令。

法萬民入出時日之期。

川衡掌巡川澤之禁令而平其守以時舍其守犯禁者執而誅罰之。

舍其守者時案視守者於其舍申戒之。

祭祀賓客共川奠。

川奠蓬豆之實魚鱸蜃蛤之屬。

澤虞掌國澤之政令為之厲禁使其地之人守其財物以時入之于玉府頒其餘于萬民。

其地之人占取澤物者因以部分使

守之以時入之于玉府謂皮角珠貝也入之以當邦賦然後得取其餘以自為也出入亦有時日之期。

凡祭祀賓客共澤物之奠。

澤物之奠亦蓬豆之實芹芣薺芡之屬。

喪紀共其葦蒲之

葦以闡壙蒲以為席。

若大田獵則萊澤野及弊田植虞旌以屬禽。

屬禽猶致禽而珥焉澤虞有旌以其主澤澤鳥所集故得注析羽。

迹人掌邦田之地政為之厲禁而守之。

田之地若今苑也。

凡田獵者受令焉。

令謂時與處也。

禁麇卵者與其毒矢射者。

為其天物。

且害心多也。
盤樂鹿子。

廿人掌金玉錫石之地而為之厲禁以守之。也。錫，銅。若以時取之，則物其地圖而授之。物地，占其形色，知鹹淡也。授之，教取者之處。巡

其禁令。行其禁，明其命。

角人掌以時徵齒角凡骨物於山澤之農，以當邦賦之政令。山澤出齒角骨物，大者犀象，其小者麋鹿。以度量受之，以共財用。入骨

漆垸者，受之以量其餘，以度量所中。

羽人掌以時徵羽翮之政於山澤之農，以當邦賦之政令。本。翮，羽。凡受羽，十羽為審，百羽為搏，十搏為縛。搏，審。

縛，羽數束名也。爾雅曰：一羽謂之箴，十羽謂之縛，百羽謂之緝。其名音相近也。一羽則有名，蓋失之矣。

掌葛，掌以時徵絺綌之材於山農，凡葛征，徵草貢之材於澤農，以當邦賦之政令。草貢出澤，蒞紵之屬，可緝績者。以權度受

之。以知輕重長短也。故書受或為授。杜子春云：當為受。

掌染草。掌以春秋斂染草之物。

染草。茅蒐。橐蘆。豕首。紫荊之屬。

以權量受之。以待時而頒之。

權量以知輕重。少時染夏之時。

掌炭。掌灰物。炭物之徵令。以時入之。

灰炭皆山澤之農所出也。灰給澣練炭之所共多。

以權量受之。以共邦之用。凡炭灰之事。

掌茶。掌以時聚茶。以共喪事。

共喪事者以著物也。既夕禮曰。茵著用茶。

徵野。疏材之物。以待邦事。凡畜聚之物。

茶。茅莠。疏材之類也。因使掌焉徵者徵於

山澤入於委人。

掌蜃。掌斂互物。蜃物。以共闡壙之蜃。

互物。蚌蛤之屬。闡。猶塞也。將井。椁。先塞下以蜃。禦濕也。鄭司農說以春秋傳曰。始用蜃炭。言僭天子也。

祭祀。共蜃器之蜃。

飾祭器之屬也。

嚶人職曰。凡四方山川用蜃器。春秋定十四年。秋。天王使石尙來歸蜃。蜃之器以蜃飾。因名焉。鄭司農云。蜃可以白器。令色白。

共白盛之蜃。

盛。猶成也。謂飾牆使白之蜃也。今東萊用蛤。謂之又灰云。

囿人。掌囿游之獸禁。

囿。游。囿之離宮小苑觀處也。養獸。以宴樂視之。禁者。其蕃衛也。鄭司農云。囿。游之獸。游。牧之獸。

牧百獸。

備養衆物也。今掖庭有鳥獸。自熊虎孔雀。至於狐狸。鳧鶴。備焉。

祭祀。喪紀。

賓客。共其生獸。死獸之物。

場人。掌國之場圃。而樹之。果。蔬。珍。異。之物。以時斂而藏之。

果。棗。李之屬。蔬。瓜。瓠之屬。珍。異。蒲。桃。枇杷之屬。

凡祭祀。賓客。共其果。蔬。享。

亦如之。享納性。

廩人掌九穀之數以待國之匪頒賜稍食。

匪讀為分頒謂委人之職諸委積也。賜謂王所賜予給好用之式也。稍食祿粟。

以歲之上下數邦用以知

足否以詔穀用以治年之凶豐。

數猶計也。

凡萬民之食食者人四鬴上也人三鬴中也人二鬴下也。

此皆謂一月食米也六斗

四升曰鬴。

若食不能人二鬴則令邦移民就穀詔王殺邦用。

就穀就都鄙之有者殺猶滅也。

凡邦有會同師役之事則治其糧與

其食。

行道曰糧謂糶也。止居曰食謂米也。

大祭祀則共其接盛。

接讀為一扱再祭之扱扱以授春人春之大祭祀之穀藉田之收藏於神倉者也不以給小用。

舍人掌平宮中之政分其財守以灋掌其出入。

政謂用穀之政也分其財守者計其用穀之數分送宮正內宰使守而頒之也而出行出於廩人其有空缺則計之還入。

凡祭祀共

簠簋實之陳之。

方曰簠圓曰簋。盛黍稷稻粱器。

賓客亦如之共其禮車米宮米芻米。

禮致饗饋之禮。

喪紀共飯米熬穀。

飯所以實口不忍虛也君用粱

大夫用稷士用粱皆四升實者唯盈熬穀者錯于棺旁所以感蚘蟻也。喪大記曰熬君四種八簠大夫三種六簋士二種四筐加魚腊焉。

以歲時縣種陸之種以共王后之春獻種。

縣之者欲其風氣燥

達也。鄭司農云春王當耕于藉則后獻其種也。后獻其種見內宰職。

掌米粟之出入辨其物。

九穀六米別為書。

歲終則會計其政。

政用穀之多少

倉人掌粟入之藏。

九穀盡藏焉。以粟為主。

辨九穀之物。以待邦用。若穀不足。則止餘瀆用。有餘。則藏之。以待凶而頒。

之。

止猶殺也。殺餘法用。謂道路之委積。所以豐優賓客之屬。

凡國之大事。共道路之穀積。食飲之具。

大事。謂喪戎。

司祿闕。

司稼。掌巡邦野之稼。而辨種稂之種。周知其名。與其所宜地。以為瀆而縣于邑閭。

周猶徧也。徧知種所宜之地。縣以示民。後年種穀。用為法。

也。

巡野觀稼。以年之上下出斂瀆。

斂法者。豐年從正。凶荒則損。若今十傷二三。實除減半。

掌均萬民之食。而調其急而平其興。

均。謂度其多少。調。稟

其艱阨。與所徵賦。

春人掌共米物。

米物。言非一。

祭祀。共其盥盛之米。

盥盛。謂黍稷稻粱之屬。可盛以為簠簋實。

賓客。共其牢禮之米。

謂可以實簠簋。

凡饗食。共其

食米。

饗有食米。則饗禮兼燕與食。

掌凡米事。

籩人掌凡祭祀共盛。

炊而共之。

共王及后之六食。

六食。六穀之飯。

凡賓客。共其簠簋之實。

謂致饗。

饗食。亦如之。

稟人掌其外內朝宍食者之食。

外朝司寇斷獄弊訟之朝也。今司徒府中有百官朝會之殿云。天子與丞相舊決大事焉。是外朝之存者與內朝路門外之朝也。宍食者謂留治文書若今尙書之屬諸直上者。

若

饗者老孤子士庶子共其食。

士庶子卿大夫士之子弟宿衛王宮者。

掌豢祭祀之犬。

養大豕曰豢。不於饌人言者。共至尊。雖其潘瀾。淺餘。不可豢也。



周禮卷第五

春官宗伯第三

惟王建國辨方正位體國經野設官分職以爲民極乃立春官宗伯使帥其屬而掌邦禮以佐王和邦國禮謂曲禮五吉凶賓軍嘉其別三十有六鄭司農云宗伯主禮之官故書堯典曰帝曰咨四岳有能典朕三禮兪曰伯夷帝曰兪咨伯女作秩宗宗官又主鬼神故國語曰使名姓之後能知四時之生犧牲之物玉帛之類采服之宜彝器之量次主之度屏攝之位壇場之所上下之神祇氏姓之所出而率舊典者爲之宗春秋禘于大廟躋僖公而傳曰夏父弗忌爲宗人又曰使宗人暨夏獻其禮禮特性曰宗人升自西階視壺濯及豆籩然則唐虞歷三代以宗官典國之禮與其祭祀漢之大常是也

禮官之屬大宗

伯卿一人小宗伯中大夫二人肆師下大夫四人上士八人中士十有六人旅下士三十有二人府六人

史十有二人胥十有二人徒百有二十人

肆猶陳也肆師佐宗伯陳列祭祀之位及牲器粢盛

鬱人下士二人府二人史一人徒八人

鬱鬱金香草宜以和鬯

鬯人下士二人府一人史一人徒八人

鬯釀秬爲酒芬香條暢於上下也秬如黑黍一稔二米

雞人下士一人。史一人。徒四人。

司尊彝。下士二人。府四人。史二人。胥二人。徒二十人。

彝亦尊也。鬯鬯曰彝。彝法也。言為尊之法正。

司几筵。下士二人。府二人。史一人。徒八人。

筵亦席也。鋪陳曰筵。藉之曰席。然其言之筵席通矣。

天府。上士一人。中士二人。府四人。史二人。胥二人。徒二十人。

府物所藏。言天者。尊此所藏。若天物然。

典瑞。中士二人。府二人。史二人。胥一人。徒十人。

瑞節信也。典瑞。若今符璽耶。

典命。中士二人。府二人。史二人。胥一人。徒十人。

命謂王遷秩羣臣之書。

司服。中士二人。府二人。史一人。胥一人。徒十人。

典祀。中士二人。下士四人。府二人。史二人。胥四人。徒四十人。

守祧。奄八人。女祧每廟二人。奚四人。

遠廟曰祧。周為文王。武王廟。遷主藏焉。奄。如今之宦者。女祧。女奴有才知者。天子七廟。三昭三穆。奚。女奴也。

世婦。每宮卿二人。下大夫四人。中士八人。女府二人。女史二人。奚十有六人。

世婦。后宮官也。王后六宮。漢始。大長秋。詹事。中少府。大僕。亦用士人。女府。

女史。女奴有才知者。

內宗。凡內女之有爵者。

內女。王同姓之女。謂之內宗。有爵。其嫁於大夫及士者。凡無常數之言。

外宗。凡外女之有爵者。

外女。王諸姑姊妹之女。謂之外宗。

冢人。下大夫二人。中士四人。府二人。史四人。胥十有二人。徒百有二十人。

冢。封土爲丘壠。象冢而爲之。

墓大夫。下大夫一人。中士八人。府二人。史四人。胥二十人。徒二百人。

墓。冢塋之地。孝子所思慕之處。

職喪。上士二人。中士四人。下士八人。府二人。史四人。胥四人。徒四十人。

職。主也。

大司樂。中大夫二人。樂師下大夫四人。上士八人。下士十有六人。府四人。史八人。胥八人。徒八十人。

大司樂。樂。

官之長。

大胥。中士四人。小胥下士八人。府二人。史四人。徒四十人。

胥有才知之稱。禮記文王世子曰。小樂正學干。大胥佐之。

大師。下大夫二人。小師上士四人。瞽矇上瞽四十人。中瞽百人。下瞽百有六十人。眡瞭三百人。府四人。史

八人。胥十有二人。徒百有二十人。

凡樂之歌。必使瞽矇為焉。命其賢知者。以為大師。小師。晉杜蒯云。曠也。大師也。眡讀為虎。眡之眡。瞭目明者。鄭司農云。無目眡謂之瞽。有目眡而無見謂之矇。有目無眸子謂之瞭。

典同。中士二人。府一人。史一人。胥二人。徒二十人。

同。陰律也。不以陽律名官者。因其先言耳。書曰。協時月正日。同律度量衡。大師職曰。執同律以聽軍聲。

磬師。中士四人。下士八人。府四人。史二人。胥四人。徒四十八人。

鍾師。中士四人。下士八人。府二人。史二人。胥六人。徒六十人。

笙師。中士二人。下士四人。府二人。史二人。胥一人。徒十人。

搏師。中士二人。下士四人。府二人。史二人。胥二人。徒二十人。

搏如鍾而大。

鞀師。下士二人。府一人。史一人。舞者十有六人。徒四十人。

鄭司農說以明堂位曰。味。東夷之樂。讀如味。食飲之味。杜子春讀鞀為噍。莖著之味。玄謂讀如鞀。鞀之鞀。

旄人下士四人。舞者衆寡無數。府二人。史二人。胥二人。徒二十人。旄旄牛尾。舞者所持以指麾。

籥師中士四人。府二人。史二人。徒二十人。籥舞者所吹。春秋宣八年壬午猶釋萬人去籥。傳曰去其有聲者廢其無聲者。詩云左手執籥右手秉翟。

箛章中士二人。下士四人。府一人。史一人。胥二人。徒二十人。箛章吹籥以爲詩章。

鞀鞀氏下士四人。府一人。史一人。胥二人。徒二十人。鞀讀如屨也。鞀屨四夷舞者所屣也。今時倡蹋鼓沓行者自有屣。

典庸器下士四人。府四人。史二人。胥八人。徒八十人。庸功也。鄭司農云庸器有功者鑄器銘其功。春秋傳曰以所得於齊之兵作林鍾而銘魯功焉。

司干下士二人。府二人。史二人。徒二十人。干舞者所持謂盾也。春秋傳曰萬者何干舞也。

大卜下大夫二人。卜師上士四人。卜人中士八人。下士十有六人。府二人。史二人。胥四人。徒四十人。

問龜曰卜。

大卜卜筮官之長。

龜人中士二人。府二人。史二人。工四人。胥四人。徒四十人。工取龜攻龜。

蕤氏下士二人。史一人。徒八人。燹後用荆蕤之類。

占人下士八人。府一人。史二人。徒八人。占著龜之卦兆吉凶。

籥人。中士二人。府一人。史二人。徒四人。問著曰筮其占易。

占夢。中士二人。史二人。徒四人。

眡祲。中士二人。史二人。徒四人。祲陰陽氣相侵漸成祥者魯史梓慎云吾見赤黑之祲。

大祝。下大夫二人。上士四人。

小祝。中士八人。下士十有六人。府二人。史四人。胥四人。徒四十人。大祝祝官之長。

喪祝。上士二人。中士四人。下士八人。府二人。史二人。胥四人。徒四十人。

甸祝。下士二人。府一人。史一人。徒四人。甸之言田也。田狩之祝。

詛祝。下士二人。府一人。史一人。徒四人。詛謂祝之使沮敗也。

司巫。中士二人。府一人。史一人。胥一人。徒十人。司巫。巫官之長。

男巫無數。

女巫無數。其師中士四人。府二人。史四人。胥四人。徒四十人。巫能制神之。處位次主者。

大史。下大夫二人。上士四人。

小史。中士八人。下士十有六人。府四人。史八人。胥四人。徒四十人。大史。史官之長。

馮相氏。中士二人。下士四人。府二人。史四人。徒八人。馮。乘也。相。視也。世登高臺以視天文之次序。天文屬大史。月令曰。乃命大史守典奉法。司天日月星辰之行。宿離不貸。

保章氏。中士二人。下士四人。府二人。史四人。徒八人。保守也。世守天文之變。

內史。中大夫一人。下大夫二人。上士四人。中士八人。下士十有六人。府四人。史八人。胥四人。徒四十人。

外史。上士四人。中士八人。下士十有六人。胥二人。徒二十人。

御史。中士八人。下士十有六人。其史百有二十人。府四人。胥四人。徒四十人。

御猶侍也。進也。其史百有二十人。以掌贊書人多也。

巾車。下大夫二人。上士四人。中士八人。下士十有六人。府四人。史八人。工百人。胥五人。徒五十人。

巾猶衣也。巾車。

車官之長。

典路。中士二人。下士四人。府二人。史二人。胥二人。徒二十人。

路王之所乘車。

車僕。中士二人。下士四人。府二人。史二人。胥二人。徒二十人。

司常。中士二人。下士四人。府二人。史二人。胥四人。徒四十人。

司常主王旌旗。

都宗人。上士二人。中士四人。府二人。史四人。胥四人。徒四十人。

都謂王子弟所封及公卿所食邑。

家宗人。如都宗人之數。

家謂大夫所食采地。

凡以神士者無數。以其藝爲之貴賤之等。

以神士者男巫之後。有學問才知者。藝謂禮樂射御書數。高者爲上。土次之爲中。士又次之爲下。士。

大宗伯之職。掌建邦之天神人鬼地示之禮。以佐王建保邦國。

建立也。立天神地祇人鬼之禮者。謂祀之。祭之。享之。禮。吉禮是也。保安也。所以佐王立安邦國者。主謂凶

禮。賓禮。軍禮。嘉禮也。日吉禮於上。承以立安邦國者。互以相成。明尊鬼神重人事。

以吉禮事邦國之鬼神示。

事謂祀之。祭之。享之。故書吉或爲告。杜子春云。書爲告。禮者非是。當爲吉禮。書亦多爲吉禮。吉禮之別十有二。以

禋祀祀昊天上帝。以實柴祀日月星辰。以禋燎祀司中司命。飄師雨師。

禋之言煙。周人尙臭。煙氣之臭聞者。禋積也。詩曰。芃芃棫樸。薪之類之。三祀皆積柴。

實性體焉。或有玉帛燔燎而升煙。所以報陽也。鄭司農云。昊天。天也。上帝。玄天也。昊天上帝。樂以雲門。實柴。實牛柴上也。故書實柴。或爲賓柴。司中。三能三階也。司命。文昌宮星。風師。箕也。雨師。畢也。玄謂昊天上帝。冬至於圜丘所祀。天皇大帝。星謂五緯。辰謂日月所會。十二次。司中。司命。文昌第五第四星。或曰。中能上能也。祀五帝亦用實柴之禮云。

以血祭祭社稷五祀五嶽。以狸沈祭山林川澤。以醢辜祭四方百物。

不言祭地。此皆

地祇。祭地可知也。陰祀自血起。貴氣臭也。社稷。土穀之神。有德者配食焉。共工氏之子曰句龍。食於社。有厲山氏之子曰柱。食於稷。湯遷之而祀棄。故書祀作禩。醢爲醢。鄭司農云。醢當爲祀。書亦或作祀。五祀。五色之帝。於王者宮中曰五祀。罷辜。披醢牲以祭。若今時醢狗祭。以止風。玄謂此五祀者。五官之神。在四郊。四時迎五行之氣於四郊。而祭五德之帝。亦食此神焉。少昊氏之子曰重。爲句芒。食於木。該爲。尊收。食於金。脩及熙爲玄冥。食於水。顓頊氏之子曰黎。爲祝融。后土。食於火。土五嶽。東曰岱宗。南曰衡山。西曰華山。北曰恆山。中曰嵩高。山不見四竇者。四竇五嶽之匹。或省文。祭山林曰埋。川澤曰沈。順其性之含藏。醢。醢牲胸也。醢而醢之。謂醢讓及蜡祭。郊特牲曰。八蜡以記四方。四方年不順成。八蜡不通。以謹民財也。又曰。蜡之祭也。主先嗇而祭。司嗇也。祭百種以報嗇也。饗農及郵表。啜禽獸仁之至。義之

也。盡以肆獻裸享先王。以饋食享先王。以祠春享先王。以禴夏享先王。以嘗秋享先王。以烝冬享先王。宗廟之祭。

有此六享。肆獻裸饋食。在四時之上。則是禘也。禘者。進所解牲體。謂薦孰時也。獻。獻醴。謂薦血腥也。裸之言灌。灌以鬱鬯。謂始獻尸。求神時也。郊。特牲曰。魂氣歸于天。形魄歸于地。故祭所以求諸陰陽之義也。殷人先求諸陽。周人先求諸陰。灌是也。祭必先灌。乃後薦腥。薦孰。於禘逆言之者。與下共文明。六享俱然。禘言肆獻裸。禘言饋食者。著有黍稷。互相備也。魯禮三年喪畢而禘於太祖。明年春禘於羣廟。自爾以後。五年而再殷祭。一禘一禘。

以凶禮哀邦國之憂。哀謂救患分。凶禮之別有五。

也。魯禮三年喪畢而禘於太祖。明年春禘於羣廟。自爾以後。五年而再殷祭。一禘一禘。

喪禮哀死亡。

哀謂親者服焉。疏者含送。

以荒禮哀凶札。

荒人物有害也。曲禮曰。歲凶年穀不登。君膳不祭肺。馬不食穀。馳道不除。祭事不縣。大夫不食梁。士飲酒不樂。札讀為截。截謂疫厲。

以弔禮哀禍

裁。

禍裁謂遭水火。宋大水。魯莊公使人弔焉。曰。天作淫雨。害於棗。盛如何不弔。廢焚。孔子拜鄉人爲火來者。拜之。士一。大夫再。亦相弔之道。

以繪禮哀圍敗。

同盟者合會財貨。以更新其所喪。春秋襄三十年冬。會于澶淵。宋裁。故是其類。

恤禮哀寇亂。

恤憂也。鄰國相憂。兵作於外爲寇。作於內爲亂。

以賓禮親邦國。

親謂使之相親附。賓禮之別有八。

春見曰朝。夏見曰宗。秋見曰覲。冬見曰

遇。時見曰會。殷見曰同。

此六禮者。以諸侯見王爲文。六服之內。四方以時分來。或朝春。或宗夏。或覲秋。或遇冬。名殊禮異。更遇而徧朝。猶朝也。欲其來之早。宗尊也。欲其尊王。覲之言勤也。欲其勤王之事。遇偶也。欲其若不期而俱至。時

見者言無常期。諸侯有不順服者。王將有征討之事。則既朝覲。王爲壇於國外。合諸侯而命事焉。春秋傳曰。有事而會。不協而盟。是也。殷猶衆也。十二歲。王如不巡守。則六服盡朝。朝禮既畢。王亦爲壇。合諸侯以命政焉。所命之政。如王巡守。殷見四方。四時分來。終歲則徧

時聘曰問。殷覲曰視。

時聘者亦無常期。天子有事。乃聘之焉。竟外之臣。既非朝歲。不敢瀆爲小禮。殷覲。謂一服朝之歲。以朝者少。諸侯乃使卿以大禮衆聘焉。一服朝在元年七年十一年。

以軍禮同邦國。

同謂

威其不協僭差者。
軍禮之別有五。
大師之禮。用衆也。用其義勇。
大均之禮。恤衆也。均其地政。地守地職之賦。所以憂民。
大田之禮。簡衆也。古者因田習兵。閱其車徒之數。
大

役之禮。任衆也。築宮邑。所以事民力強弱。
大封之禮。合衆也。正封疆溝塗之固。所以合聚其民。
以嘉禮親萬民。嘉善也。所以因人心所善者。而爲之制。嘉禮之別有六。
以飲

食之禮。親宗族兄弟。親者使之相親。人君有食宗族飲酒之禮。所以親之也。文王世子曰。族食世降一等。大傳曰。繫之以姓而弗別。綴之以食而弗殊。百世而婚姻不通者。周道然也。
以婚冠之禮。親成男

女。親其恩。成其性。
以賓射之禮。親故舊朋友。射禮雖王亦立賓主也。王之故舊朋友爲世子時共在學者。天子亦有友。諸侯之義。武王誓曰。我友邦冢君是也。司寇職有議故之辟。議賓之辟。
以饗燕之禮

親四方之賓客。賓客謂朝聘者。
以脈膳之禮。親兄弟之國。脈膳。社稷宗廟之肉。以賜同姓之國。同福祿也。兄弟有共先王者。魯定公十四年。天王使石尙來歸脈。
以賀慶之禮。親

異姓之國。異姓。王婚姻甥舅。
以九儀之命。正邦國之位。每命異儀。貴賤之位乃正。春秋傳曰。名位不同。禮亦異數。
壹命受職。始見命爲正吏。謂列國之士。於子男爲大夫。王之下士亦一命。鄭司

農云。受職。
再命受服。鄭司農云。受服。受祭衣服。爲上士。玄謂此受玄冕之服。列國之大夫再命。於子男爲卿。卿大夫自玄冕而下。如孤之服。王之中士亦再命。則爵弁服。
三命受位。鄭司農云。受下大夫之位。玄謂此列國之卿。始

有列位於王。爲王之臣。
四命受器。鄭司農云。受祭器爲上大夫。玄謂此公之孤。始得有祭器者也。禮運曰。大夫具官。祭器不假。聲樂皆具。非禮也。王之下大夫亦四命。
五命賜則。鄭司農云。則者。法也。出爲子男。玄謂

則地未成國之名。王之下大夫四命。出封加一等。五命賜之。以方百里。二百里之地者。方三百里。以上爲成國。王葬時。以二十五成爲則。方五十里。合今俗說子男之地。獨劉子駿等識古有此制焉。
六命賜官。鄭司農云。子男入爲卿。治一官也。玄謂此王六

命之卿賜官者。使得自置其臣治家邑。如諸侯春秋襄十八年。冬晉侯以諸侯圍齊。荀偃為君禱河。既陳齊侯之罪。而曰。曾臣彪將率諸侯以討焉。其官臣偃實先後之。

七命賜國。

王之卿六命。出封加一等者。鄭司農云。出就侯伯之國。

八命作

牧。謂侯伯有功德者。加命得專征伐於諸侯。鄭司農云。一州之牧。王之三公亦八命。

九命作伯。

上有功德者。加命為二伯。得征五侯九伯者。鄭司農云。長諸侯為方伯。

以玉作六瑞。以等邦國。

等。猶齊等也。

王執鎮圭。

鎮。安也。所以安四方。鎮圭者。蓋以四鎮之山為瑤飾。圭長尺有二寸。

公執桓圭。

公。二王之後。及王之上公。雙植謂之桓。桓。宮室之象。所以安其上。也。桓圭。蓋亦以桓為瑤飾。圭長九寸。

侯執信圭。伯執

躬圭。

信。當為身聲之誤也。身圭。躬圭。蓋皆象以人形為。瑤飾。文有蠡繆耳。欲其慎行以保身。圭皆長七寸。

子執穀璧。男執蒲璧。

穀。所以養人。蒲。為席。所以安人。二玉。蓋或以穀為飾。或以蒲為瑤飾。璧皆徑五寸。不執圭者。未成國也。

以禽作六摯。以等諸臣。

摯之言至。所執以自致。

孤執皮帛。卿執羔。大夫執鴈。士執雉。庶人執鶩。工商執雞。

皮帛者。束帛而表以皮為之飾。

皮。虎豹皮。帛。如今璧色繒也。羔。小羊。取其羣而不失其類。鴈。取其候時而行。雉。取其守介而死。不失其節。鶩。取其不飛遷。雞。取其守時而動。曲禮曰。飾羔鴈者。以繒。謂衣之以布而又畫之者。自雉以下。執之無飾。士相見之禮。卿大夫執摯以布。不言繒。此諸侯之臣。與天子之臣異也。然則天子之孤。飾摯以虎皮。公之孤。飾摯以豹皮。與此孤卿大夫士之摯。皆以爵。不以命數。凡摯無庭實。

以玉作六器。以禮天地四方。

禮。謂始告神時。薦於神坐。書曰。周公植璧秉圭。是也。

以蒼璧禮

天。以黃琮禮地。以青圭禮東方。以赤璋禮南方。以白琥禮西方。以玄璜禮北方。

此禮天以冬至。謂天皇大帝在北極者也。禮地以夏至。謂神在崑崙

者也。禮東方以立春。謂蒼精之帝。而大昊句芒食焉。禮南方以立夏。謂赤精之帝。而炎帝祝融食焉。禮西方以立秋。謂白精之帝。而少昊尊收食焉。禮北方以立冬。謂黑精之帝。而顓頊玄冥食焉。禮神者必象其類。璧。圓象天。琮。八方象地。圭。銳象春物初生。半圭曰璋。象夏物

半死。琥猛。象秋殿。半璧曰璜。象冬閉藏。地上無物。唯天半見。

皆有牲幣。各放其器之色。

幣以從爵。若人飲酒有酬幣。

以天產作陰德。以中禮防之。以地產作陽

德。以和樂防之。

鄭司農云。陰德。謂男女之情。天性生而自然者。過時則奔隨。先時則血氣未定。聖人爲制其中。令民三十而娶。女二十而嫁。以防其淫。泆令無失德。情性隱而不露。故謂之陰德。陽德。謂分地利以致富。富者之失。不驕者則吝。故以

和樂防之。樂所以滌蕩邪穢。道人之正性者也。一說。地產。謂土地之性各異。若齊性舒緩。楚性急悍。則以和樂防其失。令無失德。樂所以移風易俗者也。此皆露見於外。故謂之陽德。陽德。陰德不失其正。則民和而物各得其理。故曰。以諧萬民。以致百物。玄謂天產者。動物。謂六牲之屬。地產者。植物。謂九穀之屬。陰德。陰氣在人者。陰氣虛。純之則劣。故食動物。作之使動。過則傷性。制中禮以節之。陽德。陽氣在人者。陽氣盈。純之則躁。故食植物。作之使靜。過則傷性。制和樂以節之。如是。然後陰陽平。情性和而能育其類。

以禮樂合

天地之化。百物之產。以事鬼神。以諧萬民。以致百物。

禮濟虛。樂損盈。並行則四者乃得。其和能生非類。曰化。生其種曰產。

凡祀大神。享大鬼。祭大示。

帥執事而卜日。宿眡滌濯。泚玉鬯。省牲鑊。奉玉齋。詔大號。治其大禮。詔相王之。大禮。

執事。諸有事於祭者。宿。申戒也。滌濯。澆祭器也。玉禮

神之玉也。始泚之。祭又奉之。鑊。亨牲器也。大號。六號之大者。以詔大祝。以爲祝辭。治。猶簡習也。豫。簡習大禮。至祭。當以詔相王。羣臣禮爲小禮。故書泚。作立。鄭司農讀爲泚。泚。視也。

若王不與祭祀。則攝位。

王有故。代行其祭事。凡

大祭祀。王后不與。則攝而薦豆籩。徹。

薦。徹豆籩。王后之事。

大賓客。則攝而載果。

載。爲也。果。讀爲裸。代王裸賓客。以鬯。君無酌臣之禮。言爲者。攝酌獻耳。拜送。則主也。鄭司農云。王不

親爲主。朝覲會同。則爲上相。大喪亦如之。王哭諸侯亦如之。

相。詔王禮也。出接賓曰摯。入詔禮曰相。相者五人。卿爲上摯。大喪。王后及世子也。哭諸侯者。謂薨於國。爲位而哭之。摯弓

曰天子之哭諸侯也爵弁絰紵衣

王命諸侯則償

償進之也王將出命假祖廟立依前南鄉償者進當命者延之命使登內史由王右以策命之降再拜稽首登受策以出此其略也諸侯爵祿其臣則於祭焉

國有大故則

旅上帝及四望

故謂凶裁旅陳也陳其祭事以祈焉禮不如祀之備也上帝五帝也鄭司農云四望日月星海玄謂四望五嶽四鎮四瀆

王大封則先告后土

后土土神也黎所食者

乃頒祀于

邦國都家鄉邑

頒讀為班班其所當祀及其禮都家之鄉邑謂王子弟及公卿大夫所食采地

小宗伯之職掌建國之神位右社稷左宗廟

庫門內雉門外之左右故書位作立鄭司農立讀為位古者立位同字古文春秋經公即位為公即立

兆五帝于四郊四

望四類亦如之

兆為壇之營域五帝蒼曰靈威仰大昊食焉赤曰赤熛怒炎帝食焉黃曰含樞紐黃帝食焉白曰白招拒少昊食焉黑曰汁光紀顓頊食焉黃帝亦於南郊鄭司農云四望道氣出入四類三皇五帝九皇六十四民咸祀之玄謂四望

五嶽四鎮四寶四類日月星辰運行無常以氣類為之位兆日於東郊兆月與風師於西郊兆司中司命於南郊兆雨師於北郊

兆山川丘陵墳衍各因其方

順其所

掌五禮之禁令與其

用等

用等性器尊卑之差鄭司農云五禮吉凶賓軍嘉

辨廟祧之昭穆

祧遷主所藏之廟自始祖之後父曰昭子曰穆

辨吉凶之五服車旗宮室之禁

五服王及公卿大夫士之服

掌三族之別以辨親疏其正室皆謂之門子掌其政令

三族謂父子孫人屬之正名喪服小記曰親親以三為五以五為九正室適子也將代父當門者也政令謂役守之事

毛

六牲辨其名物而頒之于五官使共奉之

毛擇毛也鄭司農云司徒主牛宗伯主雞司馬主馬及羊司寇主犬司空主豕

辨六齋之名物與其用使六宮

之人共奉之。齋讀爲菜。六菜謂六穀。黍稷稻粱麥苽。辨六彝之名物。以待果將。六彝雞彝鳥彝斝彝黃彝虎彝雉彝果讀爲裸。辨六尊之名物。以待祭祀賓

客。待者有事則給之。鄭司農云。六尊。獻尊象尊。壺尊著尊。大尊山尊。掌衣服車旗宮室之賞賜。王以賞賜有功者。書曰。車服以庸。掌四時祭祀之序事與其禮。序事卜日省牲。

視滌濯饗饗之。事次序之時。若國大貞。則奉玉帛以詔號。號。神號幣號。鄭司農云。大貞謂卜立君卜大封。大祭祀。省牲。既滌濯。祭之日。逆齋。省鑊。告時

于王。告備于王。逆齋。受傭人之盛。以入省鑊。視享。腥孰時薦陳之。晚早備。謂饌具。凡祭祀。賓客。以時將瓊果。將。送也。猶奉也。祭祀以時奉而授王。賓客。以時奉而授宗伯。天子圭瓊。諸侯璋瓊。詔

相祭祀之小禮。凡大禮。佐大宗伯。小禮。羣臣之禮。賜卿大夫士爵。則償。賜。猶命也。償之。如命諸侯之儀。春秋文元年。天王使毛伯來錫。公命傳曰。錫者何。賜也。命者何。加我服也。小

祭祀。掌事。如大宗伯之禮。大賓客。受其將幣之齋。謂所齋來賈。獻之財物。若大師。則帥有司而立軍社。奉主車。有司。大祝也。王

出軍必先有事於社。及遷廟。而以其主行。社主曰軍社。遷主曰祖。春秋傳曰。軍行。祓社。釁鼓。祝奉以從。曾子問曰。天子巡守。以遷廟。主行。載于齊車。言必有尊也。書曰。用命。賞于祖。不用命。戮于社。社之主。蓋用石爲之。奉。謂將行。若軍將有事。則與

祭有司將事于四望。軍將有事。將與敵合戰也。鄭司農云。則與祭。謂軍祭表禡軍社之屬。小宗伯與其祭事。玄訓與祭有司。謂大祝之屬。蓋司馬之官實典焉。若大甸。則帥有司而饁獸于

郊。遂頒禽。甸讀曰田。有司。大司馬之屬。饁。饋也。以禽饋四方之神於郊。郊有羣神之兆。頒。禽。謂以子羣臣。詩傳曰。禽雖多。擇取三十焉。其餘以予大夫士。以習射於澤宮而分之。大賫。及執事禱祠于上下神

示。執事大祝及男巫女巫也。求福曰禱。得求曰祠。諷曰禱。爾于上下神祇。鄭司農云。小宗伯與執事共禱祠。

王崩大肆。以秬鬯泐。

鄭司農云。大肆。大浴也。杜子春讀頌為泐。以秬鬯浴尸。玄謂大肆。始陳尸伸之。

及執事

涖大斂小斂。帥異族而佐。

執事大祝之屬。涖臨也。親斂者。蓋事官之屬為之。喪大記曰。小斂衣十九稱。君大夫士一也。大斂君百稱。大夫五十稱。士三十稱。異族佐斂。疏者可以相助。

縣衰冠之式于

路門之外。

制色宜齊同。

及執事眡葬。獻器。遂哭之。

執事蓋梓匠之屬。至將葬。獻明器之材。又獻素獻成。皆於殯門外。王不親哭。有官代之。

卜葬兆。甫窆。亦如之。

兆。墓塋。城甫始

也。鄭大夫讀窆皆為穿。杜子春讀窆為冢。皆謂葬穿城也。今南陽名穿地為窆。聲如腐脆之脆。

既葬。詔相喪祭之禮。

喪祭。虞祔也。檀弓曰。葬日虞。弗忍一日離也。是日也。以虞易奠。卒哭曰成事。是日也。以吉祭。易喪祭。明日。耐于祖父。

成

葬而祭墓。為位。

成葬。丘已封也。天子之冢。蓋不一日而畢位。壇位也。先祖形體託於此地。祀其神以安之。冢人職曰。大喪既有日。請度甫窆。遂為之尸。

凡王之會同。軍旅。甸役之禱祠。肆

儀。為位。

肆。習也。故書肆為肆。儀為義。杜子春讀肆當為肆。義為儀。謂若今時肆司徒府也。小宗伯主其位。

國有禍。裁。則亦如之。

謂有所禱祈。

凡天地之大。裁。類社稷宗廟。

則為位。

禱祈禮輕。類者。依其正禮而為之。

凡國之大禮。佐大宗伯。凡小禮。掌事。如大宗伯之儀。

肆師之職。掌立國祀之禮。以佐大宗伯。

佐助也。

立大祀。用玉帛牲。牲。立次祀。用牲幣。立小祀。用牲。

鄭司農云。大祀。天地。次祀。

日月星辰。小祀。司命已下。玄謂大祀。又有宗廟。次祀。又有社稷。五祀。五嶽。小祀。又有司中。風師。雨師。山川。百物。

以歲時序其祭祀。及其祈珥。

序。第次其先後大小。故書祈為幾。杜子春讀幾當為祈。珥為餌。玄謂祈當為進。禩之

禮珥當爲頰。禮珥者。覺禮之事。雜記曰。成廟則釐之。雍人舉羊。升屋自中。中屋南面。剖羊。血流于前。乃降。門夾室皆用雞。其珥皆於屋下。割雞。門當門。夾室中室。然則是禮。謂羊血也。小子職曰。掌珥于社稷。祈于五祀是也。亦謂其宮兆始成時也。春秋僖十九年。夏。邾人執郕子。用之。傳曰。用之者何。蓋叩其鼻以軀社也。

大祭祀。展犧牲。繫于牢。頒于職人。

展。省閱也。職。讀爲機。機。可以繫牲者。此機人。謂充人及監門人。

凡祭祀之卜日。宿爲期。詔

相其禮。既滌濯。亦如之。

宿。先卜祭之夕。

祭之日。表齋盛。告絜。展器陳。告備。及果。築鬻。相治小禮。誅其慢怠者。

築。六穀也在器

曰。盛陳。陳列也。果。築鬻者。所築鬻以祿也。故書表爲鬻。鬻。表皆謂徽識也。鄭司農云。築。煮。築。香草。煮以爲鬻。

掌兆中廟中之禁令。

兆。壇。瑩城。

凡祭祀禮成。則告事畢。大賓客。涖筵

几。築鬻。

此王所以禮賓客。

贊果將。

酌鬻。鬻。授大。宗伯載祿。

大朝覲。佐僎。

爲承。僎。

共設匪鬻之禮。

設於賓客之館。公食大夫禮曰。若不親食。使大夫以侑幣致之。豆。實于鬻。盞。實于筐。匪其

筐字之誤。與禮不親鬻。則以酬幣致之。或者匪以致鬻。

饗食。授祭。

授。賓。祭。肺。

與祝侯禳于鬻及郊。

侯。禳。小祝職也。鬻。五百里。遠郊百里。近郊五十里。

大喪。大瀆。以鬻。則築鬻。

築香草。煮以爲鬻。以浴尸。香草。鬻也。

令外內命婦序哭。

序。使相。次秩。

禁外內命男女之衰。不中瀆者。且授之杖。

外命男。六鄉以出也。內命男。朝廷卿大夫士也。其妻爲外

命女。喪服。爲夫之君。齊衰不杖。內命女。王之三夫人以下。不中法。違升數。與裁制者。鄭司農云。三日授子杖。五日授大夫杖。七日授士杖。此舊說也。喪大記曰。君之喪。三日。子夫人杖。五日。既殯。授大夫世婦杖。無七日。授士杖。文。玄。謂授杖日數。王喪。依諸侯與。七日。授士杖。四

制。凡師甸。用牲于社宗。則爲位。

社。軍社也。宗。遷主也。尙書傳曰。王升舟入水。鼓鍾亞。觀壘亞。將舟亞。宗廟亞。故書位爲涖。杜子春云。涖當爲位。書亦或爲位。宗。謂宗廟。

類造上帝。封于大神。

祭兵于山川亦如之。

造猶卽也。爲兆以類禮。卽祭上帝也。類禮依郊祀而爲之者。封謂壇也。大神社及方嶽也。山川蓋軍之所依止。大傳曰。牧之野。武王之大事也。既事而退。柴於上帝。祈于社。設奠於牧室。

凡師不功。則

助牽主車。

助。助大司馬也。故書功爲工。鄭司農。工讀爲功。古者工與功同字。謂師無功。肆師助牽之。恐爲敵所得。

凡四時之大甸獵。祭表貉。則爲位。

貉。師祭也。貉讀爲百。之百於所立表之處爲。

師祭造軍法者。禱氣勢之增倍也。其神蓋蚩蚩。或曰黃帝。

嘗之日。涖卜來歲之芟。

芟。芟草除田也。古之始耕者。除田種穀。嘗者。嘗新穀。此芟之功也。卜者。問後歲宜芟不。詩云。載芟載柞。其耕澤澤。

獮之日。涖卜

來歲之戒。

秋田爲獮。始習兵。戒不虞也。卜者。問後歲兵寇之備。

社之日。涖卜來歲之稼。

社。祭土爲取財焉。卜者。問後歲稼所宜。

若國有大故。則令國人祭。

大故。謂水旱凶

荒所令祭者。社及禴醜。

歲時之祭祀亦如之。

月令仲春命民社。此其一隅。

凡卿大夫之喪。相其禮。

相其適子。

凡國之大事。治其禮儀。以佐宗

伯。

治。謂如今每事者。更奏白王禮也。故書儀爲義。鄭司農義讀爲儀。古者書儀但爲義。今時所謂義爲誼。

凡國之小事。治其禮儀而掌其事。如宗伯之禮。

鬱人掌裸器。

裸器。謂壘及舟與瓚。

凡祭祀賓客之裸事。和鬱鬯以實彝而陳之。

築鬱金煮之以和鬯酒。鄭司農云。鬱。草名。十葉爲貫。百二十貫爲築。以煮之。醢中。停於祭前。鬱

爲草若蘭。

凡裸玉。濯之陳之。以贊裸事。

裸玉。謂圭瓚璋瓚。

詔裸將之儀與其節。

節。謂王奉玉送裸。早晏之時。

凡裸事。沃盥。大喪之湖。共其

肆器。

肆器。陳尸之器。喪大記曰。君設大盤。造水焉。大夫設夷盤。造水焉。士併瓦盤。無冰。設牀檀第。有枕。此之謂肆器。天子亦用夷盤。

及葬。共其裸器。遂狸之。

遣奠之彝與瓚也。狸之於祖廟階。閒奠終於此。

大祭

祀。與量人受舉罍之卒爵而飲之。

罍受福之嘏聲之誤也。王醕尸。尸嘏王。此其卒爵也。少牢饋食禮。主人受嘏。詩懷之。卒爵。執爵以興。出。宰夫以饗受爵。黍。主人嘗之。乃還獻祝。此鬱人受王之卒爵。亦王出房時也。必與

量人者。鬱人贊祿尸。量人制從獻之脯。籩事相成。

鬯人掌共秬鬯而飾之。

秬鬯不和鬱者。飾之謂設巾。

凡祭祀社壇用大罍。

壇謂委土為壇壇所。以祭也大罍瓦罍。

禁門用瓢齋。

禁謂警鄂所祭門。國門也。春秋傳曰。日月

星辰之神。則雪霜風雨之不時。於是乎禱之。山川之神。則水旱厲疫之不時。於是乎禱之。魯莊二十五年秋。大水。鼓用牲于門。故書瓢。作鬯。鄭司農讀鬯為瓢。杜子春讀齋為棗。瓢謂瓠。齋也。棗。盛也。玄謂齋讀為齊。取甘瓠割去柢。以齊為尊。

廟用脩。凡

山川四方用蜃。凡裸事用概。凡禴事用散。

禴當為埋。字之誤也。故書蜃。或為誤。杜子春云。誤當為蜃。書亦或為蜃。蜃。水中蜃也。鄭司農云。脩。護概。散。皆器名。玄謂廟用脩者。謂始禘時。自饋食始。脩。蜃。概。散。皆

漆尊也。脩。讀曰。卣。卣。中尊。謂獻象之屬。尊者。舉為上。疊為下。蜃。畫為蜃形。蚌曰合。漿。尊之象。概。尊以朱帶者。無飾曰散。

大喪之大湖。設斗。共其鬯。

斗。所以沃尸也。鬯。尸以鬯酒。使之香美者。鄭司農云。鬯。讀為散。

之齊事。共其秬鬯。

給泮浴。

凡王弔臨。共介鬯。

以尊適卑曰臨。春秋傳曰。照臨弊邑。鄭司農云。鬯。香草。王行弔喪。被之。故曰介。玄謂曲禮曰。擊天子鬯。王至尊。以介為執。致之以禮於鬼神。與。禮弓曰。臨諸侯。眡於

鬼神曰。有天王某父。此王適四方。舍諸侯。祖廟。祝告其神之辭。介於是。進鬯。

雞人掌共雞牲。辨其物。

物謂毛色也。辨之者。陽祀用騂。陰祀用黝。

大祭祀。夜嘯。且以詡百官。

夜。夜漏未盡。雞鳴時也。呼且以警起百官使夙興。

凡國之大賓客。會

同軍旅喪紀亦如之凡國事為期則告之時

彘雞知時也告其有司主事者少牢曰宗人朝服北面曰請祭期主人曰比於子宗人曰且明行事告時者至此且明而告之

凡祭祀面

禋饗共其雞牲

饗饗廟之屬饗廟以羊門夾室皆用雞鄒司農云面禋四面禋也饗讀為微

司尊彝掌六尊六彝之位詔其酌辨其用與其實

位所陳之處酌涉之使可酌各異也用四時祭祀所用亦不同實鬱及醴齊之屬

春祠夏禴裸用雞彝

鳥彝皆有舟其朝踐用兩獻尊其再獻用兩象尊皆有罍諸臣之所昨也秋嘗冬烝裸用罍彝黃彝皆有

舟其朝獻用兩著尊其饋獻用兩壺尊皆有罍諸臣之所昨也凡四時之閒祀追享朝享裸用虎彝雉彝

皆有舟其朝踐用兩大尊其再獻用兩山尊皆有罍諸臣之所昨也

裸謂以圭瓚酌鬱也始獻尸也后於是以璋瓚酌亞裸郊特牲曰周人尚臭灌用鬯臭鬱合鬯

臭陰達於淵泉灌以圭璋用玉氣也既灌然後迎牲致陰氣也朝踐謂薦血腥酌醴始行祭事后於是薦朝事之豆籩既又酌獻其變朝踐為朝獻者尊相因也朝獻謂尸卒食王醕之再獻者王醕尸之後后酌亞獻諸臣為賓又次后酌盞齊備卒食三獻也於后亞獻內宗薦加豆籩其變再獻為饋獻者亦尊相因饋獻謂薦執時后於是薦饋食之豆籩此凡九酌王及后各四諸臣一祭之正也以今祭禮特牲少牢言之二裸為奠而尸飲七矣王可以獻諸臣祭統曰尸飲五君洗玉爵獻殯是其差也明堂位曰灌用玉瓚大圭爵用玉琖加用璧角璧散又鬱人職曰受舉斝之卒爵而飲之則王醕尸以玉爵也王醕尸用玉爵而再獻者用璧角璧散可知也雞彝鳥彝謂刻而畫之為雞鳳皇之形皆有舟皆有罍言春夏秋冬及追享朝享有之同昨讀為酢字之誤也諸臣獻者酌罍以自酢不敢與王之神靈共尊

鄭司農云。舟尊下臺。若今時承槃。獻讀爲犧。犧尊飾以翡翠。象尊以象鳳皇。或曰以象骨飾尊。明堂位曰。犧象。周尊也。春秋傳曰。犧象不出門。尊以裸神。疊臣之所飲也。詩曰。餅之疊矣。維疊之恥。學讀爲稼。稼。葬。畫禾稼也。黃彝。黃目尊也。明堂位曰。夏后氏以雞彝。殷以學。周以黃目。爾雅曰。彝。卣。疊。器也。著尊者。著略尊也。或曰著尊者。地無足。明堂位曰。著。殷尊也。壺者。以壺爲尊。春秋傳曰。尊以魯壺。追享朝享。謂禘祫也。在四時之間。故曰。問祀。雖讀爲蛇虺之虺。或讀爲公用射隼之隼。大尊。大古之五尊。山尊。山疊也。明堂位曰。泰有虞氏之尊也。山疊。夏后氏之尊。故書踐作錢。杜子春云。錢當爲踐。玄謂黃目。以黃金爲目。郊特牲曰。黃目。鬱氣之上尊也。黃者。中也。目者。氣之清明者也。言酌於中而清明於外。追享。謂追祭遷廟之主。以事有所請禱。朝享。謂朝受政於廟。春秋傳曰。閏月不告朔。猶朝于廟。雉。禹屬。印鼻而長尾。山疊。亦刻而畫之爲山雲之形。

凡六彝六尊之酌。鬱齊獻酌。醴齊縮酌。盎齊沬酌。凡酒脩酌。

故書縮爲數。齊爲盞。鄭司農云。獻讀爲儀。儀酌。有威儀多也。沬酌者。沬拭

勺而酌也。脩酌者。以水洗勺而酌也。盞讀皆爲齊和之齊。杜子春云。數當爲縮。齊讀皆爲桑。玄謂禮運曰。玄酒在室。醴醕在戶。桑醕在堂。澄酒在下。以五齊次之。則醕酒盎齊也。郊特牲曰。縮酌用茅。明酌也。醕酒沬于清。汁獻沬于醕酒。猶明清與醕酒于舊澤之酒也。此言轉相涉成也。獻讀爲靡莎之莎。齊語聲之誤也。煮鬱和秬鬯。以醕酒靡莎。涉之。出其香汁也。醴齊尤濁。和以明酌。涉之以茅。縮去滓也。盎齊差清。和以清酒。涉之而已。其餘三齊。泛從醴。醴沈從盎。凡酒。謂三酒也。脩讀如滌濯之滌。滌酌。以水和而涉之。今齊人命滌酒曰滌。明酌取事酒之上也。澤讀曰驛。明酌。清酒。醕酒。涉之。皆以舊澤之酒。凡此四者。祿用鬱齊。朝用醴齊。饋用盎齊。諸臣自酢用凡酒。唯大事於大廟。備五齊三酒。

大喪。存奠彝。

存省也。謂大遣時。奠者朝夕乃徹也。

大旅。亦如之。

旅者。

國有大故之祭也。亦存其奠彝。則陳之不卽徹。

司几筵。掌五几五席之名物。辨其用與其位。

五几。左右玉。彫形。漆素。五席。莞。藻。次。蒲。熊。用。位。所設之席及其處。

凡大朝覲大饗射。凡封國命諸

侯。王位設黼依。依前南鄉。設莞筵紛純。如纁席畫純。加次席黼純。左右玉几。

斧謂之黼。其纁白黑采。以絳帛爲質。依其制如屏風然。於依前爲王設席。

左右有几。優至尊也。鄭司農云。紛讀爲纁。又讀爲和粉之粉。謂白纁也。純讀爲均服之均。純綠也。纁讀爲藻率之藻。次席。虎皮爲席。書順命曰成王將崩。命大保芮伯畢公等。被冕服。馮玉几。玄謂紛如綬。有文而狹者。纁席。削蒲翦展之。編以五采。若今合歡矣。畫謂雲氣也。次席。桃枝席。有

次列成文。祀先王昨席亦如之。

鄭司農云。昨席於主階設席。王所坐也。玄謂昨讀曰酢。謂祭祀及王受酢之席。尸卒食。王醕之。奉爵視受之。又酌授尸。尸酢王。於是席王於戶內。后諸臣致爵乃設席。

諸侯祭

祀席。蒲筵纁純。加莞席紛純。右彫几。

纁。畫文也。不莞席加纁者。纁柔。濡不如莞清堅。又於鬼神宜。

昨席。莞筵紛純。加纁席畫純。筵國賓于牖

前。亦如之。左彤几。

昨讀亦曰酢。鄭司農云。禮記國賓。老臣也。爲布筵席於牖前。玄謂國賓。諸侯來朝。孤卿大夫來聘。後言几者。使不蒙如也。朝者彤几。聘者彤几。

甸役。則設熊席。右漆几。

謂王甸有司祭表貉

所設凡喪事。設葦席。右素几。其柏席用荏。黼純。諸侯則紛純。每敦一几。

喪事。謂凡奠也。葦如葦而細者。鄭司農云。柏席。迫地之席。葦居其上。或曰。柏席載黍稷之

席。玄謂柏。桴字磨滅之餘。桴席。藏中神坐之席也。敦讀曰燾。燾。覆也。棺在殯則桴燾。既窆則加見。皆謂覆之。周禮雖合葬。及同時在殯。皆異几。體質不同。祭於廟同几。精氣合。

凡吉事變几。凶事仍几。

故書仍爲乃。鄭司農云。變几變更其

質。謂有飾也。乃讀爲仍。仍。因也。因其質。謂無飾也。爾雅曰。儻。仍。因也。書顧命曰。翌日乙丑。成王崩。癸酉。牖間南嚮。西序東嚮。東序西嚮。皆仍几。玄謂吉事。王祭宗廟。裸於室。饋食於堂。釋於昃。每事易几。神事文。示新之也。凶事。謂凡奠几。朝夕相因。喪禮略。

天府。掌祖廟之守藏。與其禁令。

祖廟。始祖后稷之廟。其寶物。世傳守之。若魯寶玉大弓者。

凡國之玉鎮。大寶器藏焉。若有大祭大喪。則出而

陳之既事藏之。

玉鎮大寶器玉瑞玉器之美者禘祫及大喪陳之以華國也故書鎮作瓊鄭司農云瓊讀爲鎮書顧命曰翌日乙丑王崩丁卯命作冊度越七日癸酉陳寶赤刀大訓弘璧琬琰在西序大玉夷玉天球河圖在東序胤之舞衣大貝鼈

鼓在西房兌之戈和之弓垂之竹矢在東房此其行事見於經

凡官府鄉州及都鄙之治中受而藏之以詔王察羣吏之治。

察察其當黜陟者鄭司農云治中謂其治職簿

書之要

上春釁寶鎮及寶器。

上春孟春也釁謂殺牲以血血之鄭司農云釁讀爲徹或曰釁鼓之釁

凡吉凶之事祖廟之中沃盥執燭。

吉事四時祭也凶事后王喪朝于祖廟之

奠季冬陳玉以貞來歲之嫩惡。

問事之正曰貞問歲之美惡謂問於龜大卜職大貞之屬陳玉陳禮神之玉凡卜筮實問於鬼神龜筮能出其卦兆之占耳龜有天地四方則玉有六器者與言陳者既事藏之不必理之也

鄭司農云貞問也易曰師貞丈人吉問於丈人國語曰貞於陽卜

若遷寶則奉之。

奉猶送也

若祭天之司民司祿而獻民數穀數則受而藏之。

司民軒轅角也

司祿文星第六星或曰下能也祿之言穀也年穀登乃後制祿祭此二星者以孟冬既祭之而上民穀之數於天府

典瑞掌玉瑞玉器之藏辨其名物與其用事設其服飾。

人執以見曰瑞禮神曰器瑞符信也服飾服玉之飾謂纁藉

王晉大圭執鎮圭纁藉

五采五就以朝日。

纁有五采文所以薦玉木爲中榦用韋衣而畫之就成也王朝日者示有所尊訓民事君也天子常春分朝日秋分夕月觀禮曰拜日於東門之外故書鎮作瓊鄭司農云晉讀爲搢紳之搢謂插之於紳帶之間若帶劍也瓊讀

爲鎮玉人職曰大圭長三尺杼上終葵首天子服之鎮圭尺有二寸天子守之纁讀爲藻率之藻五就五币也一币爲一就

公執桓圭侯執信圭伯執躬圭繅皆三采三就子執穀

璧男執蒲璧。纁皆二采再就。以朝覲宗遇會同于王。

三采朱白蒼二采朱綠也。鄭司農云。以圭璧見于王。覲禮曰。侯氏入門右坐奠圭。再拜稽首。侯氏見于天子。春曰朝。夏曰宗。秋曰覲。冬曰

遇。時見曰會。

諸侯相見亦如之。

鄭司農云。亦執圭璧以相見。故郊隱公朝于魯。春秋傳曰。邾子執玉高其容仰。

璋圭璋璧琮。纁皆二采一就。以覲聘。

璋以聘后夫人。以琮

享之也。大夫衆來曰覲。寡來曰聘。鄭司農云。璋有圻鄂。璋起

四圭有邸。以祀天。旅上帝。

鄭司農云。於中央爲璧。圭著其四面。一玉俱成。爾雅曰。邸。本也。圭本著於璧。故四圭有邸。圭末四出故也。或說四圭有邸。有四角也。邸讀爲抵

欺之抵。上帝。玄天。玄謂祀天。夏正郊天也。上帝。五帝。所郊亦猶五帝。殊言天者。尊異之也。大宗伯職曰。國有大故。則旅上帝及四望。

兩圭有邸。以祀地。旅四望。

兩圭者。以象地數二也。儻而同邸。祀地。謂所祀於北郊神州之神。

裸圭有瓚。以肆先王。以裸賓客。

鄭司農云。於圭頭爲器。可以挹鬯。裸祭。謂之瓚。故詩曰。卣彼玉瓚。黃流在中國。語謂之鬯。圭以肆先王。灌先王祭也。玄謂肆。解性體以祭。因以爲名。爵行日裸。漢禮。瓚槃大五升。口徑八寸。下

有繫。口徑二尺。

圭璧。以祀日月星辰。

圭其邸爲璧。取殺於上帝。

璋邸射。以祀山川。以造贈賓客。

璋有邸而射。取殺於四望。鄭司農云。射刻也。

土圭。以致四時

日月。封國。則以土地。

以致四時日月者。度其景至不至。以知其行得失也。冬夏以致日。春秋以致月。土地。猶度地也。封諸侯。以土圭。度日景。觀分寸長短。以制其域所封也。鄭司農說以玉人職曰。土圭尺有五寸。以致日。以土地。以求地中。

故謂之土圭。

珍圭。以徵守。以恤凶荒。

杜子春云。珍當爲鎮。書亦或爲鎮。以徵守者。以徵召守國諸侯。若今時徵郡守以竹使符也。鎮者。國之鎮。諸侯亦一國之鎮。故以鎮圭徵之也。凶荒則民有遠志。不安其土。故以鎮圭鎮安之。玄謂

珍圭。王使之瑞節。制大小當與琬琰相依。王使人徵諸侯。憂凶荒之國。則授之。執以往。致王命焉。如今時使者持節矣。恤者。閭府庫振救之。凡瑞節。歸又執以反命。

牙璋。以起軍旅。以治兵守。

鄭司農云。牙璋。瑑以爲牙。牙齒。兵象。

故以牙璋發兵。若今時以銅虎符發兵。玄謂牙璋亦王使之瑞節。兵守用兵所守。若齊人戍遂。諸侯戍周。

璧羨以起度。

鄭司農云。羨。長也。此璧徑長尺。以起度量。玉人職曰。璧羨。度尺。以爲度。玄謂羨。不圍之貌。蓋廣徑八寸。袤一尺。

駟圭璋。

璧琮琥璜之渠眉。疏璧琮。以斂尸。

鄭司農云。駟。外有捷盧也。駟讀爲駟疾之駟。疏讀爲沙。謂圭璋璧琮琥璜皆爲開渠爲眉。璜也。渠眉。玉飾之溝。璜也。以組穿連六玉。溝璜之中以斂尸。圭在左。璋在首。璜在右。璜在足。璧在背。琮在腹。蓋取象方明神之也。疏。璧琮者。通於天地。

穀圭以和難。以聘女。

穀圭亦王使之瑞節。穀。善也。其飾若粟。文然難仇。難和之者。若春秋

宣公及齊侯平莒及郟。晉侯使瑕嘉平戎于王。其聘女。則以納徵焉。

琬圭以治德。以結好。

琬圭亦王使之瑞節。諸侯有德。王命賜之。及諸侯使大夫來聘。既而爲壇會之。使大夫執以命事焉。大行人職曰。時聘以結諸侯之好。鄭司農云。琬

圭無鋒芒。故治德以結好。

琰圭以易行。以除慝。

琰圭亦王使之瑞節。鄭司農云。琰圭有鋒芒。傷害征伐。誅討之象。故以易行除慝。易惡行。令爲善者。以此圭責讓諛告之也。玄謂除慝。亦於諸侯使大夫來規。既而使大夫執而命事於壇。大

行人職曰。股規以除邦國之慝。

大祭祀。大旅。凡賓客之事。共其玉器而奉之。

玉器謂四圭。裸圭之屬。

大喪。共飯玉。含玉。贈玉。

飯玉。碎玉。以糴米也。含玉。柱左

右。齷及在口中者。雜記曰。含者執璧將命。則是璧形而小耳。贈玉。蓋璧也。贈有束帛六幣。璧以帛。

凡玉器出。則共奉之。

玉器出。謂王所好賜也。奉之。遂以往。遠則送於使者。

典命。掌諸侯之五儀。諸臣之五等之命。

五儀。公侯伯子男之儀。五等。謂孤以下四命三命再命一命不命也。或言儀。或言命。互文也。故書儀作義。鄭司農義讀爲儀。

上公九命爲伯。

其國家宮室車旗衣服禮儀。皆以九爲節。侯伯七命。其國家宮室車旗衣服禮儀。皆以七爲節。子男五命。

其國家宮室車旗衣服禮儀皆以五為節。

上公謂王之三公有德者加命為二伯二王之後亦為上公國家國之所居謂城方也公之城蓋方九里宮方九百步侯伯之城蓋方七里宮方七百步子男之城

蓋方五里宮方五百步大行人職則有諸侯圭藉冕服建常纓貳車介牢禮朝位之數焉。

王之三公八命其卿六命其大夫四命及其出封皆加一等其國家

宮室車旗衣服禮儀亦如之。

四命。中下大夫也。出封。出畿內封於八州之中。加一等。褒有德也。大夫為子男。卿為侯伯。其在朝廷則亦如命數耳。王之上士三命。中士再命。下士一命。

凡諸侯之適子

誓於天子攝其君則下其君之禮一等未誓則以皮帛繼子男。

誓猶命也。言誓者明天子既命以為之嗣樹子不易也。春秋桓九年曹伯使其世子射姑來朝行國君之禮是

也。公之子如侯伯而執圭侯伯之子如子男而執璧子男之子與未誓者皆次小國之君執皮帛而朝會焉其賓之皆以上卿之禮焉。

公之孤四命以皮帛。眡小國之君其卿三命其大夫

再命其士壹命其宮室車旗衣服禮儀各眡其命之數。侯伯之卿大夫士亦如之。子男之卿再命其大夫

壹命其士不命其宮室車旗衣服禮儀各眡其命之數。

視小國之君者列於卿大夫之位而禮如子男也。鄭司農云。九命上公得置孤卿一人。春秋傳曰。列國之卿當小國之君。周制也。玄謂王制曰。大國三卿皆命於天子。下大夫五人。上士二十七人。次國三卿。二卿命於天子。

一卿命於其君。下大夫五人。上士二十七人。小國二卿皆命於其君。下大夫五人。上士二十七人。

司服掌王之吉凶衣服辨其名物與其用事。

用事。祭祀視朝甸凶弔之事。衣服各有所用。

王之吉服祀昊天上帝則服大裘而冕。

祀五帝亦如之。享先王則衰冕。享先公饗射則驚冕。祀四望山川則毳冕。祭社稷五祀則希冕。祭羣小祀

則玄冕。

六服同冕者。首飾尊也。先公謂后稷之後。大王之前。不啻至諸盥饗射。饗食賓客。與諸侯射也。羣小祀。林澤墳衍四方百物之屬。鄭司農云。大裘羔裘也。衰卷龍衣也。驚禪衣也。毳罽衣也。玄謂書曰。予欲觀古人之象。日月星辰山龍華蟲作績。宗彝藻火

粉米黼黻希繡。此古天子冕服十二章。舜欲觀焉。華蟲五色之蟲。績人職曰。鳥獸蛇。雜四時五色以章之。謂是也。希讀爲緝。或作希。字之誤也。王者相變。至周而以日月星辰畫於旌旗。所謂三辰旌旗。昭其明也。而冕服九章。登龍於山。登火於宗彝。尊其神明也。九章。初一日龍。次二日山。次三曰華蟲。次四曰火。次五曰宗彝。皆畫以爲績。次六曰藻。次七曰粉米。次八曰黼。次九曰黻。皆希以爲繡。則衰之衣五章。裳四章。凡九也。驚畫以雉。謂華蟲也。其衣三章。裳四章。凡七也。毳畫虎。謂宗彝也。其衣三章。裳二章。凡五也。希刺粉米。無畫也。其衣一章。裳二章。凡三也。玄者。衣無文。裳刺黻而已。是以謂玄焉。凡冕服皆玄衣纁裳。

凡兵事。韋弁服。

韋弁。以韎韋爲弁。又以爲衣裳。春秋傳曰。晉郤至衣韎韋之跗注是也。今時伍伯緹衣古兵服之遺色。

眡朝。則皮弁服。

視朝。視內外朝之事。皮弁之服。十五升白布衣。積素以爲裳。王受諸侯朝覲於廟。則衰冕。

凡甸。冠弁服。

甸。田獵也。冠弁。委貌。其服緇布衣。亦積素以爲裳。諸侯以爲視朝之服。詩國風曰。緇衣之宜兮。謂王服此以田。王卒食而居。則玄端。

凡凶

事。服弁服。

服弁。喪冠也。其服斬衰齊衰。

凡弔事。弁經服。

弁經者。如爵弁而素。加環經。論語曰。羔裘玄冠不以弔。經大如總之經。其服錫衰。總衰疑衰。諸侯及卿大夫。亦以錫衰爲弔服。喪服小記曰。諸侯弔。必皮弁錫衰。則變其

冠耳。喪服舊說。以爲士弔服。素委貌。冠朝服。此近庶人弔服。而衣猶非也。士當事。弁經疑衰。變其裳以素耳。國君於其臣。弁經。他國之臣。則皮弁。大夫士有朋友之恩。亦弁經。故書弁作紃。鄭司農。紃讀爲弁。弁而加環經。環經即弁經服。

凡喪。爲天王

斬衰。爲王后齊衰。

王后。小君也。諸侯爲之不杖期。

王爲三公六卿錫衰。爲諸侯總衰。爲大夫士疑衰。其首服皆弁經。

君爲臣服。弔服也。鄭

司農云錫麻之滑易者十五升去其半有事其布無事其縷總亦十五升去其半有事其縷無事其布疑衰十四升衰玄謂無事其縷哀在內無事其布哀在外疑之言擬也擬於吉

大札大荒大裁素服

大札疫病也大荒饑饉也大裁

水火爲害君臣素服縞冠若晉伯宗哭梁山之崩

公之服自衮冕而下如王之服侯伯之服自鷩冕而下如公之服子男之服自毳冕

而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大

功小功士之服自皮弁而下如大夫之服其凶服亦如之其齊服有玄端素端

自公之衮冕至卿大夫之玄冕皆其朝聘天子及助祭之服諸

侯非二王後其餘皆玄冕而祭於己雜記曰大夫冕而祭於公弁而祭於己士弁而祭於公冠而玄於己大夫爵弁自祭家廟唯孤爾其餘皆玄冠與士同玄冠自祭其廟者其服朝服玄端諸侯之自相朝聘皆皮弁服此天子日視朝之服喪服天子諸侯齊斬而已卿大夫加以大功小功士亦如之又加總焉士齊有素端者亦爲札荒有所禱請變素服言素端者明異制鄭司農云衣有禱裳者爲端玄謂端者取其正也士之衣袂皆二尺二寸而屬幅是廣袤等也其袷尺二寸大夫已上侈之侈之者蓋半而益一焉半而益一則其袂三尺三寸袷尺八寸凡大祭祀大賓客共其衣服而奉之

奉猶送也送之於王所

大喪共其復衣服斂衣服奠衣服廡衣服皆掌其

陳序

奠衣服今坐上魂衣也故書廡爲淫鄭司農云淫讀爲廡廡陳也玄謂廡衣服所藏於椁中

典祀掌外祀之兆守皆有域掌其禁令

外祀謂所祀於四郊者域兆表之壘域

若以時祭祀則帥其屬而修除徵役于司隸而

役之。

屬其屬胥徒也。修除芟掃之徵召也。役之作使之。

及祭，帥其屬而守其厲禁而蹕之。

鄭司農云：遮列禁人，不得令人。

守祧，掌守先王先公之廟祧，其遺衣服藏焉。

廟謂太祖之廟及三昭三穆。遷主所藏曰祧。先公之遷主藏于后稷之廟。先王之遷主藏于文武之廟。遺衣服大斂之餘也。故書祧作濯。鄭司農濯讀爲

祧。此王者之宮，而有先公謂大王以前爲諸侯。

若將祭祀，則各以其服授尸。

尸當服卒者之衣服，以象生時。

其廟則有司脩除之，其祧則守祧黝聖之。

廟祭此廟也。祧，祭遷主。有司，宗伯也。脩除，黝聖，互言之。有司，恆主脩除。守祧，恆主黝聖。鄭司農云：黝讀爲幽。幽，黑也。聖，白也。爾雅曰：地謂之黝，牆謂之聖。

既祭，則藏其隋與其服。

鄭司農云：隋，謂神前所沃灌器名。玄謂隋，尸所祭肺脊黍

稷之屬，藏之以依神。

世婦，掌女宮之宿戒，又祭祀，比其具。

女宮，刑女給宮中事者。宿戒，當給事豫告之齊戒也。此，次也。具，所濯概及菜盛之饗。鄭司農比讀爲凡。凡，具也。

詔王后之禮事。

薦徹之節。帥六

宮之人共齎盛。

帥世婦女御。

相外內宗之禮事。

同姓異姓之女，有爵佐后者。

大賓客之饗食，亦如之。

比帥詔相其事同。

大喪，比外內命婦

之朝，莫哭不敬者而苛罰之。

苛，讞也。

凡王后有摯事於婦人，則詔相。

鄭司農云：謂爵婦人。玄謂拜，拜謝之也。喪大記曰：夫人亦拜寄公夫人於堂上。

凡內事

有達於外官者，世婦掌之。

主通之使，相共授。

內宗掌宗廟之祭祀薦加豆籩

加爵之豆籩故書爲豆鄭司農云謂婦人所薦杜子春云當爲豆籩

及以樂徹則佐傳豆籩

佐傳佐外宗

賓客之饗食

亦如之王后有事則從大喪序哭者

次序外內宗及命婦哭位

哭諸侯亦如之凡卿大夫之喪掌其弔臨

王后弔臨諸侯而已是以言掌卿大夫

云夫

外宗掌宗廟之祭祀佐王后薦玉豆眡豆籩及以樂徹亦如之

視視其實

王后以樂羞齎則贊

贊猶佐也

凡王后之

獻亦如之

獻獻酒於尸

王后不與則贊宗伯

后有故不與祭宗伯攝其事

小祭祀掌事賓客之事亦如之

小祭祀謂在宮中

大喪則敍外

內朝莫哭者哭諸侯亦如之

內內外宗及外命婦

家人掌公墓之地辨其兆域而爲之圖先王之葬居中以昭穆爲左右

公君也圖謂畫其地形及丘壘所處而藏之先王造壘者昭居左穆居右夾處東西

凡諸侯居左右以前卿大夫士居後各以其族

子孫各就其所出王以尊卑處其前後而亦併昭穆

凡死於兵者不入兆域

戰敗無勇投諸壘外以罰之

凡有功者居前

居王墓之前處昭穆之中央

以爵等爲丘封之度與其樹數

別尊卑也王公曰丘諸臣曰封漢律曰列侯墳高四丈關內侯以下至庶人各有差

大喪既有

日請度甫竈遂爲之尸。

甫始也。請量度所始竈之處地爲尸者。成葬爲祭墓地之尸也。鄭司農云。既有日。既有葬日也。始竈時。祭以告后土。家人爲之尸。

及窆以度爲丘隧共喪之窆

器。隧。美道也。度。丘與美道廣袤所至。窆器。下棺豐碑之屬。喪大記曰。凡封用紼。去碑負引。君封以衡。大夫士以咸。

及葬言鸞車象人。

鸞車。巾車所飾遺車也。亦設鸞旗。鄭司農云。象人。謂以鸞爲人言。言問其不如法度者。玄謂言猶語也。語

之者。告當行。若於生存者。於是巾車行之。孔子謂爲芻靈者。善謂爲備者不仁。非作象人者不殆於用生乎。

及窆執斧以洩。

臨下棺也。

遂入藏凶器。

凶器。明器。

正墓位。蹕墓域。守墓禁。

位。謂丘封所居前也。禁。所爲塋限。

凡祭墓爲尸。

祭墓爲尸。或禱祈焉。鄭司農云。爲尸。家人爲尸。

凡諸侯及諸臣葬於墓者。授之兆。爲之蹕。均其禁。

墓大夫掌凡邦墓之地域爲之圖。

凡邦中之墓地。萬民所葬地。

令國民族葬而掌其禁令。

族葬。各從其親。

正其位。掌其度數。

位。謂昭穆也。度

數。爵等。大小。

使皆有私地域。

古者萬民墓地同處。分其地。使各有區域。得以族葬。後相容。

凡爭墓地者。聽其獄訟。

爭墓地。相侵區域。

帥其屬而巡墓厲。居其中

之室而守之。

厲。塋限。遮列處。鄭司農云。居其中之室。有官寺在墓中。

職喪。掌諸侯之喪。及卿大夫士凡有爵者之喪。以國之喪禮。洩其禁令。序其事。

國之喪禮。喪服。士喪。既夕。士虞。今存者。其餘則亡事。謂小斂。大斂。葬

也。凡國有司以王命有事焉。則詔贊主人。

有事。謂含。隧。贈。之屬。詔贊者。以告主人。佐其受之。鄭司農云。凡國。謂諸侯國。有司。謂王有司也。以王命有事。職喪主。詔贊主人。玄謂凡國有司。有司從王國。以王

命往。凡其喪祭，詔其號，治其禮。鄭司農云：號，謂謚號。玄謂告以牲號齎號之屬，當以視之。凡公有司之所共，職喪令之，趣其事。

令，令其當共物者給事之期也。有司，或言

公，或言國。言國者，由其君所來。居其官曰公。謂王遣使奉命，有贈之物，各從其官出。職喪，當催督也。

周禮卷第六

春官宗伯下

大司樂掌成均之灋以治建國之學政而合國之子弟焉。

鄭司農云均調也樂師主調其音大司樂主受此成事已調之樂玄謂董仲舒云成均五帝之學成均之法者其遺禮可

法者國之子弟公卿大夫之子弟當學者謂之國子文王世子曰於成均以及取爵於上尊然則周人立此學之宮

凡有道者有德者使教焉死則以爲樂祖祭於瞽宗。

道多才藝者德

能躬行者若舜命夔典樂教胄子是也死則以爲樂之祖神而祭之鄭司農云瞽樂人樂人所共宗也或曰祭於瞽宗祭於廟中明堂位曰瞽宗殷學也泮宮周學也以此觀之祭於學宮中

以樂德教國子中和祇庸孝友

中猶忠也和剛柔適也祇敬庸有常也善父母曰孝善兄弟曰友

以樂語教國子興道諷誦言語

興者以善物喻善事道讀曰導導者言古以訓今也倍文曰諷以聲節之曰誦發端曰言答述曰語

以樂舞

教國子舞雲門大卷大成大磬大夏大濩大武

此周所存六代之樂黃帝曰雲門大卷黃帝能成名萬物以明民共財言其德如雲之所出民得以有族類大成成池堯樂也堯能禪均刑法以儀

民言其德無所不施大聲舜樂也言其德能紹堯之道也大夏禹樂也禹治水傅土言其德能大中國也大濩湯樂也湯以寬治民而除其邪言其德能使天下得其所也大武武王樂也武王伐紂以除其害言其德能成武功

以六律六同五聲

八音六舞大合樂以致鬼神示以和邦國以諧萬民以安賓客以說遠人以作動物

六律合陽聲者也六同合陰聲者也此十二者以銅

爲管轉而相生黃鍾爲首其長九寸各因而三分之上生者益一分下生者去一焉國語曰律所以立均出度也古之神瞽考中聲而量之以制度律均鍾言以中聲定律以律立鍾之均大合樂者謂偏作六代之樂以冬至作之致天神人鬼以夏至作之致地祇物彪動物羽羸之屬虞書云夔曰夔擊鳴球搏拊琴瑟以詠祖考來格虞賓在位羣后德讓下管鼗鼓合止祝致笙鏞以開鳥獸賡賡蕭韶九成鳳皇來儀夔又曰於予擊石拊石百獸率舞庶尹允諧此其於宗廟九奏效應

以享以祀

分謂各用一代之樂

乃奏黃鍾歌大呂舞雲門以祀天神

以黃鍾之鍾大呂之聲爲均者黃鍾陽聲之首大呂爲之合奏之以祀天神尊之也天神謂五帝及日月星辰也王者又各以

夏正月祀其所受命之帝於南郊尊之也孝經說曰祭天南郊就陽位是也

乃奏大蕤歌應鍾舞咸池以祭地祇

大蕤陽聲第二應鍾爲之合咸池大咸也地祇所祭於北郊謂神州之神及社稷

乃奏

姑洗歌南呂舞大磬以祀四望

姑洗陽聲第三南呂爲之合四望五嶽四鎮四寶此言祀者司中司命風師雨師或亦用此樂與

乃奏蕤賓歌函鍾舞大夏以祭山

川

蕤賓陽聲第四函鍾爲之合函鍾一名林鍾

乃奏夷則歌小呂舞大濩以享先妣

夷則陽聲第五小呂爲之合小呂一名中呂先妣姜嫄也姜嫄履大人跡感神靈而生后稷是周之先母也周立廟自后

穆爲始祖姜嫄無所妃是以特立廟而祭之謂之閼宮閼神之

乃奏無射歌夾鍾舞大武以享先祖

無射陽聲之下也夾鍾爲之合夾鍾一名闔鍾先祖謂先王先公

凡六樂者文之

以五聲播之以八音

六者言其均皆待五聲八音乃成也播之言被也故書播爲藩杜子春云藩當爲播讀如后稷播百穀之播

凡六樂者一變而致羽物及川澤之祇

再變而致羸物及山林之祇三變而致鱗物及丘陵之祇四變而致毛物及墳衍之祇五變而致介物及

土示六變而致象物及天神。

變猶更也。樂成則更奏也。此謂大蜡。索鬼神而致百物。六奏樂而禮畢。東方之祭。則用大蕨。姑洗。南方之祭。則用蕤賓。西方之祭。則用夷則。無射。北方之祭。則用黃鍾。爲均焉。每奏有所感致。和以

來之。凡動物敏疾者。地祇高下之甚者。易致羽物。既飛又走。川澤有孔竅者。蛤蟹走則遲。墳衍孔竅則小矣。是所以舒疾之分。土祇。原隰及平地之神也。象物有象在天。所謂四靈者。天地之神。四靈之知非德至和則不至。禮運曰。何謂四靈。麟鳳龜龍。謂之四靈。龍以爲畜。故魚鮪不滄。鳳以爲畜。故鳥不畜。麟以爲畜。故獸不狘。龜以爲畜。故人情不失。

凡樂。圜鍾爲宮。黃鍾爲角。大蕨爲徵。姑洗爲羽。靈鼓。靈鼗。孤竹之管。雲和。

之琴瑟。雲門之舞。冬日至於地上之圜丘奏之。若樂六變。則天神皆降。可得而禮矣。凡樂。函鍾爲宮。大蕨爲角。姑洗爲徵。南呂爲羽。靈鼓。靈鼗。孫竹之管。空桑之琴瑟。咸池之舞。夏日至於澤中之方丘奏之。若樂八變。則地示皆出。可得而禮矣。凡樂。黃鍾爲宮。大呂爲角。大蕨爲徵。應鍾爲羽。路鼓。路鼗。陰竹之管。龍門。

之琴瑟。九德之歌。九磬之舞。於宗廟之中奏之。若樂九變。則人鬼可得而禮矣。

此三者皆禘大祭也。天神則主北辰。地祇則主崑崙。人鬼則主后稷。

先奏是樂。以致其神。禮之以玉而禱焉。乃後合樂而祭之。大傳曰。王者必禘其祖之所自出。祭法曰。周人禘饗而郊稷。謂此祭天。圜丘以饗配之。圜鍾。夾鍾也。夾鍾生於房心之氣。房心爲大辰。天帝之明堂。函鍾。林鍾也。林鍾生於未之氣。未。坤之位。或曰。天社在東井。與鬼之外。天社。地神也。黃鍾生於虛危之氣。虛危爲宗廟。以此三者爲宮。用聲類求之。天宮夾鍾。陰聲。其相生從陽數。其陽無射。無射上生中呂。中呂與地宮同位。不用也。中呂上生黃鍾。黃鍾下生林鍾。林鍾地宮。又不用。林鍾上生大蕨。大蕨下生南呂。南呂與無射同位。又不用。南

呂上生姑洗。地宮林鍾。林鍾上生大蕤。大蕤下生南呂。南呂上生姑洗。人宮黃鍾。黃鍾下生林鍾。林鍾地宮。又辟之。林鍾上生大蕤。大蕤下生南呂。南呂與天宮之陽同位。又辟之。南呂上生姑洗。姑洗南呂之合。又辟之。姑洗下生應鍾。應鍾上生蕤賓。蕤賓地宮。林鍾之陽也。又辟之。蕤賓上生大呂。凡五聲宮之所生。濁者為角。清者為徵羽。此樂無商者。祭尙柔。商堅剛也。鄭司農云。雷鼓雷鼗。皆謂六面有革可擊者也。雲和地名也。靈鼓靈鼗四面。路鼓路鼗兩面。九德之歌。春秋傳所謂水火金木土穀。謂之六府。正德利用厚生。謂之三事。六府三事。謂之九功。九功之德。皆可歌也。謂之九歌也。玄謂雷鼓雷鼗八面。靈鼓靈鼗六面。路鼓路鼗四面。孤竹。竹特生者。孫竹。竹枝根之未生者。陰竹。生於山北者。雲和空桑。龍門。皆山名。九磬。讚當為大韶字之誤也。凡樂事。大祭祀。宿縣。遂

以聲展之。叩聽其聲。具陳次之。以知完不。王出入。則令奏王夏。尸出入。則令奏肆夏。牲出入。則令奏昭夏。三夏皆樂章名。帥國子而

舞。當用舞者。帥以往。大饗。不入牲。其他皆如祭祀。大饗。饗賓客也。不入牲。性不入。亦不奏昭夏也。其他謂王出入賓客出入。亦奏王夏肆夏。大射。王出入。令奏王夏。及射。

令奏騶虞。騶虞。樂章名。在召南之卒章。王射以騶虞為節。詔諸侯以弓矢舞。舞。謂執弓挾矢。揖讓進退之儀。王大食。三宥。皆令奏鍾鼓。大食。朔月月半以樂宥食時也。宥猶勸也。

王師大獻。則令奏愷樂。大獻。獻捷於祖。愷樂。獻功之樂。鄭司農說以春秋晉文公敗楚於城濮。傳曰。振旅愷以入於晉。凡日月食。四鎮五嶽崩。大傀異哉。諸侯薨。令

去樂。四鎮。山之重大者。謂揚州之會稽。青州之沂山。幽州之醫無閭。冀州之霍山。五嶽。岱在兗州。衡在荊州。華在豫州。嶽在雍州。恆在并州。傀。猶怪也。大怪異哉。謂天地奇變。若星辰奔貫及震裂為害者。去樂。藏之也。春秋傳曰。王午。猶繹。萬入去箭。萬言入則去者。

不入藏之可知。大札。大凶。大戕。大臣死。凡國之大憂。令弛縣。札。疫癘也。凶。凶年也。戕。水火也。弛。釋下之。若今休兵鼓之為。凡建國。禁其淫聲。過聲。凶聲。

慢聲。

淫聲若鄭衛也。過聲失哀樂之節。凶聲亡國之聲。若桑間濮上。慢聲惰慢不恭。

大喪。泄。獻樂器。

泄。臨也。獻。與也。臨。室師。饋師之屬。與樂器也。與。謂作之也。

及葬。藏樂器。亦如之。

樂師。掌國學之政。以教國子小舞。

謂以年幼少時教之舞。內則曰。十。三舞。勺。成童舞象。二十舞。大夏。

凡舞。有帔舞。有羽舞。有皇舞。有旄舞。有干

舞。有人舞。

故書。皇作壘。鄭司農云。帔舞者。全羽。羽舞者。析羽。皇舞者。以羽冒覆頭上。衣飾翡翠之羽。旄舞者。鬣牛之尾。干舞者。兵舞。人舞者。手舞。社稷以帔。宗廟以羽。四方以皇。辟廱以旄。兵事以干。星辰以人舞。壘。讀爲皇。書亦或爲皇。玄。謂帔。析五采。緡。今靈

星。舞者。持之。是也。皇。雜五采。羽。如鳳皇色。持以舞。人舞。無所執。以手袖爲威儀。四方以羽。宗廟以人。山川以干。旱暵以皇。

教樂儀。行以肆夏。趨以采薺。車亦如之。環拜以鍾鼓爲節。

教樂儀。教王以樂出入於大寢朝廷之儀。故書。趨。作踰。鄭司農云。踰。當爲趨。書亦或爲趨。肆夏。采薺。皆樂名。或曰。皆逸詩。謂人君行步以肆夏爲節。趨。疾於步。則以采薺爲節。若今時行禮於大學。罷出。以鼓。陔。爲節。環。謂旋也。拜。直拜也。玄。謂行者。謂於大寢之中。趨。謂於朝廷。爾雅曰。堂上謂之行。門外謂之趨。然則王出既服。至堂而肆夏作。出路門而采薺作。其反入。至應門路門。亦如之。此謂步迎賓客。王如有車出之事。登車於大寢西階之前。反降於阼階之前。尙書傳曰。天子將出。撞黃鍾之鍾。右五鍾皆應。入則撞蕤賓之鍾。左五鍾皆應。大師於是奏樂。

凡射。王以騶虞爲節。諸侯以狸首爲節。大夫以采蘋爲節。士以采芣爲節。

騶虞。采蘋。采芣。皆樂章名。在國風召南。唯狸首在樂記。射義曰。騶虞

者。樂官備也。狸首者。樂會時也。采蘋者。樂循法也。采芣者。樂不失職也。是故天子以備官爲節。諸侯以時會爲節。卿大夫以循法爲節。士以不失職爲節。鄭司農說以大射禮曰。樂正命大師曰。奏狸首。閒若一大師不與。許諾。樂正反位。奏狸首以射。狸首曾孫。

凡樂。

掌其序事。治其樂政。

序事。次序。用樂之事。

凡國之小事。用樂者。令奏鍾鼓。

小事。小祭。祀之事。

凡樂成。則告備。

成。謂所奏一竟。書曰。籥韶九成。燕禮曰。大師告

子樂正曰。詔來瞽臯舞。鄭司農云。瞽當爲鼓。臯當爲告。呼擊鼓者。又告當舞者。持鼓與舞俱來也。鼓字或作瞽。詔來瞽。或曰來。勅也。正歌備。勅爾瞽率爾衆工。奏爾悲誦。肅肅雍雍。毋怠毋凶。玄謂詔來瞽。詔視瞭扶瞽者來入也。臯之言號。告國子當

舞者及徹。帥學士而歌徹。學士國子也。鄭司農云。謂將徹之時。自有樂。故帥學士而歌。徹玄謂徹者。歌雍雍。雍在周頌。臣工之什。令相。令視瞭扶工。鄭司農云。告當相瞽師者。言當

階曰階也。及席曰席也。皆坐曰某在斯。某在斯曰相師之道與。饗食諸侯。序其樂事。令奏鍾鼓。令相如祭之儀。燕射。帥射夫以弓矢舞。射夫衆耦也。故書燕

爲舞。帥爲率。射夫爲射矢。鄭司農云。舞當爲燕。率當爲帥。射矢書亦或爲射夫。樂出入。令奏鍾鼓。樂出入。謂笙歌舞者及其器。凡軍大獻。教愷歌。遂倡之。故書倡爲昌。鄭司農云。樂師主倡也。昌當

爲倡。書亦或爲倡。凡喪。陳樂器。則帥樂官。帥樂官往陳之。及序哭。亦如之。哭此樂器。亦帥之。凡樂官。掌其政令。聽其治訟。

大胥。掌學士之版。以待致諸子。鄭司農云。學士謂卿大夫諸子。學舞者。版籍也。今時鄉戶籍。世謂之戶版。大胥主此籍。以待當召聚學舞者。卿大夫之諸子。則案此籍以召之。漢大樂律曰。卑者之子不得舞宗廟之酌。除吏

二千石到六百石。及闕內侯到五大夫子。先取適子高七尺已上。年二十到年三十。顏色和順。身體脩治者。以爲舞人。與古用卿大夫子同義。春入學舍采。合舞。春始以學士入學宮而學之。合舞等其進退。使應節奏。鄭司農云。舍采謂舞者

皆持芬香之采。或曰古者士見於君。以雉爲擊。見於師。以采爲擊。采直謂疏食菜羹之采。或曰學者皆人君卿大夫之子。衣服采飾。舍采者。減損解釋。盛服以下其師也。月令仲春之月上丁命樂正習舞。釋采。仲丁又命樂正入學習樂。玄謂舍即釋也。采讀爲菜。始入學。必釋

采禮先師也。秋頒學。合聲。春使之學。秋頒其才藝所爲。合聲亦等其曲折。使應節奏。以六樂之會。正舞位。大同六樂之節奏。正其位使相應也。言爲大合樂習之。以序出入舞。

者。以長幼次之。使出入不紕錯。

比樂官。

比猶校也。杜子春云。次比樂官也。鄭大夫讀比爲庀。庀。具也。錄其樂官。

展樂器。

展。謂陳數之。

凡祭祀之用樂者。以鼓徵學士。

擊鼓以召之文。

王世子曰。大昕鼓徵。所以警衆。

序宮中之事。

小胥掌學士之徵令而比之。鱣其不敬者。

比。猶校也。不敬。謂慢期不時至也。鱣。罰爵也。詩云。兕觥其觶。

巡舞列而撻其怠慢者。

撻。猶撻也。扶以荆扑。

正樂

縣之位。王宮縣。諸侯軒縣。卿大夫判縣。士特縣。辨其聲。

樂縣。謂鍾磬之屬。縣於筍處者。鄭司農云。宮縣四面。縣。軒縣去其一面。判縣又去其一面。特縣又去其一面。四面象宮室四面。

有牆。故謂之宮縣。軒縣三面。其形曲。故春秋傳曰。請曲縣繁纓以朝。諸侯之禮也。故曰。唯器與名不可以假人。玄謂軒縣去南面。辟王也。判縣左右之合。又空北面。特縣縣於東方。或於階間而已。

凡縣鍾磬。半爲堵。全爲肆。

鍾磬

者。編縣之。二十八枚而在一處。謂之堵。鍾一堵。磬一堵。謂之肆。半之者。謂諸侯之卿大夫士也。諸侯之卿大夫。半天子之卿大夫。西縣鍾。東縣磬。士亦半天子之士。縣磬而已。鄭司農說以春秋傳曰。歌鍾二肆。

大師掌六律六同以合陰陽之聲。陽聲。黃鍾。大蕤。姑洗。蕤賓。夷則。無射。陰聲。大呂。應鍾。南呂。函鍾。小呂。夾

鍾。皆文之以五聲。宮。商。角。徵。羽。皆播之以八音。金。石。土。革。絲。木。匏。竹。

以合陰陽之聲者。聲之陰陽各有合。黃鍾。子之氣也。十一月建焉。而辰在星紀。大呂。丑之氣也。

十二月建焉。而辰在玄枵。太蕤。寅之氣也。正月建焉。而辰在卿訢。應鍾。亥之氣也。十月建焉。而辰在析木。姑洗。辰之氣也。三月建焉。而辰在大梁。南呂。酉之氣也。八月建焉。而辰在壽星。蕤賓。午之氣也。五月建焉。而辰在鶉首。林鍾。未之氣也。六月建焉。而辰在鶉火。夷則。申之

氣也。七月建焉。而辰在鶉尾。中呂已之氣也。四月建焉。而辰在實沈。無射戊之氣也。九月建焉。而辰在大火。夾鍾卯之氣也。二月建焉。而辰在降婁。辰與建交錯。留處如表裏。然是其合也。其相生則以陰陽六體爲之。黃鍾初九也。下生林鍾之初六。林鍾又上生太蕤之九二。太蕤又下生南呂之六二。南呂又上生姑洗之九三。姑洗又下生應鍾之六三。應鍾又上生蕤賓之九四。蕤賓又上生大呂之六四。大呂又下生夷則之九五。夷則又上生夾鍾之六五。夾鍾又下生無射之上九。無射又上生中呂之上六。同位者象夫妻。異位者象子母。所謂律取妻而呂生子也。黃鍾長九寸。其實一箭。下生者三分去一。上生者三分益一。五下六上。乃一終矣。大呂長八寸二百四十三分寸之一百四。太蕤長八寸。夾鍾長七寸二千一百八十七分寸之千七十五。姑洗長七寸九分寸之一。中呂長六寸萬九千六百八十三分寸之萬二千九百七十四。蕤賓長六寸八十一分寸之二十六。林鍾長六寸。夷則長五寸七百二十九分寸之四百五十一。南呂長五寸三分寸之一。無射長四寸六千五百六十一分寸之六千五百二十四。應鍾長四寸二十七分寸之二十。文之者以調五聲。使之相次。如錦繡之有文章。播籥揚也。揚之以八音。乃可得而觀之矣。金鍾罇也。石磬也。土埙也。革鼓鼗也。絲琴瑟也。木祝敔也。匏笙也。竹管簫也。

教六詩曰風曰賦曰比曰興曰雅曰頌。

教教瞽矇也。風言賢聖治道之遺化。

也。賦之言鋪。直鋪陳今之政教善惡。比見今之失。不敢斥言。取比類以言之。興見今之美。嫌於媚諛。取善事以喻勸之。雅正也。言今之正者。以爲後世法。頌之言誦也。容也。誦今之德。廣以美之。鄭司農云。古而自有風雅頌之名。故延陵季子觀樂於魯。時孔子尙幼。未定詩書。而曰爲之歌。邠鄘衛曰。是其衛風乎。又爲之歌。小雅大雅。又爲之歌。頌論語曰。吾自衛反魯。然後樂正。雅頌各得其所。時禮樂自諸侯出。頗有謬亂不正。孔子正之。曰比曰興。比者。比方於物也。興者。託事於物。

以六德爲之本。

所教詩必有知

仁聖義忠和之道。乃後可教以樂歌。以六律爲之音。以律視其人爲之音。知其宜何歌。子貢見師乙而問曰。賜也聞樂歌各有宜。若賜者宜何歌。此問人性也。本人之性。莫善於律。

大祭祀。帥瞽登歌。令奏

擊拊。擊拊。拊乃歌也。故書拊爲付。鄭司農云。登歌。歌者在堂也。付字當爲拊。書亦或爲拊。樂或當擊。或當拊。登歌下管。貴人聲也。玄謂拊形如鼓。以韋爲之。著之以鞞。

下管播樂器。令奏鼓鞀。

鼓鞀。管乃作也。特言管者。貴人

氣也。鄭司農云：下管吹管者在堂下，鞀小鼓也。先擊小鼓，乃擊大鼓。小鼓爲大鼓先引，故曰鞀。鞀讀爲道引之引。玄謂鼓鞀猶言擊鞀。詩云：應鞀縣鼓。

大饗亦如之。大射，帥瞽而歌射節。射節，王歌騶虞。大師

執同律以聽軍聲而詔吉凶。

大師，大起軍師。兵書曰：王者行師出軍之日，授將弓矢，士卒振旅，將張弓大呼。大師吹律合音，商則戰勝，軍士強角則軍擾多變，失士心。宮則軍和，士卒同心。徵則將急，數怒。軍士勞羽則兵弱，少

威明。鄭司農說以師曠曰：吾驟歌北風，又歌南風，南風不競，多死聲，楚必無功。

大喪，帥瞽而厥作匱諡。

厥，興也。興，言王之行，謂諷誦其治功之詩。故書厥爲淫。鄭司農云：淫，陳也。陳其生時行迹爲作諡。

凡國之瞽

矇正焉。

從大師之政教。

小師，掌教鼓鼗祝敵，塤簫管弦歌。

教，教瞽矇也。出音者曰鼓。鼗如鼓而小，持其柄搖之，旁耳還自擊。塤，燒土爲之，大如鴈卵。簫，編小竹管，如今賣飴餠所吹者。弦，謂琴瑟也。歌，依詠詩也。鄭司農云：祝如漆笛，中有椎，敵木

虎也。塤六孔，管如篪。六孔，玄謂管如籥而小，併兩而吹之。今大予樂官有焉。

大祭祀，登歌擊拊。

亦自有拊擊之。佐大師令奏。鄭司農云：拊者擊石。

下管擊應鼓。

應，擊也。應與鞀及朔皆小鼓也。其所用別未聞。

徹歌。於有司徹而歌雍。

大饗亦如之。大喪與厥。從大師。

凡小祭祀，小樂事，鼓鞀。

如大師。鄭司農云：鞀，小鼓名。

掌六樂聲音之節與其和。

和。錘于。

瞽矇，掌播鼗祝敵，塤簫管弦歌。

播，謂發揚其音。

諷誦詩，世奠繫，鼓琴瑟。

諷誦詩，謂闡讀之，不依詠也。故書奠或爲帝。鄭司農云：諷誦詩，主誦詩以刺君過。故國語曰：瞽賦，矇誦，謂

詩也。杜子春云：帝讀爲定，其字爲奠，書亦或爲奠。世奠繫，謂帝繫諸侯卿大夫世本之屬是也。小史主次序先王之世，昭穆之繫，述其德行，警矇主誦詩，并誦世繫以戒勸人君也。故國語曰：教之世而爲之，昭明德而廢幽昏焉，以休懼其動。玄謂諷誦詩，主謂厥作極證時也。諷誦王治功之詩以爲證，世之而定其繫，謂書於世本也。雖不歌，猶鼓琴瑟以播其音美之。

掌九德六詩之歌，以役大師。役爲之使。

眡瞭，掌凡樂事，播鼗，擊頌磬，笙，磬。視瞭播鼗，又擊磬。磬在東方曰笙，笙生也。在西方曰頌，頌或作庸，功也。大射禮曰：樂人宿縣于阼階，東笙磬，西面其南，笙鍾，其南鐃，皆南陳。又曰：西階之西，頌磬，東面其南，鍾，其南鐃，皆

南陳。掌大師之縣。大師當縣則爲之。凡樂事，相磬。相謂扶工。大衷，厥樂器，大旅，亦如之。旅非常祭於時，乃與造其樂器。賓射，皆奏其鍾鼓。擊輦以奏

之，其登歌，大。鑿愷獻，亦如之。愷獻，獻功愷樂也。杜子春讀鑿爲憂戚之戚，謂戒守鼓也。擊鼓聲疾數，故曰戚。

典同，掌六律六同之和，以辨天地四方陰陽之聲，以爲樂器。陽聲屬天，陰聲屬地，天地之聲布於四方爲作也。故書同作銅。鄭司農云：陽律以竹爲管，陰律以銅爲管，竹陽也。銅

陰也，各順其性，凡十二律，故大師職曰：執同律以聽軍聲。玄謂律述氣者也。同助陽宣氣，與之同，皆以銅爲。

聲衍，侈聲，柝，弁聲，鬱，薄聲，甄，厚聲，石。故書硯或作硯。杜子春讀硯爲鑿，鑿之鑿，高謂鍾形容高也。錯讀爲闔，不明之闔，柝讀爲行，扈，暗，暗之暗，石如磐石之聲。鄭大夫讀硯爲衰冕之衰，陂讀爲人短罷之罷，錯讀爲鶉

鶉之鶉。鄭司農云：鍾形下當蹕，正者不高不下，鍾形上下正備。玄謂高，鍾形大上，上大也。高則聲上藏，衰然旋如裏，正謂上下直，正則聲緩，無所動。下謂鍾形大下，下大也。下則聲出去放肆，陂讀爲險，陂之陂，陂謂偏侈，陂則聲離散也。險謂偏弁也。險則聲斂不越也。達謂其

形微大也。達則聲有餘若大放也。微謂其形微小也。錯讀爲飛鉗混錯之錯。錯聲小不成也。回謂其形微圓也。回則其聲淫衍無鴻殺也。侈謂中央約也。侈則聲迫窄出去疾也。弇謂中央寬也。弇則聲鬱勃不出也。甄讀爲甄濯之甄。甄猶掉也。鍾微薄則聲掉。鍾大厚則如石叩之。無聲。凡爲樂器以十有二律爲之數度。以十有二聲爲之齊量。數度廣長也。齊量侈弇之所容。凡和樂亦如之。和謂調其故器也。

磬師掌教擊磬擊編鍾。

教教視瞭也。磬亦編於鍾言之者。鍾有不編不編者。鍾師擊之。杜子春讀編爲編書之編。

教緦樂燕樂之鍾磬。

杜子春讀緦爲怠慢之慢。玄謂緦讀爲緦錦之緦。謂雜聲之和。

樂者也。學記曰。不學操緦不能安弦。燕樂房中之樂。所謂陰聲也。二樂皆教其鍾磬。

凡祭祀奏緦樂。

鍾師掌金奏。

金奏擊金以爲奏樂之節。金謂鍾及鐃。

凡樂事以鍾鼓奏九夏。王夏。肆夏。昭夏。納夏。章夏。齊夏。族夏。祓夏。騶夏。

以鍾鼓者。

先擊鍾。次擊鼓。以奏九夏。夏大也。樂之大歌有九。故書納作內。杜子春云。內當爲納。祓讀爲該鼓之該。王出入奏王夏。尸出入奏肆夏。牲出入奏昭夏。四方賓來奏納夏。臣有功奏章夏。夫人祭奏齊夏。族人侍奏族夏。客醉而出奏陔夏。公出入奏騶夏。肆夏詩也。春秋傳曰。穆叔如晉。晉侯享之。金奏肆夏三。不拜。工歌文王之三。又不拜。歌鹿鳴之三。三拜。曰。三夏。天子所以享元侯也。使臣不敢與聞。肆夏與文王鹿鳴俱稱三。謂其三章也。以此知肆夏詩也。國語曰。金奏肆夏。繁過渠。天子所以享元侯。肆夏繁過渠。所謂三夏矣。呂叔玉云。肆夏繁過渠。皆周頌也。肆夏時邁也。繁過渠。執儼也。渠。思文。肆。遂也。夏大也。言遂於大位。謂王位也。故時邁曰。肆于時夏。允王保之。繁多也。過止也。言福祿止於周之多也。故執儼曰。降福穰穰。降福簡簡。福祿來反。渠大也。言以后稷配天。王道之大也。故思文曰。思文后稷。克配彼天。故國語謂之曰。皆昭令德以合好也。玄謂以文王鹿鳴言之。則九夏皆詩篇名。頌之族類也。此歌之大者。載在樂章。樂崩亦從而亡。是以頌不能具。

凡祭祀饗食奏燕樂。

以鍾鼓奏之。

凡射王奏騶虞。諸侯

奏狸首。卿大夫奏采蘋。士奏采蘩。

鄭司農云。竊虞聖獸。

掌鞀鼓縵樂。

鼓讀如莊王鼓之鼓。玄謂作縵樂擊鞀以和之。

笙師掌教歛竽。笙塤。簫。簞。篪。篥。管。春牘。應雅。以教祓樂。

教祝嘏也。鄭司農云。竽三十六簧。笙十三簧。篪七空。春牘以竹。大五六寸。長七尺。短者一二尺。其端有兩空。槩畫以兩手築地。應

長六尺五寸。其中有椎。雅狀如漆。箛而鼻口。大二圍。長五尺六寸。以羊韋鞞之。有兩紐。疏畫。杜子春讀篪為蕩滌之滌。今時所吹五空竹。篥。玄謂簫如篪。三空。祓樂。祓夏之樂。讀應雅。教其春者。謂以築地。笙師教之。則三器在庭可知矣。賓醉而出。奏祓夏。以此三器築地。為之行節。明不失禮。

凡祭祀。饗射。共其鍾。笙之樂。

鍾。笙與鍾聲相應之笙。

燕樂。亦如之。大喪。厥其樂器。及葬。奉而藏之。

厥。興也。典謂作之。奉猶送。

旅。則陳之。

陳於饌處而已。不泄其縣。

搏師掌金奏之鼓。

謂主擊晉鼓以奏其鍾。搏也。然則擊搏者亦祝嘏。

凡祭祀。鼓其金奏之樂。饗射。亦如之。軍大獻。則鼓其愷樂。凡

軍之夜。三鼙。皆鼓之。守鼙。亦如之。

守鼙。備守鼓也。鼓之以鼗鼓。杜子春云。一夜三擊。備守鼙也。春秋傳所謂賓將趨者。音聲相似。

大喪。厥其樂器。奉而藏之。

鞀師掌教鞀樂。祭祀。則帥其屬而舞之。

舞之以東夷之舞。

大饗。亦如之。

旄人掌教舞散樂。舞夷樂。

散樂。野人為樂之善者。若今黃門倡矣。自有舞夷樂。四夷之樂。亦皆有聲歌及舞。

凡四方之以舞仕者。屬焉。凡祭祀。賓客。舞其

燕樂。

籥師掌教國子舞羽籥籥。

文舞有持羽吹籥者所謂籥舞也。文王世子曰秋冬學羽籥詩云左手執籥右手秉翟。

祭祀則鼓羽籥之舞。

鼓之者恆為之節。

賓客饗食則

亦如之大喪獻其樂器奉而藏之。

籥章掌十鼓籥籥。

杜子春云土鼓以瓦為匡以革為兩面可擊也。鄭司農云籥籥國之地竹。籥詩亦如之。玄謂籥籥幽人吹籥之聲。章明堂位曰土鼓剡桴鞀籥伊耆氏之樂。

中春晝擊土鼓。歛爾詩。

以逆暑。

幽詩。幽風七月也。吹之者以籥為之聲。七月言寒暑之事。迎氣歌其類也。此風也。而言詩詩摠名也。迎暑以晝求諸陽。

中秋夜迎寒亦如之。

迎寒以夜求諸陰。

凡國祈年于田祖。

歛爾雅擊土鼓以樂田畯。

祈年祈豐年也。田祖始耕田者謂神農也。幽雅亦七月也。七月又有于耜舉趾。饁彼南畝之事。是亦歌其類謂之雅者以其言男女之正。鄭司農云田畯古之先教田者。爾雅曰畯農夫也。

國

祭蜡則歛爾頌擊土鼓以息老物。

故書蜡為蠶。杜子春云蠶當為蜡。郊特牲曰天子大蜡八。伊耆氏始為蜡。歲十二月而合聚萬物而索饗之也。蜡之祭也。主先嗇而祭司嗇也。黃衣黃冠而祭。息田夫也。既蜡而收

民息已。玄謂十二月。建亥之月也。求萬物而祭之者。萬物助天成歲事。至此為其老而勞。乃祀而老息之。於是國亦養老焉。月令孟冬。勞農以休息之。是也。幽頌亦七月也。七月又有穫稻作酒。躋彼公堂。稱彼兕觥。萬壽無疆之事。是亦歌其類也。謂之頌者以其言歲終人功成之。

鞀鞀氏掌四夷之樂與其聲歌。

四夷之樂東方曰鞀南方曰任西方曰株離北方曰禁詩云以雅以南是也王者必作四夷之樂一天下也言與其聲歌則云樂者主於舞

祭祀則歛而歌之。

燕亦如之。

吹之以管箭為之聲。

典庸器掌藏樂器庸器。

庸器伐國所獲之器若崇鼎貫鼎及其兵物所鑄銘也。

及祭祀帥其屬而設筭虞陳庸器。

設筭虞視瞭當以縣樂器焉陳功器以華國也杜子春云

箭讀為博選之選橫者為箭從者為鏃。

饗食賓射亦如之大喪獻筭虞。

獻與也與謂作之。

司干掌舞器。

舞器羽箭之屬。

祭祀舞者既陳則授舞器既舞則受之。

既已也受取藏之。

賓饗亦如之大喪獻舞器及葬奉而

藏之。

大卜掌三兆之灋一曰玉兆二曰瓦兆三曰原兆。

兆者灼龜發於火其形可占者其象似玉瓦原之聲罅是用名之焉上古以來作其法可用者有三原原田也杜子春云玉兆帝顛頊之兆瓦

兆帝堯之兆原兆有周之兆。

其經兆之體皆百有二十其頌皆千有二百。

頌謂繇也三法體繇之數同其名占異耳百二十每體十繇體有五色又重之以墨拆也五色者洪範所謂曰雨曰濟曰

圍曰繇。

掌三易之灋一曰連山二曰歸藏三曰周易。

易者揲著變易之數可占者也名曰連山似山出內氣也歸藏者萬物莫不歸而藏於其中杜子春云連山宓戲歸藏黃帝

其

經卦皆八。其別皆六十有四。

三易卦別之數亦同。其名占異也。每卦八別者重之數。

掌三夢之灋。一曰致夢。二曰觴夢。三曰咸陟。

夢者人精神所寤可

占者致夢言夢之所至。夏后氏作焉。咸皆也。陟之言得也。讀如王德翟人之德。言夢之皆得。周人作焉。杜子春云。觴讀爲奇偉之奇。其字直當爲奇。玄謂觴讀如諸戎倚之倚。倚亦得也。亦言夢之所得。殷人作焉。

其經運十。其別九十。

或

爲經當爲輝。是視祿所掌十輝也。王者於天日也。夜有夢則晝。視日旁之氣以占其吉凶。凡所占者十輝。每輝九變。此術今亡。

以邦事作龜之八命。一曰征。二曰象。三曰與。四曰謀。五

曰果。六曰至。七曰雨。八曰瘳。

國之大事待著龜而決者有八。定作其辭於將卜以命龜也。鄭司農云。征謂征伐人也。象謂災變雲物如衆赤鳥之屬有所象似。易曰。天垂象見吉凶。春秋傳曰。天事恆象。皆是也。與謂予人物也。

謀謂謀議也。果謂事成與不也。至謂至不也。雨謂雨不也。瘳謂疾瘳不也。玄謂征亦云行巡守也。象謂有所造立也。易曰。以制器者尙其象。與謂所與共事也。果謂以勇決爲之。若吳伐楚楚司馬子魚卜戰。令龜曰。鮒也。以其屬死之。楚師繼之。尙大克之。吉是也。

以

八命者贊三兆三易三夢之占。以觀國家之吉凶。以詔救政。

鄭司農云。以此八事命卜筮著龜。參之以夢。故曰以八命者贊三兆三易三夢之占。春秋傳曰。筮襲於夢。武王所用。

玄謂贊佐也。詔告也。非徒占其事吉則爲。否則止。又佐明其辭之占。演其意以視國家餘事之吉凶。凶則告王救其政。

凡國大貞卜立君。卜大封。則眡高作龜。

卜立君。君無冢適卜可立者。卜大封謂竟界侵

削卜以兵征之。若魯昭元年。秋。叔弓帥師。疆郟田。是也。視高。以龜骨高者可灼。虛示宗伯也。大事宗伯涖卜。卜用龜之腹骨。骨近足者其部高。鄭司農云。貞問也。國有大疑問於著龜。作龜。謂鑿龜合可熟也。玄謂貞之爲問。問於正者必先正之。乃從問焉。易曰。師貞丈人吉。作龜。謂以火灼之。以作其兆也。春灼後左。夏灼前左。秋灼前右。冬灼後右。士喪禮曰。宗人受卜人龜。示高。涖卜受視。反之。又曰。卜人坐作龜。大祭祀。則眡高命龜。命龜告龜以所卜之事。不親作龜者。大祭祀輕於大貞也。士喪禮曰。宗人卽席

策相互矣。秦以十月建亥爲歲首。則月令秦世之書亦或欲以歲首躔龜耳。

若有祭事，則奉龜以往。

奉猶送也。送之所當於卜。

旅亦如之。喪亦如之。

董氏掌共燹契，以待卜事。

杜子春云：燹讀爲細目燹之燹，或曰如薪樵之樵，謂所燕灼龜之木也。故謂之樵契。謂契龜之鑿也。詩云：爰始爰謀，爰契我龜。玄謂：士喪禮曰：楚燹置於燹，在龜東。楚燹即契，所用灼龜也。燹，謂炬其存火。

凡卜以明火爇燹，遂歛其燹契，以授卜師，遂役之。

杜子春云：明火，以陽燧取火於日。燹讀爲英俊之後。書亦或爲俊。玄謂燹讀如戈，鑄之鑄，謂以契柱燹火而吹之也。契既然，以授卜師，用作龜

也。役之，使助之。

占人，掌占龜，以八簪占八頌，以八卦占簪之八故，以眚吉凶。

占人亦占筮。言掌占龜者，筮短龜長，主於長者，以八筮占八頌，謂將卜八事，先以筮筮之。言頌者，同於龜占也。以八

卦占筮之八故，謂八事不卜而徒筮之也。其非八事，則用九筮。占人亦占焉。

凡卜簪，君占體，大夫占色，史占墨，卜人占坼。

體，兆象也。色，兆氣也。墨，兆廣也。坼，兆壘也。體有吉凶，色有善惡，墨有大小。

坼有微明，尊者視兆象而已。卑者以次詳其餘也。周公卜武王占之曰：體王其無害。凡卜象吉，色善，墨大，坼明，則逢吉。

凡卜簪，既事，則繫幣，以比其命。歲終，則計其占之中否。

杜子

春云：繫幣者，以帛書其占繫之於龜也。玄謂：既卜筮，史必書其命龜之事及兆於策，繫其禮神之幣而合藏焉。書曰：王與大夫盡弁，開金縢之書，乃得周公所自以爲功代武王之說，是命龜書。

籥人，掌三易以辨九筮之名。一曰連山，二曰歸藏，三曰周易。九筮之名：一曰巫更，二曰巫式，三曰巫目，四曰巫比，五曰巫祠，六曰巫参，七曰巫环，八曰巫目，九曰巫易。

曰巫目。五曰巫易。六曰巫比。七曰巫祠。八曰巫參。九曰巫環。以辨吉凶。

此九巫讀皆當為筮字之誤也。更謂筮選部邑也。咸猶僉也。謂筮衆心歡不也。式謂

筮制作法式也。目謂事衆。筮其要所當也。易謂民衆不說。筮所改易也。比謂筮與民和比也。祠謂筮性與日也。參謂筮御與右也。環謂筮可致師不也。

凡國之大事。先筮而後卜。

當用卜者。先筮之。卽事有漸也。於筮之凶。則止

卜。上春。相筮。

相謂更選擇其著也。著龜歲易者與。

凡國事共筮。

占夢。掌其歲時。觀天地之會。辨陰陽之氣。

其歲時。今歲四時也。天地之會。建辰所處之日辰。陰陽之氣。休王前後。

以日月星辰占六夢之吉凶。

日月星辰

謂日月之行及合辰所在。春秋昭三十一年十二月辛亥朔。日有食之。是夜也。晉趙簡子夢童子僕而轉以歌。旦而日食。占諸史墨。對曰。六年及此月也。吳其入郢乎。終亦弗克。入郢必以庚辰。日在辰尾。庚午之日。日始有適。火勝金。故弗克。此以日月星辰占夢者。其術則今八會其遺象也。用占夢則亡。

一曰正夢。

無所感動。平安自夢。

二曰噩夢。

杜子春云。噩當爲驚。愕之愕。謂驚愕而夢。

三曰思夢。

覺時所思。念之而夢。

四曰寤夢。

覺時道之而夢。

五曰

喜夢。

喜說而夢。

六曰懼夢。

恐懼而夢。

季冬。聘王夢。獻吉夢于王。王拜而受之。

聘問也。夢者事之祥。吉凶之占。在日月星辰。季冬日窮于次。月窮于紀。星迴于天。數將幾終。於是發

幣而問焉。若休慶之云爾。因獻羣臣之吉夢於王。歸美焉。詩云。牧人乃夢。衆維魚矣。旒維旗矣。此所獻吉夢。

乃舍萌于四方。以贈惡夢。

杜子春讀萌爲明。又云。其字當爲明。明謂敵疫也。謂歲竟逐疫。置四方書。亦或爲明。玄謂

舍讀爲釋。舍萌猶釋采也。古書釋采釋奠。多作舍字。萌菜始生也。贈送也。欲以新善去故惡。

遂令始難。毆疫。

令。令方相氏也。難。謂執兵以有難卻也。方相氏蒙熊皮。黃金四目。玄衣朱裳。執戈揚盾。帥百隸爲之。毆疫癘鬼也。故書難或爲儺。杜子春

雖讀爲難問之難。其字當作難。月令季春之月命國雛。九門禳。以畢春氣。仲秋之月天子乃雛。以達秋氣。季冬之月命有司大雛。旁磔出土牛以送寒氣。

祗祿。掌十輝之灋。以觀妖祥。辨吉凶。

妖祥善惡之徵。鄭司農云。輝謂日光炁也。

一曰禳。二曰象。三曰鑊。四曰監。五曰閹。六曰瞽。七

曰彌。八曰叙。九曰墜。十曰想。

故書彌作迷。墜作資。鄭司農云。禳陰陽氣相侵也。象者如赤鳥也。鑊謂日旁氣四面反鄉如輝狀也。監雲氣臨日也。閹日月食也。瞽日月嘗嘗無光也。彌者白虹彌天也。叙者雲有次序如山在日上也。

隣者升氣也。想者輝光也。玄謂鑊讀如童子佩鑊之鑊。謂日旁氣刺日也。監冠耳也。彌氣貫日也。隣虹也。詩云。朝隣于西。想雜氣有似可形想。

掌安宅叙降。

宅居也。降下也。人見妖祥則不安。主安其居處也。次序其凶禍所下。謂禳移之。

正歲。

則行事。

占夢以季冬贈惡夢。此正月而行安宅之事。所以順民。

歲終則弊其事。

弊斷也。謂計其吉凶然否多少。

大祝。掌六祝之辭。以事鬼神。祈福祥。求永貞。一曰順祝。二曰年祝。三曰吉祝。四曰化祝。五曰瑞祝。六曰

筮祝。

永長也。貞正也。求多福。歷年得正命也。鄭司農云。順祝順豐年也。年祝求永貞也。吉祝祈福祥也。化祝弭災兵也。瑞祝逆時雨。寧風旱也。筮祝遠罪疾。

掌六祈以同鬼神。一曰類。二曰造。三

曰禴。四曰禘。五曰攻。六曰說。

祈。禱也。謂爲有災變。號呼告神以求福。天神人鬼地祇不和。則六癘作見。故以祈禮同之。故書造作。龜杜子春讀龜爲造。次之造。書亦或爲造。造祭於祖也。鄭司農云。類造禴禘。攻說皆祭名也。類祭于

上帝。詩曰。是類是禡。爾雅曰。是類是禡。師祭也。又曰。乃立冢土。戎醜攸行。爾雅曰。起大事。動大衆。必先有事乎社。而後出。謂之宜。故曰。大師。宜于社。造于祖。設軍社。類上帝。司馬法曰。將用師。乃告于皇天。上帝日月星辰。以禱于后土。四海神祇山川冢社。乃造于先王。然後冢

宰徵師于諸侯曰。某國爲不道。征之。以某年某月某日師至某國。祭日月星辰山川之祭也。春秋傳曰。日月星辰之神。則雪霜風雨之不時。於是乎禱之。山川之神。則水旱癘疫之災。於是乎禱之。玄謂類造。加誠肅求。如志禱。禱告之以時有災變也。攻說則以辭責之。祭如日食。以朱絲繫社。攻如其鳴鼓然。董仲舒救日食祝曰。炤炤大明。激滅無光。奈何。以陰侵陽。以卑侵尊。是之謂說也。禱未聞焉。造類禱。祭皆有牲。攻說用幣而已。

作六辭以通上下親疏遠近。一曰祠。二曰命。

三曰誥。四曰會。五曰禱。六曰誅。

鄭司農云。祠當爲辭。謂辭令也。命。論語所謂爲命。禱。謂康誥盤庚之誥之屬也。盤庚將遷于股。誥其世臣。卿大夫道其先祖之善功。故曰以通上下親疏遠近。會。謂王官之伯命。

事於會。胥命于蒲。主爲其命也。禱。謂禱於天地社稷宗廟。主爲其辭也。春秋傳曰。鐵之戰。衛太子禱曰。曾孫劓。敢昭告皇祖文王。烈祖康叔。文祖襄公。鄭勝亂。從晉午在難。不能治亂。使鞅討之。劓不敢自佚。備持矛焉。敢告無絕筋。無破骨。無面夷。無作三祖。羞大命。不敢請。佩玉不敢愛。若此之屬。誅。謂積累生時德行以賜之命。主爲其辭也。春秋傳曰。孔子卒。哀公誅之曰。閔天不淑。不慙遣一老。俾屏余一人。以在位。嬖嬖予在疚。嗚呼哀哉。尼父無自律。此皆有文雅辭令。難爲者也。故大祝官主作六辭。或曰。誅。論語所謂誅曰。禱爾于上下神祇。杜子春云。誥當爲告。書亦或爲告。玄謂一曰祠者。交接之辭。春秋傳曰。古者諸侯相見。號辭必稱先君。以相接辭之辭也。會。謂會同盟誓之辭。禱。賀慶言福祚之辭。晉趙文子成室。晉大夫發焉。張老曰。美哉輪焉。美哉奐焉。歌於斯。哭於斯。聚國族於斯。文子曰。武也得歌於斯。哭於斯。聚國族於斯。是全要領以從先大夫於九京也。北面再拜稽首。君子謂之善頌善禱。禱是之辭。

辨六號。一曰神號。二曰鬼號。三曰示號。四曰牲號。五曰齋號。六

曰幣號。

號。謂尊其名。更爲美稱焉。神號。若云皇天上帝。鬼號。若云皇祖伯某。祇號。若云后土地祇。幣號。若云嘉玉。幣云量幣。鄭司農云。牲號。謂犧牲皆有名號。曲禮曰。牛曰一元大武。豕曰剛鬣。羊曰柔毛。雞曰翰音。黍號。謂黍稷皆有名號也。曲禮曰。黍曰香合。

粢曰香蕡。稻曰嘉蔬。少牢饋食禮曰。敢用柔毛剛鬣。士虞禮曰。敢用絜牲剛鬣香合。

辨九祭。一曰命祭。二曰衍祭。三曰炮祭。四曰周祭。五曰振祭。六曰搯祭。

七日絕祭。八曰繚祭。九曰共祭。

杜子春云。命祭。祭有所主命也。振祭。振讀爲慎。禮家讀振爲振旅之振。擗祭。擗讀爲虞芮之芮。燔柴。擗祭。以肝肺渣擗鹽醴中以祭也。繚祭。以手從肺本循之。至于末。乃絕以祭也。絕祭。不循其本。直絕肺以祭也。重肺賤肝。故初祭絕肺以祭。謂之絕祭。至祭之末。禮殺之後。但擗肝鹽中。振之。擬之若祭狀。弗祭。謂之振祭。特牲饋食禮曰。取渣擗于醴。祭于豆間。鄉射禮曰。取肺。坐絕祭。鄉飲酒禮曰。右取肺。左卻手執本。坐。弗絲。右絕末以祭。少牢曰。取肝擗于鹽。振祭。玄謂九祭皆謂祭食者。命祭者。玉藻曰。君若賜之食。而君客之。則命之祭。然後祭。是也。衍字當爲延。炮字當爲包。聲之誤也。延祭者。曲禮曰。客若降等。執食與辭。主人與辭於客。然後客坐。主人延客祭。是也。包。猶兼也。兼祭者。有司曰。宰夫贊者取白黑以授尸。尸受。兼祭于豆祭。是也。周。猶徧也。徧祭者。曲禮曰。殺之序。徧祭之。是也。振祭。擗祭本同。不食者。擗則祭之。將食者。既擗必振。乃祭也。絕祭。繚祭亦本同。禮多者。繚之。禮略者。絕則祭之。共。猶授也。王祭食。宰夫授祭。孝經說曰。共。綏執授。

辨九擗。一曰稽首。二曰頓首。三曰空首。四曰振動。五曰吉擗。六曰凶擗。七曰奇擗。八曰褒擗。九曰肅擗。以享右祭祀。

稽首拜。頭至地也。頓首拜。頭叩地也。空首拜。頭至手。所謂拜手也。吉拜。拜而後稽顙。謂齊衰不杖以下者言吉者。此殷之凶拜。周以其拜與頓首相近。故謂之吉拜云。凶拜。稽顙而後拜。謂三年服者。杜子春云。振讀爲振鐸之振。動讀爲哀慟之慟。奇讀爲奇偶之奇。謂先屈一膝。今雅拜是也。或云奇讀曰倚。倚拜。謂持節持戟拜。身倚之以拜。鄭大夫云。動讀爲董。董亦或爲董。振董。以兩手相擊也。奇拜。謂一拜也。襄讀爲報。報拜。再拜是也。鄭司農云。襄拜。今時持節拜是也。肅拜。但俯下手。今時禮是也。介者不拜。故曰爲事故。敢肅使者。玄謂振動。戰栗變動之拜。書曰。王動色變。一拜。答臣下拜。再拜。拜神與尸。享獻也。謂朝獻饋獻也。右讀爲侑。侑勸尸食而拜。

凡大禮祀。肆享祭。示則執明水火而號祝。明水火。司烜所共。日月之氣。以給蒸享。執之。如以六號祝。明此圭繫。隨斿。逆牲。逆尸。令鍾鼓。右亦如之。凡血祭曰斿。既也。禮祀祭天神也。肆享。祭宗廟也。故書祇爲祊。杜子春云。祊當爲祇。

隨斿。逆牲。逆尸。令鍾鼓。右亦如之。凡血祭曰斿。既也。禮祀祭天神也。肆享。祭宗廟也。故書祇爲祊。杜子春云。祊當爲祇。

隋豐後言逆牲容逆

來瞽令臯舞

臯讀為卒嗥呼之嗥。來嗥者皆謂呼之入。

相尸禮

延其出入。詔其坐作。

既祭令徹大喪始崩以肆鬯灑尸相飯贊

斂徹奠

肆鬯所謂陳尸設鬯也。鄭司農云灑尸以鬯浴尸。

言甸人讀禱付練祥掌國事

鄭司農云甸人主設復梯大祝主言問其具梯物。玄謂言猶語也。禱六辭之屬禱也。甸人喪事代王受省災大祝為禱辭。

語之使以禱於藉田之神也。付當為附。祭於先王以附後死者掌國事辨護之。

國有大故天棐彌祀社稷禱祠

大故兵寇也。天棐疫癘水旱也。彌猶徧也。禱祠社稷及諸所禱既則祠之以報焉。

大師宜于

社造于祖設軍社類上帝國將有事于四望及軍歸獻于社則前祝

鄭司農說設軍社以春秋傳曰所謂君以師行。社社豐鼓祝奉以從者也。則前祝大祝自前祝。

也。玄謂前祝者王出也。歸也將有事於此神。大祝居前。先以祝辭告之。

大會同造于廟宜于社過大山川則用事焉反行舍奠

用事亦用祭事告行也。玉人職有宗祝以黃金勺前。

馬之禮是謂過大山川與。曾子問曰凡告必用牲幣反亦如之。

建邦國先告后土用牲幣

后土社神也。

禁督逆祀命者

督正也。正王之所命。諸侯之所祀有逆者則刑罰焉。

頒祭號于

邦國都鄙

祭號六號。

小祝掌小祭祀將事侯禳禱祠之祝號以祈福祥順豐年逆時雨寧風旱彌棐兵遠臯疾

侯之言候也。候嘉慶祈福祥之屬禳。

禳卻凶咎寧風旱之屬。順豐年而順為之祝辭。逆迎也。彌讀曰救救安也。

大祭祀逆齋盛送逆尸沃尸盥贊隋贊徹贊奠

隋尸之祭也。奠奠爵也。祭祀奠先徹後反言之者。明所佐大祝非一。

凡事佐大祝。

唯大祝所有事。

大喪贊涿。

故書涿爲攝。杜子春云當爲涿。涿謂浴尸。

設熬置銘。

銘今書或作名。鄭司農云銘書死者名於旌。今謂之柩。士喪禮曰爲銘各以其物亡則以緇長牛幅。緇末長終幅廣三寸。

書名于末曰某氏某之柩。竹杠長三尺。置于西階上。重木置于中庭。叁分庭。一在南。粥餘飯。盛以二鬲。縣于重。審用葦席。取銘置于重。杜子春云熬謂重也。檀弓曰銘明旌也。以死者爲不可別。故以旗識之。愛之斯錄之矣。敬之斯盡其道焉。爾重。主道也。股主綴重焉。周主徹重焉。奠以素器。以主人有哀素之心也。玄謂熬者棺既蓋。設於其旁。所以惑蚍蜉也。喪大記曰熬君四種。八筐。大夫三種。六筐。士二種。四筐。加魚腊焉。士喪禮曰熬黍稷各二筐。有魚腊饌于西坵南。又曰設熬旁一筐。乃塗。

及葬。設道齋之奠。

分禱五祀。

杜子春云齋當爲棗。道中祭也。漢儀每街路輒祭。玄謂齋猶送也。送道之奠。謂遣奠也。分其牲體以祭五祀。告王去此宮中不復反。故與祭祀也。王七祀。祀五者。司命。大厲。平生出入不以告。

大師掌釁祈號祝。

鄭司

農云釁謂釁鼓也。春秋傳曰君以軍行。被社釁鼓。祝奉以從。

有寇戎之事。則保郊祀于社。

故書祀或作禋。鄭司農云謂保守郊祭諸祀及社。無令寇侵犯之。杜子春讀禋爲祀。書亦或爲祀。玄謂保祀互文。郊社皆守而祀之。

彌棧 凡外內小祭祀。小喪紀。小會同。小軍旅。掌事焉。

喪祝。掌大喪勸防之事。

鄭司農云勸防引柩也。杜子春云防當爲披。玄謂勸猶倡。帥前引者防爲執披。備傾戲。

及辟。令啓。

鄭司農云辟謂除葢塗椁也。令啓謂喪祝主命役人開之也。檀弓曰天子之殯也。葢塗龍

輻以椁。加斧于椁上。畢塗屋。天子之禮也。

及朝。御匱。乃奠。

鄭司農云朝謂將葬。朝於祖考之廟而後行。則喪祝爲御柩也。檀弓曰喪之朝也。順死者之孝心也。其哀離其室也。故至於祖考之廟而後行。殷朝而殯於祖。周朝而遂葬。故春秋傳曰凡夫

人不殯于廟。不祔于姑。則弗致也。晉文公卒。將殯于曲沃。就宗廟。晉宗廟在曲沃。故曰曲沃。君之宗也。又曰丙午。入于曲沃。丁未。朝于武宮。玄謂乃奠。朝廟奠。

及祖。飾棺。乃載。遂御。

鄭司農云祖謂將葬。祖于庭。象生時出則祖也。故曰事死

如事生禮也。檀弓曰：飯於牖下，小斂於戶內，大斂於阼，寢於客位，祖於庭，葬於墓，所以即遠也。祖時，喪視主飾棺，乃載，遂御之。喪視爲柩車御也。或謂及祖至祖廟也。玄謂祖爲行始，飾棺設柳池紐之屬，其序載而後飾。既飾，當還車鄉外，喪視御之。御之者，執翻居前，卻行爲節。及葬，御匱出宮，乃代。喪視二人，相與更也。及壙，說載除飾。鄭司農云：壙，謂穿中也。說載，下棺也。除飾，去棺飾也。四盥之。屬令可舉移安錯之。玄謂除飾，便其窆爾。周人之葬，牆置盥。

小喪亦如

之。掌喪祭祝號。

喪祭虞也。檀弓曰：葬日虞，不忍一日離也。是日也。以虞易奠。卒哭日成事。是日也。以吉祭。易喪祭。

王弔則與巫前。

鄭司農云：喪視與巫以桃厲執戈在王前。檀弓曰：君臨臣喪，以巫祝桃茢執戈惡之也。所

以異於生也。春秋傳曰：楚人使公親禫，公使巫以桃茢先祓殯。楚人弗禁，既而悔之。君臨臣喪之禮，故悔之。

掌勝國邑之社稷之祝號，以祭祀禱祠焉。

勝國邑，所誅討者。社稷者，若亳社是矣。存之者，重神

也。蓋奄其上而棧其下爲北牖。

凡卿大夫之喪，掌事而斂飾棺焉。

甸祝。掌四時之田表貉之祝號。

杜子春讀貉爲百爾所思之百。書亦或爲禡。貉，兵祭也。甸以講武治兵，故有兵祭。詩曰：是類是禡。爾雅曰：是類是禡。師祭也。玄謂田者習兵之禮，故亦禡祭。禡氣執之，十百而多獲。

舍

奠于祖廟，禡亦如之。

舍讀爲釋。釋奠者，告將時田。若將征伐，鄭司農云：禡，父廟。

師甸致禽于虞中，乃屬禽及郊。饁獸，舍奠于祖禡，乃斂禽禡。

牲禡馬，皆掌其祝號。

師田謂起大眾以田也。致禽於虞中，使獲者各以其禽來致于所表之處。屬禽，別其種類。饁，饋也。以所獲獸饋於郊。薦于四方，羣兆入，又以奠于祖禡。薦且告反也。斂禽，謂取三十入。腊人也。杜子春云：禡，禱也。爲馬禱

無疾，爲田禱多獲禽牲。詩云：既伯既禱，馬祭也。玄謂禡讀如伏誅之誅。今侏大字也。爲牲祭，求肥充爲馬祭，求肥健。

詛祝。掌盟詛類。造說禴禘之祝號。

八者之辭皆所以告神明也。盟詛主於要誓。大事曰盟。小事曰詛。

作盟詛之載辭。以叙國之信用。以質邦

國之劑信。

載辭為辭而載之於策。坎用牲。加書于其上也。國謂王之國。邦國諸侯國也。質正也。成也。文王脩德而虞芮質厥成。鄭司農說載辭以春秋傳曰。使祝為載辭。

司巫。掌羣巫之政令。若國大旱。則帥巫而舞雩。

雩。旱祭也。天子於上帝。諸侯於上公之神。鄭司農云。魯僖公欲焚巫尪。以其舞雩不得雨。

國有大災。則帥巫而

造巫恒。

杜子春云。司巫帥巫官之屬。會聚常處以待命也。玄謂恒。久也。巫久者。先巫之故事。造之。當案視所施為。

祭祀。則共匱。主及道布及菹館。

杜子春云。菹。讀為俎。匱。器名。主。謂木主也。道布。新布三尺。

也。俎。藉也。館。神所館止也。書或為菹。館。或為租。飽。或曰。布者。以為席也。租。飽。茅。裹肉也。玄謂道布者。為神所設巾。中霽禮曰。以功布為道布。屬于几也。菹之言藉也。祭食有當藉者。館所以承菹。謂若今筐也。主。先厘菹後館。互言之者。明共主以厘。共菹以筐。大祝取其主菹陳之。器則退也。土虞禮曰。苴。刈茅長五寸。實于筐。饌于西。坵上。又曰。祝盥取苴。降洗之。升入。設于几。東席上。東縮。

凡祭事。守瘞。

瘞。謂若祭地祇有埋性玉者也。守之者。以祭禮未畢。若有事。然祭禮畢。則去之。

凡喪事。掌巫降之

禮。

降也。下巫下神之禮。今世或死既斂。就巫下禳。其遺禮。

男巫。掌望祀望衍。授號。旁招以茅。

杜子春云。望衍。謂衍祭也。授號。以所祭之名號授之。旁招以茅。招四方之所望祭者。玄謂衍。謂為延聲之誤也。望祀。謂有牲粢盛者。延進也。謂但用幣致其神。二者詛祝所授。類造攻說。

禴禘之神號。男巫為之招。

冬堂贈。無方無筭。

故書增為殯。杜子春云。殯當為贈。堂贈。謂逐疫也。無方。四方為可也。無筭。道里無數。遠益善也。玄謂冬歲終。以禮送不祥及惡夢。皆是也。其行必由堂始。巫與神通言。當東則東。當西則西。可近則

近可遠則
遠無常數
也
春招弭以除疾病

招招福也。杜子春讀弭如彌兵之彌。玄謂弭讀爲救。字之誤也。救安也。安凶禍也。招救皆有祀衍之禮。

王弔則與祝前

巫祝前王也。故書前爲先。鄭司農云爲先非是也。

女巫掌歲時祓除釁浴

歲時祓除。如今三月上巳如水上之類。釁浴謂以香薰草藥沐浴。

旱暵則舞雩

使女巫舞旱祭崇陰也。鄭司農云求雨以女巫故。檀弓曰歲旱繆公召縣子而問焉曰吾欲暴巫而奚若。

曰天則不雨而望之愚婦人無乃已疏乎

若王后弔則與祝前

女巫與祝前。后如王禮。

凡邦之大。裁歌哭而請

有歌者有哭者。冀以悲哀感神靈也。

大史掌建邦之六典以逆邦國之治。掌灋以逆官府之治。掌則以逆都鄙之治。

典則亦法也。逆迎也。六典八法。八則冢宰所建以治百官。大史

又建焉。以爲王迎受其治也。大史日官也。春秋傳曰天子有日官。諸侯有日御。日官居卿。以底日禮也。日御不失日。以授百官于朝。居猶處也。言建六典以處六卿之職。

凡辨灋者攷焉。不信者刑之

謂邦國官府都鄙以法爭

訟來正之者

凡邦國都鄙及萬民之有約劑者藏焉。以貳六官。六官之所登

約劑要盟之載辭及券書也。貳猶副也。藏法與約劑之書以爲六官之副。其有後事。六官

又登焉

若約劑亂則辟灋。不信者刑之

謂抵冒盟誓者。辟法者。考案讀其然不

正歲年以序事。頒之于官府及都鄙

中數曰歲。朔數曰年。中朔大小不齊

正之以閏。若今時作曆日矣。定四時以次序授民時之事。春秋傳曰閏以正時。時以作事。事以厚生。生民之本。於是乎在。

頒告朔于邦國

天子班朔于諸侯。諸侯藏之祖廟。至朔朝于廟。告而受行之。鄭司農云頒讀爲班。班布也。以十二月朔布

告天下諸侯。故春秋傳曰：不書日，官失之也。
閏月，詔王居門終月。門，謂路寢門也。鄭司農云：月令十二月分在青陽、明堂、總章、玄堂左右之位。唯閏月無所居，居于門，故於文王在門，謂之閏。
大祭祀，與執事

卜日，執事，大卜之屬。與之者當視墨。
戒及宿之日，與羣執事讀禮書而協事。協，合也。合，謂習錄所當共之事也。故書協作。叶杜子春云：叶協也。書亦或爲協，或爲叶。
祭之日，執書

以次位常。謂校呼之，教其所當居之處。
辨事者，攷焉，不信者，誅之。謂抵冒其職事。
大會同朝覲，以書協禮事。亦先習錄之也。
及將幣之日，執

書以詔王。將送也。詔王，告王以禮事。
大師抱天時，與大師同車。鄭司農云：大出師，則大史主抱式，以知天時。處吉凶，史官主知天道。故國語曰：吾非瞽史焉。知天道，春秋傳曰：楚有雲如衆赤鳥，夾日以飛。楚子使

問諸周大史，大史主天道。玄謂瞽即大師，瞽官之長。
大遷國，抱瀆以前。法，司空營國之法也。抱之以前，當先王至，知諸位處。
大喪，執瀆以泄勸防。鄭司農云：勸防，引六紼。
遣之日，讀

誅。遺，謂祖廟之庭，大奠將行時也。人之道終於此，累其行而讀之。大師又帥瞽，廡之而作證。瞽史知天道，使其事言王之誅證成於天道。
凡喪事，攷焉。爲有得失。
小喪，賜諡。小喪，殯大夫也。
凡射事，飾中。

舍筭，執其禮事。舍，讀曰釋。鄭司農云：中，所以盛筭也。玄謂設筭於中，以待射時而取之。中，則釋之。鄉射禮曰：君國中射，則皮豎中於郊，則閭中於竟，則虎中大夫，兕中士，鹿中天子之中，未聞。

小史掌邦國之志，奠繫世，辨昭穆。若有事，則詔王之忌諱。鄭司農云：志，謂記也。春秋傳所謂周志，國語所謂鄭書之屬是也。史官主書，故韓宣子聘于魯，觀書大史氏繫世，謂帝繫

世本之屬是也。小史主定之，瞽矇諷誦之。先王死日爲忌，名爲諱，故書奠爲帝。杜子春云：帝當爲奠，奠讀爲定。書帝亦或爲奠。玄謂王有事，祈祭於其廟。
大祭祀，讀禮灋，史以書叙昭穆之俎簋。讀禮法者，大史

輿羣執事史。此小史也。言禮法者。小史叙俎簋以爲節。故書簋或爲几。鄭司農云。几讀爲軌。書亦或爲簋。古文也。大祭祀。小史主敘其昭穆。以其主定繫世祭祀。史主敘其昭穆。次其俎簋。故齊景公疾。欲誅於祝史。玄謂俎簋。牲與黍稷。以書次之。校比之。

大喪。

大賓客。大會同。大軍旅。佐大史。凡國事之用禮澆者。掌其小事。卿大夫之喪。賜諡。讀誄。

其讀誄亦以大史賜諡爲節事相成。

馮相氏。掌十有二歲。十有二辰。十有二辰。二十有八星之位。辨其叙事。以會天位。

歲謂大歲。歲星與日同次之月斗所建之辰。樂

既說。歲星與日常應。大歲月建以見。然則今麻大歲非此也。歲日月辰星宿之位。謂方面所在。辨其叙事。謂若仲春辨秩東作。仲夏辨秩南譌。仲秋辨秩西成。仲冬辨在朔易。會天位者。合此歲月日辰星宿五者。以爲時事之候。若今麻日太歲在某月某日某甲。朔日直某也。國語曰。王合位于三五。孝經說曰。故勅以天期。四時節有晚。早趣勉。趣時無失天位。皆由此術云。

冬夏致日。春秋致月。以辨四時之叙。

冬至日在牽牛。景丈三尺。夏至日在東井。景尺五寸。此長短之極。極則氣

至。冬無傲陽。夏無伏陰。春分日在婁。秋分日在角。而月弦於牽牛。東井亦以其景知氣。至不。春秋冬夏氣皆至。則是四時之敘正矣。

保章氏。掌天星。以志星辰日月之變動。以觀天下之遷。辨其吉凶。

志古文識。識記也。星謂五星。辰日月所會。五星有羸縮圓角。日有薄食暈珥。月有虧盈眊側匿之變。

七者右行。列舍天下。禍福變移。所在皆見焉。

以星土辨九州之地。所封封域。皆有分星。以觀妖祥。

星土星所主土也。封猶界也。鄭司農說星土以春秋傳曰。參爲管星。商主大火。國語

曰。歲之所在。則我有周之分野之屬是也。玄謂大界則曰九州。州中諸國中之封域。於星亦有分焉。其書亡矣。堪輿雖有郡國所入度。非古數也。今其存可言者。十二次之分也。星紀吳越也。玄枵齊也。瑯瑯衛也。降婁魯也。大梁趙也。實沈晉也。鶉首秦也。鶉火周也。鶉尾楚也。

壽星鄭也。大火宋也。析木燕也。此分野之妖祥。主用客星彗孛之氣爲象。

以十有二歲之相。觀天下之妖祥。

歲謂大歲。歲星與日同次之月斗所建之辰也。歲星爲陽。右行於天。大歲爲陰。左行於地。十二歲而小周。其妖

祥之占。甘氏歲星經。其遺象也。鄭司農云。大歲所在。歲星所居。春秋傳曰。越得歲而吳伐之。必受其凶之屬是也。

以五雲之物。辨吉凶。水旱降豐荒之祲象。

物色也。視日旁雲氣之色。降下也。知水旱

所下之國。鄭司農云。以二至二分觀雲色。青爲蟲。白爲喪。赤爲兵荒。黑爲水黃。爲豐。故春秋傳曰。凡分至啓閉。必書雲物。爲備故也。故曰。凡此五物。以詔救政。

以十有二風。察天地之和命。乖別之妖祥。

十有二辰皆有風。吹其律以知和不。其道亡矣。春秋襄十八年。楚師伐鄭。師曠曰。吾驟歌北風。又歌南風。南風不競。多死聲。楚必無功。是時楚師多凍。其命乖別審矣。

凡此五物者。以詔救政。訪序事。

訪。謀也。見其象則當

豫爲之備。以詔王救其政。且謀今歲天時占相所宜。次序其事。

內史掌王之八枋之灋。以詔王治。一曰爵。二曰祿。三曰廢。四曰置。五曰殺。六曰生。七曰予。八曰奪。

大宰既以詔王。

內史又居中貳之。執國灋及國令之貳。以攷政事。以逆會計。

國法六典八法八則。

掌叙事之灋。受訥訪。以詔王聽治。

敘六敘也。納訪。納謀。

於王也。六敘。六曰以敘聽其情。凡命諸侯及孤卿大夫。則策命之。

鄭司農說以春秋傳曰。王命內史典父。策命晉侯爲侯伯。策謂以簡策書王命。其文曰。王謂叔父。敬服王命。以綏四國。糾逖王慝。晉侯三辭。從命。受

策以出。凡四方之事書。內史讀之。

若今尙書入省事。王制祿。則贊爲之。以方出之。贊爲之。爲之辭也。鄭司農云。以方出之。以方

次食七人。其次食六人。下農夫食五人。庶人在官者。其祿以是為差。諸侯之下士視上農。夫祿足以代其耕也。中士倍下士。上士倍中士。下大夫倍上士。卿四大夫祿。君十卿祿。杜子春云。方直謂今時贖也。玄謂王制曰。王之三公視公侯。卿視伯。大夫視子男。元士視附庸。

賞賜亦如之。內史掌書王命。遂貳之。副寫藏之。

外史掌書外令。王令下畿外。

掌四方之志。志記也。謂若魯之春秋。晉之乘。楚之檣杙。

掌三皇五帝之書。楚靈王所謂三墳五典。

掌達書名于四方。謂若堯典。

禹貢。達此名使知之。或曰古曰名。今日字。使四方知書之文字。得能讀之。

若以書使于四方。則書其令。書王命以授使者。

御史掌邦國都鄙及萬民之治令。以贊冢宰。

王所以治之令。冢宰掌王治。

凡治者受灋令焉。為書寫其治之法。令來受則授之。

掌贊書。王有命當以書致之。則贊為辭。若今尚書作詔文。

凡數從政者。自公卿以下至胥徒。凡數及其見在空缺者。鄭司農讀言掌贊書數書數者。經禮三百。曲禮三千。法度皆在。玄以為不辭。故改之云。

巾車掌公車之政令。辨其用與其旗物而等叙之。以治其出入。

公。猶官也。用。謂祀賓之屬。旗物。大常以下等。敘之。以封同姓異姓之次。敘。

王之五路。

一曰玉路。錫樊纓十有再就。建大常十有二旂。以祀。

王在焉曰路。玉路以玉飾。諸末。錫。馬面當盧。刻金為之。所謂鑊錫也。樊。讀如鞶帶之鞶。謂今馬大帶也。鄭司農云。纓。謂當胸。士喪禮下篇。

曰馬纓三就。禮家說曰。纓當胸。以削革為之。三就。三重三匝也。玄謂纓。今馬鞅。玉路之樊及纓。皆以五采屬飾之。十二就。就成也。大常。九旗之畫日月者。正幅為終。旂則屬焉。

金路。鈎樊纓九就。建大旂。以賓同姓。

以封。金路以金飾諸末。鉤。裏。額。之。鉤。也。金路無錫。有鉤。亦以金爲之。其樊及纓。以五采屬飾之。而九成。大旂。九旗之畫交龍者。以寶。以會賓客。同姓以封。謂王子母弟。率以功德出封。雖爲侯伯。其畫服猶如上公。若魯衛之屬。其無功德。各以親疏食采。畿內而已。故

書鉤爲拘。杜。象路。朱。樊。纓。七。就。建。大。赤。以。朝。異。姓。以。封。象路。以象飾諸末。象路無鉤。以朱飾勒而已。其樊及纓。以五采屬飾之。而七成。大赤。九旗之通帛。以朝。以日視朝。異姓。王甥舅。革

路。龍。勒。條。纓。五。就。建。大。白。以。卽。戎。以。封。四。衛。革路。鞅之。以革而漆之。無他飾。龍。駟也。以白黑飾章。雜色爲勒。條。讀爲條。其樊及纓。以條絲飾之。而五成。不言樊字。蓋脫爾。以此言條。知玉路。金路。象路。飾樊

纓。皆不用金玉象矣。大白。殷之旗。猶周大赤。蓋象正色也。卽戎。謂兵事。四衛。四方諸侯守衛者。變服以內。木路。前。樊。鵠。纓。建。大。麾。以。田。以。封。蕃。國。木路不鞅。以革漆之而已。前讀爲緇。窮之。窮。讀淺黑也。木路無

龍勒。以淺黑飾章爲樊。鵠。色飾章爲纓。不言就。數。飾與革路同。大麾不在九旗中。以正色言。王后之五路。重翟。錫面。朱總。厭翟。之。則黑。夏后氏所建。田。四時田獵。蕃國。謂九州之外夷。服鎮服。蕃服。杜子春云。鵠。或爲結。

勒。面。纒。總。安。車。彫。面。鷲。總。皆。有。容。蓋。重翟。重翟。雉之羽也。厭翟。次其羽使相迫也。勒面。謂以如玉龍勒之章爲當面飾也。彫者。畫之。不龍其章。安車。坐乘車。凡婦人車。皆坐乘。故書朱總爲緇。鷲。或作鷲。鄭司農云。錫馬

面。錫。纒。當爲總。書亦或爲總。鷲。讀爲鷲。鷲。鷲。總者。青黑色。以緇爲之。總著馬勒。直兩耳。與兩鑣。容。謂幘車。山東謂之裳幘。或曰。潢容。玄謂朱總。纒。總。其施之。如鷲。總。車。衡。輅。亦宜有焉。纒。畫文也。蓋。如今小車蓋也。皆有容。蓋。則重翟。厭翟。謂蔽也。重翟。后從王祭祀所乘。

厭翟。后從王賓饗諸侯所乘。安車。無蔽。后朝見於王所乘。謂去飾也。詩國風碩人曰。翟蔽以朝。謂諸侯夫人始來。乘翟蔽之車。以朝見於君盛之也。此翟蔽。蓋厭翟也。然則王后始來。乘重翟乎。翟車。貝面。組總。有握。翟車不重。不厭。以翟

飾車之側。爾。貝面。貝飾勒之當面也。有握。則。輦車。組。輓。有。翼。羽。蓋。輦車不言飾。后居宮中。從容所乘。但漆之而已。爲輕。輪人。輓之。此無蓋矣。如今駟車是也。后所乘。以出桑。以行。有翼。所以禦風塵。以羽作小蓋。爲翳日也。故書翼爲駟。杜

子春云當爲製書亦或爲凝

王之喪車五乘。木車。蒲蔽。犬禛。尾纛。疏飾。小服。皆疏。

木車不漆者。鄭司農云。蒲蔽謂羸蘭車以蒲爲蔽。天子喪服之車。漢儀亦然。犬禛以犬皮爲覆。答故

書疏爲搢。杜子春讀搢爲沙。玄謂蔽車旁禦風塵者。犬。白犬皮。既以皮爲覆。答。又以其尾爲戈戟之殺。羸布飾二物之側。爲之。緣。若攝服云。服讀爲葦。小葦。刀劍短兵之衣。此始遭喪所乘。爲君之道尙微。備姦臣也。書曰。以虎賁百人。逆子劍亦爲備焉。

素車。禁

蔽。犬禛。素飾。小服。皆素。

素車以白土聖車也。禁讀爲羸。羸麻以爲蔽。其禛服以素。緇爲緣。此卒哭所乘。爲君之道益著。在車可以去戈戟。

藻車。藻蔽。鹿淺禛。革飾。

故書藻作職。杜子春職讀爲華

藻之藻。直謂華藻也。玄謂藻水草蒼色。以蒼土聖車。以蒼緇爲蔽。也。鹿淺禛。以鹿夏皮爲覆。答。又以所治去毛者緣之。此既練所乘。

駟車。舊蔽。然禛。髮飾。

故書駟作龍。髮爲軟。杜子春云。龍讀爲駟。軟讀爲黍。垠之黍。直謂髮黍也。玄謂駟車

邊側有漆飾也。舊細葦席也。以爲蔽者。漆則成藩。即吉也。然果然也。髮亦多黑少之色。章也。此大祥所乘。

漆車。藩蔽。紆禛。雀飾。

漆車黑車也。藩。今時小車藩。漆席以爲之。紆。胡犬雀黑多赤少之色。章也。此禮所乘。

服車五

乘。孤乘。夏篆。卿乘。夏纁。大夫乘。墨車。士乘。棧車。庶人乘。役車。

服車。服事者之車。故書夏篆爲夏綠。鄭司農云。夏亦也。綠。綠色。或曰。夏篆篆讀爲主。璩之璩。夏篆。轂有約也。玄謂夏

篆。五采畫轂約也。夏纁亦五采畫。無璩爾。墨車不畫也。棧車不革鞅而漆之。役車方箱。可載任器。以共役。

凡良車散車不在等者。其用無常。

給遊燕及恩惠之賜。不在等者。謂若今輜車後戶之屬。作之有功有沾。

凡車之出入。歲終則會之。

計其完敗多少。

凡賜闕之。

完敗不計。毀折入齋于職幣。計所傷敗入其直。杜子春云。齋讀爲資。資。謂財也。乘官車毀折者。入財以償繕治之直。

大

喪飾遣車。遂厥之行之。

厥。與也。謂陳駕之行之。使人以次。舉之以如墓也。遣車。一曰。駕車。

及葬。執蓋從車。持旌。

從車。隨柩路。持蓋與旌者。王平生時車。建旌。雨則有蓋。今。疊車無蓋。執而隨之。象生

時有也。所及墓。嘑啓關。陳車。闕。墓門也。車。武車也。士喪禮下。籥曰。車至。道左北面立。東上。小喪。共匱路與其飾。極路。載柩車也。飾。棺飾也。歲時。更續。共其弊車。

故書更續爲受讀。杜子春云。受當爲更。讀當爲續。更續。更受新。共其弊車。歸其故弊車也。玄謂俱受新耳。更易其舊。續其不任用。共其弊車。巾車既更續之。取其弊車。共於車人材。或有中用之。大祭祀。鳴鈴以應雞人。雞人。主呼日鳴鈴以和之。聲且警衆。必使鳴鈴者。車有和鸞。相應和之象。故書鈴。或作輪。杜子春云。當爲鈴。

典路。掌王及后之五路。辨其名物與其用說。用。謂將有朝祀之事而駕之。鄭司農云。說。謂舍車也。春秋傳曰。雞鳴而駕。日中而說。用。謂所宜用。若有大祭祀。則出路。

贊駕說。出路。王當乘之。贊駕。說。贊僕與趣馬也。大喪。大賓客。亦如之。亦出路當陳之。鄭司農說。以書顧命曰。成王崩。康王既陳先王寶器。又曰。大喪。大賓客。亦如之。路在賓階。面贊路在阼階。面先路在左塾之前。次路在右塾之前。漢朝上計。

律陳屬車於庭。故曰。凡會同。軍旅。弔于四方。以路從。王出於事無常。王乘一路。典路以其餘路從行。亦以華國。

車僕。掌戎路之萃。廣車之萃。闕車之萃。萃車之萃。輕車之萃。萃。猶副也。此五者皆兵車。所謂五戎也。戎路。王在軍所乘也。廣車。橫陳之車也。闕車。所用補闕之車也。萃。猶屏

也。所用對敵自蔽隱之車也。輕車。所用馳敵致師之車也。春秋傳曰。公喪戎路。又曰。其君之戎。分爲二廣。則諸侯戎路。廣車也。又曰。帥旂闕四十乘。孫子八陳。有萃車之陳。又曰。馳車千乘。五者之制及萃數。未盡聞也。書曰。武王戎車三百兩。故書萃作平。杜子春云。萃車當爲

駟車。其字當爲。凡師。共革車。各以其萃。五戎者共其一。以爲王。優尊者所乘也。而萃各從其元焉。會同。亦如之。巡守及兵車之會。則王乘戎路。乘車之

萃。書亦或爲萃。大

喪厥革車。

言與革車則造車不徒戎路廣闊卒輕皆有焉。

大射共三乏。

鄭司農云乏讀為匱乏之乏。

司常掌九旗之物名各有屬以待國事。日月為常。交龍為旂。通帛為旟。雜帛為物。熊虎為旗。鳥隼為旟。龜

蛇為旐。全羽為旻。析羽為旣。

物名者所畫異物則異名也。屬謂徽識也。大傳謂之徽號。今城門僕射所被及亭長著絳衣皆其舊象。通帛謂大赤從周正色。無飾雜帛者以帛素飾其側。白股之正色。全羽析羽皆五采繫之於

旻旣之上所謂注旣于干首也。凡九旗之帛皆用絳。

及國之大閱。贊司馬頒旗物。王建大常。諸侯建旂。孤卿建旟。大夫士建物。師都建旗。

州里建旗。縣鄙建旐。道車載旟。旃車載旐。

仲冬教大閱。司馬主其禮。自王以下治民者。旗畫成物之象。王畫日月。象天明也。諸侯畫交龍。一象其升朝。一象其下復也。孤卿不畫。言奉王之政教而已。大夫士

雜帛。言以先王正道佐職也。師都。六鄉六途大夫也。謂之師都。都民所聚也。畫熊虎者。鄉途出軍賦。象其守猛。莫敢犯也。州里。縣鄙。鄉途之官。互約言之。鳥隼。象其勇捷也。龜蛇。象其扞難辟害也。道車。象路也。王以朝夕燕出入於車。木路也。王以田以鄙。全羽析羽五色。象其文德也。大閱。王乘戎路。建大常焉。玉路金路不出。

皆畫其象焉。官府各象其事。州里各象其名。家各象其號。

事名號者。徽識所以題別。衆臣樹之於位。朝各就焉。觀禮曰。公侯伯

子男。皆就其旂而立。此其類也。或謂之事。或謂之名。或謂之號。異外內也。三者旌旗之細也。士喪禮曰。為銘。各以其物。亡則以緇。長半幅。績末。長終幅。廣三寸。書名於末。此蓋其制也。徽識之書。則云某某之事。某某之名。某某之號。今大閱禮。象而為之。兵凶事。若有死事者。亦當以相別也。杜子春云。畫當為書。玄謂畫畫雲氣也。異於在國軍事之飾。

凡祭祀各建其旗。

王祭祀之車則玉路。

會同賓客亦如之。置旌門。

賓客朝覲宗遇。王乘金路。巡守兵車之會。王乘戎路。皆建

其大常。掌舍職曰。爲帷宮。設旌門。

大喪共銘旌。

銘旌。王則大常也。士喪禮曰。爲銘各以其物。

建厥車之旌。及葬亦如之。

葬云建之。則行厥車解說之。

凡軍事。建旌旗。及

致民。置旗弊之。

始置旗。以致民。民至。什之。誅後至者。

甸亦如之。凡射。共獲旌。

獲旌。獲者所持旌。

歲時共更旌。

取舊子新。

都宗人。掌都祭祀之禮。凡都祭祀。致福于國。

都。或有山川。及因國無主。九皇六十四民之祀。王子弟則立其祖王之廟。其祭祀。王皆賜禽焉。主其禮者。警戒之。糾其戒具。其來致福。則帥而以造祭。僕

正都禮。與其服。

禁督其違失者。服。謂衣服及宮室車旗。

若有寇戎之事。則保羣神之壇。

守山川丘陵墳衍之壇域。

國有大故。則令禱祠。既祭。反

命于國。

令。命都之有司也。祭。謂報塞也。反命。還白王。

家宗人。掌家祭祀之禮。凡祭祀。致福。

大夫采地之所祀。與都同。若先王之子孫。亦有祖廟。

國有大故。則令禱祠。反命。祭亦如之。

以王命令禱祠。歸白王於

獲福。又以王命令祭之。還又反命。

掌家禮。與其衣服宮室車旗之禁令。

掌亦正也。不言寇戎。保羣神之壇。則都家自保之。都宗人所保者。謂王所祀明矣。

凡以神仕者。掌三辰之灋。以猶鬼神示之居。辨其名物。

猶。圖也。居。謂坐也。天者。羣神之精。日月星辰。其著位也。以此圖天神人鬼地祇之坐者。謂布祭衆寡與其居。句。孝經說。郊祀之

禮曰。燔燎埽地祭。牲繭栗。或象天酒旗坐星。廚倉具黍稷。布席極敬心也。言郊之布席。象五帝坐。禮祭宗廟。序昭穆。亦又有似虛危。則祭天園丘。象北極。祭地方澤象后妃。及社稷之席。皆有明法焉。國語曰。古者民之精爽不攜貳者。而又能齊肅中正。其知能上下比義。其聖

能光遠宣朗。其明能光照之。其聰能聽徹之。如是。則神明降之。在男曰覲。在女曰巫。是之使制神之處位。次主而爲之牲器時服。巫既知神如此。又能居以天法。是以聖人用之。今之巫祝。既闡其義。何明之見。何法之行。正神不降。或於淫厲。苟貪貨食。遂誣人神。令此道滅痛矣。

以冬至致天神人鬼。以夏至致地示物魃。以禴國之凶荒。民之札喪。

天人陽也。地物陰也。陽氣升而祭鬼神。陰氣升而祭地祇物魃。所以順其

爲人與物也。致人鬼於祖廟。致物魃於禴壇。蓋用祭天地之明日。百物之神曰魃。春秋傳曰。螭魃魃。杜子春云。禴除也。玄謂此禴讀如潰癘之潰。

周禮卷第七

夏官司馬第四

惟王建國辨方正位體國經野設官分職以爲民極乃立夏官司馬使帥其屬而掌邦政以佐王平邦國

政正也政所以正不正者也孝經說曰政者正也正德名以行道 政官之屬大司馬卿一人小司馬中大夫二人軍司馬下大夫四人輿司馬上

士八人行司馬中士十有六人旅下士三十有二人府六人史十有六人胥三十有二人徒三百有二十

人輿衆也行謂軍行列胥作六軍而有三行取名於此 凡制軍萬有二千五百人爲軍王六軍大國三軍次國二軍小國一軍軍將皆命

卿二千有五百人爲師師帥皆中大夫五百人爲旅旅帥皆下大夫百人爲卒卒長皆上士二十五人爲

兩兩司馬皆中士五人爲伍伍皆有長

軍師旅卒兩伍皆衆名也伍一比兩一閭卒一族旅一黨師一州軍一鄉家所出一人將帥長司馬者其師吏也言軍將皆命卿則凡軍帥不特置選於六官六鄉之吏

自鄉以下德任者使兼官焉鄭司農云王六軍大國三軍次國二軍小國一軍故春秋傳有大國次國小國又曰成國不過半天子之軍周爲六軍諸侯之大者三軍可也詩大雅常武曰赫赫明明王命卿士南仲大祖大師臯父整我六師以修我戎既微既戒惠此南國大

雅文王曰周王于邁六師及之此周爲六軍之見于經也春秋傳曰王使虢公命曲沃伯以一軍爲晉侯此小國一軍之見于傳也百人爲卒二十五人爲兩故春秋傳曰廣有一卒卒偏之兩

一軍則二府六史胥十人徒

百人

司勳上士二人下士四人府二人史四人胥二人徒二十人

故書動作助鄭司農云助讀爲勳勳功也此官主功賞故曰掌六鄉賞地之法以等其功

馬質中士二人府一人史二人賈四人徒八人

質平也主買馬平其大小之賈直

量人下士二人府一人史四人徒八人

量猶度也謂以丈尺度地

小子下士二人史一人徒八人

小子主祭祀之小事

羊人下士二人史一人賈二人徒八人

司權下士二人徒六人

故書權爲煇杜子春云煇當爲權書亦或爲權煇爲私火玄謂權讀如子若觀火之觀今燕俗名湯熱爲觀則權火謂熱火與

掌固上士二人下士八人府二人史四人胥四人徒四十人

固國所依阻者也國曰固野曰險易曰王公設險以守其國

司險。中士二人。下士四人。史二人。徒四十人。

掌疆。中士八人。史四人。胥十有六人。徒百有六十人。疆界也。

候人。上士六人。下士十有二人。史六人。徒百有二十人。候。候迎賓客之來者。

環人。下士六人。史二人。徒十有二人。環。猶卻也。以勇力卻敵。

挈壺氏。下士六人。史二人。徒十有二人。挈。讀如繫髮之繫。壺。盛水器也。世主挈壺水以爲漏。

射人。下大夫二人。上士四人。下士八人。府二人。史四人。胥二人。徒二十人。

服不氏。下士一人。徒四人。服不。服不服之獸者。

射鳥氏。下士一人。徒四人。

羅氏。下士一人。徒八人。能以羅罔捕鳥者。郊特性曰。大羅氏。天子之掌鳥獸者。

掌畜。下士二人。史二人。胥二人。徒二十人。

畜謂斂而養之。

司士。下大夫二人。中士六人。下士十有二人。府二人。史四人。胥四人。徒四十人。

諸子。下大夫二人。中士四人。府二人。史二人。胥二人。徒二十人。

諸子。主公卿大夫士之子者。或曰庶子。

司右。上士二人。下士四人。府四人。史四人。胥八人。徒八十人。

右。謂有勇力之士。充王車右。

虎賁氏。下大夫二人。中士十有二人。府二人。史八人。胥八十人。虎士八百人。

不言徒。曰虎士。則虎士。徒之選有勇力者。

旅賁氏。中士二人。下士十有六人。史二人。徒八人。

節服氏。下士八人。徒四人。

世爲王節所衣服。

方相氏。狂夫四人。

方相。猶言放想。可畏怖之貌。

大僕。下大夫二人。小臣。上士四人。

祭僕中士六人。

御僕下士十有二人。府二人。史四人。胥二人。徒二十人。僕侍御於尊者之名大僕其長也。

隸僕下士二人。府一人。史二人。胥四人。徒四十人。此吏而曰隸以其事寢。

弁師下士二人。工四人。史二人。徒四人。弁者古冠之大稱。委貌緇布曰冠。

司甲下大夫二人。中士八人。府四人。史八人。胥八人。徒八十人。甲今之鎧也。司甲兵戈盾官之長。

司兵中士四人。府二人。史四人。胥二人。徒二十人。

司戈盾下士二人。府一人。史二人。徒四人。戈今時句子戟。

司弓矢下大夫二人。中士八人。府四人。史八人。胥八人。徒八十人。司弓矢弓弩矢服官之長。

繕人上士二人。下士四人。府一人。史二人。胥二人。徒二十人。繕之言勛也善也。

稟人。中士四人。府二人。史四人。胥二人。徒二十人。

鄭司農云。稟讀爲芻。臺之臺。箭幹謂之臺。此官主弓弩箭矢。故謂之稟人。

戎右。中大夫二人。上士二人。

古者參乘。此充戎路之右。田獵亦爲之右焉。

齊右。下大夫二人。

充玉路金路之右。

道右。上士二人。

充象路之右。

大馭。中大夫二人。

馭之最尊。

戎僕。中大夫二人。

馭言僕者。此亦侍御於車。

齊僕。下大夫二人。

古者王將朝覲會同。必齊所以敬宗廟及神明。

道僕。上士十有二人。

王朝朝莫夕。主御王以與諸臣行先王之道。

田僕。上士十有二人。

馭夫中士二十人。下士四十人。

校人。中大夫二人。上士四人。下士十有六人。府四人。史八人。胥八人。徒八十人。

校之爲言校也。主馬者必仍校視之。校人馬官之長。

趣馬。下士阜一人。徒四人。

趣馬。趣養馬者也。鄭司農說以詩曰。騶惟趣馬。

巫馬。下士二人。醫四人。府一人。史二人。賈二人。徒二十人。

巫馬。知馬祖先牧馬社馬步之神者。馬疾若有犯焉。則知之。是以使與醫同職。

牧師。下士四人。胥四人。徒四十人。

主牧放馬而養之。

廋人。下士閑二人。史二人。徒二十人。

廋之言數。

圉師。乘一人。徒二人。圉人。良馬匹一人。駑馬麗一人。

養馬曰圉。四馬爲乘。良善也。麗。耦也。

職方氏。中大夫四人。下大夫八人。中士十有六人。府四人。史十有六人。胥十有六人。徒百有六十人。

職主也。

四方之職貢者。職方氏。主四方官之長。

土方氏。上士五人。下士十人。府二人。史五人。胥五人。徒五十人。土方氏主四方邦國之土地。

懷方氏。中士八人。府四人。史四人。胥四人。徒四十人。懷來也。主來四方之民及其物。

合方氏。中士八人。府四人。史四人。胥四人。徒四十人。合方氏主合同四方之事。

訓方氏。中士四人。府四人。史四人。胥四人。徒四十人。訓道也。主教道四方之民。

形方氏。中士四人。府四人。史四人。胥四人。徒四十人。形方氏主制四方邦國之形體。

山師。中士二人。下士四人。府二人。史四人。胥四人。徒四十人。

川師。中士二人。下士四人。府二人。史四人。胥四人。徒四十人。

邊師。中士四人。下士八人。府四人。史八人。胥八人。徒八十人。邊地之廣平者。

匡人。中士四人。史四人。徒八人。匡正也。主正諸侯以法則。

擇人中士四人。史四人。徒八人。擇人主擇序王意以語天下。

都司馬。每都上士二人。中士四人。下士八人。府二人。史八人。胥八人。徒八十人。都王子弟所封及三公采地也。司馬主其軍賦。

家司馬。各使其臣以正於公。司馬。家卿大夫采地。正猶聽也。公司馬。國司馬也。卿大夫之采地。王不特置司馬。各自使其家臣為司馬。主其地之軍賦。往聽政於王之司馬。王之司馬。其以王命來有事。則曰國司馬。

大司馬之職。掌建邦國之九灋。以佐王平邦國。平成也。制畿封國。以正邦國。封謂立封於疆為界。設儀辨位。以等邦國。

儀謂諸侯及諸臣之儀。辨別也。別尊卑之位。進賢興功。以作邦國。興猶舉也。作起也。起其勸善樂業之心。使不惰廢。建牧立監。以維邦國。牧州牧也。監監一國。謂君也。維猶連結也。制軍詰

禁。以糾邦國。詰猶窮治也。糾猶正也。施貢分職。以任邦國。職謂賦稅也。任猶事也。事以其力之所堪。簡稽鄉民。以用邦國。簡謂比數之。稽猶計也。均守平則。以

安邦國。諸侯有土地者均之。尊者守大。卑者守小。則法也。比小事大。以和邦國。比猶親。使大國親小國。小國事大國。相和也。易比象曰。先王以建萬國。親諸侯。以九伐之灋。正邦國。諸侯

有違王命。則出兵以征伐之。所以正之也。諸侯之於國。如樹木之有根本。是以言伐云。馮弱犯寡。則告之。馮猶乘也。言不字小而侵侮之。告猶人告瘦也。王霸記曰。四面削其地。賊賢害民。則伐之。春秋傳曰。粗者

曰。侵。精者曰伐。又曰。有鍾鼓曰伐。則伐者。兵入其竟。鳴鍾鼓以往。所以聲其罪。暴內陵外。則壇之。內謂其國外。謂諸侯。壇讀如同。壇之。王霸記曰。置之空壇之地。鄭司農云。壇讀從憚。之以威之。憚。書亦或為憚。玄謂置之空壇。以出其君。更立其

次賢野荒民散則削之。荒蕪也。田不治。民不附。削其地。明其不能有。負固不服則侵之。負猶恃也。固險可依以固者也。不服不事大也。侵之者兵加其竟而已。用兵淺者詩曰。密人不恭。敢距大邦。賊

殺其親則正之。正之者。執而治其罪。王霸記曰。正殺之也。春秋僖二十八年。冬。晉人執衛侯。歸之于京師。坐殺其弟叔武。放弑其君則殘之。放逐也。殘殺也。王霸記曰。殘滅其為惡。犯令陵政則

杜之。令猶命也。王霸記曰。犯令者。違命也。陵政者。輕政法不循也。杜之者。杜塞使不得與隣國交通。外內亂。鳥獸行。則滅之。王霸記曰。悖人倫外內。無以異于禽獸。不可親百姓。則誅滅去之也。曲禮曰。夫唯禽獸無禮。故父子聚麀。

正月之吉。始和。布政于邦國都鄙。乃縣政象之灋于象魏。使萬民觀政象。挾日而斂之。以正月朔日布政於天下。至正歲。又縣政法

之書。挾日十日也。乃以九畿之籍。施邦國之政職。方千里曰國畿。其外方五百里曰侯畿。又其外方五百里曰甸

畿。又其外方五百里曰男畿。又其外方五百里曰采畿。又其外方五百里曰衛畿。又其外方五百里曰蠻

畿。又其外方五百里曰夷畿。又其外方五百里曰鎮畿。又其外方五百里曰藩畿。畿猶限也。自王城以外。五千里為界。有分限者九籍。其禮

差之書也。政職。所共王政之職。謂賦稅也。故書畿為近。鄭司農云。近當言畿。春秋傳曰。天子一畿。列國一同。詩殷頌曰。邦畿千里。維民所止。凡令賦。以地與民制之。上地。食者參之二。其民可

用者家三人。中地。食者半。其民可用者二家五人。下地。食者參之一。其民可用者家二人。賦。給軍用者也。令邦國之賦。亦以地

之美惡。民之衆寡爲制。如六途矣。鄭司農云。上地謂肥美田也。食者參之二。假令一家有三頃。歲種二頃。休其一頃。下地食者參之一。田薄惡者所休多。

中春。教振旅。司馬以旗致民。平列陳。如戰之

陳。以旗者。立旗期民於其下也。兵者守國之備。孔子曰。以不教民戰。是謂棄之。兵者凶事。不可空設。因蒐狩而習之。凡師出曰治兵。入曰振旅。皆習戰也。四時各教民以其一焉。春習振旅。兵入收衆。專於農。平猶正也。

辨鼓鐸鐃之用。

王執路鼓。諸侯執賁鼓。軍將執晉鼓。師帥執提。旅帥執鞞。卒長執鐃。兩司馬執鐸。公司馬執鐃。

鼓人職曰。以路鼓鼓鬼享。

以賁鼓鼓軍事。以晉鼓鼓金奏。以金鑠止鼓。以金鐸通鼓。以金鐃節鼓。鄭司農云。辨鼓鐸鐃之用。謂鉦鐸之屬。鐃讀如濁。其源之濁。鐃讀如譟。曉之曉。提讀如攝。提之提。謂馬上鼓。有曲木提。持鼓立馬髦上者。故謂之提。杜子春云。公司馬謂五人爲伍。伍之司馬也。玄謂王不執賁鼓。尙之於諸侯也。伍長謂之公司馬者。雖卑。同其號。

以教坐作進退疾徐疏數之節。

習戰法。

遂以蒐田。有司表貉。誓民。鼓。遂圍禁。火弊。獻

禽以祭祀。

春田爲蒐。有司。大司徒也。掌大田役。治徒庶之政令。表貉。立表而貉祭也。誓民。誓以犯田法之罰也。誓曰。無干車。無自後射。立旌。遂圍禁。旌弊。爭禽而不審者。罰以假馬。禁者。虞衡守禽之屬。禁也。既誓。令鼓而圍之。遂蒐田。火弊。火止也。春田主用火。

因焚萊。除陳草。皆殺而火止。獻猶致也。屬也。田止。虞人植旌。衆皆獻其所獲禽焉。詩云。言私其騶。獻肩于公。春田主祭祀者。土方施生也。鄭司農云。貉讀爲禡。禡。謂師祭也。書亦或爲禡。

中夏。教芟舍。如振旅之陳。羣吏撰

車徒。讀書契。辨號名之用。帥以門名。縣鄙各以其名。家以號名。鄉以州名。野以邑名。百官各象其事。以辨

軍之夜事。其他皆如振旅。

芟讀如萊。沛之沛。芟舍。草止之也。軍有草止之法。撰讀曰算。算車徒。謂數擇之也。讀書契。以簿書校錄軍實之凡要號名者。徽識所以相別也。鄉途之屬。謂之名家之屬。謂之號。百官之屬。謂之事。在國以表

朝位在軍又象其制而爲之。被之以備死事。帥謂軍將及師帥旅帥至伍長也。以門名者。所被徽識。如其在門所樹者也。凡此言以也。象也。皆謂其制同耳。軍將皆命卿。古者軍將蓋爲營治於國門。魯有東門襄仲。宋有桐門右師。皆上卿爲軍將者也。縣鄙謂縣正鄙師至鄰。是也。家謂食采地者之臣也。鄉以州名。亦謂州長至比長也。野謂公邑大夫。百官以其職從王者。此六者皆書其官與名氏焉。門則襄仲右師明矣。鄉則南鄉甄東鄉爲人是也。其他象此云某某之名某某之事而已。未盡聞也。鄉遂大夫文錯不見。以其素信于民。不爲軍將。或爲諸帥。是以闕焉。夜事戒夜守之事。草止者慎於夜。於是主別其部職。

遂以苗田。如蒐之灋。車弊。獻禽以享禘。

夏田爲苗。擇取不孕任者。若治苗去不秀實者。云車弊。驅獸之車止也。夏田主用車。

示所取物希。皆殺而車止。王制曰。天子殺。則下大綏。諸侯殺。則下小綏。大夫殺。則止佐車。佐車止。則百姓田獵。禘宗廟之夏祭也。冬夏田主于祭宗廟者。陰陽始起。象神之在內。

中秋。教治兵。如振旅之陳。辨旗物之

用。王載大常。諸侯載旂。軍吏載旗。師都載旛。鄉遂載物。郊野載旐。百官載旗。各書其事。與其號焉。其他皆

如振旅。

軍吏。諸軍帥也。師都。遂大夫也。鄉遂。鄉大夫也。或載旛。或載物。衆屬軍吏。無所將也。郊。謂鄉遂之州長。縣正以下也。野。謂公邑大夫。載旐者。以其將羨卒也。百官。卿大夫也。載旗者。以其屬衛王也。凡旌旗有軍衆者。畫異物。無者帛而已。書當爲畫事也。號

也。皆畫以雲氣。

遂以獮田。如蒐田之灋。維弊。致禽以祀祊。

秋田爲獮。獮。殺也。羅弊。罔止也。秋田主用罔。中殺者多者。皆殺而罔。止祊當爲方聲之誤也。秋田主祭四方。報成萬物。詩曰。以社以方。

中

冬。教大閱。

春辨鼓鐸。夏辨號名。秋辨旗物。至冬大閱。簡軍實。凡頒旗物。以出軍之旗。則如秋。以尊卑之常。則如冬。司常佐司馬時也。大閱。備軍禮而旌旗。不如出軍之時。空辟實。

前期。羣吏戒衆庶。修戰灋。

羣吏。鄉師

以下。虞人萊所田之野。爲表。百步則一。爲三表。又五十步爲一表。田之日。司馬建旗于後表之中。羣吏以旗

物鼓鐸鑼各帥其民而致質明弊旗誅後至者乃陳車徒如戰之陳皆坐

鄭司農云虞人萊所田之野芟除其草萊令車得驅馳詩曰田卒污萊

謂萊芟除可陳之處後表之中五十步表之中央表所以識正行列也四表積二百五十步左右之廣當容三軍步數未聞致致之司馬質正也弊仆也皆坐當聽誓

羣吏聽誓于陳前斬牲以左右徇陳曰

不用命者斬之

羣吏諸軍帥也陳前南面鄉表也月令季秋天子教于田獵以習五戎司徒摺扑北面以誓之此大閱禮實正歲之中冬而說季秋之政於周為中冬為月令者失之矣斬牲者小子也凡誓之大略甘誓湯誓之屬是也

中

軍以鞀令鼓鼓人皆三鼓司馬振鐸羣吏作旗車徒皆作鼓行鳴鑼車徒皆行及表乃止三鼓攬鐸羣吏

弊旗車徒皆坐

中軍中軍之將也天子六軍三三而居一偏羣吏既聽誓各復其部曲中軍之將令鼓鼓以作其士衆之氣也鼓人者中軍之將帥帥也司馬兩司馬也振鐸以作衆作起也既起鼓人擊鼓以行之伍長鳴鑼以節之伍長一曰

公司馬及表自後表前至第二表也三鼓者鼓人也鄭司農云攬讀如弄玄謂如涿鹿之鹿掩上振之為攬攬者止行息氣也司馬法曰鼓聲不過間擊聲不過闕鑼聲不過現

又三鼓振鐸作旗車徒皆作鼓進鳴

鑼車驟徒趨及表乃止坐作如初

趨者赴敵尙疾之漸也春秋傳曰先人有奪人之心及表自第二前至第三

乃鼓車馳徒走及表乃止

及表自第三前至前表鼓

戒三閱車三發徒三刺

鼓戒戒攻敵鼓一閱車一轉徒一刺三而止象服敵

乃鼓退鳴鑼且卻及表乃止坐作如初

鑼所以止鼓軍退卒長鳴鑼以和衆鼓人爲止之也

退自前表至後表鼓鐸則同習戰之禮出入一也異者廢鑼而鳴鑼

遂以狩田以旌爲左右和之門羣吏各帥其車徒以斂和出左右陳車徒有司

平之旗居卒間以分地。前後有屯百步。有司巡其前後。險野人為主。易野車為主。

冬田為狩。言守取之。無所擇也。軍門曰和。今謂之壘門。立

兩旌以爲之。敍和出。用次第出和門也。左右或出而左。或出而右。有司平之。鄉師居門。正其出入之行列也。旗。軍吏所載。分地調其部。既曲疏數。前後有屯百步。車徒異羣相去之數也。車徒畢出和門。鄉師又巡其行陳。鄭司農云。險野人爲主人。居前。易野車爲主。車居前。

陳乃設驅逆之車。有司表貉于陳前。

驅。驅出禽獸使趨田者也。逆。逆要不得令走。設此車者田僕也。

中軍以鞞令鼓。鼓人皆三鼓。羣司馬振鐸。

車徒皆作。遂鼓行。徒銜枚而進。大獸公之。小禽私之。獲者取左耳。

羣司馬。謂兩司馬也。枚如箸。銜之。有績結項中。軍法止語爲相疑惑也。進行也。鄭司農云。大獸公之。

輸之於公。小禽私之。以自畀也。詩云。言私其縱。獻肩于公。一歲爲縱。二歲爲紀。三歲爲特。四歲爲肩。五歲爲犢。此明其獻大者於公。自取其小者。玄謂慎讀爲麋。爾雅曰。豕生三曰縱。豕牝曰紀。麋牝曰麋。獲得也。得禽獸者取左耳。當以計功。

及所弊。鼓

皆賊。車徒皆謀。

鄭司農云。及所弊。至所弊之處。玄謂至所弊之處。田所當於止也。天子諸侯蒐狩有常。至其常處。吏士鼓譟。象攻敵剋勝而喜也。疾雷擊鼓曰譟。譟。謹也。書曰。前師乃鼓譟。亦謂喜也。

徒乃弊。致禽饁獸

于郊。入獻禽以享烝。

徒乃弊。徒止也。冬田主用衆物多。衆得取也。致禽饁獸于郊。聚所獲禽。因以祭四方神於郊。月令季秋。天子既田。命主祠祭禽四方是也。入又以禽祭宗廟。

及師。大合軍。以行禁令。

以救無辜。伐有罪。

師所謂王巡守。若會同。司馬起師合軍以從。所以威天下。行其政也。不言大者。未有敵不尙武。

若大師。則掌其戒令。涖大卜。帥執事。涖釁主及軍

器。

大師。王出征伐也。涖。臨也。臨大卜。卜出兵吉凶也。司馬法曰。上下下謀。是謂參之主。謂遷廟之主及社主。在軍者也。軍器。鼓鐸之屬。凡師既受甲。迎主于廟。及社主。視奉以從。殺牲以血塗主及軍器。皆神之

及致。建大常。比軍衆。誅

後至者。

比或作庄。鄭司農云：致謂聚衆也。庄，具也。玄謂致，鄉師致民於司馬，比校次之也。

及戰，巡陳，眡事而賞罰。

事謂戰功也。

若師有功，則左執律，右秉鉞，以先

愷樂獻于社。

功勝也。律所以聽軍聲，鉞所以爲將威也。先猶道也。兵樂曰愷，獻于社，獻功于社也。司馬法曰：得意則愷樂愷歌，示喜也。鄭司農云：故城濮之戰，春秋傳曰：振旅愷以入于晉。

若師不功，則厭而奉主

車。

鄭司農云：厭，謂厭冠、喪服也。軍敗則以喪禮。故秦伯之敗於穀也，春秋傳曰：秦伯素服郊次，鄉師而哭。玄謂厭，伏冠也。奉猶送也。送主歸於廟與社。

王弔勞士庶子，則相。

師敗，王親弔士庶子之死者，勞其傷者，則相王之禮。庶子，卿大夫

之子從軍者，或謂之庶士。

大役與慮事，屬其植，受其要，以待致而賞誅。

大役，築城邑也。鄭司農云：國有大役，大司馬與謀慮其事也。植，謂部曲將吏。故宋城，春秋傳曰：華元爲植巡功，屬謂聚會之也。

要者，簿書也。考謂考校其功。玄謂慮事者，封人也。於有役，司馬與之植，築城植也。屬，賦丈尺與其用人數。

大會同，則帥士庶子，而掌其政令。

帥，帥以從王。

若大射，則合諸侯之六

耦。

大射，王將祭，射于射宮，以選賢也。王射三侯，以諸侯爲六耦。

大祭祀，饗食，羞牲魚，授其祭。

牲魚，魚牲也。祭，謂尸賓所以祭也。鄭司農云：大司馬主進魚牲。

大喪，平士大夫。

鄭司農云：平，一其服。

也。玄謂平者，正其職與其位。

喪祭，奉詔馬牲。

王喪之，以馬祭者，蓋遣奠也。奉猶送也。送之至墓，告而藏之。

小司馬之職，掌

此下字脫滅，札爛又闕，漢與求之不得，途無識其數者。

凡小祭祀，會同，饗射，師田，喪紀，掌其事，如大司馬之灋。

軍司馬闕。

與司馬闕

行司馬闕

司勳掌六鄉賞地之灋以等其功

賞地賞田也在遠郊之內屬六鄉焉等猶差也以功大小爲差

王功曰勳

輔成王業若周公

國功曰功

保全國家若伊尹

民功曰

庸法施於民若后稷

事功曰勞以勞定國若禹

治功曰力制法成治若咎繇

戰功曰多

剋敵出奇若韓信陳平司馬法曰上多前慮

凡有功者銘書於王之太常

祭於大烝司勳詔之

銘之言名也生則書于王旌以識其人與其功也死則於烝先王祭之詔謂告其神以辭也般庚告其卿大夫曰茲予大享于先王爾祖其從與享之是也今漢祭功臣於廟庭

大功司勳藏其

貳貳猶副也功書藏於天府又副於此者以其主賞

掌賞地之政令

政令謂役賦

凡賞無常輕重眡功

無常者功之大小不可豫

凡頒賞地參之一食

鄭司農云不以美田

爲采邑玄謂賞地之稅參分計稅王食其一也二全入於臣

唯加田無國正

加田既賞之又加賜以田所以厚恩也鄭司農云正謂稅也祿田亦有給公家之賦貢若今時候國有司農少府錢穀矣獨加賞之田無正耳

馬質掌質馬馬量三物一曰戎馬二曰田馬三曰駑馬皆有物賈

此三馬賈以給官府之使無種也鄭司農曰皆有物賈皆有物色及賈直

綱惡馬鄭司

農云綱讀爲以亢其讎之亢書亦或爲亢亢御也禁也禁去惡馬不畜也玄謂綱以縻索維綱狎習之

凡受馬於有司者書其齒毛與其賈馬死則旬之內更旬之外

入馬耳。以其物更其外否。鄭司農云：更謂償也。玄謂旬之內死者，償以齒毛與買，受之日淺，養之惡也。旬之外死，入馬耳，償以毛色，不以齒買，任之過其任也。其外否者，旬之外，踰二十日而死，不任用，非用者罪。馬及行。

則以任齊其行。識其所載輕重及道里。齊其勞逸，乃復用之。若有馬訟，則聽之。訟謂賣買之言相負。禁原蠶者。原，再也。天文，辰為馬，蠶書，蠶為龍精，月直大，火則浴其種，是蠶與馬同氣物，莫能兩大禁。

再蠶者為傷馬與。

量人掌建國之灋，以分國為九州，營國城郭，營后宮，量市朝道巷門渠，造都邑，亦如之。建立也。立國有舊法式，若匠人職云：分國，定天下之國分也。后，君也。

言君容王與諸侯。營軍之壘舍，量其市朝州涂，軍社之所里。軍壁曰壘。鄭司農云：量其市朝州涂，還市朝而為道也。玄謂州，一州之衆二千五百人為師，每師一處市也。朝也。州也。皆

有道以相之。軍社，社主在軍者里居也。邦國之地與天下之涂數，皆書而藏之。書地，謂方圓山川之廣。狹書涂，謂支湊之遠近。凡祭祀饗賓，制其從獻脯燔之

數量。鄭司農云：從獻者，肉殼從酒也。玄謂燔，從於獻酒之肉炙也。數，多少也。量，長短也。掌喪祭奠竊之俎實。竊亦有俎實，謂所包遺奠。士喪禮下篇曰：藏苞簪於旁。凡宰祭，與鬱人受罍，歷

而皆飲之。言宰祭者，冢宰佐王祭，亦容攝祭。鄭司農云：罍，讀如嫁娶之嫁，罍器名。明堂位曰：爵夏后氏以琖，殷以斝，周以爵。玄謂罍，讀如緹尸之緹，宰冢宰。

小子掌祭祀羞羊肆羊殽肉豆。鄭司農云：羞，進也。羊肆，體薦全烝也。羊殽，體解節折也。肉豆者，切肉也。玄謂肆，讀為髣，羊髣者，所謂豚解也。而掌珥于社稷，祈于五祀。故書祀作

禩鄭司農云。禩讀爲祀。書亦或爲祀。珥社稷。以牲頭祭也。玄謂珥讀爲岬。祈或爲劓。劓岬者。釁禮之事也。用毛牲曰劓。羽牲曰岬。岬劓社稷五祀。謂始成其宮兆時也。春官肆師職。祈或作譏。秋官士師職曰。凡劓珥。則奉犬牲。此劓岬正字與。

凡沈辜侯

禴飾其牲。

鄭司農云。沈謂祭川。爾雅曰。祭川曰浮。沈辜。謂礫牲以祭也。月令曰。九門礫禴。以畢春氣。侯禴者。候四時惡氣禴去之也。

釁邦器及軍器。

邦器。謂禮樂之器及祭器之屬。雜記曰。凡宗廟之器。其名者成。則釁之以豶豚。

凡師田。斬牲以左右徇陳。

示犯誓必殺之。

祭祀贊羞受徹焉。

羊人掌羊牲。凡祭祀飾羔。

羔小羊也。詩曰。四之日其蚤。獻羔祭韭。

祭祀割羊牲登其首。

登升也。升百報陽也。升首于室。

凡祈珥共其羊牲。

共猶給也。賓客。

共其瀆羊。

法羊飡饗積膳之羊。

凡沈辜侯禴釁積共其羊牲。

積。故書爲毗。鄭司農云。毗讀爲漬。謂釁國寶。漬軍器也。玄謂積積柴。禮祀檀燎實柴。

若牧人無牲則受布于

司馬使其賈買牲而共之。

布泉。

司燿掌行火之政令。四時變國火以救時疾。

行。猶用也。變。猶易也。鄭司農說以鄕子曰。春取榆柳之火。夏取棗杏之火。季夏取桑柘之火。秋取柞櫨之火。冬取槐檀之火。

季春出火。

民咸從之。季秋內火。民亦如之。

火所以用陶冶。民隨國而爲之。鄭人鑄刑書。火星未出而出火。後有災。鄭司農云。以三月本時昏。心星見于辰。上使民出火。九月本黃昏。心星伏在戌。上使民內火。故春秋傳曰。以出內火。

時則施火令。

焚萊之時。

凡祭祀則祭燿。

報其爲明之功。禮如祭饗。

凡國失火野焚萊則有刑罰焉。

野焚萊。民擅放火。

掌固。掌脩城郭溝池樹渠之固。頒其士庶子及其衆庶之守。樹謂枳棘之屬有刺者也。衆庶民遷守固者也。鄭司農說樹以國語曰城守之木於是乎用之。設其飾

器。兵甲之屬。今城郭門之器亦然。分其財用。均其稍食。財用國以財所給守吏之用也。稍食祿粟。任其萬民。用其材器。任謂以其任使之也。民之材器其所用。壘築及爲藩落。凡守者

受灋焉。以通守政。有移甲與其役。財用唯是得通。與國有司帥之。以贊其不足者。凡守者。士庶子及他要害之守吏。通守政者。兵甲役財難

易多少。轉移相給也。其他非是。不得妄離部署。國有司。掌固也。其移之者。又與掌固帥致之。贊佐也。晝三巡之。夜亦如之。巡。行也。行守者。爲衆庶之解惰。夜三鑿以號戒。杜子春云。讀鑿爲造次。之造。謂擊鼓行夜戒守

也。春秋傳所謂賓將趣者。與趣與造音相近。故曰終夕與燎。玄謂鑿。擊鑿警守鼓也。三巡之間。又三擊鑿。若造都邑。則治其固。與其守灋。都邑亦爲城郭。凡國都之竟。有溝樹之固。

郊亦如之。竟。界也。民皆有職焉。職。謂守與任。若有山川。則因之。山川。若殺。阜。河。漢。

司險。掌九州之圖。以周知其山林川澤之阻。而達其道路。周。猶徧也。達。道路者。山林之阻。則開鑿之。川澤之阻。則橋梁之。設國之五溝五涂。而

樹之林。以爲阻固。皆有守禁。而達其道路。五溝。塗。溝。洫。澮。川也。五涂。徑。畛。涂。道路也。樹之林。作藩落也。國有故。則藩塞阻路而止行者。以其

屬守之。唯有節者達之。有故。喪災及兵也。閉絕要害之道。備姦寇也。

掌疆闕

候人各掌其方之道治與其禁令以設候人

道治治道也國語曰候不在竟譏不居其方也禁令備姦寇也

若有方治則

帥而致于朝及歸送之于竟

方治其方來治國事者也春秋傳曰晉欒盈過周王使候人出諸轅轅是其送之

環人掌致師

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌靡壘而還樂伯曰吾聞致師者左射以葢代御執轡御下捫馬掉鞅而還攝叔曰吾聞致師者右入壘

折馘執俘而還皆行其所聞而復之

察軍慝

慝陰姦也視軍中

環四方之故

卻其以事謀來侵伐者所謂折衝禦侮

巡邦國搏諜賊

諜賊反問敵國兵來則往之與

訟曲直若齊國佐如師

揚軍旅

為之威武以觀敵詩云惟師尙父時惟鷹揚

降圍邑

圍邑欲降者受而降之春秋傳曰齊人降鄆

挈壺氏掌挈壺以令軍井挈轡以令舍挈舂以令糧

鄭司農云挈壺以令軍井謂為軍穿井井成挈壺縣其上令軍中士衆皆望見知此下有井壺所以盛飲故以壺表井挈轡以令舍亦縣

轡於所當舍止之處使軍望見知當舍止於此轡所以駕舍故以轡表舍挈舂以令糧亦縣舂于所當稟假之處令軍望見知當稟假于此下也舂所以盛糧之器故以舂表稟軍中人多車騎雜會置器號令不能相聞故各以其物為表省煩趨疾于事便也

凡軍

事縣壺以序聚糧凡喪縣壺以代哭者皆以水火守之分以日夜

鄭司農云縣壺以為漏以序聚糧以次更聚擊糧備守也玄謂擊擗兩木相敲行夜時也代亦更也

禮未大斂代哭。以水守壺者爲沃漏也。以火守壺者夜則視刻數也。分以日夜者。異晝夜漏也。漏之箭晝夜共百刻。冬夏之間有長短焉。大史立成法有四十八箭。及冬則以火爨鼎水而沸之。而沃之。鄭司農云冬水

凍漏不下。故以火炊水。沸以沃之。謂沃漏也。

射人掌國之三。公孤卿大夫之位。三公北面。孤東面。卿大夫西面。其摯。三公執璧。孤執皮帛。卿執羔。大夫

鴈。位將射始入見君之位。不言士者。此與諸侯之賓射。士不與也。燕禮曰。公升。即位于席。西鄉。小臣納卿大夫。卿大夫皆入門。右北面。東上。士立於西方。東面北上。大射亦云。則凡朝燕及射。臣見于君之禮同。諸侯在朝。則皆北面。詔

相其灋。謂諸侯來朝而未歸。王與之射於朝者。皆北面從三公位。法其禮儀。若有國事。則掌其戒令。詔相其事。謂王有祭祀之事。諸侯當助其薦獻者也。戒令告以齊與期。掌其治達。謂諸

侯因與王射及助祭而有所治。受而達之於王。王有命。又受而下之。以射灋治射儀。王以六耦射三侯。三獲。三容。樂以騶虞九節。五正。諸侯以四耦

射二侯。二獲。二容。樂以狸首七節。三正。孤卿大夫以三耦射一侯。一獲。一容。樂以采蘋五節。二正。士以二

耦射豻侯。一獲。一容。樂以采蘋五節。二正。射法。王射之禮。治射儀。謂肆之也。鄭司農云。三侯。虎熊豹也。容者。乏也。待獲者所蔽也。九節。析羽九重。設於長杠也。正。所射也。詩云。終日射侯。不出正兮。二侯。熊豹

也。豻侯。獸名也。獸有羶。豻熊虎。玄謂三侯者。五正三正二正之侯也。二侯者。三正二正之侯也。一侯者。二正而已。此皆與賓射於朝之禮也。考工梓人職曰。張五采之侯。則遠國屬。遠國。謂諸侯來朝者也。五采之侯。即五正之侯也。正之言正也。射者內志正。則能中焉。畫

五正之侯。中朱。次白。次蒼。次黃。玄居外。三正損玄黃。二正去白蒼。而畫以朱綠。其外之廣。皆居侯中參分之一。中二尺。今儒家云。四尺曰正。二尺曰鵠。鵠乃用皮。其大如正。此說失之矣。大射禮。射作干。讀如宜。射宜獄之。射。射胡犬也。士與士射。則以射皮飾侯。下大夫也。大夫以上與賓射。飾侯以雲氣。用采各如其正。九節七節五節者。奏樂以爲射節之。差。言節者。容侯道之數也。樂記曰。明乎其節之志。不失其事。則功成而德行立。若王大射。則以狸步張三侯。鄭司農云。狸步。謂一舉足爲一步。於今爲

半步。玄謂狸。善搏者也。行則止而擬度焉。其發必獲。是以量侯道法之也。侯道者。各以弓爲度。九節者。九十弓。七節者。七十弓。五節者。五十弓。弓之下制。長六尺。大射禮曰。大侯九十。參七十。五十是也。三侯者。司裘所共。虎侯。熊侯。豹侯也。列國之君。大射亦張三侯。數與天子同。大侯。熊侯也。參。讀爲糝。糝。雜也。雜者。豹。鵠。而麋。飾下天子大夫。王射。則令去侯。立于後。以矢行告。卒。令取矢。鄭司農云。射人主令人去侯所而立于後也。以矢行告。射人主以矢行高下左右告于王

也。大射禮曰。大射正立于公後。以矢行告于公。下曰留。上曰揚。左右曰方。杜子春說。以矢行告。告白射事于王。王則執矢也。杜子春說不與禮經合。疑非是也。卒。令取矢。謂射卒。射人令當取矢者。使取矢也。玄謂令去侯者。命負侯者去侯也。鄉射曰。司馬命獲者。執旌以負侯。祭侯。則爲位。祭侯。獻服。不服不以祭侯爲位。爲服不受獻之。位也。大射曰。服不侯。西北三步。北面拜受爵。與大史數射中。射中。數射者。中侯之筭也。大射曰。司射適階西。釋弓去扑。襲進由中東。立于中南。北面視筭。佐

司馬治射正。射正。射之法儀也。祭祀。則贊射牲。相孤。卿大夫之瀆儀。燕嘗之禮。有射豕者。國語曰。禘郊之事。天子必自射其牲。今立秋有饗劉云。會同。朝覲。作大

夫介。凡有爵者。作讀如作止。爵之作。諸侯來至。王使公卿有事焉。則作大夫使之介也。有爵者。命士以上不使賤者。大師。令有爵者乘王之倅車。倅車。戎車之副。有大賓客。則作

卿大夫從。作者。選使從。戒大史及大夫介。戒。戒其當行者。觀禮曰。諸公奉篋服。加命書于其上。升自西階。東面。大史。民右。大喪。與僕人遷尸。作卿大夫掌事。

比其廬不敬者苛罰之。

僕人大僕也。僕人與射人俱掌王之朝位也。王崩小斂大斂遷尸于室堂。朝之象也。檀弓曰扶君卜人師扶右射人扶左君薨以是舉苛謂詰問之。

服不氏掌養猛獸而教擾之。

猛獸虎豹熊羆之屬擾馴也。教習使之馴服王者之教無不服。

凡祭祀共猛獸。

謂中膳羞者獸人冬獻狼春秋傳曰熊蹯不執。

賓客之事則抗

皮。

鄭司農云謂賓客來朝聘布皮帛者服不氏主舉藏之抗讀爲亢其讎之亢玄謂抗者若聘禮曰有司二人舉皮以束。

射則贊張侯以旌居乏而待獲。

贊佐也大射禮曰命量人巾車張三侯杜子春云待當爲持書

亦或爲持乏讀爲匱乏之乏持獲者所蔽玄謂待獲待射者中舉旌以獲。

射鳥氏掌射鳥。

鳥謂中膳羞者。兔鴈鴝鵒之屬。

祭祀以弓矢毆鳥鳶凡賓客會同軍旅亦如之。

鳥鳶善鈔盜便汗人。

射則取矢矢在侯高。

則以并夾取之。

鄭司農云王射則射鳥氏主取其矢矢在侯高者矢著侯高人手不能及則以并夾取之并夾鍼箭具夾讀爲甲故司弓矢職曰大射燕射共弓矢并夾。

羅氏掌羅鳥鳥。

鳥謂卑居。鵠之屬。

蜡則作羅襦。

作猶用也。鄭司農云蜡謂十二月大祭萬物也。郊特牲曰天子大蜡謂歲十二月合聚萬物而索饗之。襦細密之羅。襦讀爲縵有衣襦之縵。玄謂蜡建亥之月此時火伏蟄者畢矣。

射既祭獸可以羅罔圍取禽也。王制曰射祭獸然後田又曰昆蟲已蟄可以火田今俗放火張羅其遺教。

中春羅春鳥獻鳩以養國老行羽物。

春鳥蟄而始出者若今南郡黃雀之屬是時鷹化爲鳩鳩與春鳥變舊爲

新宜以養老助生氣行謂賦賜。

掌畜。掌養鳥而阜蕃教擾之。

阜猶盛也。蕃蕃息也。鳥之可養使盛大蕃息者謂鷩鷩之屬。

祭祀共卵鳥。

其卵可薦之鳥。

歲時貢鳥物。

鷩鷩之屬以四時來。

共膳獻之。

鳥。雉及鷩鷩之屬。

周禮卷第八

夏官司馬下

司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大

夫士庶子之數

損益謂用功過黜陟者縣鄙鄉遂之屬故書版爲班鄭司農云班書或爲版版名籍

以詔王治

告王所當進退

以德詔爵以功詔祿以能詔事以久奠

食

德謂賢者食稍食也賢者既爵乃祿之能者事成乃食之王制曰司馬辨論官材論進士之賢者以告於王而定其論論定然後官之任官然後爵之位定然後祿之

唯賜無常

賜多少由王不

正朝儀之位辨

其貴賤之等王南鄉三公北面東上孤東面北上卿大夫西面北上王族故士虎士在路門之右南面東

上大僕大右大僕從者在路門之左南面西上

此王日視朝事於路門外之位王族故士故爲士晚退留宿衛者未嘗仕雖同族不得在王宮大右司右也大僕從者小臣祭僕御僕隸僕

司

士擯

詔王出揖公卿大夫以下朝者

孤卿特揖大夫以其等旅揖士旁三揖王還揖門左揖門右

特揖一一揖之旅衆也大夫爵同者衆揖之公及孤卿大夫始入門

右皆北面東上王揖之乃就位羣士及故士大僕之屬發在其位羣士位東面王西南鄉而揖之三揖者士有上中下王揖之皆遂遁既復位鄭司農云卿大夫士皆君之所揖禮春秋傳所謂三揖在下

大僕前

前正王視朝之位

王入內朝

皆退。

王入路門也。王入路門內朝朝者皆退。及其官府治處也。王之外朝則朝士掌焉。玉藻曰：朝服以日視朝於內朝。朝辨色始入。君日出而視之。退適路寢聽政。使人視大夫。大夫退然後適小寢。謂諸侯也。王日視朝皮弁服。其禮則同。

掌國中

之士治。凡其戒令。

國中城中。

掌擯士者。膳其摯。

擯士。告見初為士者於王也。鄭司農云：膳其摯者。王食其所執羔鴈之豔。玄謂膳者入於王之膳人。

凡祭祀。掌士之戒令。詔相

其灋事。及賜爵。呼昭穆而進之。

賜爵神惠及下也。此所賜王之子姓兄弟。祭統曰：凡賜爵。昭為一。穆為一。昭與昭齒。穆與穆齒。凡羣有司皆以齒。此之謂長幼有序。

帥其屬而割牲。羞俎

豆。割牲制體也。羞進也。

凡會同。作士從賓客。亦如之。

作士從。謂可。使從於王者。

作士適四方。使為介。

士使。謂自以王命使也。介。大夫之介也。春秋傳曰：天王使石尙來歸。脈。

大喪。

作士掌事。事謂奠斂之屬。

作六軍之士執披。

作。謂使之也。披。極車也。所以披持棺者。有紐以結之。謂之戴。鄭司農云：披者。扶持棺險者也。天子旁十二。諸侯旁八。大夫六。士四。玄謂結披必當棺束。於束繫紐。天子諸侯載柩三束。大夫士二束。喪大記曰：君纁披六。大夫披四。前纁後玄。士二披。用纁。人君禮文。欲其數多。圖數兩旁言六耳。其實旁三。

凡士之有守者。令哭。無去守。

守官不可空也。

國有故。則致士而頒其

守。故。非喪則兵災。

凡邦國三歲則稽士任而進退其爵祿。

任。其所掌治。

諸子。掌國子之倅。掌其戒令。與其教治。辨其等。正其位。

故書倅為卒。鄭司農云：卒。讀如物有副倅之倅。國子。謂諸侯卿大夫士之子也。燕義曰：古者周天子之官有庶子官。與周官諸子職。

同文。玄謂四民之業。而士者亦世焉。國子者。是公卿大夫士之副貳。戒令。致於大子之事。教治。脩德學道也。位。朝位。

國有大事。則帥國子而致於大子。唯所用之。若有兵甲之事。

則授之車甲。合其卒伍。置其有司。以軍灋治之。司馬弗正。軍法。百人爲卒。五人爲伍。弗不也。國子屬大子。司馬雖有軍事。不賦之。凡國正弗及。大祭

祀。正六牲之體。正謂牝。載之。凡樂事。正舞位。授舞器。位。併處。大喪。正羣子之服位。會同。賓客。作羣子從。從於王。凡國之

政事。國子存遊倅。使之脩德學道。春合諸學。秋合諸射。以攷其藝而進退之。遊倅。倅之未任者。學大學也。射。射宮也。王制曰。春秋教以禮樂。冬夏教以

詩書。王太子。王子。羣后之太子。卿大夫元士之適子。國之俊選。皆造焉。

夫元士之適子。國之俊選。皆造焉。

司右。掌羣右之政令。羣右。戎右。齊右。道右。凡軍旅會同。合其車之卒伍。而比其乘。屬其右。合。比。屬。謂次第相安。習也。車亦有卒伍。凡國之勇

力之士。能用五兵者。屬焉。掌其政令。勇力之士。屬焉者。選右當於中。司馬法曰。弓矢。圍。戛。矛。守。戈。戟。助。凡五兵。長以衛。短以救長。

虎賁氏。掌先後王而趨以卒伍。王出將。虎賁士居前。後雖羣行。亦有局分。軍旅會同。亦如之。舍。則守王閑。舍。王出所止。宿處。閑。椹。桓。王在國。則守王

宮。爲周衛。國有大故。則守王門。大喪。亦如之。非常之難。要在門。及葬。從遣車而哭。遣車。王之魂魄所馮依。適四方使。則從士大夫。虎士從使。

者。若道路不通。有徵事。則奉書。以使於四方。不通。逢兵寇若泥水。奉書徵師役也。春秋隱七年。冬。戎伐凡伯于楚丘。以歸。

旅賁氏掌執戈盾夾王車而趨左八人右八人車止則持輪夾王車者其下士也下士十有六人中士爲之帥焉凡祭祀會同賓客則服

而趨服而趨夾王車趨也會同賓客王亦齊服服袞冕則此士之齊服服玄端喪紀則衰葛執戈盾葛葛經武士尙輕軍旅則介而趨介被

節服氏掌祭祀朝覲袞冕六人維王之大常服袞冕者從王服也維維之以縷王旌十二流兩兩以縷綴連旁三人持之禮天子旌曳地鄭司農云維持之諸侯則四人其

服亦如之郊祀裘冕二人執戈送逆尸從車裘冕者亦從尸服也裘大裘也凡尸服卒者之上服從車從尸車送逆之往來春秋傳曰晉祀夏郊董伯爲尸

方相氏掌蒙熊皮黃金四目玄衣朱裳執戈揚盾帥百隸而時難以索室毆疫蒙冒也冒熊皮者以驚毆疫癘之鬼如今魁頭也時難四時作方相

氏以維卻凶惡也月令氏以維卻凶惡也月令氏以維卻凶惡也月令大喪先匱葬使及墓入城以戈擊四隅毆方良塋穿地中也方良罔兩也天子之檸柏黃腸爲裏而表以石焉國語曰木石之怪罔兩

大僕掌正王之服位出入王之大命服王舉動所當衣也位立處也出大命王之教也入大命羣臣所奏行掌諸侯之復逆鄭司農云復謂奏事也逆謂受下奏王砥朝

則前正位而退入亦如之前正位而退道王王既立退居路門左待朝畢建路鼓于大寢之門外而掌其政大寢路寢也其門外則內朝之中如今宮殿端門下矣政鼓節與早

晏以待達窮者與違令聞鼓聲則速逆御僕與御庶子鄭司農云窮謂窮寃失職則來擊此鼓以達於王若今時上變事擊鼓矣違傳也若今時驛馬軍書當急聞者亦擊此鼓令聞此鼓

聲則速逆御僕與御庶子也。大僕主令此二官使速逆窮遠者。玄謂達窮者謂司寇之屬朝士。掌以肺石達窮民聽其辭以告於王。遽令郵驛上下程品御僕庶子直事鼓所者。大僕聞鼓聲則速逆此二官當受其事以聞。

祭祀賓客喪紀正

王之服位詔灋儀贊王牲事。

詔告也。牲事殺割七載之屬。

王出入則自左馭而前驅。

前驅如今道引也。道而居左自馭不參乘。辟王也。亦有車右焉。

凡軍旅田役

贊王鼓救日月亦如之。

王通鼓。佐擊其餘面。

日月食時春秋傳曰。非日月之皆不鼓。

大喪始崩戒鼓傳達于四方。窆亦如之。

戒鼓擊鼓以警衆也。故書戒爲駭。鄭司農

云窆謂葬下棺也。春秋傳所謂日中而殯禮記謂之封皆葬下棺也。音相似窆讀如慶封汜祭之汜。

縣喪首服之灋于宮門。

首服之法謂免壘笄總廣狹長短之數。縣其書於宮門示四方。

掌三公孤卿之弔

勞王使

王燕飲則相其灋。

相左。王射則贊弓矢。

贊謂授之受之。

王眡燕朝則正位掌檟相。

燕朝朝於路寢之庭。王圖宗人之嘉事則燕朝。

王不眡

朝則辭于三公及孤卿。

辭謂以王不視朝之意告之。春秋傳曰公有疾不視朔。

小臣掌王之小命詔相王之小灋儀。

小命時事所勅問也。小法儀趨行拱揖之容。

掌三公及孤卿之復逆正王之燕服位。

謂燕居時也。玉藻曰王卒

食玄端而居。

王之燕出入則前驅。

燕出入若今游於諸觀苑。

大祭祀朝覲沃盥王盥小祭祀賓客饗食賓射掌事如大僕之灋。

賓射與諸

侯來朝者射。

掌士大夫之弔勞凡大事佐大僕。

祭僕掌受命于王以眡祭祀而警戒祭祀有司糾百官之戒具謂王有故不親祭也祭祀有司有事於祭祀者糾謂校錄所當共之牲物既祭帥羣有

司而反命以王命勞之誅其不敬者大喪復于小廟小廟高祖以下也始祖曰大廟春秋僖八年秋七月禘于大廟凡祭祀王之所不與則賜

之禽鄭司農云王之所不與謂非郊廟尊祭祀則王不與也則賜之禽公卿自祭其先祖則賜之禽也玄謂王所不與同姓有先王之廟凡祭祀致福者展而受之臣有祭事必致祭肉於君

所謂歸胙也展謂錄視其牲體數體數者大牢則以牛左肩臂臠折九个少牢則以羊左肩七个特性則以豕左肩五个

御僕掌羣吏之逆及庶民之復與其弔勞羣吏府史以下大祭祀相盟而登相盟者謂奉槃授巾與登謂為王登牲體於俎特性饋食禮主人降盥出舉入乃七載大

喪持鬻鬻棺飾也持之者夾鬻車掌王之燕令燕居時之令以序守路鼓序更

隸僕掌五寢之埽除糞洒之事五寢五廟之寢也周天子七廟唯祧無寢詩云寢廟繹繹相連貌也前曰廟後曰寢汜埽曰埽埽席前曰拚洒灑也鄭司農云洒當為灑玄謂論語曰子夏之門人當洒埽應對祭祀

脩寢於廟祭寢或有事焉月令凡新物先薦寢廟王行洗乘石鄭司農云乘石王所登上車之石也詩云有扁斯石履之卑兮謂上車所登之石掌蹕宮中之事宮中有事則蹕鄭司農云蹕謂止行者清道若今時

大喪復于小寢大寢小寢高祖以下廟之寢也始祖曰大寢

弁師掌王之五冕皆玄冕朱裏延紐。冕服有六而言五冕者大裘之冕蓋無旒不連數也延冕之覆在上是以名焉紐小鼻在武上笄所貫也今時冠卷當簪者廣裘以冠繼其舊象與五采纁十

有二就皆五采玉十有二玉笄朱紘。纁雜文之名也合五采絲爲之繩垂於延之前後各十二所謂邊延也就成也繩之每一而貫五采玉十二旒則十二玉也每就間蓋一寸朱紘以朱組爲紘也紘一條屬兩端

於武纁不言皆有不言者此爲袞衣之冕十二旒則用玉二百八十八鷩衣之冕纁九旒用玉二百一十六鷩衣之冕七旒用玉百六十八希衣之冕五旒用玉百二十玄衣之冕三旒用玉七十二諸侯之纁旒九就璫玉三采

其餘如王之事纁旒皆就玉璜玉笄。侯當爲公字之誤也三采朱白蒼也其餘謂延紐皆玄覆朱裏與王同也出此則異纁旒皆就皆三采也每纁九成則九旒也公之冕用玉百六十二玉璜塞耳者故書璫作璜鄭

司農云纁當爲藻纁古字也藻今字也同物同音璜惡玉名。王之皮弁會五采玉璫象邸玉笄。故書會作璫鄭司農云讀如馬會之會謂以五采束髮也士喪禮曰檜用組乃笄檜讀與璫同書之異耳說曰以組束髮

乃著笄謂之檜沛國人謂反紒爲璫璫讀如藜車轂之藜玄謂會讀如大會之會會縫中也璫讀如薄借藜之藜藜結也皮弁之縫中每貫結五采玉十二以爲飾謂之藜詩云會弁如星又曰其弁伊藜是也邸下柅也以象骨爲之。王之弁經弁而

加環經。弁經王弔所服也其弁如爵弁而素所謂素冠也而加環經。環經者大如緦之麻經纏而不糾司服職曰凡弔事弁經服。諸侯及孤卿大夫之冕韋弁皮弁弁經各以其等

爲之而掌其禁令。各以其等纁旒玉璫如其命數也冕則侯伯纁七就用玉九十八子男纁五就用玉五十纁玉皆三采孤纁四就用玉三十二三命之卿纁三就用玉十八再命之大夫藻再就用玉八藻玉皆朱綠韋弁皮弁則侯伯璫飾七子

男璫飾五玉亦三采孤則璫飾四三命之卿璫飾三再命之大夫璫飾二玉亦二采弁經之弁其辟積如冕纁之就然庶人弔者素委貌一命之大夫冕而無旒士變冕爲爵弁其韋弁皮弁之會無結飾弁經之弁不辟積禁令者不得相僭踰也玉藻曰君未有命不敢即乘

服不言冠弁冠弁兼於韋弁皮弁矣。不言服弁服弁自天子以下無飾無等。

司甲 闕

司兵掌五兵五盾各辨其物與其等以待軍事。

五盾干櫓之屬其名未盡聞也等謂功法上下鄭司農云五兵者戈艾戟酋矛夷矛

及授兵從司馬之灋以

頒之及其受兵輸亦如之及其用兵亦如之。

從司馬之法令師旅卒兩人數所用多少也兵輸謂師還有司還兵也用兵謂出給衛守

祭祀授舞者兵授以朱干玉戚之屬大

喪獻五兵

故書獻為淫鄭司農云淫陳也淫讀為獻玄謂獻與也興作明器之役器五兵也士喪禮下篇有甲冑干笮

軍事建車之五兵會同亦如之。

車之五兵鄭司農所云者是也步卒之五兵則無夷

矛而有弓矢

司戈盾掌戈盾之物而頒之。

分與受用

祭祀授旅賁艾故士戈盾授舞者兵亦如之。

亦頒之也故士王族故士也與旅賁當事則衛王也艾如杖長尋有

四軍旅會同授貳車戈盾建乘車之戈盾授旅賁及虎士戈盾。

乘車王所乘車也軍旅則革路會同則金路

及舍設藩盾行則斂之。

舍止也藩盾盾可以藩衛者如今之扶蘇與

司弓矢。掌六弓四弩八矢之灋。辨其名物。而掌其守藏與其出入。法曲直長短之數。中春獻弓弩。中秋獻矢箛。弓弩成於

和矢箛成於堅。箛盛矢器也。以獸皮爲之。

及其頒之。王弓、弧弓。以授射甲革楛質者。夾弓、庾弓。以授射豸侯鳥獸者。唐弓、大弓。以

授學射者。使者勞者。

王弧。夾。庾。唐。大。六者。弓異體之名也。往體寡。來體多。曰王弧。往體多。來體寡。曰夾。庾。往體來體若一。曰唐。大甲。革。甲也。春秋傳曰。躡甲而射之。質。正也。樹楛以爲射。正射甲與楛。試弓習武也。豸。侯五十步。及射鳥獸。

皆近射也。近射用弱弓。則射大侯者用王弧。射參侯者用唐大矣。學射者弓用中。後習強弱則易也。使者勞者弓亦用中。遠近可也。勞者勤勞王事。若晉文侯。文公受王弓。矢之賜者。故書楛爲鞮。鄭司農云。楛字或爲鞮。非是也。圜師職曰。射則充楛質。又此司弓矢職曰。澤共射楛質之弓。矢言射楛質自有弓。謂王弧弓也。以此觀之。言鞮質者非。其矢箛皆從其弓。從弓數也。每弓者一箛百矢。凡弩。夾。庾。利。攻。守。唐。大。利。車。戰。野。戰。攻城壘者與其自守者相

迫近。弱弩發矢也。車戰野戰。進退非強則不及。弩無王弧。王弧恆服弦。往體少者使矢不疾。

凡矢。枉矢。絜矢。利。火。射。用諸守城車戰。殺矢。鏃矢。用諸近射田獵。矰

矢。蒺矢。用諸弋射。恒矢。庠矢。用諸散射。

此八矢者。弓弩各有四焉。枉矢。殺矢。矰矢。恒矢。弓所用也。絜矢。鏃矢。蒺矢。庠矢。弩所用也。枉矢者。取名變星。飛行有光。今之飛矛是也。或謂之兵矢。絜矢。象焉。二者皆可

結火以射敵。守城車戰。前於重。後微輕。行疾也。殺矢。言中則死。鏃矢。象焉。鏃之言候也。二者皆可以司候。射敵之近者及禽獸。前尤重。中深而不可遠也。結繳於矢。謂之矰。矰。高也。蒺。象焉。蒺之言刺也。二者皆可以弋飛鳥。荆羅之也。前於重。又微輕。行不低也。詩云。弋鳧與鷹。恒矢。安居之矢也。庠。象焉。二者皆可以散射也。謂禮射及習射也。前後訂。其行平也。凡矢之制。枉矢之屬。五分二在前。三在後。殺矢之屬。參分一在前。二在後。矰矢之屬。七分三在前。四在後。恒矢之屬。軒輶中。所謂志也。鄭司農云。庠。象讀爲人。罷。短之罷。玄。謂庠讀如痺。

病之痺痺之言倫比

天子之弓合九而成規諸侯合七而成規大夫合五而成規士合三而成規句者謂之弊弓

體往來之

衰也往體寡來體多則合多往體多來體寡則合少而圍弊猶惡也句者惡則直者善矣

凡祭祀共射牲之弓矢

射牲示親殺也殺性非尊者所親唯射爲可國語曰禘郊之事天子必自射其牲

澤共射椹質

之弓矢

鄭司農云澤澤宮也所以習射選士之處也射義曰天子將祭必先習射於澤澤者所以擇士也已射於澤而后射於射宮射中者得與於祭

大射燕射共弓矢如數并夾

如數如當射者之數也每人一弓乘

矢并夾

大喪共明弓矢

弓矢明器之用器也士喪禮下篇曰用器弓矢

凡師役會同頒弓弩各以其物從授兵甲之儀

物弓弩矢

田弋充

籠箠矢共矰矢

籠竹箠也矰矢不在箠者爲其相繞亂將用乃共之

凡亡矢者弗用則更

更償也而棄之則不償

繕人掌王之用弓弩矢箠矰弋挾拾

鄭司農云挾者所以縱弦也拾者所以引弦也詩云挾拾既次詩家說或謂挾謂引弦彊也拾謂構扞也玄謂挾挾矢時所以持弦飾也著右手巨指士喪禮曰挾用正王棘若擇

棘則天子用象骨與鞣扞著左臂裏以韋爲之

掌詔王射

告王當射之節

贊王弓矢之事

授之受之

凡乘車充其籠箠載其弓弩

充籠箠者以矢

之也詩云彤弓昭兮受言藏之

無會計亡敗多

寡人掌受財于職金以齎其工

齎其工者給市財用之直

弓六物爲三等弩四物亦如之

三等者上中下人各有所宜弓人職曰弓長六尺六寸謂之上制上士服之弓

長六尺三寸謂之中制中士服之弓長六尺謂之下制下士服之弩及矢箠長短之制未聞

矢八物皆三等箠亦如之春獻素秋獻成矢箠春書其等以饗工鄭司農云

書工功拙高下之等以制其饗食也玄謂饗酒肴勞之也上工作上等其饗厚下工作下等其饗薄

上其食尤善又賞之否者反此乃入功于司弓矢及繕人功成凡齋財與其出入皆在橐人以待會而致之亡者闕之皆在橐人者所齋工

之財及弓弩矢箠出入其簿書橐人藏之闕猶除也弓弩矢箠棄亡者除之計今見在者

戎右掌戎車之兵革使使謂王使以兵有所誅斬也春秋傳曰戰於穀晉梁弘御詔贊王鼓既告王當鼓之節又助擊之傳王命于陳

中為王大言之也會同充革車會同王雖乘金路猶以革路從行也充之者謂居左也曲禮曰乘君之乘車不敢曠左盟則以玉敦辟盟遂役之鄭司農云敦器名也辟法也玄謂將歃血者先執其器為

衆陳其載辭使心皆開辟也役之者傳敦血授當歃者贊牛耳桃茆鄭司農云贊牛耳春秋傳所謂執牛耳者故書茆為滅杜子春云滅當為厲玄謂尸盟者割牛耳取血助為之及血在敦中以桃茆拂之又助之也耳者盛以珠盤尸盟者執之桃

鬼所畏也茆若帶所以壻不祥

齊右掌祭祀會同賓客前齊車王乘則持馬行則陪乘齊車金路王自整齊之車也前之者已駕王未乘之時陪乘參乘謂車右也齊右與齊僕同車而有祭祀之事則兼玉路之右

然則戎右兼田右與凡有牲事則前馬王見牲則拱而式居馬前卻行備驚奔也曲禮曰國君下宗廟式齊牛

道右掌前道車王出入則持馬陪乘如齊車之儀道車象路也王行道德之車自車上諭命于從車自詔王之車儀顯式之屬王

式則下前馬王下則以蓋從以蓋從表尊

大馭掌馭玉路以祀及犯軼王自左馭馭下祀登受轡犯軼遂驅之行山曰軼犯之者封土為山象以苦芻棘柏為神主既祭之以車轢之而去喻無險難也春秋

傳曰跋涉山川自由也王由左馭禁制馬使不行也故書軼作罰杜子春云罰當為軼軼讀為別異之別謂祖道轢軼磔犬也詩云載謀載惟取蕭祭脂取羝以軼詩家說曰將出祖道犯軼之祭也聘禮曰乃舍軼飲酒于其側禮家說亦謂道祭及祭酌僕

僕左執轡右祭兩軹祭軹乃飲故書軹為駟軹為範杜子春云文當如此左不當重重非是書亦或如子春言又云駟當作軹軹謂兩轡也其或言軼亦非是又云軹當為駝駝謂車軹前也或讀駟為簪筭之筭凡馭

路行以肆夏趨以采薺凡馭路謂五路也肆夏采薺樂章也行謂大寢至路門趨謂路門至應門凡馭路儀以鸞和為節舒疾之法也鸞在衡和在軹皆以金為鈴

戎僕掌馭戎車戎車革路也師出王乘以自將掌王倅車之政正其服倅副也服謂乘乘戎車者之衣服犯軼如玉路之儀凡巡守及兵車之會

亦如之如在軍掌凡戎車之儀凡戎車衆之兵車也書序曰武王戎車三百兩

齊僕。掌馭金路以賓。

以待賓客。

朝覲宗遇饗食皆乘金路其灋儀各以其等為車送逆之節。

節謂王乘車迎賓客及送相去遠近之數上公

九十步侯伯七十步子男五十步司儀職曰車逆拜辱又曰及出車送

道僕。掌馭象路以朝夕燕出入其灋儀如齊車。

朝夕朝朝莫夕

掌貳車之政令。

貳亦副

田僕。掌馭田路以田以鄙。

田路木路也田田獵也鄙循行縣鄙

掌佐車之政。

佐亦副

設驅逆之車。

驅驅禽使前趨獲逆衛還之使不出圍

令獲者植旌。

以告獲也

植樹也及獻比禽。

田幣獲者各獻其禽比種物相從次數之

凡田王提馬而走諸侯晉大夫馳。

提猶舉也晉猶抑也使人扣而舉之抑之皆止奔也馳放不扣

馭夫。掌馭貳車從車使車。

貳車象路之副也從車戎路田路之副也使車驅逆之車

分公馬而駕治之。

乘調六種之馬

校人。掌王馬之政。

政謂差擇養乘之數也月令曰班馬政

辨六馬之屬種馬一物戎馬一物齊馬一物道馬一物田馬一物騶

馬一物。

種謂上善似母者以次差之玉路駕種馬戎路駕戎馬金路駕齊馬象路駕道馬田路駕田馬騶馬給宮中之役

凡頒良馬而養乘之乘馬一師四圉三乘為阜阜一

趣馬三阜為繫繫一馭夫六繫為廐廐一僕夫六廐成校校有左右騶馬三良馬之數麗馬一圉八麗一

師八師一趣馬八趣馬一馭夫。

良善也善馬五路之馬鄭司農云四匹為乘養馬為圉故春秋傳曰馬有圉牛有牧玄謂二耦為乘師趣馬馭夫僕夫帥之名也趣馬下士御夫中士則僕夫上士也自乘至廄其數二百一

十六匹易乾為馬此應乾之策也。至校變為言成者明六馬各一廄而王馬小備也。校有左右則良馬一種者四百三十二匹五種合二千一百六十四匹。驚馬三之則為千二百九十六匹。五良一驚凡三千四百五十六匹。然後王馬大備。詩云駉牝三千此謂王馬之大數與麗耦也。驚馬自圍至馭夫凡馬千二十四匹與三良馬之數不相應。八皆宜為六字之誤也。師十二匹趣馬七十二匹則馭夫四百三十二匹矣。然後而三之既三之無僕夫者不駕於五路卑之也。天子十有二閑馬六種邦國

六閑馬四種家四閑馬二種。

降殺之差每廄為一閑諸侯有齊馬道馬田馬大夫有田馬各一閑其駕馬則皆分為三焉。

凡馬特居四之一。

欲其乘之性相似也物同氣則心一鄭司農云四之

一者三。春祭馬祖執駒。

馬祖天駒也孝經說曰房為龍馬鄭司農云執駒無令近母猶攻駒也二歲曰駒三歲曰駉玄謂執駒猶拘也春通淫之時駒弱血氣未定為其乘匹傷之。

夏祭先牧頒馬攻特。

先牧

始養馬者其人未聞夏通淫之後攻其特為其蹄齧不可乘用鄭司農云攻特謂驟之。

秋祭馬社臧僕。

馬社始乘馬者世本作曰相土作乘馬鄭司農云臧僕謂簡練馭者令皆善也玄謂僕馭五路之僕。

冬祭馬步獻馬。

講馭夫。

馬步神為災害馬者獻馬見成馬於王也馭夫馭貳車從車使車者講猶簡習。

凡大祭祀朝覲會同毛馬而頒之。

毛馬齊其色也頒授當乘之。

飾幣馬執扑而從

之。

鄭司農云校人主飾之也幣馬以馬遺人當幣處者也聘禮曰馬則北面奠幣于其前士喪禮下篇曰薦馬纓三就入門北面交轡圉人夾牽之馭者執策立于馬後。

凡賓客受其幣馬。

賓客之幣馬來朝聘而享王者。

大喪飾

遣車之馬及葬埋之。

言埋之則是馬塗車之芻靈。

田獵則帥驅逆之車。

帥猶將也。

凡將事于四海山川則飾黃駒。

四海猶四方也王巡守過大山川則

有殺駒以祈沈禮與玉人職凡國之使者共其幣馬
使者所用私觀凡軍事物馬而頒之物馬齊其力等馭夫之祿馭夫於趣馬僕夫爲中舉中見

上宮中之稍食師圍府史以下也鄭司農云稍食曰稟

趣馬掌贊正良馬而齊其飲食簡其六節贊佐也佐正者謂校人臧僕講馭夫之時簡差也節猶量也差擇王馬以爲六等掌駕說之頒用馬之第次辨四時之

居治以聽馭夫居謂牧圻所處治謂執駒攻特之屬

巫馬掌養疾馬而乘治之相醫而藥攻馬疾受財于校人乘謂驅步以發其疾知所疾處乃治之相助也馬死則使其賈粥之入其布

于校人布泉也鄭司農云賈謂其屬官小吏賈二人粥賣也

牧師掌牧地皆有厲禁而頒之頒馬授圍者所牧處孟春焚牧焚牧地以除陳生新草中春通淫中春陰陽交萬物生之時可以合馬之牝牡也月令季春乃合累牛騰馬遊牝于牧秦時

書也秦地寒涼萬物後動掌其政令凡田事贊焚萊焚萊者山澤之虞

廋人掌十有二閑之政教以阜馬佚特教馱攻駒及祭馬祖祭閑之先牧及執駒散馬耳圉馬九者皆有政教焉阜盛壯

也。詩云：四牡孔阜。杜子春云：佚當為逸。鄭司農云：馬三歲曰駮，二歲曰駒，散讀為中散大夫之散，謂聒馬耳。毋令善驚也。玄謂逸者，用之不使甚勞，安其血氣也。教駮，始乘習之也。攻駒，驟其蹄鬻者，閑之先牧。先牧制閑者，散馬耳。以竹括押其耳，頭動搖則括中物，後遂串習。不復驚。正校人員選。校人謂師圉也。正員選者，選擇可備員者平之。

馬八尺以上為龍，七尺以上為駮，六尺以上為馬。

大小異名。爾雅曰：駮，牝驪。牡，玄駒。裏驂，鄭司農

說以月令曰：駕蒼龍。

圉師掌教圉人養馬。春除蓐，覺廩始牧。夏序馬，冬獻馬。射則充楛質，茨牆則剪鬮。

蓐，馬莖也。馬既出而除之，新覺焉。神之也。春秋傳曰：凡馬

日中而出，日中而入，故書房為訝。鄭司農云：當為屏。玄謂房，廡也。廡所以庇馬涼也。充，猶居也。茨，蓋也。鬮，苦也。楛質，剪鬮。圉人所習也。杜子春讀楛為齊人言鈇楛之楛。楛質所射者習射處。

圉人掌養馬芻牧之事，以役圉師。

役者圉師使令焉。

凡賓客喪紀，牽馬而入陳。

賓客之馬，王所以賜之者。詩云：雖無予之，路車乘馬。喪紀之馬，啓後所薦馬。

馱馬。

亦如之。馱馬，遣車之馬。人捧之，亦牽而入陳。

職方氏掌天下之圖，以掌天下之地，辨其邦國都鄙四夷八蠻七閩九貉五狄六狄之人民，與其財用九

穀六畜之數要，周知其利害。

天下之圖，如今司空輿地圖也。鄭司農云：東方曰夷，南方曰蠻，西方曰狄，北方曰貉狄。玄謂閩，蠻之別也。國語曰：閩，羊蠻矣。四八七九五六周之所服國數也。財用，泉穀貨賄也。利，金錫竹箭之屬。害，神

森鑄鼎所象百物也。爾雅曰：九夷八蠻，六戎五狄，謂之四海。乃辨九州之國，使同貫利。貫事也。東南曰揚州，其山鎮曰會稽，其澤藪曰具區，其川

三江，其浸五湖，其利金錫竹箭，其民二男五女，其畜宜鳥獸，其穀宜稻。鎮名，山安地德者也。會稽在山陰，大澤曰藪，具區五湖在吳南，浸可以為陂，灌漑者錫鐵

也。箭，篠也。鳥獸，孔雀鸞鵠犀象之屬。故書箭為晉，杜子春曰：晉當為箭，書亦或為箭。正南曰荊州，其山鎮曰衡山，其澤藪曰雲薈，其川江漢，其浸潁湛，其利

丹銀齒革，其民一男二女，其畜宜鳥獸，其穀宜稻。衡山在湘南，雲薈在華容，潁出陽城，宜屬豫州，在此非也。湛未聞，齒象齒也。革，犀兕革也。杜子春云：湛讀當為人名湛之湛，湛或為淮。河

南曰豫州，其山鎮曰華山，其澤藪曰圃田，其川滎雒，其浸波澆，其利林漆絲枲，其民二男二女，其畜宜六

擾，其穀宜五種。華山在華陰，圃田在中牟，滎，兗水也。出東垣，入于河，洙為滎，滎在滎陽，波讀為播，禹貢曰：滎播既都，春秋傳曰：楚子除道梁澆，營軍隨則澆宜屬荊州，在此非也。林，竹木也。六擾，馬牛羊豕犬雞五種。黍稷藪麥稻。正東

曰青州，其山鎮曰沂山，其澤藪曰望諸，其川淮泗，其浸沂沭，其利蒲魚，其民二男二女，其畜宜雞狗，其穀

宜稻麥。沂山，沂水所出也。在蓋，望諸，明都也。在睢陽，沭出東莞，二男二女數等似誤也。蓋當與兗州同。二男三女，鄭司農云：淮或為睢，沭或為洙。河東曰兗州，其山鎮曰岱山，其澤藪曰大野，

其川河洙，其浸盧維，其利蒲魚，其民二男三女，其畜宜六擾，其穀宜四種。岱山在博，大野在鉅野，盧維當為雷雍，字之誤也。禹貢曰：雷夏既澤，雍沮會同。

雷夏在城陽四種黍稷稻麥

正西曰雍州其山鎮曰嶽山其澤藪曰弦蒲其川涇汭其浸渭洛其利玉石其民三男二女

其畜宜牛馬其穀宜黍稷

嶽吳嶽也及弦蒲在汧涇出涇陽汭在關地詩大雅公劉曰汭坻之卽洛出懷德鄭司農云弦或爲汧蒲或爲浦

東北曰幽州其山鎮曰醫無閭其

澤藪曰獫狝其川河澆其浸菑時其利魚鹽其民一男三女其畜宜四擾其穀宜三種

醫無閭在遼東獫狝在長廣菑出萊蕪時出般

陽四擾馬牛羊豕三種黍稷稻杜子春讀獫爲奚

河內曰冀州其山鎮曰霍山其澤藪曰楊紆其川漳其浸汾潞其利松柏其民五男

三女其畜宜牛羊其穀宜黍稷

霍山在孫楊紆所在未聞漳出長子汾出汾陽路出歸德

正北曰并州其山鎮曰恒山其澤藪曰昭餘祁其

川庠池嘔夷其浸涑易其利布帛其民二男三女其畜宜五擾其穀宜五種

恆山在上曲陽昭餘祁在鄆庠池在鹵城嘔夷祁夷與出平舒涑出廣昌

易出故安五擾馬牛羊犬豕五種黍稷菽麥稻也凡九州及山鎮澤藪言曰者以其非一曰其大者耳此州界楊荆豫兗雍冀與禹貢略同青州則徐州地也幽并則青冀之北也無徐梁

乃辨九服之邦國方千里曰王

畿其外方五百里曰侯服又其外方五百里曰甸服又其外方五百里曰男服又其外方五百里曰采服

又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服

又其外方五百里曰藩服。

服。服事天子也。詩云。侯服于周。

凡邦國千里封公以方五百里。則四公。方四百里。則六侯。方三百

里。則七伯。方二百里。則二十五子。方百里。則百男。以周知天下。

以此率徧知四海九州邦國多少之數也。方千里者。為方百里者百。以方三百里之積以九約之。得十一

有奇。云七伯者。字之誤也。周九州之界方七千里。七七四十九。方千里者四十九。其一為畿內。餘四十八。九州各有方千里者六。周公變

殷湯之制。雖小國地皆方百里。是每事言則者。設法也。設法者。以待有功而大其封。一州之中。以其千里封公。則可四。又以其千里封侯。

則可六。又以其千里封伯。則可十一。又以其千里封子。則可二十五。又以其千里封男。則可百。公侯伯子男。亦不是過也。州二百一十國。

以男備其數焉。其餘以為附庸。四海之封。黜陟之功。亦如之。雖有大國。爵稱子而已。鄭司農云。此制亦見大司徒職曰。諸公之地。方五百

里。諸侯之地。方四百里。諸伯之地。方三百里。諸子之地。方二百里。諸男之地。方百里。凡邦國小大相維。大國比小國。小國事大國。各有屬。相維連也。王設其牧。選諸侯之賢者。為牧。使牧理之。制其職。各以

其所能。牧。監參伍之屬。制其貢。各以其所有。國之地。物所有。王將巡守。則戒于四方曰。各脩平乃守。攷乃職事。無敢不

敬。戒。國有大刑。乃猶女也。守。謂國竟之內。職事所當共具。及王之所行。先道。帥其屬而巡。戒令。先道。先由王所從道居。前行其前日所戒之令。王殷國。亦如之。殷。猶

衆也。十二歲王若不巡守。則六服盡朝。謂之殷國。其戒四方諸侯。與巡守同。

土方氏。掌土圭之法。以致日景。致日景者。夏至景尺有五寸。冬至景丈三尺。其間則日有長短。以土地相宅而建邦國都鄙。土地。猶度地。知東西南北之深而相其可居者。宅居

也。以辨土宜土化之濃而授任地者。

土宜謂九穀種稗所宜也。土化地之輕重。糞種所宜用也。任地者。載師之屬。

王巡守則樹王舍。

爲之藩羅。

懷方氏掌來遠方之民致方貢致遠物而送逆之達之以節。

遠方之民。四夷之民也。諭德延譽以來之。遠物。九州之外無貢法而至者。達民以旌節。達貢物以壓節。

治

其委積館舍飲食。

續食其往來。

合方氏掌達天下之道路。

津梁相湊。不得陷絕。

通其財利。

茂遷其有無。

同其數器。

權衡不得有輕重。

壹其度量。

尺丈金鍾不得有大小。

除其怨惡。

怨惡邦國。

相侵。同其好善。所好所善。謂風俗所高尚。

訓方氏掌道四方之政事。與其上下之志。

道。猶言也。爲王說之。四方諸侯也。上下君臣也。

誦四方之傳道。

傳道。世世所傳說往古之事也。爲王誦之。若今論聖德堯舜之道矣。故書

傳爲傳。杜子春云。傳當作傳。書亦或爲傳。

正歲則布而訓四方。

布告以教天下。使知世所善惡。

而觀新物。

四時於新物出。則觀之。以知民志所好惡。志淫行辟。則當以政教化正之。

形方氏掌制邦國之地域。而正其封疆。無有華離之地。

杜子春云。離當爲雜。書亦或爲雜。玄謂華離爲瓜。正之使不瓜。邪離絕。

使小國事大國。大

國比小國。

比。猶親也。易比象曰。先王以建萬國。親諸侯。

山師掌山林之名辨其物與其利害而頒之于邦國使致其珍異之物。山林之名與物若岱賦絲枲嶧陽孤桐矣利其中人用者害毒物及螿噬之蟲獸

川師掌川澤之名辨其物與其利害而頒之于邦國使致其珍異之物。川澤之名與物若泗濱浮磬淮夷蠙珠暨魚澤之萑蒲

邊師掌四方之地名辨其丘陵墳衍遠隰之名。地名謂東原大陸之屬物之可以封邑者。物之謂相其土地可以居民立邑

匡人掌達灋則匡邦國而觀其慝使無敢反側以聽王命。法則八法八則也邦國之官府都鄙亦用焉慝姦偽之惡也反側猶背達法度也書曰無反無側王道正直

擇人掌誦王志道國之政事以巡天下之邦國而語之。道猶言也以王之志與政事論說諸侯使不迷惑使萬民和說而正王面。面猶鄉也使民

之心曉而


正鄉王

都司馬掌都之士庶子及其衆庶車馬兵甲之戒令。庶子卿大夫士之子車馬兵甲備軍發卒以國灋掌其政學。政謂賦稅也學脩德學道以聽國

司馬。聽者受行其所徵爲也國家司馬亦如之。大夫家臣爲司馬者春秋傳曰叔孫氏之司馬讓展

司馬大司馬之屬皆是

大夫家臣爲司馬者春秋傳曰叔孫氏之司馬讓展



周禮卷第九

秋官司寇第五

惟王建國辨方正位體國經野設官分職以爲民極乃立秋官司寇使帥其屬而掌邦禁以佐王刑邦國

禁所以防姦者也刑正人之法

孝經說曰刑者例也過出罪施

刑官之屬大司寇卿一人小司寇中大夫二人士師下大夫四人鄉士上十八

人中士十有六人旅下士三十有二人

士察也主察獄訟之事者鄭司農說以論語曰柳下惠爲士師鄉士主六鄉之獄

府六人史十有二人胥十有二

人徒百有二十人

遂士中士十有二人府六人史十有二人胥十有二人徒百有二十人

遂士主六遂之獄者

縣士中士三十有二人府八人史十有六人胥十有六人徒百有六十人

距王城三百里至四百里曰縣縣士主縣之獄者

方士中士十有六人府八人史十有六人胥十有六人徒百有六十人

方士主四方都家之獄者

訝士中士八人。府四人。史八人。胥八人。徒八十人。

訝迎也。士官之迎四方賓客。

朝士中士六人。府三人。史六人。徒六十人。

朝士主外朝之法。

司民中士六人。府三人。史六人。胥三人。徒三十人。

司民主民數。

司刑中士二人。府一人。史二人。胥二人。徒二十人。

司刺下士二人。府一人。史二人。徒四人。

刺殺也。三訊罪定則殺之。

司約下士二人。府一人。史二人。徒四人。

約言語之約束。

司盟下士二人。府一人。史二人。徒四人。

盟以約辭告神。殺牲歃血。明著其信也。曲禮曰。泚牲曰盟。

職金上士二人。下士四人。府二人。史四人。胥八人。徒八十人。

職主也。

司厲下士二人。史一人。徒十有二人。

犯政為惡曰厲。厲士主盜賊之兵器及其奴者。

犬人。下士二人。府一人。史二人。賈四人。徒十有六人。

司圜。中士六人。下士十有二人。府三人。史六人。胥十有六人。徒百有六十人。

鄭司農云。圜。謂圜土也。圜土。謂獄城也。今獄城。圜司。圜職中言。凡圜土之

刑人也。以此知圜。謂圜土也。又大司寇職曰。以圜土。聚教罷民。故司圜職曰。掌收教罷民。

掌囚。下士十有二人。府六人。史十有二人。徒百有二十人。囚。拘也。主拘繫當刑殺之者。

掌戮。下士二人。史一人。徒十有二人。戮。猶辱也。既斬殺。又辱之。

司隸。中士二人。下士十有二人。府五人。史十人。胥二十人。徒二百人。

隸。給勞辱之役者。漢始置司隸。亦使將徒治道溝渠之役。後稍尊之。使主官府及近郡。

罪隸。百有二十人。盜賊之家為奴者。

蠻隸。百有二十人。征南夷所獲。

閩隸。百有二十人。閩。南蠻之別。

夷隸百有二十人。征東夷所獲。

貉隸百有二十人。征東北夷所獲。凡隸衆矣。此其選以爲役員。其餘謂之隸民。

布憲中士二人。下士四人。府二人。史四人。胥四人。徒四十人。憲表也。主表刑禁者。

禁殺戮。下士二人。史一人。徒十有二人。禁殺戮者。禁民不得相殺戮。

禁暴氏。下士六人。史三人。胥六人。徒六十人。

野廬氏。下士六人。胥十有二人。徒百有二十人。廬賓客行道所舍。

蜡氏。下士四人。徒四十人。蜡。骨肉腐臭。蠅蟲所蜡也。月令曰。掩骼埋胔。此官之職也。蜡讀如狙司之狙。

雍氏。下士二人。徒八人。雍。謂隄防止水者也。

萍氏。下士二人。徒八人。鄭司農云。萍讀爲蚘。或爲萍。號起雨之萍。玄謂今天間萍號作萍。爾雅曰。萍。澠。其大者蘋。讀如小子言平之平。萍氏主水禁。萍之草無根而浮。取名於其不沈溺。

司寤氏下士二人徒八人。寤覺也。主夜覺者。

司烜氏下士六人徒十有二人。烜火也。讀如衛侯燬之燬。故書燬爲烜。鄭司農云當爲烜。

條狼氏下士六人胥六人徒六十人。杜子春云條當爲滌器之滌。玄謂滌除也。狼狼扈道上。

脩閭氏下士二人史一人徒十有二人。閭謂里門。

冥氏下士二人徒八人。鄭司農云冥讀爲冥氏春秋之冥。玄謂冥方之冥以繩摩取禽獸之名。

庶氏下士一人徒四人。庶讀如藥煮之煮。驅除毒蟲之言。書不作蟲者字從聲。

宀氏下士一人徒四人。宀搏蟄獸所藏者。

翬氏下士二人徒八人。翬鳥翮也。鄭司農云翬讀爲翹翼之翹。

柞氏下士八人徒二十人。柞除木之名。除木者必先披剝之。鄭司農云柞讀爲音聲暗暗之暗。屋椽之椽。

伊耆氏。下士一人。徒二人。伊耆古王者號始爲蜡以息老物此主王者之齒杖後王識伊耆氏之舊德而以名官與今姓有伊耆氏

大行人。中大夫二人。

小行人。下大夫四人。

司儀。上士八人。中士十有六人。

行夫。下士三十有二人。府四人。史八人。胥八人。徒八十人。行夫主國使之禮

環人。中士四人。史四人。胥四人。徒四十人。環猶圍也主圖賓客任器爲之守衛

象胥。每翟上士一人。中士二人。下士八人。徒二十人。通夷狄之言者曰象胥其有才知者也此類之本名東方曰寄南方曰象西方曰狄韞北方曰譯今總名曰象者周之德先致南方也

掌客。上士二人。下士四人。府一人。史二人。胥二人。徒二十人。

掌訝。中士八人。府二人。史四人。胥四人。徒四十人。訝迎也賓客來主迎之鄭司農云訝讀爲跛者訝跛者之訝

掌交。中士八人。府二人。史四人。徒三十有二人。

主交通結諸侯之好。

掌察。四方中士八人。史四人。徒十有六人。

掌貨賄。下士十有六人。史四人。徒三十有二人。

朝大夫。每國上士二人。下士四人。府一人。史二人。庶子八人。徒二十人。

此王之士也。使主都家之國治而命之朝大夫云。

都則。中士一人。下士二人。府一人。史二人。庶子四人。徒八十人。

都則主都家之八則者也。當言每都如朝大夫及都司馬云。

都士。中士二人。下士四人。府二人。史四人。胥四人。徒四十人。

家士亦如之。

都家之士。主治都家吏民之獄。訟以告方士者也。亦當言每都。

大司寇之職。掌建邦之三典。以佐王刑邦國。詰四方。

典。法也。詰。謹也。書曰。王彙荒度作詳刑。以詰四方。

一曰。刑新國用輕典。

新國者。新辟地立君之國。

用輕法者。為其民未習於教。

二曰。刑平國用中典。

平國。承平守成之國也。用中典者。常行之法。

三曰。刑亂國用重典。

亂國。篡弒叛逆之國。用重典者。以其化惡伐滅之。

以五刑糾

萬民。刑亦法也。糾猶察異之。一曰野刑。上功糾力。功農功。力勤力。二曰軍刑。上命糾守。命將命也。守不失部伍。三曰鄉刑。上德糾孝。德六德也。善父母爲孝。

四曰官刑。上能糾職。能其事也。職職事修理。五曰國刑。上愿糾暴。愿懲慎也。暴當爲恭字之誤也。以圜土聚教罷民。圜土獄城也。聚罷民其中。困苦以教之爲善也。民不愆作。

勢有似於罷。凡害人者。寘之圜土而施職事焉。以明刑恥之。害人謂爲邪惡已有過失。屬於法者。以其不故犯法。寘之圜土。繫教之。庶其困悔而能改也。實置也。施職事以所能役使之。明刑書

其罪惡於大。其能改者。反于中國。不齒三年。反于中國。謂舍之還於故鄉里也。司圜職曰。上罪三年而舍。中罪二年而舍。下罪一年而舍。不齒者。不得以年次列於平民。其不能改而

出圜土者。殺。出謂逃亡。以兩造禁民訟。入束矢於朝。然後聽之。訟謂以財貨相告者。造至也。使訟者兩至。既兩至。使入束矢。乃治之也。不至不入束矢。則是自服不直者也。必入矢者。取其直

也。詩曰。其直如矢。古者一。以兩劑禁民獄。入鈞金三日。乃致于朝。然後聽之。獄謂相告以罪名者。劑。今券書也。使獄者各齎券書。既兩券書。使入鈞金。又三日。乃治之。

重刑也。不券書。不入金。則是亦自服不直者。也。必入金者。取其堅也。三十斤曰鈞。以嘉石平罷民。嘉石。文石也。樹之外朝。門左平成也。成之使善。凡萬民之有罪過而未麗于灋而害

於州里者。桎梏而坐。諸嘉石。役諸司空。重罪。旬有三日坐。莽役。其次。九日坐。九月役。其次。七日坐。七月役。

其次。五日坐。五月役。其下罪。三日坐。三月役。使州里任之。則宥而舍之。有罪過。謂邪惡之人所罪過者也。麗。附也。未附於法。未著於法也。木在足曰桎。在手曰梏。

役諸司空坐日訖使給百工之役也役月
訖使其州里之人任之乃敎之宥寬也

以肺石達窮民

肺石赤石也窮民天
民之窮而無告者

凡遠近惇獨老幼之欲有復於上而其

長弗達者立於肺石三日士聽其辭以告於上而罪其長

無兄弟曰惇無子孫曰獨復猶報也上謂王與六卿也
報之者若上書詣公府言事矣長謂諸侯若鄉遂大夫

正

月之吉始和布刑于邦國都鄙乃縣刑象之灋于象魏使萬民觀刑象挾日而斂之

正月朔日布刑於天
下正歲又縣其書重之

凡

邦之大盟約澁其盟書而登之于天府

澁臨也天府
祖廟之藏

大史內史司會及六官皆受其貳而藏之

六官六卿之
官也貳副也

凡

諸侯之獄訟以邦典定之

邦典六典也以六
典待邦國之治

凡卿大夫之獄訟以邦灋斷之

邦灋八法也以八
法待官府之治

凡庶民之獄訟以

邦成弊之

邦成八成也以官成待萬民之治故書弊為懲鄭司農云懲當為弊
邦成謂若今時決事比也弊之斷其獄訟也故春秋傳曰弊獄邢侯

大祭祀奉犬牲

奉猶
進也

若禋祀五帝則戒之

日澁誓百官戒于百姓

戒之日卜之日也百姓謂府史以下也郊特性曰卜之日王立于澤親
聽誓命受教諫之義也獻命庫門之內戒百官也大廟之內戒百姓也

及納亨前王祭之日亦如

之納亨

致牲
於日月者

凡朝覲會同前王大喪亦如之

大喪所前
或嗣王

大軍旅澁戮于社

社謂社主在軍者也
鄭司農說以書曰用

命賞于祖不用命戮于社

凡邦之大事使其屬蹕

屬士師以下也故書蹕作避杜子春云避
當為辟謂辟除姦人也玄謂蹕止行也

小司寇之職。掌外朝之政。以致萬民而詢焉。一曰詢國危。二曰詢國遷。三曰詢立君。

外朝。朝在雉門之外者也。國危。謂有兵寇之難。國遷。

謂徙都改邑也。立君。謂無冢適選於庶也。鄭司農云。致萬民。聚萬民也。詢。謀也。詩曰。詢于芻蕘。書曰。謀及庶人。

其位。王南鄉。三公及州長。百姓北面。羣臣西面。羣吏東面。

羣臣。卿大

夫士也。羣吏。府史也。其孤不見者。孤從羣臣。卿大夫在公後。

小司寇擯以叙進而問焉。以衆輔志而弊謀。

擯。謂揖之使前也。敘。更也。輔志者。尊王賢明也。

以五刑聽萬民

之獄。訟附于刑。用情訊之。至于旬。乃弊之。讀書。則用灋。

附。猶著也。故書附作付。訊。言也。用情。理言之。冀有可以出之者。十日乃斷之。王制曰。刑者。例也。例者。成也。一成而不可變。故君

子盡心焉。鄭司農云。讀書。則用法。如今時讀鞫已乃論之。

凡命夫命婦不躬坐獄訟。

爲治獄吏。襲尊者也。躬。身也。不身坐者。必使其屬若子弟也。喪服傳曰。命夫者。其男子之爲大夫者。命婦者。其婦人之爲大夫之妻者。春秋傳曰。衛

侯與元。詎。訟。甯。武子爲輔。鍼。嚴子爲坐。士榮爲大理。

凡王之同族有罪不即市。

鄭司農云。刑諸甸師氏。禮記曰。刑于隱者。不與國人慮兄弟。

以五聲聽獄訟。求民情。一曰辭聽。

觀其出言。不直則煩。

二曰色聽。

觀其顏色。不直則赧然。

三曰氣聽。

觀其氣息。不直則喘。

四曰耳聽。

觀其聽聆。不直則惑。

五曰目聽。

觀其眸子。不直則眊然。

刑罰。

辟。法也。杜子春讀麗爲羅。玄謂麗。附也。易曰。日月麗于天。故書附作付。附。猶著也。

一曰議親之辟。

鄭司農云。若今時宗室有罪。先請是也。

二曰議故之辟。

故。謂舊知也。鄭司農云。故。謂舊不遺。則民不偷。

三曰議賢之辟。

鄭司農云。若今時廉吏有罪。先請是也。玄謂賢。有德行者。

四曰議能之辟。

能。謂有道藝者。春秋傳曰。夫謀而鮮過。惠訓不倦者。叔向有焉。社稷之固也。猶將十世宥之。以勸能者。今豈不免其身。以棄社稷不

亦感 五曰議功之辟。謂有大勳力立功者 六曰議貴之辟。鄭司農云若今時吏墨殺有罪先請是也 七曰議勤之辟。謂憔悴以事國 八曰議賓之辟。謂所不臣者三

格二代之後與 以三刺斷庶民獄訟之中。中謂罪正所定 一曰訊羣臣。二曰訊羣吏。三曰訊萬民。刺殺也。三訊罪定則殺之。訊言也。 聽民之所刺

宥。以施上服下服之刑。宥寬也。民言殺殺之言寬寬。之上服劓墨也。下服宮劓也。 及大比。登民數。自生齒以上。登于天府。大比。三年大數民之衆寡也。人生齒而體備男

八月而生齒。女七月而生齒。 內史司會。冢宰貳之。以制國用。人數定而九賦可知國用乃可制耳。 小祭祀。奉犬牲。奉猶進也。 凡禋祀五帝。實饌水。納亨。

亦如之。納亨。致牲也。其實饌水。當以洗解牲體肉。 大賓客。前王而辟。鄭司農云。小司寇為王道辟。除姦人也。若今時執金吾下至令尉奉引矣。 后世子之喪。亦如之。小師。泚鬣。小師。王不自出之師。

凡國之大事。使其屬蹕。屬。士師以下。 孟冬。祀司民。獻民數於王。王拜受之。以圖國用而進退之。司民。星名。謂軒轅角也。小

司寇於祀司民而獻民數於王。重民也。進退猶損益也。國用民衆則益。民寡則損。 歲終。則令羣士計獄弊訟。登中于天府。上其所斷獄訟之數。 正歲。帥其屬而觀刑象。

令以木鐸曰。不用灋者。國有常刑。令羣士。羣士。遂士以下。 乃宣布于四方。憲刑禁。宣。徧也。憲。表也。謂縣之也。刑禁。士師之五禁。 乃命其屬入

會。乃致事。得其屬之計。乃令致之於王。

士師之職。掌國之五禁之灋。以左右刑罰。一曰宮禁。二曰官禁。三曰國禁。四曰野禁。五曰軍禁。皆以木鐸

徇之于朝。書而縣于門閭。左右助也。助刑罰者。助其禁民為非也。宮。王宮也。官。官府也。國。城中也。古之禁書亡矣。今宮門有符籍。官府有無故擅入。城門有離載下帷。野有田律。軍有飄籬夜行之禁。其恠可言者。以五戒

先後刑罰。毋使罪麗于民。一曰誓。用之于軍旅。二曰誥。用之于會同。三曰禁。用諸田役。四曰糾。用諸國中。

五曰憲。用諸都鄙。先後猶左右也。誓。誥於書則甘誓湯誓大誥康誥之屬。禁。則軍禮曰無干車無自後射。此其類也。糾。憲未有聞焉。掌鄉合州黨族閭比之聯。與其民人之什

伍。使之相安相受。以比追胥之事。以施刑罰慶賞。鄉合。鄉所合也。追。追寇也。胥。讀如宿僭之僭。僭。謂司搏盜賊也。掌官中之政令。大司寇之官府中也。察獄

訟之辭。以詔司寇斷獄弊訟。致邦令。詔。司寇若今白聽正法解也。致。邦令者。以法報之。掌士之八成。鄭司農云。八成者。行事有八篇。若今時決事比。一曰邦汙。鄭司農云。汙。謂盜

如酌酒尊中之酌。國酌者。斟酌盜取國家密事。若今時刺探尙書事。二曰邦賊。為逆亂者。三曰邦謀。為異國反間。四曰犯邦令。干冒王教令者。五曰撻邦令。稱詐以有為者。六曰為

邦盜。竊取國之寶藏者。七曰為邦朋。朋黨相阿。使政不平者。故書朋作。儻。鄭司農云。儻。讀為朋友之朋。八曰為邦誣。誣罔君臣。使事失實。若邦凶荒。則以荒辯之灋治之。

鄭司農云。辯。讀為風別之別。救荒之政。十有二。而士師別受其數條。是為荒別之法。玄謂辯當為貶聲之誤也。遵飢荒則刑罰國事有所貶損。作權時法也。朝士職曰。若邦凶荒。札喪寇戎之故。則令邦國都家縣鄙慮刑貶。令移民通財。糾守緩

刑。移民就賤救困也。通財補不足也。
糾守備盜賊也。緩刑紓民心也。

凡以財獄訟者，正之以傅別約劑。

傅別，中別手書也。約劑，各所持券也。故書別為辯。鄭司農云：傅或為符，辯讀為風別之別。若今時市買為券書。

以別之，各得其一。訟則案券以正之。

若祭勝國之社稷，則為之尸。

以刑官為尸，略之也。謂亡殷之社為亳社。

王燕出入，則前驅而辟。

道王且辟行人。

祀五帝，則沃

尸及王盥，泊鑊水。

泊，謂增其沃汁。

凡刳珥，則奉犬牲。

珥，讀為岬，刳，岬，豐禮之事。用牲毛者曰刳，羽者曰岬。

諸侯為賓，則帥其屬而蹕于王宮。

謂諸侯來朝若燕饗。

大喪亦如之。大師帥其屬而禁逆軍旅者，與犯師禁者而戮之。

逆軍旅，反將命也。犯師禁，干行陳也。

歲終，則令正

定計正。

歲帥其屬而憲禁令于國及郊野。

去國百里為郊。郊外謂之野。

鄉士掌國中

鄭司農云：謂國中至百里郊也。玄謂其地則距王城百里內也。言掌國中，此主國中獄也。六鄉之獄在國中。

各掌其鄉之民數而糾戒之。

鄉士八人，言各者。四人而分主三鄉。

聽其

獄訟，察其辭。

察，審也。

辨其獄訟，異其死刑之罪而要之。旬而職聽于朝。

辨異，謂殊其文書也。要之，為其罪法之要辭。如今劾矣。十日乃以職事治之於外朝。容其自反覆。

司寇聽之，斷其獄，弊其訟于朝。羣士司刑皆在，各麗其灋，以議獄訟。

麗，附也。各附致其法以成議也。

獄訟成，士師受中，協日

刑殺，肆之三日。

受中，謂受獄訟之成也。鄭司農云：士師受中，若今二千石受其獄也。中者，刑罰之中也。故論語曰：刑罰不中，則民無所措手足。協日刑殺，協合也。和也。和合支幹善日。若今時望後利日也。肆之三日，故春秋傳曰：三日棄疾，請尸論語。

曰肆諸市朝。玄謂士師既受獄訟之成，鄉士則擇可刑殺之日，至其時而往，泄之尸之三日，乃反也。免猶赦也。期謂鄉士職聽于朝，司寇聽之日。王欲赦之，則用此時親往議之。大祭祀，大喪

紀，大軍旅，大賓客，則各掌其鄉之禁令，帥其屬夾道而蹕。屬，中士以下。三公若有邦事，則為之前驅而辟其喪

亦如之。鄭司農云：鄉士為三公道也。若今時三公出城，郡督郵盜賊道也。凡國有大事，則戮其犯命者。

遂士掌四郊。鄭司農云：謂百里外至三百里也。玄謂其地則距王城百里以外至二百里，言掌四郊者，此主四郊獄也。六途之獄在四郊。各掌其遂之民數而糾其戒令。遂士十二人，言各者二人而分

主一聽其獄訟，察其辭，辨其獄訟，異其死刑之罪而要之。二旬而職聽于朝，司寇聽之，斷其獄，弊其訟于

朝。羣士司刑皆在，各麗其灋，以議獄訟。獄訟成，士師受中，協日就郊而刑殺，各於其遂肆之三日。就郊而刑殺者

遂士也。遂士擇刑殺日，至其時往泄之，如鄉士為之矣。言各於其遂者，四郊六途遂處不同。若欲免之，則王令三公會其期。令猶命也。王欲赦之，則用遂士職聽之時，命三公往議之。若邦有大事

聚衆庶，則各掌其遂之禁令，帥其屬而蹕。大事，王所親也。六卿若有邦事，則為之前驅而辟其喪，亦如之。凡郊有

大事，則戮其犯命者。

縣士掌野

鄭司農云掌三百里至四百里大夫所食管轄須為公族大夫食縣玄謂地距王城二百里以外至三百里曰野三百里以外至四百里曰縣四百里以外至五百里曰都都縣野之地其邑非王子弟公卿大夫之采地則皆公邑也謂之縣縣士掌

其獄焉言掌野者郊外曰野大總言之也獄居近野之縣獄在二百里上縣之縣獄在三百里上都之縣獄在四百里上

各掌其縣之民數糾其戒令而聽其獄訟察其辭辨其獄

訟異其死刑之罪而要之三旬而職聽于朝司寇聽之斷其獄弊其訟于朝羣士司刑皆在各麗其灋以

議獄訟獄訟成士師受中協日刑殺各就其縣肆之三日

刑殺各就其縣者亦謂縣士也

若欲免之則王命六卿會其期

期亦

謂縣士職聽之時

若邦有大役聚衆庶則各掌其縣之禁令若大夫有邦事則為之前驅而辟其喪亦如之凡野

有大事則戮其犯命者

野距王城二百里以外及縣都

方士掌都家

鄭司農云掌四百里至五百里公所食管季氏食於都玄謂都王子弟及公卿之采地家大夫之采地大都在置地小都在縣地家邑在稍地不言掌其民數民不純屬王

聽其獄訟之辭辨其死

刑之罪而要之三月而上獄訟于國

三月乃上要者又變朝言國以其自有君異之

司寇聽其成于朝羣士司刑皆在各麗其灋以議

獄訟

成平也鄭司農說以春秋傳曰晉邢侯與雍子爭鄙田久而無成

獄訟成士師受中書其刑殺之成與其聽獄訟者

都家之吏自協日刑殺但書其成與治獄之吏姓名備反

覆有失實者

凡都家之大事聚衆庶則各掌其方之禁令

方士十六人言各掌其方者四人而主一方也其方以王之事動衆則爲班禁令焉

以時修其縣灋若歲

終則省之而誅賞焉

縣法縣師之職也其職掌邦國都鄙稍甸郊野之地域而辨其夫家人民田萊之數及其六畜車輦之稽方士以四時修此法歲終又省之則與掌民數亦相近

凡都家之士所上治

則主之

都家之士都士家士也所上治者謂獄訟之小事不附罪者也主之告於司寇聽平之

誅士掌四方之獄訟

鄭司農云四方諸侯之獄訟

諭罪刑于邦國

告曉以麗罪及制刑之本意

凡四方之有治於士者造焉

謂讞疑辨事先來詣乃通之於士也

士主謂士師也如今郡國亦

四方有亂獄則往而成之

亂獄謂若君臣宣淫上下相虐者也往而成之猶呂步舒使治淮南獄

邦有賓客則與行人送逆

之入於國則爲之前驅而辟野亦如之居館則帥其屬而爲之蹕誅戮暴客者客出入則道之有治則贊

之

送逆謂始來及去也出入謂朝覲於王時也春秋傳曰晉侯受策以出出入三覲入國入野自以時事

凡邦之大事聚衆庶則讀其誓禁

朝士掌建邦外朝之灋左九棘孤卿大夫位焉羣士在其後右九棘公侯伯子男位焉羣吏在其後面三

槐三公位焉州長衆庶在其後左嘉石平罷民焉右肺石達窮民焉

樹棘以爲位者取其赤心而外刺象以赤心三刺也槐之言懷也懷來人於此欲與之謀羣吏

謂府史也。州長鄉遂之官。鄭司農云。王有五門。外曰臯門。二曰雉門。三曰庫門。四曰應門。五曰路門。路門一曰畢門。外朝在路門外。內朝在路門內。左九棘。右九棘。故易曰。係用徽纆。實于叢棘。玄謂明堂位說魯公宮曰。庫門。天子臯門。雉門。天子應門。言魯用天子之禮。所名曰庫門者。如天子臯門。所名曰雉門者。如天子應門。此名制二兼四。則魯無臯門。應門矣。檀弓曰。魯莊公之喪。既葬而經。不入庫門。言其除喪而反。由外來。是庫門在雉門外必矣。如是。王五門。雉門為中門。雉門設兩觀。與今之宮門同。關人幾出入者。窮民蓋不得入也。郊特牲。譏繹於庫門內。言遠當於廟門。廟在庫門之內。見於此矣。小宗伯職曰。建國之神位。右社稷。左宗廟。然則外朝在庫門之外。臯門之內。與今司徒府有天子以下大會殿。亦古之外朝哉。周天子諸侯皆有三朝。外朝一。內朝二。內朝之在路門內者。或謂之燕朝。

其屬而以鞭呼趨。且辟。趨朝辟行人。執鞭以威之。

禁慢朝錯立族談者。慢朝謂臨朝不肅敬也。錯立族談違其位僭語也。

凡得獲貨賄人民六畜者。委

于朝。告于士。旬而舉之。大者公之。小者庶民私之。

俾而取之曰獲。委於朝十日待來識之者。人民謂刑人奴隸逃亡者。司隸職曰。帥其民而搏盜賊。鄭司農云。若今時得遺物及放失六畜。持詣

鄉亭縣廷。大者公之。大物沒入公家也。小者私之。小物自界也。玄謂人民之小者。未卮七歲以下。

凡士之治有期日。國中一旬。郊二旬。野三旬。都三月。邦國朞。期內

之治聽。期外不聽。

鄭司農云。謂在期內者聽。期外者不聽。若今時徒論決。滿三月不得乞鞫。

凡有責者。有判書以治。則聽。

判。半分而合者。故書判為辨。鄭司農云。謂若今時辭訟有券書者。為治之

辨。讓為別。謂別券也。玄謂古者出責之息。亦如國服與。

凡民同貨財者。令以國瀆行之。犯令者。刑罰之。

鄭司農云。同貨財者。謂合錢共買者也。以國法行之。司市為節以遺之。玄謂同貨財者。富

人畜積者多。時收斂之。乏時以國服之法出之。雖有騰躍。其贏不得過此。以利出者與取者。過此則罰之。若今時加責取息坐臧。

凡屬責者。以其地傅而聽其辭。

鄭司農云。謂訟地畔界者。田地町畔相比屬。故謂之屬責。

以地傳而聽其辭以其比畔爲證也。玄謂屬責轉責使人歸之而本主死亡。凡盜賊軍鄉邑及家人殺之無罪。鄭司農云謂盜賊羣輩若軍共

歸受之數相抵冒者也。以其地之人相比近能爲證者來乃受其辭爲治之。凡報仇讎者書於士殺之無罪。謂同國不相辟者將報之必先言之於士。若邦凶荒札

喪寇戎之故則令邦國都家縣鄙慮刑貶。故書慮爲憲貶爲窆杜子春云窆當爲禁憲謂幅書以明之玄謂慮謀也。貶猶減也謂當圖謀緩刑且減國用爲民困也所貶視時爲多少之法。

司民掌登萬民之數自生齒以上皆書於版辨其國中與其都鄙及其郊野異其男女歲登下其死生。登

也男八月女七月而生齒版今戶籍也下猶去也每歲更著生去死及三年大比以萬民之數詔司寇司寇及孟冬祀司民之日獻其數于王王拜

受之登于天府內史司會冢宰貳之以贊王治。鄭司農云文昌宮三能屬軒轅角相與爲體近文昌爲司命次司中次司祿次司民玄謂司民軒轅角也天府主祖廟之藏者贊佐也三官以貳佐

王治者當以民多少黜陟主民之吏

司刑掌五刑之灋以麗萬民之罪墨罪五百劓罪五百宮罪五百剕罪五百殺罪五百。墨黥也先刻其面以墨望之劓截其鼻也今東

西夷或以墨劓爲俗古刑人亡逃者之世類與宮者丈夫則割其勢女子閉於宮中若今宦男女也剕斷足也周改贖作剕殺死刑也書傳曰決關梁踰城郭而略盜者其刑贖男女不以義交者其刑宮觸易君命革輿服制度姦軌盜攘傷人者其刑劓非事而事之出入不

以道義而誦不詳之辭者其刑墨降畔寇賊劫略奪攘擄虜者其刑死此二千五百罪之目略也其刑書則亡夏刑大辟二百膺辟三百宮辟五百劓墨各千周則變焉所謂刑罰世輕世重者也鄭司農云漢孝文帝十三年除肉刑

若司寇斷獄弊

訟則以五刑之灋詔刑罰而以辨罪之輕重詔刑罰者處其所應不如今律家所署法矣

司刺掌三刺三宥三赦之灋以贊司寇聽獄訟刺殺也訊而有罪則殺之宥寬也赦舍也壹刺曰訊羣臣再刺曰訊羣吏三刺曰

訊萬民訊言壹宥曰不識再宥曰過失三宥曰遺忘鄭司農云不識謂愚民無所識則宥之過失若今律過失殺人坐死玄謂識審也不審若今仇讎當報甲見乙誠以為甲而殺之者過失若

舉刃欲斫伐而軼中人者遺忘若問帷薄忘有在焉而以兵矢投射之壹赦曰幼弱再赦曰老旄三赦曰蠢愚蠢愚生而癡騃童昏者鄭司農云幼弱老旄若今律令年未滿八歲八十以上非手殺人他皆

不坐以此三灋者求民情斷民中而施上服下服之罪然後刑殺上服殺與墨劓下服宮則也司約職曰其不信者服墨刑凡行刑必先規識所刑之處乃後行之

司約掌邦國及萬民之約劑治神之約為上治民之約次之治地之約次之治功之約次之治器之約次

之治摯之約次之此六約者諸侯以下至於民皆有焉劑謂券書也治者理其相抵冒上下之差也神約謂命祀郊社羣望及所祖宗也夔子不祀祝融楚人伐之民約謂征稅遷移仇讎既和若懷宗九姓在管殷民六族七族在魯衛皆是也地

約謂經界所至田萊之比也功約謂王功國功之屬賞爵所及也器約謂禮樂吉凶車服所得用也摯約謂玉帛禽鳥相與往來也凡大約劑書於宗彝小約劑書於丹圖大約劑邦國約也書於宗廟之六彝

欲神監焉。小約劑。萬民約也。丹圖未聞。或有彫器簠簋之屬。有圖象者與。
春秋傳曰。斐豹。隸也。著於丹書。今俗語有鐵券丹書。豈此舊典之遺言。
若有訟者。則珥而辟藏。其不信者服墨刑。鄭司農云。謂有

爭訟罪罰。刑書謬誤不正者。爲之開藏。取本刑書以正之。當開時。先祭之。玄謂訟。訟約。
若宋仲幾薛宰者也。辟藏。開府視約書。不信。不如約也。珥讀曰。齟。謂殺雞取血。聾其戶。
若大亂。則六官辟藏。其不信者殺。大亂。謂有

約。若吳楚之君。晉文公請隧以葬者。六官辟藏。明罪大也。六官初受盟約之貳。

司盟。掌盟載之灋。載。盟辭也。盟者書其辭於策。殺牲取血。坎其牲。加書於上而埋之。謂之載書。春秋傳曰。宋寺人惠牆。伊戾。坎用牲。加書爲世子。埶與楚客盟。凡邦國有疑會同。則掌其盟約

之載。及其禮儀。北面詔明神。既盟。則貳之。有疑不協也。明神之明察者。謂日月山川也。覲禮。加方明于壇上。所以依之也。詔之者。讀其載書以告之也。貳之者。寫副當以授六官。盟萬民之

犯命者。詛其不信者。亦如之。盟詛者。欲相與共惡之也。犯命。犯君教令也。不信。違約者也。春秋傳曰。臧紇。犯門斬關以出。乃盟臧氏。又曰。鄭伯使卒出。緘行出。犬雞。以詛射穎考叔者。凡民之有約劑

者。其貳在司盟。貳之者。檢其自相違約。有獄訟者。則使之盟詛。不信則不敢聽此。盟詛所以省獄訟。凡盟詛。各以其地域之衆庶。共其牲而

致焉。既盟。則爲司盟共祈酒脯。使其邑閭出牲而來。盟已。又使出酒脯。司盟爲之祈明神。使不信者必凶。

職金。掌凡金玉錫石丹青之戒令。青。空。青也。受其入征者。辨其物之嫩惡。與其數量。楬而璽之。入其金錫于爲

兵器之府。入其玉石丹青于守藏之府。

為兵器者。攻金之工六也。守藏者。玉府內府也。鄭司農云。受其入征者。謂主受采金玉錫石丹青者之租稅也。楛而蠶之者。楛書其數量以著其物也。蠶者。印也。既楛書

捕其數量。又以印封之。今時之書有所表識。謂之楛。要。凡數也。入

之於大府。

掌受士之金罰貨罰。入于司兵。

給治兵及工直也。貨。泉貝也。罰。罰贖也。書曰。金作贖刑。

旅于上帝。

則共其金版。饗諸侯。亦如之。

餅金謂之版。此版所施未聞。

凡國有大故而用金石。則掌其令。

主其取之令也。用金石者。作槍雷椎擗之屬。

司厲。掌盜賊之任器貨賄。辨其物。皆有數量。賈而楛之。入于司兵。

鄭司農云。任器貨賄。謂盜賊所用傷人兵器及所盜財物也。入于司兵。若今時傷殺人所用兵器盜

賊。賊加責。沒入縣官。

其奴。男子入于罪隸。女子入于春槩。

鄭司農云。謂坐為盜賊而為奴者。輸於罪隸。春人槩人之官也。由是觀之。今之為奴婢。古之罪人也。故書曰。予則奴戮女。論語曰。箕子為之奴。罪隸之奴也。故

春秋傳曰。斐豹。隸也。著於丹書。請焚丹書。我殺督戎。耻為奴。欲焚其籍也。玄謂奴。從坐而沒入縣官者。男女同名。

凡有爵者。與七十者。與未亂者。皆不為奴。

有爵。謂命士以上也。亂。毀齒也。男八歲。女七歲

而毀齒。

犬人。掌犬牲。凡祭祀。共犬牲。用怪物。伏瘞。亦如之。

鄭司農云。牲。純也。物。色也。伏。謂伏犬以王車轅之瘞。謂埋祭也。爾雅曰。祭地曰瘞埋。

凡幾珥沈辜。用騂可

也。故書。騂作龍。鄭司農云。幾。讀為殿。爾雅曰。祭山曰殿。縣。祭川曰浮。沈。大宗伯職曰。以埋沈祭山川。林澤以罷辜。祭四方百物。龍。讀為騂。謂不純色也。玄謂幾。讀為劓。珥。當為珥。劓。珥者。豐禮之事。

凡相犬牽犬者。屬焉。掌其

政治。相謂視擇。知其善惡。

司圜。掌收教罷民。凡害人者。弗使冠飾。而加明刑焉。任之以事。而收教之。能改者。上罪三年而舍。中罪二

年而舍。下罪一年而舍。其不能改。而出圜土者。殺。雖出。三年不齒。

弗使冠飾者。著黑幘。若古之象刑與。舍。釋之也。鄭司農云。罷民。謂惡人不從化。為百姓所患苦。而未

入五刑者也。故曰。凡害人者。不使冠飾。任之以事。若今時罰作矣。

凡圜土之刑人也。不虧體。其罰人也。不虧財。

言其刑人。但加以明刑。罰人。但任之以事耳。鄭司農云。以此知其為民所苦。而未入刑者

也。故大司寇職曰。凡萬民之有罪過。而未麗於法。而害於州里者。桎梏而坐諸嘉石。役諸司空。又曰。以嘉石平罷民。國語曰。罷士無伍。罷女無家。言為惡無所容入也。玄謂圜土所收教者。過失害人。已麗於法者。

掌囚。掌守盜賊。凡囚者。上罪桎梏而桎。中罪桎梏。下罪桎。王之同族。羣。有爵者。桎。以待斃罪。

凡囚者。謂非盜賊。自以他罪拘

者也。鄭司農云。羣者。兩手共一木也。桎梏者。兩手各一木也。玄謂在手曰桎。在足曰梏。中罪不羣。手足各一木耳。下罪又去桎。王同族及命士以上。雖有上罪。或羣。或桎。而已。斃。猶斷也。

及刑殺。告刑于王。奉而適朝士。加

明梏。以適士。而刑殺之。

告刑于王。告王以今日當行刑及所刑姓名也。其死罪。則曰某之罪在大辟。其刑罪。則曰某之罪在小辟。奉而適朝者。重刑。為王欲有所赦。且當以付士。士。鄉士者。鄉士加明梏者。謂書其姓名及其罪於梏。而著

之也。囚時雖有無梏者。至於刑殺。皆設之。以適市就衆也。庶姓無爵者。皆刑殺於市。

凡有爵者。與王之同族。奉而適甸師氏。以待刑殺。

適甸師氏。亦由朝乃往也。待刑殺者。掌戮將自市來也。文

王世子曰雖親不以犯有司正術也所以體異姓也刑于隱者不與國人慮兄弟也

掌戮掌斬殺賊諜而搏之

斬以鉄鉞若今要斬也殺以刀刃若今棄市也諜謂姦寇反問者賊與諜罪大者斬之小者殺之搏當爲膊諸城上之膊字之誤也膊謂去衣磔之

凡殺其親者焚之殺

王之親者辜之

親總服以內也焚燒也易曰焚如死如棄如辜之言枯也謂磔之

凡殺人者踣諸市肆之三日刑盜于市

踣僵尸也肆猶申也陳也凡言刑盜罪惡莫大焉

罪之麗於灋者亦如之唯王之同族與有爵者殺之于甸師氏

罪二千五百條上附下附刑五而已於刑同科者其刑殺之一也

凡軍旅田役斬

殺刑戮亦如之

戮謂膊焚辜肆

墨者使守門

黥者無妨於禁御

劓者使守關

截鼻亦無妨以貌醜遠之

宮者使守內

以其人道絕也今世或然

劓者使守圜

斷足驅衛禽獸無急行

髡者使守積

鄭司農云髡當作完謂但居作三年不虧體者也玄謂此出五刑之中而髡者必王之同族不宮者宮之爲翦其類髡頭而已守積積在隱者宜也

司隸掌五隸之灋辨其物而掌其政令

五隸謂罪隸四翟之隸也物衣服兵器之屬

帥其民而搏盜賊役國中之辱事爲百官積任

器凡囚執人之事

民五隸之民也鄭司農云百官所當任持之器物此官主爲積聚之也玄謂任猶用也

邦有祭祀賓客喪紀之事則役其煩辱之事

煩猶劓也士喪

禮下篇曰隸人涅廁

掌帥四翟之隸使之皆服其邦之服執其邦之兵守王宮與野舍之厲禁

野舍王行所止舍也厲遮例也

罪隸。掌役百官府與凡有守者。掌使令之小事。役給其小役。凡封國若家。牛助爲牽傍。鄭司農云。凡封國若家。謂建諸侯。立大夫家也。牛助爲牽傍。此

官主爲送致之也。玄謂牛助。國以牛助轉徙也。罪隸牽傍之。在前曰牽。在旁曰傍。其守王宮與其厲禁者。如蠻隸之事。

蠻隸。掌役校人養馬。其在王宮者。執其國之兵以守王宮。在野外。則守厲禁。

閩隸。掌役畜養鳥而阜蕃。教擾之。掌子則取隸焉。杜子春云。子當爲祀。玄謂掌子者。王立世子。置臣使掌其家事。而以閩隸役之。

夷隸。掌役牧人養牛馬。與鳥言。鄭司農云。夷狄之人。或曉鳥獸之言。故春秋傳曰。介葛盧聞牛鳴。曰。是生三犧。皆用矣。是以貉隸職掌與獸言。其守王宮者。與其守厲禁者。如

蠻隸之事。

貉隸。掌役服不氏而養獸而教擾之。掌與獸言。不言阜蕃者。猛獸不可服。又不生乳於圈檻也。其守王宮者。與其守厲禁者。如蠻隸之

事。



周禮卷第十

秋官司寇下

布憲掌憲邦之刑禁。正月之吉，執旌節以宣布于四方。而憲邦之刑禁，以詰四方邦國及其都鄙，達于四

海。憲表也。謂縣之也。刑禁者，國之五禁。所以左右刑罰者。司寇正月布刑于天下。正歲又縣其書于象魏。布憲于司寇布刑，則以旌節出。宣令之於司寇縣書，則亦縣之于門閭及都鄙邦國。刑者王政所重，故屢丁寧焉。詰謹也。使四方謹行之。爾雅曰：九夷八蠻，六戎五狄。

謂之四海。凡邦之大事合衆庶，則以刑禁號令。

禁殺戮，掌司斬殺戮者。凡傷人見血而不以告者，攘獄者，遏訟者，以告而誅之。

司，猶察也。察此四者，告於司寇罪之也。斬殺戮，謂吏民相斬相殺相

戮者，傷人見血見血乃爲傷人耳。鄭司農云：攘獄者，距當獄者也。遏訟者，遏止欲訟者也。玄謂攘，猶卻也。卻獄者，言不受也。

禁暴氏，掌禁庶民之亂暴力正者，播誣犯禁者，作言語而不信者，以告而誅之。

民之好爲侵陵，稱詐，謾誕，此三者亦刑所禁也。力正，以力強得正也。

凡國聚衆庶，則戮其犯禁者以徇。凡奚隸聚而出入者，則司牧之，戮其犯禁者。

奚隸，女奴男奴也。其聚出入有所使。

野廬氏掌達國道路至于四畿

達謂巡行通之使不陷絕也去王城五百里曰畿

比國郊及野之道路宿息井樹

比猶校也宿息廬之屬賓客所宿及晝止者也井共

飲食樹為蕃蔽

若有賓客則令守涂地之人聚櫜之有相翔者誅之

守涂地之人道所出廬宿旁民也相翔猶昌翔觀伺者也鄭司農云聚櫜之聚擊櫜以宿衛之也有姦人相翔於賓客之

側則誅之不得令寇盜賓客

凡道路之舟車擊互者叙而行之

舟車擊互謂於迫隘處也車有輶轅坻閣舟有砥柱之屬其過之者使以次敘之

凡有節者及有爵者至則

為之辟

辟辟行人亦使守涂地者

禁野之橫行徑踰者

皆為防姦也橫行妄由田中徑踰射邪趨疾越隄渠也

凡國之大事比脩除道路者

比校治道者名若今次金敘大功

掌凡道禁

禁謂若今絕蒙大巾持兵杖之屬

邦之大師則令埽道路且以幾禁行作不時者不物者

不時謂不夙則莫者也不物謂衣服操持非比常人也幾禁之

者備姦人內賊及反間

蜡氏掌除骹

曲禮四足死者曰漬故書骹作脊鄭司農云脊讀為漬謂死人骨也月令曰掩骼埋胔骨之尚有肉者也及禽獸之骨皆是

凡國之大祭祀令州里除不蠲禁刑者任

人及凶服者以及郊野大師大賓客亦如之

蠲讀如吉圭惟饋之圭圭絮也刑者黥劓之屬任人司圜所收教罷民也凶服服衰經也此所禁除者皆為不欲見人所藏惡也

若有死

於道路者則令埋而置楬焉書其日月焉縣其衣服任器于有地之官以待其人

有地之官主此地之吏也其人其家人也鄭司農云楬欲

令其識取之。今時楊墾是也。有地之官有部界之吏。今時鄉亭是也。**掌凡國之醜禁。**禁謂孟春掩骼埋胔之屬。

雍氏掌溝瀆滄池之禁。凡害於國稼者。春令為阱獲溝瀆之利於民者。秋令塞阱杜獲。溝瀆滄池。田間通水者也。池謂陂障之水道也。害

於國稼。謂水潦及禽獸也。阱。穿地為壘。所以禦禽獸。其或超踰則陷焉。世謂之陷阱。獲。柞鄂也。墾地阱淺。則設柞鄂於其中。秋而杜塞阱獲。收刈之時。為其陷害人也。書萊誓曰。斂乃獲。斂乃阱。時秋也。伯禽以出師征徐戎。

者。為其就禽獸魚蟹自然之居而害之。鄭司農云。不得擅為苑囿於山也。澤之沈者。謂毒魚及水蟲之屬。

萍氏掌國之水禁。水禁。謂水中害人之處。及入水捕魚蟹不時。**幾酒。**苛察沽買過多及非時者。**謹酒。**使民節用酒也。書酒誥曰。有政有事無夷酒。**禁川游者。**備波洋卒至沈溺也。

司寤氏掌夜時。夜時。謂夜晚早。若今甲乙至戊。**以星分夜。以詔夜士夜禁。**夜士。主行夜徼候者。如今都候之屬。**禦晨行者。禁宵行者。夜遊者。**備其遺寇害及謀非

公事。禦亦禁也。謂遏止之。無刑法也。晨。先明也。宵。定昏也。書曰。宵中星虛。春秋傳曰。夜中星隕如雨。

司烜氏掌以夫遂取明火於日。以鑿取明水於月。以共祭祀之明齋。明燭。共明水。夫遂。陽遂也。鑿。鏡屬。取水者。世謂之方諸。取日之火。月之

水。欲得陰陽之絮氣也。明燭。以照饌。陳明水以為玄酒。鄭司農云。夫。發聲。明。齋。謂以明水滌滌。棗。盛黍稷。凡邦之大事。共墳燭庭燎。故書墳為賁。鄭司農云。賁。燭。麻燭也。玄。謂墳。大也。樹於門外曰大燭。於門內曰庭燎。皆所以照眾為

明中春以木鐸修火禁于國中。為季春將出火也。火禁。謂用火之處及備風燥。軍旅修火禁。邦若屋誅。則為明竊焉。鄭司農云。屋誅。謂夷三族無親屬收葬者。故為

葬之也。三夫為屋。一家田為一夫。以此知三家也。玄謂屋讀如其刑。國之國。誅。謂所殺不於市而以適甸師氏者也。明竊。若今檣頭明書其罪法也。司烜掌明竊。則罪人夜葬與。

條狼氏掌執鞭以趨辟。王出入則八人夾道。公則六人。侯伯則四人。子男則二人。趨辟。趨而辟行人。若今卒辟車之為也。孔子曰。富而可求。

雖執鞭之士。吾亦為之言士之賤也。

凡誓。執鞭以趨於前。且命之。誓僕右曰殺。誓馭曰車轡。誓大夫曰。敢不關。鞭五百。誓師曰

三百。誓邦之大史曰殺。誓小史曰墨。前謂所誓衆之行前也。有司讀誓辭。則大言其刑以警所誓也。誓者。謂出軍及將祭祀時也。出軍之誓。誓左右及馭。則書之甘誓備矣。郊特性說祭祀之誓曰。卜之日。王立于澤。親

聽誓命。受教諫之義也。車轡。謂車裂也。師。樂師也。大史小史。主禮事者。鄭司農云。誓大夫曰。敢不關。謂不關於君也。玄謂大夫自受命以出。則其餘事莫不復請。

脩閭氏掌比國中宿互。檣者與其國粥。而比其追胥者而賞罰之。國中城中也。粥。養也。國所游養。謂羨卒也。追。逐寇也。胥。讀為偁。故書互為巨。鄭司農云。宿。謂宿衛也。

巨當為互。謂行馬。所以障互。禁止人也。檣。謂行夜擊檣。禁徑踰者。與以兵革趨行者。與馳騁於國中者。皆為其感衆。邦有故。則令守其閭互。唯執

節者不幾。令者。令其閭內之閭胥里宰之屬。

冥氏掌設弧張。弧張，罝罽之屬。所以扇絹禽獸。爲阱獲以攻猛獸，以靈鼓毆之。靈鼓，六面鼓。敲之使驚趨阱獲。若得其獸，則獻其皮革齒須備。

鄭司農云：須，直謂頤下須，備謂攝也。

庶氏掌除毒蠱，以攻說禴之嘉草，攻之。毒蠱，蟲物而病害人者。賊律曰：敢蠱人及教令者，棄市。攻說，祈名。祈其神求去之也。嘉草，藥物，其狀未聞。攻之謂燼之。鄭司農云：禴，除也。玄謂此禴讀如潰癰之潰。凡

毆蠱，則令之比之。使爲之，又校次之。

宄氏掌攻蟄獸，各以其物火之。蟄獸，熊羆之屬，冬藏者也。將攻之，必先燒其所食之物於宄外，以誘出之，乃可得之。以時獻其珍異皮革。

翬氏掌攻猛鳥，各以其物爲媒而掎之。猛鳥，鷹隼之屬，置其所食之物於絹中，鳥來下，則掎其腳。以時獻其羽翮。

柞氏掌攻草木及林麓。林人所養者，山足曰麓。夏日至，令刊陽木而火之；冬日至，令剝陰木而水之。刊，剝。互言耳，皆謂斫去次地之皮。生山南爲陽

木，生山北爲陰木。火之，水之，則使其肄不生。若欲其化也，則春秋變其水火。化，猶生也。謂時以種穀也。變其水火者，乃所火則水之，所水則火之，則其土和美。凡攻木者，掌其政令。

除木有時。

雍氏掌殺草春始生而萌之夏日至而夷之秋繩而芟之冬日至而耜之

故書萌作甕杜子春云甕當為萌謂耕反其萌牙書亦或為萌玄謂萌之者以

茲其斫其生者夷之以鉤鎌迫地芟之也若今取芟矣含實曰繩芟其繩則實不成孰耜之以耜測凍土剗之以熱湯是其

若欲其化也則以水火變之

謂以火燒其所芟萌之草已而水之則其土亦和美矣月令季夏燒雍行水利以殺草如

一時著之 掌凡殺草之政令

翫族氏掌覆天鳥之巢

覆猶毀也天鳥惡鳴之鳥若鷓鴣

以方書十日之號十有二辰之號十有二月之號十有二歲之號

二十有八星之號縣其巢上則去之

方版也日謂從甲至癸辰謂從子至亥月謂從厥至荼歲謂從攝提格至赤奮若星謂從角至軫天鳥見此五者而去其詳未聞

翦氏掌除蠹物以攻癘攻之以莽草熏之

蠹物穿食人器物者蟲魚亦是也攻癘祈名莽草藥物殺蟲者以熏之則死故書蠹為藥杜子春云藥當為蠹

凡庶蠱之事

庶除毒蠱者蠱

蠱之類或熏以莽草則去

赤友氏掌除牆屋以蜃炭攻之以灰洒毒之

洒灑也除牆屋者除蟲豸藏逃其中者蜃大蛤也搆其炭以坩之則走淳之以灑之則死故書蜃為晨鄭司農云晨當為蜃書亦或為蜃

凡隙屋

除其狸蟲

狸蟲廣肌蚘之屬

嫫氏掌去鼃黽。焚牡蕪，以灰洒之，則死。牡蕪，蕪不華者，齊魯之間，謂鼃爲嫫，黽，耿也。嫫與耿，鼃尤怒鳴爲聒人耳去之。以其煙被之，則凡水蟲無聲。杜子春云。

假令風從東方來，則於水東面爲煙，令煙西行，被之水上。

壺涿氏掌除水蟲，以炮土之鼓，敲之，以焚石投之。水蟲，狐蟻之屬，故書炮作泡。杜子春讀炮爲苞，有苦葉之苞，玄謂燔之炮之炮，炮土之鼓，瓦鼓也。焚石投之，使驚去。若欲殺其

神，則以牡槀午貫象齒而沈之，則其神死。淵爲陵。神，謂水神龍罔象，故書槀爲梓，午爲五。杜子春云，梓當爲樺，樺讀爲枯，枯榆木名，書或爲樗，又云，五貫當爲午貫。

庭氏掌躬國中之天鳥，若不見其鳥獸，則以救日之弓與救月之矢夜射之。不見鳥獸，謂夜來鳴呼爲怪者，獸，狐狼之屬。鄭司農云，救日之弓，救月之

矢，謂日月食所作弓矢。玄謂日月之食，陰陽相勝之變也。於日食則射大陰，月食則射大陽。與，若神也。則以大陰之弓與枉矢射之。
神，謂非鳥獸之聲，若或叫于宋大廟，譖譖出出者，大陰之弓，救月之弓，枉矢，救日之

矢，與，不言救月之弓與救日之矢者，互言之。救日用枉矢，則救月以恆矢，可知也。

銜枚氏掌司蹻。察譟謹者爲其聒，蹻，在朝者之言語。國之大祭祀，令禁無蹻。令，令主祭祀者。軍旅田役，令銜枚。爲其言語，以相誤。禁詭呼歎鳴于國

中者，行歌哭于國中之道者。爲其感衆相感動，嗚吟也。

伊耆氏掌國之大祭祀共其杖咸

咸讀爲函老臣雖杖於朝事鬼神尙敬去之有司以此函藏之既事乃授之

軍旅授有爵者杖

別吏卒且以扶尊者將軍杖鉞

共王之

齒杖

王之所以賜老者之杖鄭司農云謂年七十當以王命授杖者今時亦命之爲王杖玄謂王制曰五十杖於家六十杖於鄉七十杖於國八十杖於朝

大行人掌大賓之禮及大客之儀以親諸侯

大賓要服以內諸侯大客謂其孤卿

春朝諸侯而圖天下之事秋覲以比邦國之

功夏宗以陳天下之謨冬遇以協諸侯之慮時會以發四方之禁殷同以施天下之政

此六事者以王見諸侯爲文圖比陳協皆考績

之言王者春見諸侯則圖其事之可否秋見諸侯則比其功之高下夏見諸侯則陳其謀之是非冬見諸侯則合其慮之異同六服以其朝歲四時分來更迭如此而徧時會即時見也無常期諸侯有不順服者王將有征討之事則既朝王命爲壇於國外合諸侯而發禁命事焉禁謂九伐之法殷同即殷見也王十二歲一巡守若不巡守則殷同殷同者六服盡朝既朝王亦命爲壇於國外合諸侯而命其政謂邦國之九法殷同四方四時分來歲終則徧矣九伐九法皆在司馬職司馬法曰春以禮朝諸侯圖同事夏以禮宗諸侯陳同謀秋以禮覲諸侯比同功冬以禮遇諸侯圖同慮時

時聘以結諸侯之好殷覲以除邦國之慝

此二事者亦以王見諸侯之臣使來者爲文也時聘者亦無常期天

子有事諸侯使大夫來聘親以禮見之禮而遣之所以結其恩好也天子無事則已殷覲謂一服朝之歲也

閒問以諭諸侯之志

歸賑以交諸侯之福賀慶以贊諸侯之喜致禮以補諸侯之戕

此四者王使臣於諸侯之禮也問問者問歲一問諸侯謂存省之屬諭諸侯之志者諭言語諭書名其類也交

或來或往者也。贊助也。致禴凶禮之弔禮禴禮也。補諸侯裁者。若春秋澧淵之會。謀歸宋財。

以九儀辨諸侯之命。等諸臣之爵。以同邦國之禮。而待其賓客。

九儀謂命

者五。公侯伯子男也。爵者四。孤卿大夫士也。

上公之禮。執桓圭九寸。纁藉九寸。冕服九章。建常九旒。樊纓九就。貳車九乘。介九人。禮

九牢。其朝位。賓主之間九十步。立當車軹。擯者五人。廟中將幣三享。王禮再裸而酢。饗禮九獻。食禮九舉。

出入五積。三問三勞。諸侯之禮。執信圭七寸。纁藉七寸。冕服七章。建常七旒。樊纓七就。貳車七乘。介七人。

禮七牢。朝位。賓主之間七十步。立當前疾。擯者四人。廟中將幣三享。王禮壹裸而酢。饗禮七獻。食禮七舉。

出入四積。再問再勞。諸伯執躬圭。其他皆如諸侯之禮。諸子執穀璧五寸。纁藉五寸。冕服五章。建常五旒。

樊纓五就。貳車五乘。介五人。禮五牢。朝位。賓主之間五十步。立當車衡。擯者三人。廟中將幣三享。王禮壹

裸。不酢。饗禮五獻。食禮五舉。出入三積。壹問壹勞。諸男執蒲璧。其他皆如諸子之禮。

纁藉以五采韋衣板。若奠玉。則以藉之。冕服著冕所

服之衣也。九章者。自山龍以下。七章者。自華蟲以下。五章者。自宗彝以下也。常。旌旗也。旒。其屬。垂者也。樊纓。馬飾也。以屬飾之。每一處五采備爲一就。就。成也。貳。副也。介。輔。已行禮者也。禮。大禮。饗。饋也。三牲備爲一牢。朝位。謂大門外。賓下車及王車出迎所立處也。王始立

大門內交擯三辭。乃乘車而迎之。齊僕爲之節。上公立當軹。侯伯立當疾。子男立當衡。王立當軫。與廟受命祖之廟也。饗設盛禮以飲賓也。問不恙也。勞謂苦倦之也。皆有禮以幣致之。故書裸作果。鄭司農云。車軹軹也。三享三獻也。裸讀爲灌。再灌。再飲公也。而酢報飲王也。舉樂也。出入五積。謂饋之芻米也。前疾。謂驅馬車轅前。胡下垂柱地者。玄謂三享皆束帛加璧。庭實惟國所有。朝士儀曰。奉國地所出重物而獻之。明臣職也。朝先享。不言朝者。朝正禮不嫌有等也。王禮。王以鬱鬯禮賓也。鬱人職曰。凡祭祀賓客之裸事。和鬱鬯以實彝而陳之。禮者。使宗伯攝酌圭瓚而裸。王既拜送爵。又攝酌璋瓚而裸。后又拜送爵。是謂再裸。再裸。賓乃酢玉也。禮侯伯一裸而酢者。裸賓。賓酢王而已。后不裸也。禮子男一裸不酢者。裸賓而已。不酢王也。不酢之禮。聘禮禮賓是與。九舉。舉牲體九飯也。出入。謂從來訖去也。每積有牢。禮米禾芻薪。凡數不同者。皆降殺。

相以酒禮之。其他皆眡小國之君。

此以君命來聘者也。孤尊。既聘享。更自以其贊見。執束帛而已。豹皮表之爲飾。繼小國之君。言次之也。朝聘之禮。每一國畢。乃前不交擯者。不使介傳辭交于王之擯。親自對擯者也。廟

中無相。介皆入門。西上而立。不前相禮者。聘之介是與。以酒禮之。酒。謂齊酒也。和之不用鬱鬯耳。其他。謂貳車及介。牢禮賓主之間。擯者。將幣。裸。酢。饗。食之數。

凡諸侯之卿。其禮各下其君二等。以下及其

大夫士。皆如之。

此亦以君命來聘者也。所下其君者。介與朝位賓主之間也。其餘則自以其爵。聘義曰。上公七介。侯伯五介。子男三介。是謂使卿之聘之數也。朝位則上公七十步。侯伯五十步。子男三十步與。

邦畿方千里。

其外方五百里。謂之侯服。歲壹見。其貢祀物。又其外方五百里。謂之甸服。二歲壹見。其貢嬪物。又其外方

五百里。謂之男服。三歲壹見。其貢器物。又其外方五百里。謂之采服。四歲壹見。其貢服物。又其外方五百

里。謂之衛服。五歲壹見。其貢材物。又其外方五百里。謂之要服。六歲壹見。其貢貨物。要服。蠻服也。此六服去王城三千五百里。相距方七

千里。公侯伯子男封焉。其朝貢之歲。四方各四分。趨四時而來。或朝春。或宗夏。或覲秋。或過冬。祀貢者。犧牲之屬。故書嬪作類。鄭司農云。嬪。物婦人所為物也。爾雅曰。嬪。婦也。玄。謂嬪物。絲枲也。器物。尊彝之屬。服物。玄纁。絺繡也。材物。八材也。貨物。龜貝也。

九州之

外。謂之蕃國。世壹見。各以其所貴寶為犖。九州之外。夷服。鎮服。蕃服也。曲禮曰。其在東夷北狄西戎南蠻。雖大曰子。春秋傳曰。杞伯也。以夷禮。故曰子。然則九州之外。其君皆子男也。無朝貢之歲。父死子立。

及嗣王即位。乃一來耳。各以其所貴寶為贄。則蕃國之君。無執玉瑞者。是以謂其君為小賓。臣為小客。所貴寶見傳者。若犬戎獻白狼白鹿是也。其餘則周書王會備焉。

王之所以撫邦國諸侯者。歲徧存。三歲徧覲。五歲徧省。七歲屬象胥。諭言語。協辭命。九歲屬瞽史。諭書名。聽聲音。十有一歲。達瑞節。同度量。成牢

禮。同數器。修灋則。十有二歲。王巡守。殷國。撫。猶安也。存。覲省者。王使臣於諸侯之禮。所謂問問也。歲者。巡守之明歲。以為始也。屬。猶聚也。自五歲之後。遂問歲徧省也。七歲省而召其象胥。九歲省而召其瞽

史。皆聚於天子之宮。教習之也。故書協辭命。作叶詞命。鄭司農云。象胥。譯官也。叶當為汁。詞當為辭。書或為叶辭命。玄謂胥讀為謂。王制曰。五方之民。言語不通。書欲不同。達其志。通其愆。東方曰寄。南方曰象。西方曰狄。鞮。北方曰譯。此官正為象者。周始有越重譯而來獻。是

因通言語之官為象胥云。謂象之有才知者也。辭命。六辭之命也。瞽。樂師也。史。大史小史也。書名。書之字也。古曰名。聘禮曰。百名以上。至十一歲。又徧省焉。度。丈尺也。量。豆區釜也。數器。銜銜也。法。八法也。則。八則也。達。同成。修。皆謂齋其法式。行至則齊等之也。成。平也。平。其

僭踰者也。王巡守。諸侯會者。各以其時之方。書曰。遂覲。東后是也。其殷國。則四方四時分來。如平時。

凡諸侯之王事。辨其位。正其等。協其禮。賓而見之。王事。以王之事來也。詩云。莫敢不來王孟

周禮 卷十 二六三

子曰諸若有大喪則詔相諸侯之禮詔相左右若有四方之大事則受其幣聽其辭四方之大事謂國有兵寇諸侯來告急者禮動不虛皆有贊幣

以崇敬也受之以其事入告王也聘禮曰若有言則以束帛如享禮凡諸侯之邦交歲相問也殷相聘也世相朝也小聘曰問殷中也久無事又於殷朝者及而相聘也父死子立曰世凡君即位

大國朝焉小國聘焉此皆所以習禮考義正刑一德以尊天子也必擇有道之國而就修之鄭司農說殷聘以春秋傳曰孟僖子如齊股聘禮也

小行人掌邦國賓客之禮籍以待四方之使者禮籍名位尊卑之書使者諸侯之臣使來者也令諸侯春入貢秋獻功王親受之各以

其國之籍禮之貢六服所貢也功考績之功也秋獻之若今計文書斷於九月其舊法凡諸侯入王則逆勞于畿鄭司農云入王朝於王也故春秋傳曰宋公不王又曰諸侯有王王有巡守及

郊勞既館將幣為承而擯視館致館也承猶丞也王使勞賓於郊致館於賓至將幣使宗伯為上擯皆為之丞而擯之凡四方之使者大客則擯小客則受其幣

而聽其辭擯者擯而見之王使得親言也受其幣者受之以入告其所為來之事使適四方協九儀賓客之禮朝覲宗遇會同君之禮也存覲省聘

問臣之禮也適之也達天下之六節山國用虎節土國用人節澤國用龍節皆以金為之道路用旌節門

關用符節都鄙用管節皆以竹為之此謂邦國之節也達之者使之四方亦皆齋法式以齊等之也諸侯使臣行規聘則以金節授之以為行道之信也虎人龍者自其國象也道路謂鄉達大夫也都鄙者公之子弟

及卿大夫之采地之吏也。凡邦國之民遷出至他邦，他邦之民若來入，由國門者，門人爲之節，由闕者，闕人爲之節，其以徽令及家徒，鄉遂大夫及采地吏爲之節，皆使人執節，將之以達之，亦有期以反節，管節如今之竹使符也，其有商者，通之以符節，如門闕，門闕者與市連事，節可同也，亦所以異於畿內也。凡節有天子法式存於國。

成六瑞。王用璜圭，公用桓圭，侯用信圭，伯用躬圭，子用穀璧，男用蒲璧。成平也。瑞，信也。皆朝見所執以爲信。

合六幣。圭以馬，璋以皮，璧以帛，琮以錦，琥以黼，璜以黼。此六物者，以和諸侯之好故。合同也。六幣所以享用璧，享后用琮，其大各如其瑞，皆有庭實，以馬若皮，皮，虎豹皮也。用圭璋者，二王之後也。二王後尊，故享用圭璋而特之。禮器曰圭璋，特義亦通於此。其於諸侯亦用璧琮耳。子男於諸侯則享用琥璜，下其瑞也。凡二王後諸侯相享之玉，大小各降其瑞一等，及使卿大夫聘，亦如之。

若國札喪，則令賻補之。若國凶荒，則令調委之。若國師役，則令槁贈之。若國有福事，則令慶賀之。若國有禍戕，則令哀弔之。凡此五物者，治其事故。

故書賻作傅，槁爲藥，鄭司農云，賻補之，謂賻喪家補助其不足也。若今時一室二戶，則官與之棺也。藥當爲輜，謂輜師也。玄謂師役者，國有兵寇，以匪病者也。使鄰國會財貨以與之。春秋定五年夏，歸粟於蔡是也。宗伯職曰，以禴禮哀園敗，禍戕水火。

及其萬民之利害爲一書，其禮俗政事教治刑禁之逆順爲一書，其悖逆暴亂作慝猶犯令者爲一書，其札喪凶荒厄貧爲一書，其康樂和親安平爲一書，凡此五物者，

每國辨異之，以反命于王，以周知天下之故。慝，惡也。猶圖也。

司儀掌九儀之賓客擯相之禮。以詔儀容辭令揖讓之節。出接賓曰擯。入贊禮曰相。以詔者以禮告王。將合諸侯，則令為壇三成，宮

旁一門。

合諸侯謂有事而會也。為壇于國外以命事宮。謂壇土以為牆處。所謂為壇壇宮也。天子春帥諸侯拜日於東郊。則為壇於國東。夏禮日於南郊。則為壇於國南。秋禮山川丘陵於西郊。則為壇於國西。冬禮月四瀆於北郊。則為壇於國北。既拜禮而還。加

方明於壇上而祀焉。所以教尊尊也。觀禮曰。諸侯覲於天子。為宮方三百步。四門。壇十有二尋。深四尺。是也。王巡守。殷國而同。則其為宮亦如此。與鄭司農云。三成三重也。爾雅曰。丘一成為敦丘。再成為陶丘。三成為昆侖丘。謂三重。

詔王儀。南鄉見

諸侯。土揖庶姓。時揖異姓。天揖同姓。

謂王既祀方明。諸侯上介皆奉其君之旂置于宮。乃詔王升壇。諸侯皆就其旂而立。諸公中階之前。北面。東上。諸侯東階之東。西面。北上。諸伯西階之西。東面。北上。諸子門東北面。

東上。諸男門西。北面。東上。王揖之者。定其位也。庶姓無親者也。土揖。推手小下之也。異姓昏姻也。時揖。平推手也。衛將軍文子曰。獨居思仁。公言言義。其聞詩也。一日三復。白圭之玷。是南宮縚之行也。夫子信其仁。以為異姓。謂妻之也。天揖。推手小舉之。

及其擯

之。各以其禮。公于上等。侯伯于中等。子男子于下等。

謂執玉而前見於王也。擯之各以其禮者。謂擯公者五人。侯伯四人。子男三人也。上等中等下等者。謂所奠玉處也。壇三成。深四尺。則一

尺也。壇十有二尋。方九十六尺。則堂上二丈四尺。每等丈二尺。與諸侯各於其等。奠玉降拜。升成拜。明臣禮也。既乃升堂。授王玉。

其將幣亦如之。其禮亦如之。

將幣。享也。禮。謂以饗。裸之也。皆於其等之上。王燕。則

諸侯毛。

謂以須髮坐也。朝事尊尊。上爵燕則親親。上齒。鄭司農云。謂老者在上也。老者二毛。故曰毛。

凡諸公相為賓。

謂相朝也。

主國五積三問。皆三辭。拜受。皆旅擯。再

勞。三辭。三揖。登拜受。拜送。

賓所停止則積。問闕則問。行道則勞。其禮皆使卿大夫致之。從來至去。數如此也。三辭。辭其以禮來於外也。積問不言登受之於庭也。鄭司農云。旅讀為旅於大山之旅。謂九人傳辭相授於上下。竟問賓從

末上行介還受。上傳之玄謂旅讀爲鴻臚之臚。臚陳之也。賓之介九人。使者七人。皆陳擯位。不辭也。賓之上介出請使者。則前對位皆當其末擯焉。三揖謂庭中時也。拜送送使者。

主君郊勞。交擯三辭。車逆。拜辱。三

揖。三辭。拜受。車送。三還。再拜。

主君郊勞。備三勞而親之也。鄭司農云。交擯三辭。謂賓主之擯者俱三辭也。車逆。主人以車迎賓於館也。拜辱。賓拜謝辱也。玄謂交擯者。各陳九介。使傳辭也。車逆。拜辱者。賓以主君親來。乘車出舍門

而迎之。若欲遠就之。然見之則下拜。迎謝其自屈辱來也。至去又出車。若欲遠送然。主君三還辭之。乃再拜送之也。車送迎之節。各以其等。則諸公九十步。立當車軹也。三辭重者。先辭辭其以禮來於外。後辭辭升堂。

致館亦如之。

館舍也使大夫授之。

君又以禮親致焉。

致飧。如致積之禮。

俱使大夫禮同也。飧。食也。小禮曰飧。大禮曰饗。餼。

及將幣。交擯三辭。車逆。拜辱。賓車進。答拜。三揖。三讓。每門

止一相。及廟。唯上相入。賓三揖。三讓。登。再拜授幣。賓拜送幣。每事如初。賓亦如之。及出。車送。三請。三進。再

拜。賓三還。三辭。告辟。

鄭司農云。交擯。擯者交也。賓車進。答拜。賓上車進。主人乃答其拜也。及出。車送。三請。主人三請留賓也。三進。進隨賓也。賓三還。三辭。告辟。賓三還辭。謝言已辟去也。玄謂既三辭。主君則乘車出大門而迎賓。見之而下拜其

辱。賓車乃前下答拜也。三揖者。相去九十步。揖之使前也。至而三讓。讓入門也。相。謂主君擯者及賓之介也。謂之相者。於外傳辭耳。入門當以禮詔侑也。介紹而傳命者。君子於其所尊不敢質敬之至也。每門止一相。彌相親也。君入門。介拂闔。大夫中棖與闔之間。士介拂棖。此爲介。隨行相隨也。止之者。絕行在後耳。賓三揖。三讓。讓升也。登。再拜授幣。授當爲受。主人拜至。且受玉也。每事如初。謂享及有言也。賓當爲餼。謂以鬱鬯禮賓也。上於下曰禮。敵者爲餼。禮器曰諸侯相朝。灌用鬱鬯。無籩豆之薦。謂此朝禮畢。餼賓也。三請。三進。請賓就車也。主君每一請。車一進。欲遠送之也。三還。三辭。主君一請者。賓亦一還一辭。致饗。餼。還圭。饗食。致贈。郊送。皆如將幣之儀。

此六禮者。惟饗食速賓耳。其餘主君親往親往者。賓爲主人。主人爲賓。君如有故不

親饗食則使大夫以酬幣侑幣致之。鄭司農云：還圭歸其玉也。故公子重耳受煇反璧。玄謂聘以圭璋。禮也。享以璧琮。財也。已聘而還圭璋。輕財而重禮。贈送以財。既贈又送至子郊。

賓之拜禮。拜饗餼。拜饗食。

鄭司農云。賓之拜禮。

者。因言賓所當拜者之禮也。所當拜者。拜饗餼。拜饗食。玄謂賓將去。就朝拜謝此三禮。三禮禮之重者也。賓既拜。主君乃至館贈之。去又送之于郊。

賓繼主君。皆如主國之禮。

鄭司農云。賓繼主君。復主人之禮費也。故曰皆如主國之

禮。玄謂繼主君者。饋主君也。饋之者。主君郊勞。致館饗餼。還圭贈。郊送之時也。如其禮者。謂玉帛皮馬也。有饋陳之積者。不如也。若饗食。主君及燕。亦速焉。

諸侯諸伯諸子諸男之相為賓也。各以其禮

相待也。如諸公之儀。

賓主相待之儀。與諸公同也。饗餼饗食之禮。則有降殺。

諸公之臣相為國客。

謂相聘也。

則三積。皆三辭拜受。

受者。受之於庭也。侯伯之臣不致積。

及大夫郊勞。旅擯三辭。拜辱。三讓。登聽命。下拜。登受。賓使者如初之儀。及退。拜送。

登聽命。賓登堂也。賓當為饋。勞用束帛。饋用束錦。侯伯之

臣受勞於庭。

致館。如初之儀。

如郊勞也。不饋耳。侯伯之臣。致館于庭。不言致餼者。君於聘大夫不致餼也。聘禮曰。餼不致。賓不拜。

及將幣。旅擯三辭。拜逆。客辟。三揖。每門止一

相。及廟。唯君相入。三讓。客登。拜。客三辟。授幣。下出。每事如初之儀。

客辟。逡巡不答拜也。唯君相入。客臣也。相不入矣。拜。主君拜客至也。客三辟。三退。負序也。每事。享及

有言。及禮。私面。私獻。皆再拜稽首。君答拜。

禮。以禮禮客。私面。私覲也。既覲。則或有私獻者。鄭司農說。私面。以春秋傳曰。楚公子弃疾見鄭伯。以其良馬私面。

出及中門之外。問君。

客再拜對。君拜。客辟而對。君問大夫。客對。君勞客。客再拜稽首。君答拜。客趨辟。

中門之外。即大門之內也。問君曰。君不恙乎。對曰。使臣之來。寡君命

臣于庭。問大夫曰：「二三子不恙乎？」對曰：「寡君命使臣于庭，二三子皆在。」勞客致饗餼，如勞之禮。饗食還圭，如將幣之儀。饗食亦謂

君不親而使大夫幣致之。君館客，客辟介受命，遂送客，從拜辱于朝。君館客者，客將去，就省之，盡殷勤也。遂送君拜以送客。明日，客拜禮賜，遂行，如入之積。

禮賜謂乘禽，君之加惠也。如入之積，則三積從來至去。凡侯伯子男之臣，以其國之爵相為客而相禮，其儀亦如之。爵，卿也。大夫也。士也。凡四方之

賓客，禮儀辭命餼牢，賜獻以二等，從其爵而上下之。上下猶豐殺也。凡賓客，送逆同禮。謂郊勞郊送之屬。凡諸侯之交，各稱

其邦而為之幣，以其幣為之禮。幣，享幣也。於大國則豐，於小國則殺。主國禮之，如其豐殺，謂賄用束紡，禮用玉帛，乘皮及贈之屬。凡行人之儀，不朝不夕，不正其主

面，亦不背客。謂擯相傳辭時也。不正，東鄉。不正西鄉。常視賓主之前，卻得兩鄉而已。

行夫，掌邦國傳遽之小事，蠲惡而無禮者，凡其使也，必以旌節，雖道有難，而不時必達。傳遽，若今時乘傳騎驛而使者也。美，福慶也。惡，

喪荒也。此事之小者無禮。行夫主使之道有難，謂遭疾病他故，不以時至也。必達，王命不可廢也。其大者有禮。大小行人使之有故，則介傳命不嫌不達。居於其國，則掌行人之勞辱事焉，使則介之。謂

大小行人也。故書曰：夷使，鄭司農云：夷使使於四夷，則行夫主為之介，玄謂夷發聲。

環人掌送逆邦國之通賓客以路節達諸四方

通賓客以常事往來者也。路節旌節也。四方圻上。

舍則授館令聚橧有任器則令環之

令野廬氏也。鄭司農云四方人。有任器者則環人主令殉環守之。

凡門關無幾送逆及疆

鄭司農云門關不得苛留環人也。玄謂環人送逆之則賓客出入不見幾。

象胥掌蠻夷閩貉戎狄之國使掌傳王之言而論說焉以和親之

謂蕃國之臣來親聘者。

若以時入賓則協其禮與其

辭言傳之

以時入賓謂其君以世一見來朝為賓者。

凡其出入送逆之禮節幣帛辭令而賓相之

從來至去皆為摯而詔侑其禮儀。

凡國之大喪詔相

國客之禮儀而正其位

客謂諸侯使臣來弔者。

凡軍旅會同受國客幣而賓禮之

謂諸侯以王有軍旅之事使臣奉幣來問。

凡作事王之大事諸

侯次事卿次事大夫次事上士下事庶子

作使也。鄭司農云王之大事諸侯使諸侯執大事也。次事卿使卿執其次事也。次事使大夫次事使上士下事使庶子。

掌客掌四方賓客之牢禮餼獻飲食之等數與其政治

政治邦新殺禮之屬。

王合諸侯而饗禮則具十有二牢庶具

百物備諸侯長十有再獻

饗諸侯而用王禮之數者以公侯伯子男盡在是兼饗之。莫敵用也。諸侯長九命作伯者也。獻公侯以下如其命數。

王巡守殷國則國君膳以牲犢令

百官百姓皆具從者三公眡上公之禮卿眡侯伯之禮大夫眡子男之禮士眡諸侯之卿禮庶子壹眡其

大夫之禮。國君者王所過之國君也。饋，繭栗之饋也。以膳天子，貴誠也。牲，孕。天子不食也。祭帝不用也。凡賓客則皆角尺令者，掌客令主國也。百姓皆具，言無有不具備。凡諸侯之禮。上公五積，皆眡飧牽。

三間，皆脩。羣介行人宰史皆有牢。飧五牢，食四十，簠十，豆四十，鉶四十，有二，壺四十，鼎簋十，有二，牲三十。有六，皆陳。饗餼九牢。其死牢如飧之陳。牽四牢，米百有二十，筥醢醢百有二十，饗車皆陳。車米眡生牢。牢十車，車乘有五，籩車禾眡死牢。牢十車，車三秬，芻薪倍禾，皆陳。乘禽日九十雙。殷膳大牢，以及歸，三饗，三食，三燕。若弗酌，則以幣致之。凡介行人宰史皆有飧饗餼，以其爵等爲之。牢禮之陳數。唯上介有禽獻。夫人致禮，八壺，八豆，八籩，膳大牢。致饗大牢，食大牢。卿皆見以羔。膳大牢。侯伯四積，皆眡飧牽。再間，皆脩。飧四牢，食三十，有二，簠八，豆三十，有二，鉶二十，有八，壺三十，有二，鼎簋十，有二，腥二十，有七，皆陳。饗餼七牢。其死牢如飧之陳。牽三牢，米百筥，醢醢百饗，皆陳。米三十車，禾四十車，芻薪倍禾，皆陳。乘禽日七十雙。殷膳大牢，三饗，再食，再燕。凡介行人宰史皆有飧饗餼，以其爵等爲之禮。唯上介有禽獻。夫人致禮，八壺，八

豆八籩。膳大牢。致饗大牢。卿皆見以羔。膳特牛。子男三積。皆眡飧牽。壹間。以脩。飧三牢。食二十有四。簠六。豆二十有四。鬶十有八。壺二十有四。鼎簋十有二。牲十有八。皆陳。饗餼五牢。其死牢如飧之陳。牽二牢。米八十筥。醯醢八十甕。皆陳。米二十車。禾三十車。芻薪倍禾。皆陳。乘禽日五十雙。壹饗。壹食。壹燕。凡介行人宰史皆有飧饗餼。以其爵等爲之禮。唯上介有禽獻。夫人致禮。六壺。六豆。六籩。膳眡致饗。親見卿。皆膳特

牛。積皆視飧牽。謂所共如飧。而牽牲以往。不殺也。不殺則無鬶。簋簠之實。其米實于簋。豆實實于甕。其設。簋陳于楹內。甕陳于楹外。陳于門西。車米芻薪陳于門外。壺之有無未聞。三間皆脩。脩脯也。上公三間皆脩。下甸云羣介行人宰史皆有牢。君用脩而臣有牢。

非禮也。蓋著脫字失處且誤耳。飧客始至致小禮也。公侯伯子男。飧皆餼一牢。其餘牢則腥。食者其庶羞美可食者也。其設蓋陳于楹外。東西不過四列。簠稻梁器也。公十簠。堂上六。西夾東夾各二也。侯伯八簠。堂上四。西夾東夾各二。子男六簠。堂上二。西夾東夾各二。豆。菹醢器也。公四十豆。堂上十六。西夾東夾各十二。侯伯三十二豆。堂上十二。西夾東夾各十。子男二十四豆。堂上十二。西夾東夾各六。禮器曰天子之豆二十有六。諸公十有六。諸侯十有二。上大夫八。下大夫六。以聘禮差之。則堂上之數與此同。鬶。饗器也。公鬶四十二。侯伯二十八。子男十八。非衰差也。二十八。書或爲二十四。亦非也。其於衰。公又當三十。於言又爲無施。禮之大數。鬶少於豆。推其衰。公鬶四十二。宜爲三十八。蓋近之矣。則公鬶堂上十八。西夾東夾各十。侯伯堂上十二。西夾東夾各八。子男堂上十。西夾東夾各四。壺。酒器也。其設於堂夾。如豆之數。鼎。牲器也。簋。黍稷器也。鼎十有二。正鼎九。與陪鼎三。皆設于西階前。簋十二者。堂上八。西夾東夾各二。合言鼎簋者。牲與黍稷俱食之主也。牲當爲腥。聲之誤也。腥。謂腥鼎也。於侯伯云腥二十有七。其故腥字也。諸侯禮盛。腥鼎有鮮魚鮮腊。每牢皆

九爲列。設于阼階前。公廪鼎三十六。廪四牢也。侯伯廪鼎二十七。廪三牢也。子男廪鼎十八。廪二牢也。皆陳陳列也。殮門內之實。備于是矣。亦有車米禾芻薪。公殮五牢。米二十車。禾三十車。侯伯四牢。米禾皆二十車。子男三牢。米十車。禾二十車。芻薪皆倍其禾。饗餼既相見。致大禮也。大者既兼殮積。有生有廪。有執餘又多也。死牢如殮之陳。亦餼一牢在西。餘廪在東也。牽生牢也。陳于門西如積也。米橫陳于中庭。十爲列。每筥半斛。公侯伯子男。黍稷稻皆二行。公稷六行。侯伯稷四行。子男二行。醴醢夾碑。從陳亦十爲列。醴在碑東。醢在碑西。皆陳于門內者。於公門內之陳也。言車者。衍字耳。車米。載米之車也。聘禮曰。十斗曰斛。十六斗曰簋。十簋曰乘。每車乘有五簋。則二十四斛也。禾。藁實并刈者也。聘禮曰。四乘曰筥。十筥曰稷。十稷曰秬。每車三秬。則三十稷也。稷猶束也。米禾之乘。筥字同數異。禾之乘。手把耳。筥讀爲棟。稻之稻。謂一積也。皆陳橫陳門外者也。米在門東。禾在門西。芻薪雖取數于禾。薪從米。芻從禾也。乘禽。乘行羣處之禽。謂雉鴈之屬。於禮以雙爲數。殷中也。中又致膳。示念賓也。若弗酌。謂君有故不親饗食燕也。不饗則以酬幣致之。不食則以侑幣致之。凡介行人宰史。衆臣從賓者也。行人主禮。宰主具。史主書。皆有殮饗餼。尊其君以及其臣也。以其爵等爲之牢禮之數。陳爵卿也。則殮二牢。饗餼五牢。大夫也。則殮大牢。饗餼三牢。士也。則殮少牢。饗餼大牢也。此降小禮豐大禮也。以命數則參差難等。略於臣。用爵而已。夫人致禮。助君養賓也。籩豆陳于戶東。壺陳于東序。凡夫人之禮。皆使下大夫致之。於子男云。膳視致饗。言夫人致膳於小國君。以致饗之禮。則是不復饗也。饗有壺酒。卿皆見者。見于賓也。既見之。又膳之。亦所以助君養賓也。卿見又膳。此聘禮卿大夫勞賓。餼賓之類。與於子男云。親見卿皆膳。特牛見。讀如卿。皆見之見。言卿於小國之君。有不故造館見者。故造館見者。乃致膳。鄭司農說。牽云。牲可牽行者也。故春秋傳曰。餼牽竭矣。秬讀爲秬。秬麻答之秬。

之禮以待之。言其特來聘問。待之禮如其爲介時也。然則聘禮凡所以禮賓是亦禮介。凡禮賓客。國新殺禮。凶荒殺禮。札喪殺禮。禍裁殺禮。在野在外

殺禮。皆爲國省用愛費也。國新。新建國也。凶荒。無年也。禍裁。新有兵寇水火也。凡賓客死。致禮以喪用。死則主人爲之具而殯。賓客有喪。唯芻稍之受。不受饗食。

加也。喪謂父母死也。客則又有居焉。芻給牛馬。稍人稟也。其正禮餼饗饋。主人致之則受。牲亦當為腥聲之誤也。有喪不忍煎。享正禮餼饗饋當執者腥致之也。遭主國之喪。不受饗食。受牲禮。

掌訝。掌邦國之等籍以待賓客。等九儀之差數。若將有國賓客至。則戒官修委積。與士逆賓于疆。為前驅而入。官謂牛人。

羊人舍人委人之屬。士。及宿。則令聚糧。令令野廬氏。及委。則致積。以王命致于賓。至于國。賓入館。次于舍門外。待事于客。次如今官府門。

外更衣處。待事于客。通其所求索。及將幣。為前驅。道之以如朝。至于朝。詔其位。入復。及退。亦如之。鄭司農云。詔其位。告客以其位處也。入復。客入則掌訝出復其故位也。客退復入迎為之。

前驅。至于館也。玄謂入復者。入告王以客至也。退亦如之。如其為前驅。凡賓客之治。令訝訝治之。賓客之治。謂欲正其貢賦理國事也。以告訝訝為如朝而理之。凡從者出。則使人道之。從者。

凡介以下也。人其屬胥徒也。及歸。送亦如之。如之者。送至於竟。如其前驅聚糧待事之屬。凡賓客。諸侯有卿訝。卿有大夫訝。大夫有士訝。使道賓客之從者營護之。

士皆有訝。此謂朝覲聘問之日。王所使迎賓客于館之訝。凡訝者。賓客至而往。詔相其事而掌其治令。

掌交。掌以節與幣巡邦國之諸侯。及其萬民之所聚者。道王之德意志慮。使咸知王之好惡。辟行之。節以為行。

信幣。以見諸侯也。咸。皆也。辟。讀如辟忌之辟。使皆知王之所好者而行之。知王所惡者。辟而不為。使和諸侯之好。有欲相與修好者。則為和合之。達萬民之說。說。所喜也。達者。達之于王若其國君。掌邦國之

通事而結其交好。通事謂朝覲聘問也。以諭九稅之利。九禮之親。九牧之維。九禁之難。九戎之威。諭告曉也。九稅所稅民九職也。九禮九儀之禮。九牧

九州之牧。九禁。九法之禁。九戎。九伐之戎。

掌察。闕。

掌貨賄。闕。

朝大夫。掌都家之國治。都家。王子弟公卿及大夫之采地也。主其國治者。平理其來文書於朝者。日朝以聽國事故。以告其君長。國事故。天子之事當施於都家者也。告其君長使知而行

之也。君謂其國君。長其卿大夫也。國有政令。則令其朝大夫。使以告其都家之吏。凡都家之治於國者。必因其朝大夫然後聽之。唯大事

弗因。謂以小事文書來者。朝大夫先平理之。乃以告有司也。大事者非朝大夫所能平理。凡都家之治有不及者。則誅其朝大夫。不及謂有稽殿之。在軍旅。則誅其有

司。有司。都司。馬家司馬。

都則。闕。

家士闕
都士闕

周禮卷十

周禮卷第十一

冬官考工記第六

國有六職，百工與居一焉。

百工司其事，官之屬於天地四時之職，亦處其一也。司空掌管城郭，建都邑，立社稷宗廟，造宮室車服器械，監百工者，唐虞已上曰共工。

或坐而論道，或作而行之。

或審曲面勢，以飭五材，以辨民器，或通四方之珍異以資之，或飭力以長地財，或治絲麻以成之。

言人德能事業

之不同者也。論道，謂謀慮治國之政令也。作，起也。辨，猶具也。資，取也。操也。鄭司農云：審曲面勢，審察五材曲直方面形執之宜以治之。及陰陽之面背是也。春秋傳曰：天生五材，民並用之，謂金木水火土也。故書資作齊。杜子春云：齊當為資。讀如冬資絺之資。玄謂此五材，金

木皮。

王土，坐而論道，謂之王公。

天子諸侯。

作而行之，謂之士大夫。

親受其職，居其官也。

審曲面勢，以飭五材，以辨民器，謂之百工。

五材各有工，言百衆言之也。

通四方之珍異以資之，謂之商旅。

商旅，販賣之客也。易曰：至日商旅不行。

飭力以長地財，謂之農夫。

三農受夫田也。

治絲麻

以成之，謂之婦功。

布帛，婦官之事。

粵無鎛，燕無函，秦無廬，胡無弓車。

此四國者不置是工也。鎛，田器。詩云：備乃錢鎛。又曰：其鎛斯掬。鄭司農云：函，讀如國君舍垢之舍。函，鎛也。孟子曰：矢

人豈不仁於函人哉？矢人唯恐不傷人，函人唯恐傷人。廬，讀為繡，謂矛戟柄竹櫜，秘或曰摩鑄之器。胡，今匈奴。

粵之無鎛也，非無鎛也。夫人而能為鎛也，燕之無函也，非無

函也。夫人而能為函也。秦之無廬也。非無廬也。夫人而能為廬也。胡之無弓車也。非無弓車也。夫人而能

為弓車也。

言其丈夫人人皆能作是器。不須國工。粵地塗泥多草葺。而山出金錫。鑄冶之業。田器尤多。燕近強胡。習作甲冑。秦多細木。善作矜秘。匈奴無屋宅。田獵畜牧。逐水草而居。皆知為弓車。

知者創物。

謂始闢端造器物。若世本作者。

也。是也。巧者述之守之。世謂之工。

父子世以相教。

百工之事。皆聖人之作也。

事無非聖人所為也。

爍金以為刃。凝土以為器。作車以

行陸。作舟以行水。此皆聖人之所作也。

凝。堅也。故書舟作周。鄭司農云。周當為舟。

天有時。地有氣。材有美。工有巧。合此四者。然後

可以為良。

時寒溫也。氣剛柔也。良善也。

材美工巧。然而不良。則不時。不得地氣也。

不時。不得天時。

橘踰淮而北為枳。鸚鵡不踰濟。

貉踰汶則死。此地氣然也。

鸚鵡。鳥也。春秋昭二十五年。有鸚鵡來巢。傳曰。書所無也。鄭司農云。不踰濟。無妨於中國有之。貉。或為獫。謂善緣木之猿也。汶水在魯北。

鄭之刀。宋之斤。魯之削。

吳粵之劍。遷乎其地而弗能為良。地氣然也。

去此地而作之。則不能使良也。

燕之角。荆之幹。妣胡之筥。吳粵之金錫。此材之

美者也。

荆。荊州也。幹。柘也。可以為弓弩之幹。妣。胡。胡之國。在楚旁。筥。矢幹也。禹貢。荊州貢櫟。幹。柘。柏。及箇。籥。楛。故書。筥。為筥。杜子春云。妣。讀為焚。成丘之焚。書。或為邠。妣。胡。地名也。筥。當為筥。筥。讀為稿。謂箭稿。

天有時以生。有時

以殺。草木有時以生。有時以死。石有時以泐。水有時以凝。有時以澤。此天時也。

言百工之事。當審其時也。鄭司農云。泐。讀如再。劫。而後。卦之劫。

勦謂石解散也。夏時盛暑大熱則然。

凡攻木之工七。攻金之工六。攻皮之工五。設色之工五。刮摩之工五。搏埴之工二。

攻猶治也。搏之言拍。

也。埴黏土也。故書七爲十。刮作搨。鄭司農云。十當爲七。搨摩之工。謂玉工也。搨讀爲刮。其事亦是也。

攻木之工。輪、輿、弓、廬、匠、車、梓、攻金之工。築、冶、鼻、虞、段、桃、攻皮之工。

函、鮑、鞞、韋、裘、設色之工。畫、績、鍾、筐、幌、刮摩之工。玉、柳、雕、矢、磬、搏埴之工。陶、旻。

事官之屬六十。此識其五材三十工。略記其事耳。其曰某人者。以其事名。

官也。其曰某氏者。官有世功。若族有世業。以氏名官者也。廬。矛戟矜秘也。國語曰。侏儒扶廬。梓。榎屬也。故書雕或爲舟。鄭司農云。輪與弓廬。匠車梓。此七者攻木之工。官別名也。孟子曰。梓匠輪輿。鮑讀爲鮑魚之鮑。書或爲鞞。蒼頡篇有鞞。鞞讀爲歷運之運。幌讀爲芒芒。禹迹之芒。柳讀如巾櫛之櫛。旻讀爲甫始之甫。埴。書或爲植。杜子春云。雕或爲舟者。非也。玄謂旻讀如放於此乎之放。有虞氏上陶。夏后氏上匠。殷人上梓。周人上輿。

官各有所尊。王者相變也。舜至。

尊。貴陶器。甄大瓦棺是也。禹治洪水。民降丘宅土。卑宮室。盡力乎溝洫。而尊匠湯放桀。疾禮樂之壞。而尊梓。武王誅紂。疾上下失其服飾。而尊輿。

故一器而工聚焉者。車爲多。

周所上也。

車有六等之

數。車有天地之象。人在其中焉。六等之數。法易之三材六畫。

車軫四尺。謂之一等。戈秘六尺有六寸。既建而弛。崇於軫四尺。謂之二等。人長

八尺。崇於戈四尺。謂之三等。戈長尋有四尺。崇於人四尺。謂之四等。車戟常。崇於戈四尺。謂之五等。曾矛

常有四尺。崇於戟四尺。謂之六等。

此所謂兵車也。軫。輿後橫木。崇。高也。八尺曰尋。倍尋曰常。戈長丈二。戈。戟。矛。皆插車軾。鄭司農云。弛讀爲倚。移從風之移。謂著戈於車。邪倚也。曾發聲。直謂矛。

車謂之

六等之數

申言數也

凡察車之道必自載於地者始也是故察車自輪始

先視輪也自從也

凡察車之道欲其樸屬而

微至不樸屬無以為完久也不微至無以為威速也

樸屬猶附著堅固貌也齊人有名疾為威者春秋傳曰蓋以操之為已威矣速疾也書或作數鄭司農云樸讀如子南僕之僕微至謂輪

至地者少言其圍甚著地者微耳著地者微則易轉故不微至無以為威數

輪已崇則人不能登也輪已庳則於馬終古登陴也

已大也甚也崇高也齊人之言終古猶言常也陴阪也輪

庫則難引

故兵車之輪六尺有六寸田車之輪六尺有三寸乘車之輪六尺有六寸

此以馬大小為節也兵車革路也田車木路也乘車玉路金路象路

也兵車乘車駕國馬田車駕田馬

六尺有六寸之輪軹崇三尺有三寸也加軹與轆焉四尺也人長八尺登下以為節

此車之高者也

軹與也鄭司農云軹事也轆讀為旃僕之僕謂伏兔也玄謂軹轂末也此軹與轆并七寸田車又宜減焉乘車之軌廣取數於此軌廣八尺旁出輿亦七寸也

輪人為輪斬三材必以其時

三材所以為轂輻牙也斬之以時材在陽則中冬斬之在陰則中夏斬之今世轂用雜榆輻以檀牙以櫨也

三材既具巧者和之

調其鑿內而合之 轂

也者以為利轉也輻也者以為直指也牙也者以為固抱也

利轉者轂以無有為用也鄭司農云牙讀如跛者訝跛者之訝謂輪轆也世問或謂之罔書或作駮

輪敵

三材不失職謂之完

徹盡而轂輻牙不動

望而眡其輪欲其慎爾而下迪也進而眡之欲其微至也無所取之取諸

圓也。輪謂牙也。頓均致貌也。進猶行也。微至。至地者少也。非有他也。園使之然也。鄭司農云。微至。書或作危。至。故書園或作員。當爲園。

望其輻。欲其掣爾而織也。進而眊之。欲其肉稱

也。無所取之。取諸易直也。

掣織殺小貌也。肉稱。弘殺好也。鄭司農云。掣讀爲紛容掣參之掣。玄謂如桑螵蛸之蛸。

望其穀。欲其眼也。進而眊之。欲其幬之廉

也。無所取之。取諸急也。

眼。出大貌也。幬。幬。幬。幬之革也。革急則裏。木廉。隅見。鄭司農云。眼讀如限切之限。

眊其綆。欲其蚤之正也。

蚤當爲爪。謂輻入牙中者也。鄭司農云。綆讀爲關東言餅之餅。謂輪

箠也。玄謂輪雖箠爪牙必正也。

察其菑蚤不齟。則輪雖敵不匡。

菑。謂輻入穀中者也。菑與爪不相侷。乃後輪敵盡不匡刺也。鄭司農云。菑讀如雜廁之廁。謂建輻也。泰山平原所樹立物爲菑。聲如載。博立。梟茶亦爲菑。匡。枉

也。凡斬穀之道。必矩其陰陽。

矩。謂刻識之也。故書矩爲距。鄭司農云。當作矩。謂規矩也。

陽也者。積理而堅。陰也者。疏理而柔。是故以火養其

陰。而齊諸其陽。則穀雖敵不蕪。

蕪。致也。火養其陰。炎堅之也。鄭司農云。穰讀爲奠祭之奠。蕪當作耗。玄謂蕪。蕪。暴陰柔後必棧減。幬。革暴起。

穀小而長則柞。大而短則犖。

鄭司農云。柞讀爲迫暗之暗。謂輻間柞狹也。犖讀爲藥。謂輻危藥也。玄謂小而長則菑中弱。大而短則末不堅。

是故六分其輪崇。以其一爲之牙圍。

六尺六寸之輪。牙圍尺一寸。

參分其牙圍

而漆其二。

不漆其踐地者也。漆者七寸三分寸之一。不漆者三寸三分寸之二。令牙厚一寸三分寸之二。則內外不漆者各一寸也。

棹其漆內而中誦之。以爲之穀長。以其長爲

之圍。

六尺六寸之輪。漆內六尺四寸。是爲穀長三尺二寸。圍徑一尺三分寸之二也。鄭司農云。棹者。度兩漆之內相距之尺寸也。

以其圍之防捎其藪。

捎。除也。防三分之一也。鄭司農云。捎讀爲桑螵蛸之蛸。藪讀爲蜂藪之藪。

謂殼空壺中也。玄謂此殼徑三寸九分寸之五。壺中當幅苗者也。蜂蠟者猶言趨也。載者衆輻之所趨也。

五分其殼之長。去一以爲賢。去二以爲軹。

鄭司農云。賢大穿也。軹小穿也。玄謂此大穿徑八寸十五

分寸之八。小穿徑四寸十五分寸之四。大穿甚大似誤矣。大穿實五分殼長去二也。去二則得六寸五分寸之二。凡大小穿皆謂金也。今大小穿金厚一寸。則大穿穿內徑四寸五分寸之二。小穿穿內徑二寸十五分寸之四。如是乃與載相稱也。

容殼必直。

陳篆必正。施膠必厚。施筋必數。幬必負幹。

鄭司農云。讀容上屬。曰軹容。玄謂容者治殼爲之形容也。篆殼約也。幬負幹者革殼相應無羸不足。

既摩。革色青白。謂之殼

之善。謂丸漆之乾而以石摩平之。革色青白善之微也。

參分其殼長。二在外。一在內。以置其輻。

殼長三尺二寸者。令輻廣三寸半。則輻內九寸半。輻外一尺九寸。

凡輻量其

鑿深以爲輻廣。

廣深相應則固足相任也。

輻廣而鑿淺。則是以大抗。雖有良工。莫之能固。

抗。搖動貌。

鑿深而輻小。則是固有餘

而強不足也。

言輻弱不勝殼之所任也。

故竝其輻廣以爲之弱。則雖有重任。殼不折。

言力相稱也。弱苗也。今人謂蒲本在水中者爲弱是其類也。鄭司農云。竝讀如紘繩之紘。謂度

之。參分其輻之長而殺其一。則雖有深泥。亦弗之濂也。

殺。衰小之也。鄭司農云。濂讀爲黏。謂泥不黏著輻也。

參分其股圍。去一以爲散圍。

謂殺輻之數也。鄭司農云。股謂近殼者也。散謂近牙者也。方言股以喻其豐。故言散以喻其細。人脛近足者細於股。謂之散。羊脛細者亦爲散。

揉輻必齊。平沈必均。

揉。謂以火槁之。衆輻之直齊如一也。平沈。平漸也。鄭司農云。平沈。謂浮之

水上無輕重。

直以指牙。牙得則無槩而固。

得。謂偃句鑿內相應也。鄭司農云。槩。檟也。蜀人言檟曰槩。玄謂槩讀如涅。從木熱省聲。

不得則有槩必足見也。

必足見。言槩大也。然則雖

得猶有藥。六尺有六寸之輪，綆參分寸之二，謂之輪之固。輪輦則車行不掉也。參分寸之二者出於輻股鑿之數也。凡爲輪，行澤者欲杼，行山

者欲倅。杼，謂削薄其踐地者，倅上下等。杼以行澤，則是刀以割塗也。是故塗不附。附，著也。倅以行山，則是搏以行石也。是故輪

雖敵不類於鑿。搏，圍厚也。鄭司農云：不類於鑿，謂不動於鑿中也。玄謂類亦敵也。以輪之厚，石雖齧之，不能敵其鑿，旁使之動。凡揉牙，外不廉而內不挫，旁不腫，謂之用火

之善。廉，絕也。挫，折也。腫，塊也。是故規之以眡其圓也。輪中規，則圓矣。萬之以眡其匡也。等爲萬莖，以運輸上。輪中萬莖，則不匡刺也。故書萬作萬。鄭司農云：讀爲萬，書或作矩。縣之

以眡其輻之直也。輪輻三十，上下相直，從旁以繩縣之，中繩則鑿正輻直矣。水之以眡其平沈之均也。平漸其輪無輕重，則斲材均矣。量其藪以黍，以眡其同

也。黍滑而齊，以量兩壺無贏不足，則同。權之以眡其輕重之倅也。倅，等也。稱兩輪鈞石同，則等矣。輪有輕重，則引之有難易。故可規，可萬，可水，可縣，可量，可權也。

謂之國工。國之名工。

輪人爲蓋，達常圍三寸。圍三寸，徑一寸也。鄭司農云：達常，蓋斗柄下入杠中也。程圍倍之，六寸。圍六寸，徑二寸，足以含達常。鄭司農云：程，蓋杠也。讀如丹桓宮楹之楹。信其程圍以

爲部廣，部廣六寸。廣，謂徑也。鄭司農云：部，蓋斗也。部長二尺。謂斗柄達常也。程長倍之，四尺者二。杠長八尺，謂達常以下也。加達常二尺，則蓋高一丈立乘也。十分寸之

一謂之枚。

為下起數也。枚一分。故書十與上二合為二十。字。杜子春云當為四尺者二十分寸之一。

部尊一枚。

尊高也。蓋斗上隆高高一分也。

弓鑿廣四枚。鑿上二枚。鑿下四枚。

蓋

揀也。廣大也是為部厚一寸。

鑿深二寸有半。下直二枚。鑿端一枚。

鑿深對為五寸。是以不傷達常也。下直二枚者。鑿空下正而上低二分也。其弓當則橈之平刻其下二分而內之。欲令蓋之尊終平不蒙橈也。

端內題也。

弓長六尺謂之庇軹。五尺謂之庇輪。四尺謂之庇軫。

庇覆也。故書庇作祕。杜子春云祕當為庇。謂覆軹也。玄謂軹轂末也。輿廣六尺六寸。兩轂并六尺四寸。旁減軌內七寸。則

兩軹之廣凡丈一尺六寸也。六尺之弓倍之。加部廣凡丈二尺六寸。有宇曲之減。可覆軹不及幹。

參分弓長而揉其一。

參分之持長橈短。短者近部而平。長者為宇曲也。六尺之弓。近部二尺。四尺為宇曲。

參分其股

去一以為蚤圍。

蚤當為爪。以弓鑿之廣為股圍。則寸六分也。爪圍一寸十五分寸之一。

參分弓長。以其一為之尊。

尊高也。六尺之弓。上近部平者二尺。爪末下於部二尺。二尺為句。四尺為弦。求

其股。股十二。除之。面三尺。幾半也。

上欲尊而宇欲卑。

上近部平者。也。贖下曰宇。

上尊而宇卑。則吐水。疾而雷遠。

蓋者主為雨設也。乘車無蓋。禮所謂潦車。謂蓋車與。蓋已崇。

則難為門也。蓋已卑。是蔽目也。是故蓋崇十尺。

十尺。其中正也。蓋十尺。宇二尺。而人長八尺。卑於此蔽人目。

良蓋弗冒弗絃。般畝而馳。不隊。

謂之國工。

隊。落也。善蓋者。以橫馳於壘上。無衣若無絃而弓不落也。

輿人為車。輪崇車廣。衡長參如一。謂之參稱。

稱。猶等也。車輿也。衡亦長。容兩服。

參分車廣。去一以為隧。

兵車之隧。四尺四寸。鄭司農云。隧。謂車輿深也。讀如

鑽燧改火之燧玄
謂讀如違宇之邊

參分其隧一在前二在後以揉其式

兵車之式深尺四寸三分寸之二

以其廣之半為之式崇

兵車之式高三尺三寸 以

其隧之半為之較崇

較兩轆上出式者兵車自較而下凡五尺五寸故書較作摧杜子春云當為較

六分其廣以一為之軫圍

軾輿後橫者也兵車之軾圍尺一寸

參分軾圍

去一以為式圍

兵車之式圍七寸三分寸之一

參分式圍去一以為較圍

兵車之較圍四寸九分寸之八

參分較圍去一以為軾圍

兵車之軾圍三寸二十七

分寸之七軾輪之植者衡者也與轂末同名

參分軾圍去一以為軾圍

兵車之軾圍二寸八十一分寸之十四軾式之植者衡者也鄭司農云軾讀如繫綴之綴謂車輿輪立者也立者為軾橫者為軾書軾或作輪玄謂軾者

以其鄉人為名

圓者中規方者中矩立者中縣衡者中水直者如生焉繼者如附焉

治材居材如此乃善也如生如木從地生如附如附枝之弘殺也 凡

居材大與小無并大倚小則摧引之則絕

并偏邪相就也用力之時其大并於小者小者強不堪則摧也其小并於大者小者力不堪則絕也

棧車欲斂

為其無革鞅不堅易拆壞也土

乘棧車

飾車欲侈

飾車謂革鞅輿也大夫以上革鞅輿故書侈作移杜子春云當為侈

輈人為輈

輈車輈也詩云五檠梁輈

輈有三度軸有三理

目下事度深淺之數

國馬之輈深四尺有七寸

國馬謂種馬戎馬齊馬道馬高八尺兵車乘車軾崇三尺有三寸加

軾與輈七寸又并此軾深則衡高八尺七寸也除馬之高則餘七寸為衡頸之間也鄭司農云深四尺七寸謂輈曲中

田馬之輈深四尺

田車軾崇三尺一寸半并此軾深而七尺一寸半今田馬七尺衡頸之間亦七寸則軾與輈五寸半

則衡高七尺七寸

駑馬之鞅深三尺有三寸

輪輅與軫軛大小之減率寸半也則駑馬之車軾崇三尺加軾與輅四寸又并此鞅深則衡高六尺七寸也今駑馬六尺除馬之高則衡頸之間亦七寸

軸有三理

一者以為嫩也

無節目也

二者以為久也

堅刃也

三者以為利也

滑密

軌前十尺而策半之

謂軌以前之長也策御者之策也十或作七合七為弦

四尺七寸為鈞以求其股股則短矣七非也鄭司農云軌謂式前也書或作軌玄謂軌是軌法也謂輿下三面之材輻式之所對持車正也

凡任木

目車持任之材

任正者十分其鞅之長以其一為

之圍衡任者五分其長以其一為之圍小於度謂之無任

任正者謂輿下三面材持車正者也軌軌前十尺與隧四尺四寸凡丈四尺四寸則任正之圍尺四寸五分之二衡任

者謂兩輓之間也兵車乘車衡圍一尺三寸五分寸之一無任言其不勝任

五分其軫間以其一為之軸圍

軸圍亦一尺三寸五分寸之一與衡任相應

十分其軻之長以其一

為之當兔之圍

軻當伏兔者也亦圍尺四寸五分寸之二與任正者相應

參分其兔圍去一以為頸圍

頸前持衡者圍九寸十五分寸之九

五分其頸圍去一以

為踵圍

踵後承軻者也圍七寸七十五分寸之五十一

凡揉軻欲其孫而無弧深

孫順理也杜子春云弧讀為盡而不汙之汙玄謂弧木弓也凡弓引之中參中參深之極也揉軻之偃句如二可也如三則深傷其

力

今夫大車之鞅擊其登又難既克其登其覆車也必易此無故唯鞅直且無撓也

大車牛車也擊軻也登上阪也克能也

是

故大車平地既節軒擊之任及其登陲不伏其鞅必縊其牛此無故唯鞅直且無撓也

陲阪也故書伏作偃杜子春云偃當作伏

故登陲者，倍任者也。猶能以登及其下陲也。不援其邸，必縉其牛後。此無故。唯轅直且無橈也。

倍任，用力倍也。故書

鑄作艘，鄭司農云，艘讀爲鑄。關東謂紂爲鑄，艘魚字。

是故駟欲順典。

顧典，堅刃貌。鄭司農云，顧讀爲惡，典讀爲珍。駟車之轅，率尺所一縛，惡典似謂此也。

駟深則折，淺則負。

揉之大深，傷其力。馬倚之則折也。揉之淺

則馬善負之。

駟注則利準，利準則久，和則安。

故書準作水。鄭司農云，注則利水，謂轅脊上兩注，令水去利也。玄謂利水重讀似非也。注則利，謂轉之揉者，形如注星，則利也。準則久，謂轉之在輿下者，平如準，則能久也。和

則安，注與準者，和人乘之則安。

駟欲弧而無折，經而無絕。

揉駟大深則折也。經，亦謂順理也。

進則與馬謀，退則與人謀。

言進退之易，與人馬之意相應。馬行主於進，人則有當退時。

終日馳騁，左不捷。

杜子春云，捷讀爲蹇，左面不便。馬苦蹇，駟調善，則馬不蹇也。書捷或作券。玄謂券，今倦字也。駟和則久馳騁，載在左者不罷倦，尊者在左。

行數千里，馬不契需。

鄭司農云，契讀爲爰，契我龜之

契，需讀爲長需之需，謂不傷蹄，不需道里。

終歲御衣衽不敝。

衽，謂裳也。

此唯駟之和也。

和則安，是以然也。謂進則與馬謀而下。

勸登馬力。

登上也。駟和勸馬用力。

馬力既

竭，駟猶能一取焉。

馬止駟尚能一前取道，喻易進。

良駟環漚，自伏兔不至軌七寸。軌中有漚，謂之國軌。

伏兔至軌，蓋如式深。兵車乘車式深尺四寸三分寸

之二漚，不至軌七寸，則是半有漚也。駟有筋膠之被，用力均者，則漚遠。鄭司農云，漚讀爲漚，酒之漚，環漚謂漆沂鄂如環。

軫之方也，以象地也。蓋之圓也，以象天也。輪輻三十，以象

日月也。蓋弓二十有八，以象星也。

輪象日月者，以其運行也。日月三十日而合宿。

龍旂九旂，以象大火也。

交龍爲旂，諸侯之所建也。大火，蒼龍宿之心，其屬有尾，尾九星。

旗七旒以象鶉火也。

鳥隼為旗州里之所建鶉火朱鳥宿之柳其屬有七星七星

熊旗六旒以象伐也。

熊虎為旗師部之所建伐屬白虎宿與參連體而六星

龜蛇四旒以

象營室也。

龜蛇為旒縣部之所建營室玄武宿與東壁連體而四星

弧旌枉矢以象弧也。

觀禮曰侯氏載龍旂弧纛則旌旗之屬皆有弧也弧以張絳之幅有衣謂之纛又為設矢象弧星有矢也妖星有枉矢者蛇行有毛

目此云枉矢蓋畫之

攻金之工築氏執下齊治氏執上齊鳧氏為聲棗氏為量段氏為鑄器桃氏為刃。

多錫為下齊大刃削殺矢鑿燧也少

錫為上齊鍾鼎斧斤戈戟也聲鍾鐸于之屬量豆區彌也鑄器田器錢鑄之屬刃大刀劍之屬

金有六齊。

目和金之品數

六分其金而錫居一謂之鍾鼎之齊五分其金

而錫居一謂之斧斤之齊四分其金而錫居一謂之戈戟之齊參分其金而錫居一謂之大刃之齊五分

其金而錫居二謂之削殺矢之齊金錫半謂之鑿燧之齊。

鑿燧取水火於日月之器也鑿亦鏡也凡金多錫則刃白且明也

築氏為削長尺博寸合六而成規。

今之書刀

欲新而無窮。

謂其利也鄭司農云常如新無窮已

敝盡而無惡。

鄭司農云謂鋒鏗俱盡不偏索也玄謂刃也脊也其金如一雖

至敝盡無

瑕惡也

冶氏為殺矢刃長寸圍寸鋌十之重三垸。

殺矢與戈戟異齊而同其工似補脫誤在此也殺矢用諸田獵之矢也鋌讀如麥秀鋌之鋌鄭司農云鋌箭足入稟中者也垸量名讀為丸

戈廣二

寸。內倍之。胡三之。援四之。

戈今。句子戟也。或謂之雞鳴。或謂之擁頸。內謂胡以內接秘者也。長四寸。胡六寸。援八寸。鄭司農云。援直刃也。胡其子。

已倨則不入。已句則不決。長內

則折前。短內則不疾。

戈。句兵也。主於胡也。已倨。謂胡微直而邪多也。以啄人則不入。已句。謂胡曲多也。以啄人則劍不決。胡之曲直鋒本必橫而取圓於磬折前。謂援也。內長則援短。援短則曲於磬折。曲於磬折。則引之與胡並鈞。內短則

援長。援長則倨於磬折。倨於磬折則引之不疾。

是故倨句外博。

博。廣也。倨之外胡之裏也。句之外胡之表也。廣其本以除四病而便用也。俗謂之曼胡。似此。

重三鈹。

鄭司農云。鈹。量名也。讀爲刷。玄謂許叔重說文解字云。鈹。緩也。

今東萊稱或以大半兩爲鈞。十鈞爲環。環重六兩。大半兩。雙鈹似同矣。則三鈹爲一斤四兩。

戟廣寸有半寸。內三之。胡四之。援五之。倨句中矩。與刺重三鈹。

戟。今三鋒。

戟也。內長四寸半。胡長六寸。援長七寸半。三鋒者。胡直中矩。言正方也。鄭司農云。刺謂援也。玄謂刺者。著秘直前如鐔者也。戟。胡橫貫之。胡中矩。則援之外句。磬折與。

桃氏爲劍。臘廣二寸有半寸。

臘。謂兩刃。

兩從半之。

鄭司農云。謂劍脊兩面殺。趨鏐。

以其臘廣爲之莖圍。長倍之。

鄭司農云。莖。謂劍夾。人所握。鐔以上也。玄謂莖

在夾中者。莖長五寸。

中其莖。設其後。

鄭司農云。謂穿之也。玄謂從中以卻稍大之也。後大則於把易制。

參分其臘廣。去一以爲首廣。而圍之。

首圍。其徑一寸。三分寸之二。身

長五其莖長。重九鈹。謂之上制。上士服之。身長四其莖長。重七鈹。謂之中制。中士服之。身長三其莖長。重

五鈹。謂之下制。下士服之。

上制。長三尺。重三斤十二兩。中制。長二尺五寸。重二斤十四兩。三分兩之二。下制。長二尺。重二斤一兩。三分兩之一。此今之七首也。人各以其形貌大小帶之。此士。謂國勇力之士。能用五兵者也。樂記曰。武

王克商裨冕摺笏而虎賁之士說劍

曼氏爲鍾兩欒謂之銑故書繼作樂杜子春云當爲銑書亦或爲欒銑鍾口兩角銑間謂之子于上謂之鼓鼓上謂之鉦鉦上謂之舞此四名者鍾體

也鄭司農云于鍾唇之上祛也鼓所擊處舞上謂之甬甬上謂之衡此二名者鍾柄鍾縣謂之旋旋蟲謂之幹旋屬鍾柄所以縣之也鄭司農云旋蟲者旋以蟲爲飾也玄謂今時旋有

蹲熊盤龍辟邪鍾帶謂之篆篆間謂之枚枚謂之景帶所以介其名也介在于鼓鉦舞甬衡之間凡四鄭司農云枚鍾乳也玄謂今時鍾乳俠鼓與舞每處有九面三十六于上之攔謂

之隧攔所擊之處攔弊也隧在鼓中望而生光有似夫隧十分其銑去二以爲鉦以其鉦爲之銑間去二分以爲之鼓間以其鼓間爲之

舞脩去二分以爲舞廣此言鉦之徑居銑徑之八而銑間與鉦之徑相應鼓間又居銑徑之六與舞脩相應舞脩舞徑也舞上下促以橫爲脩從爲廣舞廣四分今亦去徑之二分以爲之間則舞間之方恆居銑之四也舞間方四則鼓

間六亦其方也鼓六鉦六舞四此鍾口十者其長十六也鍾之大數以律爲度廣長與圍徑假設之耳其鑄之則各隨鍾之制爲長短大小也凡言間者亦爲從篆以介之鉦間亦當六今時鍾或無鉦間以其鉦之長爲之甬長并

數也以其甬長爲之圍參分其圍去一以爲衡圍衡居甬上又小參分其甬長二在上一下在下以設其旋令衡居一分則參分旋亦

二在上一下在下以旋說猶意也故書修作薄厚之所震動清濁之所由出侈弇之所由與有說移鄭司農云當爲侈鍾已厚則石大厚則聲不發

已薄則播。大薄則侈則柞。柞讀為咋咋然之咋聲大外也。弇則鬱。聲不舒揚。長甬則震。鐘掉則聲不正。是故大鍾十分其鼓間，以其一為之。

厚。小鍾十分其鉦間，以其一為之厚。言若此則不石不播也。鼓鉦之間同方六，而今宜異，又十分之一猶大厚，皆非也。若言鼓外鉦外，則近之。鼓外二鉦外一。鍾大而短，則其聲疾

而短聞。淺則躁，躁易竭也。鍾小而長，則其聲舒而遠聞。深則安，安難息。為遂六分其厚，以其一為之深，而圓之。厚鍾厚，深謂室之也。其室圓故

書圓或作圍。杜子春云當為圓。

虞氏為量，改煎金錫則不耗。消凍之精不復減也。稟，古文或作歷。玄謂量當與鍾鼎同齊，工異者大器。不耗然後權之。權謂稱分之也。雖異法，用金必齊。權之然後準之。

準，故書或作水。杜子春云當為水。金器有孔者，水入孔中則當重也。玄謂準，擊平正之。又當齊大小。準之然後量之。鑄之於法中也。量讀如量人之量。量之以為黼，深尺，內方尺而圓其

外，其實一黼。以其容為之名也。四升曰豆，四豆曰區，四區曰黼。黼六斗四升也。黼十則鍾，方尺積千寸。於今粟米法少二升八十一分升之二十二，其數必容黼。此言大方耳。圓其外者為之唇。其臂一寸，其實一豆。

故書臂作臂。杜子春云當為臂。謂覆之其底深一寸也。其耳三寸，其實一升。耳在旁，可舉也。重一鈞。重三十斤。其聲中黃鍾之宮。應律之首。槩而不稅。鄭司農云，令百姓得

以量而其銘曰：時文思索，允臻其極。銘刻之也。時是也。允信也。臻至也。極中也。言是文德之君，思求可以為民立法者，而作此量，信至於道之中。嘉量既成，以觀四國。以觀示四方使

永啓厥後。茲器維則。永長也。厥其也。茲此也。又長啓道其子孫使法則此器長用之。凡鑄金之狀。故書狀作壯。杜子春云。當爲狀謂鑄金之形狀。金與錫黑濁之氣竭。

黃白次之。黃白之氣竭。青白次之。青白之氣竭。青氣次之。然後可鑄也。消涑金錫精麤之候。

段氏闕。

函人爲甲。犀甲七屬。兕甲六屬。合甲五屬。屬讀如灌注之注。謂上旅下旅札續之數也。革堅者札長。鄭司農云。合甲。削革裏肉。但取其表。合以爲甲。犀甲壽百年。兕甲壽

二百年。合甲壽三百年。革堅者又支久。凡爲甲必先爲容。服者之形容也。鄭司農云。容謂象式。然後制革。裁制札之廣袤。權其上旅與其下旅。而

重若一。鄭司農云。上旅謂要以上。下旅謂要以下。以其長爲之圍。圍謂札要廣厚。凡甲鍛不摯則不堅。已敝則撓。鄭司農云。鍛。鍛革也。摯。謂質也。鍛革大孰則革敝無強曲撓也。

凡察革之道。眡其鑽空。欲其窳也。鄭司農云。窳。小孔貌。窳讀爲窳。被北林之窳。眡其裏。欲其易也。無敗蕪也。眡其朕。欲其直也。鄭司農云。

欲其約也。鄭司農云。謂卷置囊中也。春秋傳曰。囊甲而見子南。舉而眡之。欲其豐也。豐大。衣之。欲其無斷也。鄭司農云。斷。謂如齒斷。眡其鑽空

而窳。則革堅也。眡其裏而易。則材更也。眡其朕而直。則制善也。囊之而約。則周也。舉之而豐。則明也。衣之

無斷則變也。周密致也。明有光燿。鄭司農云。更善也。變隨人身便利。

鮑人之事。鮑。故書或作靴。鄭司農云。蒼頡篇有靴。鮑。農云。蒼頡篇有靴。鮑。望而眡之。欲其茶白也。章革遠視之。當如茅莠之色。進而握之。欲其柔而滑也。謂親手。煩捫之。卷而搏

之。欲其無池也。鄭司農云。卷讀為可。卷而懷之之卷。搏讀為搏。一如瑣之縛。謂卷縛章革也。池。讀為既建而池之之池。無池。謂革不礙。眡其著。欲其淺也。鄭司農云。謂郭章革之札入章革淺。緣其邊也。玄謂章革

調善者。鋪著之。雖厚如薄然。察其線。欲其臧也。故書線或作綜。杜子春云。綜當為糸旁泉。讀為網。謂縫革之縷。革欲其茶白而疾。澣之則堅。鄭司農云。章革不欲久居水中。欲其柔

滑而脛脂之則需。故書需作調。鄭司農云。脛讀如沾濕之濕。副讀為柔需之需。謂厚脂之章革柔需。引而信之。欲其直也。信之而直。則取材正也。信之而

枉。則是一方緩一方急也。若苟一方緩一方急。則及其用之也。必自其急者先裂。若苟自急者先裂。則是

以博為棧也。鄭司農云。棧讀為翦。謂以廣為狹也。玄謂翦者。如棧淺之棧。或者讀為羊豬彘之彘。卷而搏之而不池。則厚薄序也。序。舒也。謂其革均也。眡其著而淺。則革

信也。信。無縮緩。察其線而藏。則雖敝不類。類。故書或作鄰。鄭司農云。鄰讀為磨而不磷之磷。謂章革縫縷沒藏於章革中。則雖敝縷不傷也。

鞞人為皐陶。鄭司農云。鞞。書或為鞞。皐陶。鼓木也。玄謂鞞者。以皐陶名官也。鞞。則陶字從革。長六尺有六寸。左右端廣六寸。中尺厚三寸。版中廣頭狹。為穿隆也。鄭司農云。謂鼓木

一判者其兩端廣六寸而其中央廣尺也如此乃得有腹。穹者三之一。鄭司農云穹讀為志無空邪之空謂鼓木腹穹隆者居鼓三之一也。玄謂穹讀如穹蒼之

六寸三分寸之二。加鼓四尺。穹之徑六尺六寸三分寸之二也。此鼓合二十版。上三正。鄭司農云謂兩頭一平中央一平也。玄謂三讀當為參。正直也。參直者穹上一直兩端

也。以晉鼓。鼓長八尺。鼓四尺。中圍加三之一。謂之鼗鼓。中圍加三之一者。加於面之圍以三分之一也。面四尺。其圍十二尺。加以三分一四尺。則中圍十六尺。徑五尺三寸三分寸之一也。

今亦合二十版。則版穹六寸三分寸之二耳。大鼓謂之鼗。以鼗鼓軍事。鄭司農云。鼓四尺。謂革所蒙者廣四尺。為臯鼓。長尋有四尺。鼓四尺。倨句磬折。以臯鼓鼓役事。磬折中曲之不參正也。中圍與鼗鼓

同。以磬折為異。凡冒鼓必以啓蟄之日。啓蟄孟春之中也。蟄蟲始聞雷聲而動。鼓所取象也。冒蒙鼓以革。良鼓瑕如積環。革調急也。鼓大而短。則其聲疾而短

開。鼓小而長。則其聲舒而遠聞。

韋氏闕。

裘氏闕。

畫績之事雜五色。東方謂之青。南方謂之赤。西方謂之白。北方謂之黑。天謂之玄。地謂之黃。青與白相次

也。赤與黑相次也。玄與黃相次也。

此言畫績六色所象及布采之第次績以爲衣。

青與赤謂之文。赤與白謂之章。白與黑謂之黼。黑

與青謂之黻。五采備謂之繡。

此言刺繡采所用繡以爲裳。

土以黃。其象方天時變。

古人之象無天地也。爲此記者見時有之耳。子家駒曰：天子僭天意亦是也。鄭司農云：天時變謂畫

天隨四時色。

火以圖。

鄭司農云：爲圖形似火也。玄謂形如牛環然在裳。

山以章。

章讀爲獐。獐山物也。在衣。齊人謂獐爲獐。

水以龍。

龍水物。在衣。

鳥獸黼。

所謂華蟲也。在衣。蟲之毛鱗有文采者。

雜四

時五色之位以章之。謂之巧。

章明也。績繡皆用五采鮮明之是爲巧。

凡畫績之事後素功。

素白采也。後布之爲其易清汗也。不言繡。繡以絲也。鄭司農說以論語曰：績事後素。

鍾氏染羽。以朱湛丹秫。三月而熾之。

鄭司農云：湛漬也。丹秫赤粟。玄謂湛讀如漸車。漸之漸熾炊也。羽所以飾旌旗及王后之車。

淳而漬之。

淳沃也。以炊下湯沃其熾。烝之以漬羽。猶染也。

三入爲纁。五入爲緞。七入爲緇。

染纁者三入而成。又再染以黑則爲緞。緞今禮俗文作爵。言如爵頭色也。又復再染以黑乃成緇矣。鄭司農說以論語曰：君子不以紺緞飾。又曰：緇衣羔裘。爾雅曰：一染謂之纁。再染謂之緞。

三染謂之纁。詩云：緇衣之宜兮。玄謂此同色耳。染布帛者染人掌之。凡玄色者在緇緇之間。其六入者與

筐人。闕。

幄氏涑絲。以澼水漚其絲。七日。去地尺。暴之。

故書澼作涓。鄭司農云：涓水溫水也。玄謂澼水以灰所澼水也。漚漸也。楚人曰漚。齊人曰澼。

晝暴諸日。夜宿諸井。七

日七夜是謂水涑。

宿諸井。縣井中。

涑帛以欄為灰。渥淳其帛。實諸澤器。淫之以蜃。

渥讀如緡人渥菅之渥。以欄木之灰漸釋其帛也。杜子春云。淫當為涅。書亦或為湛。

鄭司農云。澤器謂滑澤之器。蜃謂炭也。土冠禮曰。素積白履。以魁拊之。說曰。魁蛤也。周官亦有白盛之蜃。蜃蛤也。玄謂淫薄粉之。令帛白。蛤今海旁有焉。

清其灰而盪之。而揮之。

清澄也。於灰澄而出。盪晞之。晞而揮去其蜃。

而

沃之。而盪之。而塗之。而宿之。

更渥。淳之。

明日沃而盪之。

朝更沃。至夕盪之。又更沃。至旦盪之。亦七日如溫絲也。

晝暴諸日。夜宿諸井。七日七夜。

是謂水涑。

周禮卷第十二

冬官考工記下

玉人之事。鎮圭尺有二寸。天子守之。命圭九寸。謂之桓圭。公守之。命圭七寸。謂之信圭。侯守之。命圭七寸。

謂之躬圭。伯守之。

命圭者。王所命之圭也。朝覲執焉。居則守之。子守穀璧。男守蒲璧。不言之者。闕耳。故書或云命圭五寸。謂之躬圭。杜子春云。當爲七寸。玄謂五寸者。璧文之闕亂存焉。

天子執冒四寸。以朝

諸侯。

名玉曰冒者。言德能覆蓋天下也。四寸者。方以尊接卑。以小爲貴。

天子用全。上公用龍。侯用瓚。伯用將。

鄭司農云。全。純色也。龍。當爲彪。彪。謂雜色。玄謂全。純玉也。瓚。讀爲鑿。鑿之屬。龍。瓚。將。皆雜名也。

卑者下尊。以輕重爲差。玉多則重。石多則輕。公侯四玉一石。伯子男三玉二石。

繼子男。執皮帛。

謂公之孤也。見禮次子男。贊用束帛。而以豹皮表之爲飾。天子之孤。表帛以虎皮。此說玉及皮帛者。遂言見天子之用贊。

天子圭中

必。必讀如鹿車。繹之繹。謂以組約其中央。爲執之以備失隊。

四圭尺有二寸。以祀天。

郊天所以禮其神也。典瑞職曰。四圭有邸。以祀天。旅上帝。

大圭長三尺。杼上終葵首。天子

服之。

王所摺大圭也。或謂之琕。終葵。椎也。爲椎於其杼上。明無所屈也。杼。網也。相玉書曰。琕玉六寸。明自照。

土圭尺有五寸。以致日。以土地。

致日。度量至不。夏日至之景尺有五寸。冬日至之景丈有三尺。土猶

度也。建邦國。以度其地而制其域。

裸圭尺有二寸。有瓚。以祀廟。

裸之言灌也。或作溲。或作果。裸。謂始獻酌奠也。瓚如盤。其柄用圭。有流前注。

琬圭九寸而纁。以象德。

琬。猶圓也。玉使

之瑞節也。諸侯有德，王命賜之。瑱圭九寸，判規以除慝，以易行。凡圭瑱上寸半，瑱圭瑱半以上，又半為瑑飾，諸侯有為不義使者，征之，執以為瑞節也。除慝誅惡逆也。易行去煩苛。璧

羨度尺，好三寸，以為度。鄭司農云：羨，徑也。好，璧孔也。爾雅曰：肉倍好，謂之璧，好倍肉，謂之瑗。肉好者一謂之環，玄謂羨猶延，其袤一尺而廣狹焉。圭璧五寸，以祀日月星辰。禮其神也。圭其邸為

璧取殺於上帝。璧琮九寸，諸侯以享天子。享獻也。聘禮享君以璧，享夫人以琮。穀圭七寸，天子以聘女。納徵，加於束帛。大璋中璋九寸，邊璋七寸。

射四寸，厚寸，黃金勺，青金外，朱中，鼻寸，衡四寸，有纁。天子以巡守，宗祝以前馬。射瑑出者也。勺，故書或作約。杜子春云：當為勺，謂酒尊中勺也。

鄭司農云：鼻，謂勺龍頭鼻也。衡，謂勺柄龍頭也。玄謂鼻，勺流也。凡流皆為龍口也。衡，古文橫，假借字也。衡，謂勺徑也。三璋之勺，形如圭瓚。天子巡守，有事山川，則用灌焉。於大山川，則用大璋，加文飾也。於中山川，用中璋，殺文飾也。於小山川，用邊璋，半文飾也。其祈沈，以馬宗

祝亦執勺以先之。禮，王過大山川，則大祝用事焉。將有事於四海山川，則校人飾黃駒。大璋亦如之。諸侯以聘女。亦納徵加於束帛也。大璋者，以大璋之文飾之也。亦如之者，如邊璋七寸，射四寸。瑑圭璋八

寸，璧琮八寸，以覲聘。瑑，文飾也。覲，視也。聘，問也。衆來曰覲。特來曰聘。聘禮曰：凡四器者，唯其所寶，以聘可也。牙璋中璋七寸，射二寸，厚寸，以起軍旅，以治兵

守。二璋皆有鉏牙之飾於琫。側先言牙璋，有文飾也。駟琮五寸，宗后以為權。駟，讀為組，以組繫之，因名焉。鄭司農云：以為稱錘以起量。大琮十有二寸，射四寸，厚寸，是謂

內鎮，宗后守之。如王之鎮圭也。射，其外鉏牙。駟琮七寸，鼻寸，有半寸，天子以為權。鄭司農云：以為權，故有鼻也。兩圭五寸有邸，以祀地，以

旅四望。邱謂之祗。有邱儻共本也。瑑琮八寸。諸侯以享夫人。獻於所朝聘君之夫人也。案十有二寸。棗栗十有二列。諸侯純九。大夫純

五。夫人以勞諸侯。純猶皆也。鄭司農云。案玉案也。夫人天子夫人。玄謂案玉飾案也。夫人王后也。記時諸侯僭稱王。而夫人之號不別。是以同王后於夫人也。玉案十二以爲列。王后勞朝諸侯皆九列。聘大夫皆五列。則十有二列者。勞二王之後也。棗栗實於器。乃加於案。聘禮曰。夫人使下大夫勞以二竹簋。方玄被繡裏。有蓋。其實棗蒸栗擇兼執之以進。璋。邱射素功。以祀山川。以致稍餼。邱射。刻而出也。致稍餼。造賓客。納粟食也。鄭司農云。素功。無瑑飾也。餼。或

作氣。杜子春云。當爲餼。柳人。闕。

雕人。闕。

磬氏爲磬。倨句一矩有半。必先度一矩爲句。一矩爲股。而求其弦。既而以一矩有半觸其弦。則磬之倨句也。磬之制有大小。此假矩以定倨句。非用其度耳。其博爲一。博。謂股博也。博廣也。股爲二。

鼓爲三。參分其股博。去一以爲鼓博。參分其鼓博。以其一爲之厚。鄭司農云。股。磬之上大者。鼓。其下小者。所當擊者也。玄謂股外面。鼓內面也。假令磬股廣四寸半者。

股長九寸也。鼓廣三寸。長尺三寸半。厚一寸。已上。則摩其旁。鄭司農云。磬聲大上。則摩鏗其旁。玄謂大上。聲清也。薄而廣則濁。已下。則摩其端。大下。聲濁也。短而厚則清。

周禮 卷十二 二九九

矢人爲矢。鏃矢，參分，莛矢，參分，一在前，二在後。

參訂之而平者，前有鐵，重也。司弓矢職，莛當爲殺。鄭司農云：一在前，謂箭囊中鐵莖居參分殺一以前。

兵矢，田矢，五分

二在前，三在後。

鐵差短小也。兵矢，謂枉矢，繫矢也。此二矢亦可以田，田矢，謂矰矢。

殺矢，七分，三在前，四在後。

鐵又差短小也。司弓矢職，殺當爲莛，弓矢職，殺當爲莛。

參分其長，而殺其一。

矢囊長三尺，殺其前一尺，令趣鏃也。

五分其長，而羽其一。

羽者六寸。

以其筈厚爲之羽深。

筈讀爲囊，謂矢幹，古文假借字，厚之數未聞。

水之，以辨其陰陽。

辨，猶正也。陰沈

而陽。

夾其陰陽，以設其比，夾其比，以設其羽。

夾其陰陽者，弓矢比在囊兩旁，弩矢比在上下，設羽於四角。鄭司農云：比，謂括也。

參分其羽，以設其刃。

刃二則

雖有疾風，亦弗之能憚矣。

故書憚或作但。鄭司農云：讀當爲憚，之以威之憚，謂風不能驚憚箭也。

刃長寸，圍寸，鏃十之重，三垸。

刃長寸，脫二字，鏃一尺。

前弱則俛。

後弱則翔，中弱則紆，中強則揚，羽豐則遲，羽殺則趨。

言幹羽之病，使矢行不正。俛，低也。翔，迴顧也。紆，曲也。揚，飛也。豐，大也。趨，旁掉也。

是故夾而搖之，以眠

其豐殺之節也。

今人以指夾矢，儼衛是也。

橈之，以眠其鴻殺之稱也。

橈，擗其幹。

凡相筈，欲生而搏，同搏，欲重，同重，節欲疏，同疏。

欲臬。

相，猶擇也。生，謂無瑕蠹也。搏，讀如搏黍之搏，謂圍也。鄭司農云：欲臬，欲其色如臬也。

陶人爲甗，實二鬴，厚半寸，脣寸，益實二鬴，厚半寸，脣寸，甗實二鬴，厚半寸，脣寸，七穿。

量六斗四升曰甗。鄭司農云：甗，無底飯。

鬲

實五穀。厚半寸。脣寸。庾實二穀。厚半寸。脣寸。鄭司農云。穀讀爲斛。穀實三斗。聘禮記有斛。玄謂豆實三而成穀。則穀受斗二升。庾讀如請益與之庾之庾。

瓶人爲簋。實一穀。崇尺。厚半寸。脣寸。豆實三而成穀。崇尺。崇高也。豆實四升。凡陶旗之事。鬻粟不入市。爲其不任用也。

鄭司農云。鬻讀爲刮。薛讀爲樂。黃燮之燮。鬻讀爲剝。玄謂鬻讀爲阴。聖頓傷也。薛破裂也。燮填起不堅致也。器中膊。豆中縣。膊讀如車輕之輕。既拊泥而轉其均。對膊其側以擬度。端其器也。縣。縣繩正豆之柄。膊崇四尺。方

四寸。凡器高於此則埒不能相勝。厚於此則火氣不交。因取式焉。

梓人爲筍虬。樂器所縣。橫曰筍。植曰虬。鄭司農云。筍讀爲竹筍之筍。天下之大獸五。脂者。膏者。羸者。羽者。鱗者。脂。牛羊屬。膏。豕屬。羸者。謂虎豹。蝮螭爲獸。淺毛者之屬。羽。鳥屬。鱗。龍

蛇之屬。宗廟之事。脂者膏者以爲牲。致美味也。羸者羽者鱗者以爲筍虬。貴野聲也。外骨內骨。卻行仄行。連行紆行。以

脰鳴者。以注鳴者。以旁鳴者。以翼鳴者。以股鳴者。以胷鳴者。謂之小蟲之屬。以爲雕琢。刻畫祭器。博庶物也。外骨。龜屬。內骨。蟹屬。

卻行。頰衍之屬。仄行。蟹屬。連行。魚屬。紆行。蛇屬。脰鳴。龜屬。注鳴。精列屬。旁鳴。蜩蛸屬。翼鳴。發皇屬。股鳴。蚣蟠動股屬。胸鳴。榮原屬。厚脣弇口。出目短耳。大胷燿後。大體短脰。若是者謂

之羸屬。恆有力而不能走。其聲大而宏。有力而不能走。則於任重宜。大聲而宏。則於鍾宜。若是者以爲鍾

盧是故擊其所縣而由其虛鳴。

懼讀為喧。頤小也。鄭司農云。安讀為紘。紘之紘。謂聲音大也。由若也。

銳喙決吻。數目顧脰。小體騫腹。若是者謂之

羽屬。恆無力而輕。其聲清陽而遠聞。無力而輕。則於任輕宜。其聲清陽而遠聞。於磬宜。若是者以為磬虞。

故擊其所縣而由其虛鳴。

吻。口脰也。頤。長脰貌。故書顧或作輕。鄭司農云。輕讀為鬪。鬪無髮之屬。

小首而長。搏身而鴻。若是者謂之鱗屬。以為筍。

搏。圍。

也。鴻。備也。

凡攬網援箬之類。必深其爪。出其目。作其鱗之而。

謂筍虞之獸也。深。猶藏也。作。猶起也。之。而。頤頤也。

深其爪。出其目。作其鱗之而。

則於眡必撥爾而怒。苟撥爾而怒。則於任重宜。且其匪色必似鳴矣。

匪。采貌也。故書撥作廢。匪作飛。鄭司農云。廢讀為撥。飛讀為匪。以似為發。

爪不深。

目不出。鱗之而不作。則必積爾如委矣。苟積爾如委。則加任焉。則必如將廢措。其匪色必似不鳴矣。

措。猶頓也。

故書措作厝。杜子春云。當為措。

梓人為飲器。勺一升。爵一升。觚三升。獻以爵而酬以觚。一獻而三酬。則一豆矣。

勺。尊升也。觚。豆字。聲之。誤。觚當為解。豆當為斗。

食一

豆肉。飲一豆酒。中人之食也。

一豆酒。又聲之。誤。當為斗。

凡試梓飲器。鄉衡而實不盡。梓師罪之。

鄭司農云。梓師罪也。衡。謂鑿衡也。曲禮。執君器齊衡。玄謂衡平。

也。平爵鄉口。酒不盡。則梓人之長罪於梓人焉。

梓人爲侯。廣與崇方。參分其廣。而鵠居一焉。

崇。高也。方。猶等也。高廣等者。謂侯中也。天子射禮。以九爲節。侯道九十弓。弓二寸。以爲侯中。高廣等。則天子侯中丈八尺。諸侯於其國亦然。鵠所射也。以

皮爲之。各如其侯也。居侯中參分之一。則此鵠方六尺。唯大射以皮飾侯。大射者。將祭之射也。其餘有賓射燕射。

上兩個。與其身三。下兩個。半之。

鄭司農云。兩個。謂布可以維持侯者。也。上方兩枚。與身三。設身廣一丈。兩

个各一丈。凡爲三丈。下兩個半之。傳地。故短也。玄謂个。讀若齊人攬幹之幹。上个。下个。皆謂舌也。身躬也。鄉射禮記曰。倍中以爲躬。倍躬以爲左右。舌。下舌。半上舌。然則九節之侯。身三丈六尺。上个七丈二尺。下个五丈四尺。其制。身夾中个。夾身在上下各一幅。此侯凡用布三十六丈。言上个與其身三者。明身居一分。上个倍之耳。亦爲下个半。上个出也。个或謂之舌者。取其出而左右也。侯制上廣下狹。蓋取象於人也。張臂八尺。張足六尺。是取象率焉。

上綱與下綱出舌尋。緝寸焉。

綱。所以繫

侯於植者也。上下皆出舌一尋者。亦人張手之節也。鄭司農云。綱。連侯繩也。緝。籠綱者。緝。讀爲竹中皮之緝。舌。維持侯者。

張皮侯而棲鵠。則春以功。

皮侯。以皮所飾之侯。司裘職曰。王大射。則共虎侯。熊侯。豹侯。設其鵠。謂此侯也。

春。讀爲蠢。蠢。作也。出也。天子將祭。必與諸侯羣臣射。以作其容體。出其合於禮樂者。與之事鬼神焉。

張五采之侯。則遠國屬。

五采之侯。謂以五采畫正之侯也。射人職曰。以射法治射儀。王以六耦射三侯。三獲。三容。樂以騶虞九節。五正

下曰。若王大射。則以狸步張三侯。明此五正之侯。非大射之侯。明矣。其職又曰。諸侯在朝。則皆北面。遠國屬者。若諸侯朝會。王張此侯。與之射。所謂賓射也。正之。方。外如鵠。內二尺。五采者。內朱。白。次之。蒼。次之。黃。次之。黑。次之。其侯之飾。又以五采畫雲氣焉。

張獸

侯。則王以息燕。

獸侯。畫獸之侯也。鄉射記曰。凡侯。天子熊侯。白質。諸侯麋侯。赤質。大夫布侯。畫以虎豹。士布侯。畫以鹿豕。凡畫者。丹質。是獸侯之差也。息者。休農息老物也。燕。謂勞使臣若與羣臣飲酒而射。

祭侯之禮。以酒

脯醢

謂司馬實爵而獻獲者于侯。薦脯醢折俎獲者執以祭侯。

其辭曰。惟若寧侯。

若猶女也。寧安也。謂先有功德。其鬼有神。

毋或若女不寧侯。不屬于王所。故抗而射

女。

或有也。若如也。屬猶朝會也。抗舉也。張也。

強飲強食。詒女曾孫諸侯百福。

詒遺也。曾孫諸侯。謂女後世為諸侯者。

廬人為廬器。戈秘六尺有六寸。戈長尋有四尺。車戟常。會矛常有四尺。夷矛三尋。

秘。猶柄也。八尺曰尋。倍尋曰常。會。夷長短名。會之言適也。

會近夷長矣。

凡兵無過三其身。過三其身。弗能用也。而無已。又以害人。

人長八尺。與尋齊。進退之度三尋。用兵力之極也。而無已。不徒止耳。

故攻國之兵

欲短。守國之兵欲長。攻國之人衆。行地遠。食飲飢。且涉山林之阻。是故兵欲短。守國之人寡。食飲飽。行地

不遠。且不涉山林之阻。是故兵欲長。

言罷羸宜短兵。壯健宜長兵。

凡兵。句兵欲無彈。刺兵欲無蝟。是故句兵。稜。刺兵。擣。

句兵。

戈戟屬。刺兵。矛屬。故書彈。或作但。蝟。或作蝟。鄭司農云。但讀為彈丸之彈。彈。謂掉也。絹讀為情色之情。情。謂稜也。稜。讀為鼓擊之擊。玄謂蝟。亦掉也。謂若井中蟲蝟之蝟。齊人謂柯斧柄為稜。則稜。隋圍也。擣。圍也。

穀兵同強。舉圍欲細。細

則校。刺兵同強。舉圍欲重。重欲傳人。傳人則密。是故侵之。

改句言。穀容。及無刃同強。上下同也。舉。謂手所操。鄭司農云。校。讀為絞。而婉之。絞。重欲傳人。謂矛柄之大者在人手中者。

侵之。能敵也。玄謂校。疾也。傳。近也。密。審也。正也。人手操細以。穀則疾。操重以刺。則正。然則為矜。句兵。堅者在後。刺兵。堅者在前。

凡為。五。分其長。以其一為之被。而圍之。參分其圍。去

方各百步

夏后氏世室堂修二十七廣四修一

世室者宗廟也魯廟有世室牲有白牡此用先王之禮修南北之深也夏度以步令堂修十四步其廣益以四分修之一則堂廣十七步半

五室三四

步四三尺

堂上為五室象五行也三四步室方也四三尺以益廣也木室於東北火室於東南金室於西南水室於西北其方皆三步其廣益之以三尺土室於中央方四步其廣益之以四尺此五室居堂南北六丈東西七丈

九階南面三面各

二四旁兩夾窗

徽助戶為明每室四戶八窓

白盛

盛灰也盛之言成也以盛灰聖牆所以飾成宮室

門堂三之二

門堂門側之堂取數於正堂令堂如上制則門堂南北九步二尺東西十一步四尺爾雅曰門

側之堂謂之塾

室三之一兩室與門各居一分

般人重屋堂脩七尋堂崇三尺四阿重屋

重屋者王宮正堂若大寢也其修七尋五丈六尺放夏周則其廣九尋七丈二尺也五室各二

尋崇高也四阿若今四注屋重屋複簷也

周人明堂度九尺之筵東西九筵南北七筵堂崇一筵五室凡室二筵

明堂者明政教之堂周度以筵亦王者相

改周堂高九尺殷三尺則夏一尺矣相參之數禹卑宮室謂此一尺之堂與此三者或舉宗廟或舉王寢或舉明堂互言之以明其同制

室中度以几堂上度以筵宮中度以尋野度以步涂

度以軌

周文者各因物宜為之數室中舉謂四壁之內

廟門容大局七個

大局牛鼎之局長三尺每局為一個七個二丈一尺

闈門容小局參個

廟中之門曰闈小局牛鼎之局長二尺參個六尺

路門不容乘車之五個

路門者大寢之門乘車廣六尺六寸五個三丈三尺言不容者是兩門乃容之兩門乃容之則此門半之丈六尺五寸

應門二徹參個

正朝謂之應門謂朝門也二徹之內八尺三個

二丈四尺

內有九室九嬪居之外有九室九卿朝焉

內路寢之裏也外路門之表也九室如今朝堂諸曹治事處九嬪掌婦學之法以教九御六卿三孤為九卿

九分其國以為

九分九卿治之。

九分其國分國之職也。三孤佐三公論道六卿治六官之屬。

王宮門阿之制五雉。宮隅之制七雉。城隅之制九雉。

阿棟也。宮隅城隅謂角浮。

思也。雉長三丈高一丈。度高以高度廣以廣。

經涂九軌。環涂七軌。野涂五軌。

廣狹之差也。故書環或作輶。杜子春云當爲環。環涂謂環城之道。

門阿之制以爲都城之制。

都四百里外距五百里。王子弟所封。其城隅高五丈。宮隅門阿皆三丈。

宮隅之制以爲諸侯之城制。

諸侯畿以外也。其城隅制高七丈。宮隅門阿皆五丈。禮器曰天子諸侯臺門。

環涂以爲諸侯

經涂野涂以爲都經涂。

經亦謂城中道。諸侯環涂五軌。其野涂及都環涂野涂皆三軌。

匠人爲溝洫。

主通利田間之水道。

耜廣五寸。二耜爲耦。一耦之伐。廣尺深尺。謂之畝。田首倍之。廣二尺。深二尺。謂之

遂。

古者耜一金。兩人併發之。其壟中曰畝。畝上曰伐。伐之言發也。畝畎也。今之耜岐頭兩金。象古之耦也。田一夫之所佃百畝。方百步地。遂者夫間小溝。遂上亦有徑。

九夫爲井。井間廣四尺。深四尺。謂之溝。

方十里爲成。成間廣八尺。深八尺。謂之洫。方百里爲同。同間廣二尋。深二仞。謂之澮。

此畿內采地之制。九夫爲井。井者方一里。九夫所治。

之田也。采地制井田。異於鄉遂及公邑。三夫爲屋。屋具也。一井之中。三屋九夫。三三相具。以出賦稅。共治溝也。方十里爲成。成中容一甸。甸方八里。出田稅。綠邊一里。治洫。方百里爲同。同中容四都。六十四成。方八十里。出田稅。綠邊十里。治澮。采地者在三百里。四百里。五百里之中。載師職曰。閭廛二十而一。近郊什一。遠郊二十而三。甸稍縣都皆無過十二。謂田稅也。皆就夫稅之輕近重遠耳。滕文公問爲國於孟子。孟子曰。夏后氏五十而貢。殷人七十而助。周人百畝而徹。其實皆什一。徹者徹也。助者藉也。龍子曰。治地莫善於助。莫不善於貢。

貢者校數歲之中以為常。文公又問井田。孟子曰：請野九一而助。國中什一使自賦。卿以下必有圭田。圭田五十畝。餘夫二十五畝。死徒無出鄉。鄉田同井。出入相友。守望相助。疾病相扶持。則百姓親睦。方里而井。九百畝。其中為公田。八家皆私百畝。同養公田。公事畢然後治私事。所以別野人也。又曰：詩云：雨我公田。遂及我私。惟助為有公田。由此觀之。雖周亦助也。魯哀公問於有若曰：年饑用不足。如之何。有若對曰：盍徹與。曰：二吾猶不足。如之何其徹也。春秋宣十五年。秋。初稅畝。傳曰：非禮也。穀出不過藉。以豐財也。此數者。世人謂之錯。而疑焉。以載師職及司馬法論之。周制畿內用夏之貢法。稅夫無公田。以詩春秋論語。孟子論之。周制邦國用殷之助法。制公田不稅。夫貢者自治其所受田。貢其稅穀。助者借民之力以治公田。又使收斂焉。畿內用貢法者。鄉遂及公邑之更。且夕從民事。為其促之。以公使不得恤其私。邦國用助法者。諸侯專一國之政。為其貪暴。稅民無藝。周之畿內。稅有輕重。諸侯謂之徹者。通其率以什一為正。孟子云：野九夫而稅一。國中什一。是邦國亦異外內之法耳。圭之言珪。絜也。周謂之士田。鄭司農說以春秋傳曰：有田一成。又曰：列國一同。專

達於川各載其名。

達猶至也。謂澮直至於川。復無所注入。載以名者。識水所從出。

凡天下之地。執兩山之間。必有川焉。大川之上。必有塗焉。

通其壅塞。

凡溝逆地。防謂之不行。水屬不理。孫謂之不行。

溝謂造溝。防謂脈理。屬讀為注。孫順也。不行。謂決溢也。禹鑿龍門。播九河。為此逆防。與不理孫也。

梢溝二十里。而廣

倍。

謂不墾地之溝也。鄭司農云：梢讀為桑。蟪蝻之蝻。蝻謂水漱齧之溝。故三十里而廣倍。

凡行奠水。磬折以參伍。

坎為弓輪。水行欲紆曲也。鄭司農云：奠讀為停。謂行停水。溝形當如磬。直行三折。行五以引水者疾焉。

欲

為淵。則句於矩。

大曲則流轉。流轉則其下成淵。

凡溝必因水。執防必因地。執善溝者。水漱之。善防者。水淫之。

漱猶齧也。鄭司農云：淫讀為厭。謂水

淤泥土留著。助之為厚。玄謂淫讀為淫液之淫。

凡為防。廣與崇方。其綱參分去一。

崇高也。方猶等也。綱者薄其上。

大防外綱。

又薄其上。厚其下。

凡溝防。必一日先

深之以爲式。

程人功也。溝防。爲溝爲防也。

里爲式。然後可以傳衆力。

里讀爲已。聲之誤也。

凡任索約。大汲其版。謂之無任。

故書汲作沒。鄭子春云。當爲汲。

玄謂約。縮也。汲。引也。築防若牆者。以繩縮其版。大引之。言版棧也。版棧。築之則鼓。土不堅矣。詩云。其繩則直。縮版以載。又曰。約之格格。櫟之囊囊。

葺屋參分。瓦屋四分。

各分其修。以一爲峻。

困窳倉城。逆牆

六分。

逆。猶卻也。築此四者。六分其高。卻一分以爲潤。圍倉穿地曰窳。

堂涂十有二分。

謂階前。若今令辟。祇也。分其督旁之修。以一分爲峻也。爾雅曰。堂涂謂之陳。

寶其崇三尺。

宮中水道。

牆厚三

尺。崇三之。

高厚以是爲率。足以相勝。

車人之事。半矩謂之宣。

矩。法也。所法者人也。人長八尺。而大節三頭也。腹也。脛也。以三通率之。則矩二尺六寸三分寸之二頭。髮皓落曰宣。半矩。尺三寸三分寸之一。人頭之長也。柯。欄之木。頭取名焉。易巽爲宣髮。

一宣有

半謂之櫪。

櫪。斲斤柄。長二尺。爾雅曰。句櫪謂之定。

一櫪有半謂之柯。

伐木之柯。柄長三尺。詩云。伐柯伐柯。其則不遠。鄭司農云。蒼頡篇有柯櫪。

一柯有半謂之磬折。

人帶以下四尺五寸。

磬折立。則上僂。玉藻曰。三分帶下。紳居二焉。紳長三尺。

車入爲耒。庇長尺有一寸。中直者三尺有三寸。上句者二尺有二寸。

鄭司農云。耒。謂耕耒。庇。讀爲其類有疵之疵。謂耒下歧。玄謂庇。讀爲棘刺之刺。刺耒下前曲接

耜。自其庇。緣其外。以至於首。以弦其內。六尺有六寸。與步相中也。

緣外六尺有六寸。內弦六尺。應一步之尺。數耕者以田器爲度。宜耜異材不在數中。

墜地

欲直底。柔地欲句底。直底則利推。句底則利發。倨句磬折。謂之中地。

中地之來其底與直者如磬折則調矣。調則弦六尺。

車人為車。柯長三尺。博三寸。厚一寸有半。五分其長。以其一為之首。

首六寸。謂今剛闕頭斧柯其柄也。鄭司農云。柯長三尺。謂斧柯。因為度。

轂長半

柯。其圍一柯有半。

大車轂徑尺五寸。

輻長一柯有半。其博三寸。厚三之一。

輻厚一寸也。故書博或作搏。杜子春云。當為博。

渠二柯者二。

渠二丈七尺。謂罔也。

其徑九尺。鄭司農云。渠謂車轆。所謂牙。

行澤者欲短轂。行山者欲長轂。短轂則利。長轂則安。

澤泥苦其大安。山險苦其大動。

行澤者反輹。行山者仄

輹。反輹則易。仄輹則完。

故書仄為側。鄭司農云。反輹。謂輪輹反其木裏。需者在外。澤地多泥。柔也。側當為仄。山地剛多沙石。玄謂反輹為泥之黏。欲得心在外。滑仄輹為沙石破碎之。欲得表裏相依。堅刃。

六分其輪

崇。以其一為之牙圍。

輪高。輪徑也。牙圍尺五寸。

柏車轂長一柯。其圍二柯。其輻一柯。其渠二柯者二。五分其輪崇。以其

一為之牙圍。

柏車。山車。輪高六尺。牙圍尺二寸。

大車崇二柯。綆寸。牝服二柯有參分柯之二。

大車。平地載任之車。轂長半柯者也。綆。輪輦。牝服長八尺。謂較也。鄭司農云。牝服謂

車箱。服讀為負。

羊車二柯有參分柯之一。

鄭司農云。羊車。謂車羊門也。玄謂羊善也。善車若今定張車。較長七尺。

柏軍二柯。

較六尺也。柏車輪崇六尺。其綆大半寸。

凡為輹。三其輪

崇。參分其長。二在前。一在後。以鑿其鈎。徹廣六尺。高長六尺。

鄭司農云。鈎。鈎心。謂輹端。服牛領者。

弓人爲弓。取六材必以其時。

取幹以冬。取角以秋。絲漆以夏。筋膠未開。

六材既聚。巧者和之。

聚猶具也。

幹也者。以爲遠也。角也者。以爲

疾也。筋也者。以爲深也。膠也者。以爲和也。絲也者。以爲固也。漆也者。以爲受霜露也。

六材之力。相得而足。

凡取幹之

道七。柘爲上。櫨次之。檠桑次之。橘次之。木瓜次之。荆次之。竹爲下。

鄭司農云。櫨讀爲億萬之億。爾雅曰。柘。櫨。又曰。檠桑。山桑國語曰。檠。弧。箕。箠。

凡相幹。

欲赤黑而陽聲。赤黑則鄉心。陽聲則遠根。

陽猶清也。木之類近根者奴。

凡析幹射遠者用執。射深者用直。

鄭司農云。執謂形執。假令木性自曲。

則當反其曲以爲弓。故曰審曲面執。玄謂曲執則宜薄。薄則力少。直則可厚。厚則力多。

居幹之道。蓄稟不弛。則弓不發。

鄭司農云。蓄讀爲不當而舍之蓄。稟讀爲榛栗之粟。謂以鋸副析幹。弛讀爲倚移從風之移。謂邪行

絕理。絕理者。弓發之所從起。玄謂栗讀爲裂繻之裂。

凡相角。秋網者厚。春網者薄。釋牛之角直而澤。老牛之角紵而昔。

鄭司農云。紵讀爲珍縛之珍。昔讀爲交錯之錯。

謂牛角物理錯也。玄謂昔讀履錯然之錯。

疾疾險中。

牛有久病。則角裏傷。

瘠牛之角無澤。

少潤氣。

角欲青白而豐末。

豐大也。

夫角之本。蹙於割而休於

氣。是故柔柔。故欲其執也。白也者。執之徵也。

蹙近也。休讀爲煦。鄭司農云。欲其形之自曲。反以爲弓。玄謂色白則執。

夫角之中。恆當弓之畏。畏也者

必橈。橈故欲其堅也。青也者。堅之徵也。

故書畏或作威。杜子春云。當爲威。威謂弓淵角之中央。與淵相當。玄謂畏讀如秦師入隈之隈。

夫角之末。遠於割而不休於

氣是故肥。肥故欲其柔也。豐末也者。柔之徵也。

末之大者。割氣及煦之。

角長二尺有五寸。三色不失理。謂之牛戴牛。

三色。本白。中青。末豐。鄭司農云。牛戴牛角直一牛。

凡相膠。欲朱色而昔。昔也者。深瑕而澤。紆而搏廉。

搏。圍也。廉。瑕。嚴利也。

鹿膠青白。馬膠赤白。牛膠

火赤。鼠膠黑。魚膠餌。犀膠黃。

皆謂煮用其皮。或用角。餌。色如餌。

凡昵之類不能方。

鄭司農云。謂膠善反。故書昵。或作織。杜子春云。織讀為不義。不昵之昵。或為翹。翹粘也。玄謂。櫛脂膏。臍敗之臍。

臍亦粘也。

凡相筋。欲小簡而長。大結而澤。小簡而長。大結而澤。則其為獸必剽。以為弓。則豈異於其獸。

剽。疾也。鄭司農云。簡

讀為擗。然登。牌之擗。玄謂讀如簡。札之簡。謂筋條也。

筋欲敵之敵。

鄭司農云。嚼之當執。

漆欲測。

鄭司農云。測讀為惻。隱之惻。玄謂測讀如測度之測。測猶清也。

絲欲沈。

如在水。中時色。

得此六材之全。

然後可以為良。

全無瑕病。良善也。

凡為弓。冬析幹而春液角。夏治筋。秋合三材。

三材。膠。漆。鄭司農云。液讀為膠。

寒奠體。

奠讀為定。至冬膠堅內之。繫中。

定。往來體。

冰析瀾。

大寒中。下於繫中。復內之。

冬析幹則易。

理滑致。

春液角則合。

合讀為洽。

夏治筋則不煩。

煩。亂。

秋合三材則合。

合。堅密也。

寒奠

體則張不流。

流。猶移也。

冰析瀾則審環。

審。猶定也。

春被弦則一年之事。

葦歲乃可用。

析幹必倫。

順其理也。

析角無邪。

亦正之。

斲目必

茶。鄭司農云。茶讀為舒。舒。徐也。目。幹節目。

斲目不茶。則及其大脩也。筋代之受病。

修。猶久也。

夫目也者。必強。強者在內而摩其筋。夫

筋之所由。恆由此作。摩猶隱也。故書筋或作薊。鄭司農云。當爲筋。輦讀爲車輦之輦。玄謂輦絕起也。故角二液而幹再液。重譯治之。使相稱。厚其帮。則木堅。薄其

帮。則需。需謂不充滿。鄭司農云。帮讀爲。需有衣絮之絮。帮謂弓中裨。是故厚其液而節其帮。厚猶多也。節猶適也。約之不皆約。疏數必侷。不皆約。繼之繳不相。次也。皆約則弓帮侷。

猶均也。斲擊必中。膠之必均。擊之言致也。中猶均也。斲擊不中。膠之不均。則及其大脩也。角代之受病。夫懷膠於內而摩

其角。夫角之所由挫。恆由此作。幹不均則角蹴折也。凡居角長者以次需。當弓之隈也。長短各稱其幹短者居簫。恆角而短。是謂逆橈。引之

則縱。釋之則不校。鄭司農云。恆讀爲髮。繼之繼。玄謂恆讀爲拮。拮。竟也。竟其角而短于。渾幹引之。角縱不用力。若欲反橈。然校疾也。既不用力。放之又不疾。恆角而達。譬如終繼。非弓之利也。

達謂長於渾幹。若達於簫頭。繼弓。角過渾接。則遂矢不疾。若見繼於秘矣。弓有秘者。爲發弦時備頓傷。詩云。竹韞緝膝。手足擊爲散之。發。解。謂接中也。變謂簫臂用力異。校疾也。於挺臂中有柎焉。故剽。挺直也。柎。側骨。剽亦疾也。鄭司農云。剽讀爲湖。深潔之深。恆角而達。引如終繼。非弓之利。重明

達角之不利。變譬言引字之誤。搖幹欲執於火而無贏。搖角欲執於火而無燂。引筋欲盡而無傷其力。響膠欲執而水火相

得。然則居旱亦不動。居濕亦不動。贏。過也。燂。炙爛也。不動者。謂弓也。故書燂或作朕。鄭司農云。字從燂。苟有賤工。必因角幹之濕。以爲之柔。善者

周禮 卷十二

在外動者在內。雖善於外，必動於內。雖善亦弗可以為良矣。

苟偷也。濕猶生也。

凡為弓，方其峻而高其柎，長其畏

而薄其敵，宛之無已，應

宛，謂引之也。引之不休止，常應弦，言下罷需也。峻，謂籥也。鄭司農云：敵，讀為蔽，塞之蔽，謂弓人所握持者。

下柎之弓，末應將興。

末，猶籥也。興，猶動也。發也。弓柎卑，籥應弦，則柎

將動。為柎而發，必動於綱。

綱，接中。

弓而羽綱，末應將發。

羽，讀為扈。扈，緩也。接中動則緩。緩籥應弦，則角幹將發。

弓有六材焉。維幹強之，張如流

水。無難易也。

維體防之，引之中參。

體，謂內之於檠中，定其體，防深淺所止。謂體定，張之弦居一尺，引之又二尺。

維角定之，欲宛而無負弦，引之如環，釋之無

失體，如環。

負弦，辟戾也。負弦則不如環，如環亦謂無難。易鄭司農云：堂讀如掌，距之掌，車掌之掌。

材美，工巧，為之時，謂之參均。角不勝幹，幹不勝筋，謂之參

均。量其力，有三均。均者三，謂之九和。

有三，讀為又參。量其力又參均者，謂若幹勝一石，加角而勝二石，被筋而勝三石，引之中三尺，假令弓力勝三石，引之中三尺，弛其弦，以繩緩擗之，每加物一石，則張一尺，故

書勝或作稱。鄭司農云：當言稱，謂之不參均，玄謂不勝無負也。

九和之弓，角與幹權，筋三倅，膠三銜，絲三邸，漆三料。上工以有餘，下工以不足。

權，平也。倅，猶等也。角幹既平，筋三而又與角幹等也。銜，鍛也。邸，料輕重未聞。

為天子之弓，合九而成規。為諸侯之弓，合七而成規。大夫之弓，合五而成

規。士之弓，合三而成規。

材良則句少也。

弓長六尺有六寸，謂之上制。上士服之。弓長六尺有三寸，謂之中制。中士

服之弓長六尺。謂之下制。下士服之。人各以其形貌大小服此弓。凡爲弓，各因其君之躬，志慮血氣。又隨其人之情性。豐肉而短。

寬緩以茶。若是者爲之危弓。危弓爲之安矢。骨直以立。忿執以奔。若是者爲之安弓。安弓爲之危矢。言損

不足。危，奔猶疾也。骨直，謂強毅。茶，古文舒。假借字。鄭司農云：茶讀爲舒。故書速或作敷。鄭司農云：字從速，速疾也。三舒不能疾而中，言矢行短也。

中又不。其人危。其弓危。其矢危。則莫能以愿中。愿，慤也。三疾不能慤而中。言矢行長也。長謂過去。往體多。來體寡。謂之夾臿之屬。利射

侯與弋。射遠者用執。夾臿之弓，合五而成規。侯非必遠。願，執弓者材必薄。薄則弱，弱則矢不深中。侯不落。大夫士射侯，矢落不獲。弋，繳射也。故書與作其。杜子春云：當爲與。往體寡。來體多。謂之王弓之屬。利

射革與質。射深者用直。此又直焉。於射堅宜也。王弓合九而成規。弧弓亦然。革，謂干盾質。木楛。天子射侯亦用此弓。大射曰：中離維綱。揚觸榻復君，則釋獲其餘則否。往體來體若一。謂之唐弓之屬。

利射深。射深用直。唐弓合七而成規。大弓亦然。春秋傳曰：盜竊寶玉大弓。大和無濶。其次筋角皆有濶而深。其次有濶而疏。其次角無濶。大和，尤

深，謂濶在中央。兩邊無也。角無濶，謂隈裏。合濶。若背手文。弓表裏濶合處。若人合手背文。相應。鄭司農云：如人手背文理。角環濶。牛筋蕢濶。麋筋斥蠖濶。蕢，臬實也。斥，蠖，屈蟲也。和弓

敲摩。和，猶調也。敲，拂也。將用弓，必先調之。拂之摩之。大射禮曰：小射正授弓。大射正以袂順左右限。上再下一。覆之而角至。謂之句弓。句於三體材敵惡不用之弓也。覆，猶察也。謂用射而察之。至，猶善也。但角善則矢雖疾而

不能遠

覆之而幹至。謂之侯弓。

射侯之弓也。幹又善則矢疾而遠。

覆之而筋至。謂之深弓。

射深之弓也。筋又善則矢既疾而遠又深。

重雕嘉靖本按宋周禮札記序

鄭氏之學。惟三禮爲最精。三禮之注。惟鄭氏爲最善。向來三禮鄭注本合刻者。以十六行十七字本爲佳。相傳爲嘉靖本是也。若宋時三禮合刻之本。世鮮傳焉。禮記有撫州本。儀禮有嚴州本。皆覆雕行世。周禮獨缺如。余竊病焉。向聞萬卷堂余氏有單注本。在余友顧抱沖家。未及借按。近於同郡故藏書家見有紹興閒集古堂董氏雕本。後爲壽松堂蔣氏收得。遂假歸按勘。多所取正。因思刻以傳世。奈字體細小。兼多破體。取爲家塾課本。有所未宜。舊藏嘉靖本。字大說目。頗宜老眼。未有經注字數。其出宋本無疑。仿此開雕。行款悉遵。而幅式稍狹。於經注訛舛之字。悉按宋刻正之。董本爲主。此外參以家藏之岳本。蜀大字本。又借諸家之小字本。互注本。按余氏本。集腋成裘。以期美備。至於嘉靖本之獨勝於各本者。其佳處不敢以他本易之。存其舊也。此刻係按宋本。非覆宋本。故改字特多。然必注明以何本改定。非妄作也。若字之

可疑者仍之。而於按語中標出。守闕疑之義也。刊成之日。附按語一卷。以俟讀是書者取證焉。嘉慶戊寅孟冬。吳郡黃丕烈識。

天官上 董本 互注本

序官庖人注。裹肉曰苞。裹誤在曲禮注云苞直裹魚肉今據正董本裹

醢人注。豆不盡于醢也。于於古今字。經用古字。當作于。注用今字。當作於。本書往往錯互。今但更定經文。而注中未及

悉行訂正。識其體例於此。

大宰注。六曰聽取予以書契。契誤契董本。今訂正。

周召毛聃。聃誤聃。釋文乃甘反。字從耳。董本聃。今訂正。

字連今字。注用今字。當作連。本書注中作聯甚多。今悉訂正。

注。標幹栝柏。幹誤幹。冬官荆之幹注。荆州貢標栝栝栝。此條與上一條誤倒。

注。以時入于玉府。玉誤王。此舉澤虞經文。今據正。

祇。祇誤祇。本書神祇字多誤。作祇敬字。董本祇。今訂正。

小宰經。贊玉幣爵之事。

玉誤王。案大宰職經文。贊玉幣爵之事。彼注云。玉幣所以禮神。玉與幣各如其方之色。此注云。從大宰助王。下不更解玉幣者。以有解在前也。

此當作玉爲是。岳珂沿革例謂當作王。是惑於注中助王之文。而忘大宰經文矣。董本作玉。今訂正。

宰夫注。歲終目周季冬。

此句又見大司徒注。目皆誤自。案目者。指日之辭。按勘記引浦鏜說。非是。董本日。今據正。

正注。官府之在宮中者。

官誤宮。今依經文訂正。

注。奇邪譎觚非常。

邪。本作衰。注用今字。多作邪。此錯出。今訂正。後誤不悉著。

膳夫注。水漿醴醕醫醢。醫

醫案酒正注云從殿從酉今訂正

庖人注。犢與麋物成而充。

麋誤藥今依經文訂正互注本麋

甸師注。然後燂蕭合馨香。

燂誤燂互注本燂今訂正

腊人

注。肺非豆實。

非誤芋董本非互注同今訂正

注。主人亦一魚。

此下誤空三格董本不空今訂正

天官下

董本互注本

疾醫注。五藏所出氣也。

藏誤臟俗字下注不誤董本藏今訂正

瘍醫注。癰而上生創者。

癰壞作癰今訂正

獸醫注。灌以緩之。

緩誤綬形近董本緩

今據

酒正注。又禮器曰。

又下空一格董本不空互注本同

漿人注。若糗飯雜水也。

飯誤飲董本飯今據正

籩人注。鮑者於福室中糗乾

之。

鮑誤飽今依經文訂正

注。未食未飲。

下未誤未今訂正

醢人經。茆菹麇醢。

麇誤麇今訂正

注。皆以拍為膊。

拍誤柏董本拍今據正

注。少儀曰。麇鹿

為菹。

又麇為辟雞。麇誤誤易今據少儀經文訂正少儀麇字作齏董本作麇

鹽人注。不凍治。

凍誤凍董本凍今訂正下凍治者凍治之誤同

注。鬻水為鹽。

鬻誤鬻互注本鬻今訂正

掌舍注。故書柎為柎。

柎誤拒互注本柎今訂正下誤同

掌次注。祭天於圓丘。

丘誤兵今訂正

經。朝日祀五帝。

祀誤祝今訂正注不誤

注。柎上承塵。

小案幕人注。帟坐上承塵。又帟在柎上。今訂正董本上互注同

大府注。占賣國之斥幣。

幣誤幣案大宰九賦注。幣餘占賣國之斥幣。今據正

玉府注。敦槃類。

槃誤盤下注仍作槃董本槃今訂正

外府經凡祭祀

祀誤祝與掌次經文誤同今訂正

注其字以齊次為聲

齊誤齋董本齊今訂正

職幣注後言振財互文

文誤之本書注屢言互文今訂正

經以書楬之

楬誤揭本書多作楬董本楬今訂正注誤同

司裘注又方制之以為臺

臺誤臺互注本臺今訂正

內宰注吏祿稟也

稟誤廩祿稟字從稟倉廩字從廩今

訂注贊后薦玉齋

齋誤齋今訂正

典絲注計會傳著之

傳誤傳本書注多言傳著今訂正

縫人注故書翬柳作接櫛

櫛誤摺董本櫛今據正下注誤

同追師注為之飾

飾誤飾今訂正

屨人注屨自明矣

自攷勘記云當作目

夏采注夏后氏之綬

綬誤綬明堂位注云綬當作綬字之誤是經文夏后氏之綬作

綬明矣

今據正注故書亦多作綬者

綬誤綬今訂正

地官上

董本岳本互注本

序官牧人注何蓑何笠

蓑誤蓑岳本蓑今訂正

質人注主平定物賈

賈誤價俗字胥師注定物賈司市注物有定賈今據正岳本賈

稟女人稟注稟讀

為犒師之犒

稟皆誤稟案此枯稟字非禾稟字稟上聲司農讀犒去聲稟犒古今字說詳漢讀考岳本作稟今訂正

大司徒注育生也

育本作毓此亦當注用今字岳本育今訂正

經使之相

葬葬誤葬師注謂葬下棺族

注調當為糾

糾誤糾下經糾萬民脩法糾職誤同今訂正

注防姦私

姦誤姦俗字岳本姦今訂正後誤不悉著

注目周季冬

誤同天官說見前

小司徒經以辨其貴賤老幼廢疾。

此卷辨盡作辯餘亦辨辯錯出案辯通作偏曲禮云辯殺是也又廢疾字與廢與字有別此廢字本作廢岳本作辨作廢今據正。

經凡起徒役毋

過家一人。

毋誤母今訂正。

鄉師注艱阨饑乏也。

艱本作艱此亦當注用今字下遺人注艱阨猶困乏仍作艱今據正。

州長注二千五百家為州。

百誤伯本千百字

皆作百不作伯今訂正。

黨正注以四孟之月朔日讀法者。

法誤鴻此亦當注用今字岳本注今訂正後誤不悉著。

經以歲時涖校比。

漢讀考云校字當從手旁。

族

師注杜子春。

子誤于今訂正。

鼓人注形如小鍾。

鍾誤鐘上編鍾不誤董本鍾今訂正。

注鐸大鈴也。

大誤夫董本大岳本同今據正。

注帙列五采繒為之。

帙誤

帙今依經文訂正。

舞師注書或為翬。

翬誤翬說文從羽王聲今訂正漢讀考云此翬字當與上皇舞互易。

牧人注謂副辜候禴。

辜誤辜今訂正。

牛人經軍事共

其犒牛。

犒誤犒今訂正說見序官彙人。

地官下

董本岳本互注本

載師注亦以口受田如此。

按勘記云此當作比釋文方二反賈疏云如正夫之比可證下如此則土工仍當作此。

注故書漆林為柰林。

柰誤黍岳本今訂正。

注而鬲場

有瓜。

場誤場岳本場今訂正。

遺人注故書艱阨作權阨。

按勘記云權當作權互注本據下注同。

司救注園土。

土誤土岳本今訂正。

調人經主友

之讎眠從父兄弟

主誤王董本王岳本同今訂正

司市注百族

族誤族今訂正

經各于其地之敘

敘誤叙今訂正

泉府注物楬而書之

楬誤

同天官職幣今訂正

注元謂抵實抵字

抵誤抵今依經文訂正岳本抵

司門注造猶至也

造誤告岳本造今訂正

司關注參相連

連誤聯說見前

注饑荒

也饑誤飢飢是飢餓字

非饑饑字今訂正

注謂無租稅猶苛察

猶誤循今訂正

注敏關

敏本作叩字岳本做董本同今據正

掌節注玉節之制如王為之

王誤玉案

如王亦知王用玉也賈疏可證此涉上而誤今訂正

遂人注無知貌也

貌本作兒岳本貌今訂正

遂師注禮記或作樽

樽誤樽岳本樽案樽椹車也今訂正

注抱磨

磨誤磨今訂正

下注誤同

遂大夫注政令戒禁

政誤致岳本政

注皆脩封疆

疆誤疆今訂正

鄙師經而察其媿惡

媿誤微今訂正董本媿岳本同

鄰長經徙于

他邑徙誤徒岳本徙今據正

稻人經夏以水殄草而芟蕘之

蕘注作夷經文當誤加草

山虞注而校其耳

校字案亦當從手旁

迹人注且害

心多也心誤必賈疏謂害心多釋毒矢射董本心岳本同今據正

角人注骨入漆堦者

堦誤浼說文堦以黍和灰丸而髻也從土完聲灰者謂骨灰也春官巾車注讀為黍堦之黍今據正

掌染草

注豕首首誤目豕首見爾雅釋草董本首岳本同今據正

廩人注讀為一扱再祭之扱

一誤壹注亦當用今字今訂正

稟人

稟誤稟說見序官

經掌祭祭祀之

犬岳本連上此誤提行

注不於饌人言者

者誤其岳本者今據正

春官上 董本 岳本 互注本

序官司尊彝注言為尊之法正 董本正 岳本也 大師注無目眈謂之瞽 眈董本岳本俱作眈釋文眈又作眈或作眈玉駕眈與瞽同剛瞽同字案眈字見公羊文七年傳眈晉大

夫使與公盟疏云用目視之

占人經史二人 二誤一董本二岳本同按勘記云作一誤今訂正

凡以神士者 士經作仕旄人職凡四方之以舞仕者亦不作士漢讀考云作士者從石經 大

宗伯注目吉禮於上 目誤自案此目字當與冬官斡人注目下車目車持任之材同今訂正

注親謂使之相親附 謂誤者上注謂親者服焉下注謂威其不協是其例也董本謂岳本同今據正 注

蓋以四鎮之山為瑑飾 瑑誤琢案禮器郊特性大圭不琢注琢當為篆篆琢同字是鄭君以瑑易琢明不從琢矣董本瑑岳本同今據正下注誤同

注出接賓曰擯 本書擯擯錯出 肆師注

果築饗 饗誤饗今依經文訂正

鬱人注百二十貫為築 為字當衍築字下屬

鬯人注故書瓢作剽 瓢誤剽董本瓢岳本同今據正 注照臨弊邑 弊誤

幣董本幣 今訂正 注王至尊以介為執致之 執誤幣董本執岳本同今據正岳本無以字案當衍

司尊彝注加用璧角 璧誤辟岳本璧今訂正 天府注奉猶

送也 奉誤秦注中此句屢見皆不誤岳本奉今訂正

典瑞注鎮圭尺有二寸 圭誤王案冬官玉人鎮圭尺有二寸今據正董本圭岳本同 注瑑有圻鄂瑑起 上瑑亦誤瑑董本瑑岳本

同今訂正圻誤沂岳本圻 今據正冬官斡人注誤同 注口徑二尺 二董本一岳本同 注以求地中 以誤所今依大司徒經文訂正岳本以董本誤同 注諭告之也 諭誤喻案道右諭命于從車懷方氏諭德

延譽。擇人注。諭說諸侯。大行人。諭諸侯之志。注。諭言語。皆作諭。不作喻。今訂正。

內宗注。及命婦哭位。

位誤王。岳本。位。今據正。

春官下 董本 岳本 互注本

大司樂注。朔月月半。

上月誤日。禮祭義。朔月月半。岳本月。今訂正。

樂師注。盲者。

盲誤盲。今訂正。

小胥注。鄭司農說以春秋傳曰。

說誤云。今訂正。詛祝。

注誤同。

大師注。而辰在嫫訾。

嫫誤陳。爾雅。嫫訾之口。岳本。嫫。今訂正。

注。無射長四寸六千五百。

五誤王。岳本。五。今訂正。

注。嫌於媚諛。

諛誤諛。岳本。諛。今訂正。

小師注。今大予樂官。

予誤子。今訂正。

典同注。讀為甄濯之甄。

濯。岳本。濯。本。燿。

注。叩之無聲。

叩誤扣。董本。叩。岳本。同。今訂正。

鍾師注。繁遏執

儆也。儆誤儆。今訂正。

典庸器注。設筍虞。

筍誤荀。今依經文訂正。

箠氏注。故謂之樵。

樵。董本。樵。岳本。同。漢讀考云。作樵是。

眠禭注。象者如赤鳥

也。鳥誤烏。大卜注。引傳作鳥。大史注。同。岳本。鳥。今訂正。

大祝注。無絕筋。

筋誤筋。岳本。筋。今訂正。

注。謂犧牲皆有名號。

謂誤為。岳本。謂。今訂正。

注。雞曰翰音。梁曰

香萁。雞誤鷄。梁誤。梁。今訂正。

小祝經。侯禳禱祠之祝號。

祠誤祀。本書禱祠屢見。岳本。祠。今訂正。

注。賴末長終幅。

賴誤賴。岳本。賴。今訂正。司常注。誤同。

注。故以旗識

之。案檀弓。以下有其字。董本。岳本。有此。當脫釋文重識字。無其字。

甸祝注。禱氣執之十百。

執誤執。岳本。執。今訂正。

巾車經。一曰玉路錫。

錫誤錫。岳本。錫。今訂正。下錫面誤同。

以鹿夏皮爲覆答。答誤答上注作答。岳本答今訂正。注。鳴鈴以和之。鈴誤鈴今依經文訂正岳本鈴。注。聲且驚衆。且誤且互注本且今訂正。典足注。雞鳴而

駕。雞誤鷄。今訂正。車僕注。闕車所用補闕之車也。上闕誤闕岳本闕今訂正。注。五者之制及萃數。萃誤萃岳本萃今訂正。此注有脫訛漢讀考詳之。

夏官上。董本岳本小字本互注本

序官掌固注。王公設險。設誤誤岳本設小字本同今訂正。稟人注。讀爲芻稟之稟。箭幹謂之稟。稟皆誤稟漢讀考云司農讀稟爲稟蓋經作稟從木同地官稟人而

司農易爲稟。從禾也。今據正。校人注。校之爲言校也。主馬者必仍校視之。漢讀考云言校校視二校字皆當從手同地官燕正。擲人注。主擲序王意。

王誤主岳本王小字本同今訂正。大司馬注。書亦或爲憚。憚誤憚漢讀考云司農讀壇爲憚以書有作憚者也案本書注云書亦或爲者不易讀爲讀從之字前後注文可證今訂正。注。入曰振旅。旅

振岳本旅小字本同今訂正。注。治徒庶之政令。庶誤度今據地官經文訂正岳本庶小字本同。注。無干車。車誤軍秋官士師注無干車今據正岳本車小字本同。注。以簿書校錄。簿誤簿岳本簿

小字本同。注。皆上卿爲軍將者也。上卿誤止鄉董本上小字本同岳本卿今據正。注。鼓一闕。車一轉。徒一刺。一皆誤壹。今訂正。注。枚如箸。箸誤著。今訂正。

司權注。陶治。治誤治。今訂正。注。伏在戊上。戊誤戊岳本。今訂正。服不氏注。舉皮以東。東誤東岳本東小字本同今訂正。

夏官下 董本 岳本 小字本 互注本

大僕注。窆讀如慶封汜祭之汜。窆誤窆。今訂正。

弁師注。而貫五采玉。五誤玉。今依經文訂。正。岳本五小字本同。

司弓矢注。守城車戰。戰誤

載。今依經文訂正。董本。戰。小字本同。注。庫矢。庫誤痺。涉下而誤。今依經文訂正。

稟人注。皆在稟人。又稟人藏之。二稟字皆誤稟。漢讀考云。字從禾。從其所易之字。今據正。

大馭注。

軌爲範。軌誤軌。岳本。軌。小字本同。今訂正。

齊僕注。車逆拜辱。逆誤送。今依司儀訂正。岳本。逆。小字本。互注本同。

校人注。相土作乘馬。土誤土。岳本。土。互注本同。今訂正。小字本。

土案。古土。土不別。漢讀考云。字當作書。

圉師注。故字。

職方氏經。其川燹雒。燹誤榮。燹字從三火。岳本。燹。小字本同。今訂正。注誤同。

秋官上 董本 蜀大字本

序官雍氏注。非謂燒所芟草。漢讀考云。非字當衍。

赤友氏。友誤友。今訂正。

銜枚氏注。爲之繡結於項。蜀本無之字。

大司寇注。

王毫荒。毫。蜀本耗。董本同。漢讀考云。當作施。

注。取其堅也。蜀本無也字。

注。大廟之內。大誤太。蜀本。大。今訂正。

小司寇注。孤從羣臣卿大夫。校勘記云。卿當

作鄉。賈疏有釋語。

注。鄭司農云。讀書則用法。司誤可。今訂正。

注。大數民之衆寡。寡誤寡。今訂正。

注。奉猶進也。猶誤酒。今訂正。注。其實鑊水。實誤時此

覆舉經文今訂
正按勘記有說

士師注其恠可言者

恠壞作輻
今訂正

注比其類也

比當是此之誤蜀本董本亦俱作比

注謂增其沃汁

汁壞作汁
今訂正

遂士

注二人而分主一遂

而誤其蜀本而董本同今訂正鄉士注四人而分主三鄉方士注四人而主一方可證

縣士注亦謂縣士也

蜀本無也字

朝士注五日路

門曰誤門蜀本

注然則外朝在庫門之外

朝誤廟蜀本
朝今訂正

注加責取息坐賊

責誤貴案司厲注盜賊賊加責沒入縣官今據正

司刑注姦軌

盜攘軌誤軌

注此二千五百罪之目略也

目字壞今據蜀本補

職金注作槍雷椎擗之屬

擗蜀本擗

司厲注盜賊賊

賊誤賊俗

字朝士注取息坐賊今據正

掌戮經髡者使守積

說文髡髮也從髡俗字漢書刑法志作完今訂正

秋官下

董本蜀大字本

禁殺戮注攘猶卻也

卻誤卻今訂正下卻獄同

蜡氏注曲禮

禮下當有曰字此脫

雍氏注穿地爲塹

塹誤漸蜀本塹今訂正

司寤注若今

甲乙至戊

戊誤作戊說詳漢讀考

條狼氏注若今卒辟車之爲也

蜀本今下有時字董本無

冥氏經以靈鼓毆之

毆誤毆蜀本毆今訂正下毆盡誤同

宄氏宄誤宄

翬氏注則倚其腳

腳誤脚
今訂正

柞氏經令刊陽木而火之

而誤以
今訂正

赤友氏

誤同序官蜀本友今訂正

大行

人注。親以禮見之。

蜀本親上。有王字。

注。又攝酌璋瓚而裸。

璋誤主旁。今訂正。

注。賓主之間。

主誤王。今訂正。

注。者欲不同。

蜀本作嗜慾。

注。是因

通言語之官爲象胥。

蜀本無是字。

注。謂謂象之有才知者也。

蜀本無知字。

注。孟子曰諸侯有王。

此左氏莊二十三年傳文。作孟子誤。小行人注引不誤。

小行人注。視館致館也。

視本作賦。注當用今字。今訂正。

注。致館於賓。

館誤館。今訂正。後誤不悉著。

注。告其所爲來之事。

其誤之。蜀本其董。闕鈔補同。今訂正。

注。

稟當爲犒。

稟誤稟。今訂正。

經。每國辨異之。

辨誤辦。蜀本辨。今訂正。

司儀注。冬禮月四瀆。

蜀本月下。有與字。

注。西面北上。

面誤南。蜀本面。今訂正。

注。推

手小下之也。

蜀本無之字。

注。是南宮縉之行也。

是誤自。今據大戴禮文。訂正。蜀本是董鈔補同。

注。推手小舉之。

舉字漫滅。今據蜀本補。

注。車逆拜辱者。

逆誤。

迎。今依經文訂正。

注。立當車軹也。

蜀本無也字。

經。致殮。

殮誤殮。今訂正。後誤不悉著。

注。私面私覲也。

蜀本無下私字。

注。鄭司農說私面。

說上本有云字。行文。今訂刪。

注。賓主之前卻。

卻誤却。今訂正。

掌客經。再問皆脩。

脩誤修。岳本脩。今訂正。後誤不悉著。

注。稻梁器也。

梁誤梁。蜀本梁。今訂正。下黍梁誤同。

注。禾稟實并刈者

也。稟誤稟。今訂正。

注。十宮曰稷。

稷誤稷。今訂正。下誤同。

掌訝經。賓入館。

館誤館。今訂正。

朝大夫注。主其國治。

國治誤倒。此覆舉經文。今訂正。

冬官上。

董本

宋單注本

余仁仲本

粵無縛注。其縛斯搨。搨誤搨。余本搨。釋文。出斯搨字。今訂正。注。故書筭為筭。又。二筭字。石經作筭。漢讀考云。可正筭字之誤。注。讀為橐。謂箭

橐。橐誤橐。此禾橐字。引伸為矢幹字。今訂正。經。陶瓶。瓶誤瓶。說文。從瓦。方聲。各本皆誤。今訂正。注。鄭司農云。輪輿弓廬匠車梓。宋單注本。司農下有云字。岳本。董闕鈔補本同。此脫。今據補。輪

人注。菑與爪不相侷。爪誤爪。瓜誤瓜。今訂正。經。而漆其二。注。漆者不漆者。漆誤漆。今訂正。下經注誤同。注。鄭司農云。讀容上屬。云字當衍。注。元

謂容者。漢讀考云。容。下當有穀字。注。讀殺輻之數也。之誤內。單注本之。董鈔補同。今訂正。輪人為蓋經。參分弓長而揉其一。揉誤揉。單注本。揉。此與揉輻。揉牙同。今訂正。

輈人注。伏兔至軌。軌誤軌。今訂正。下。漚不至軌。誤同。攻金之工。石經。提行。築氏注。鄭司農云。云誤大。單注本。云。董鈔補同。今訂正。冶氏注。箭足

入橐中。橐誤橐。今訂正。桃氏注。人所握鐔以上也。鐔誤鐔。今訂正。鼻氏注。今衡居一分。按勘記云。今當作命。韓人注。鞫則陶字

從革。按勘記云。賈疏述注。則。作卽儀禮大射疏同。注。今亦合二十版。二十下。誤衍四字。宋單注。本無。董鈔補同。今訂正。幌氏經。是謂水凍。凍誤凍。今訂正。

冬官下。董本。宋單注本。余仁仲本。

玉人注。肉好若一。謂之環。環誤圓。今據爾雅文訂。正。單注本。環。董本同。注。而廣狹焉。狹。壞作俠。余本。狹。單注本同。今訂正。注。元謂鼻勺流也。鼻誤鼻。今訂正。注。蒸。

輿稟誤稟壞字今訂正

矢人注謂箭橐中鐵莖

稟誤稟下注同今訂正

注令趣鏃也

今誤今單注本令今訂正

梓人經苟積爾如委

積誤頽今依上交訂

正單注本積董本同

匠人經經涂九軌

軌誤軌今訂正注誤同下經誤亦同

匠人爲溝洫注洫上曰伐

漢讀考云上當作土

注其實皆什一

什誤十董本什

今訂正注方里而井九百畝

井字當重董本有

注年饑

饑誤飢今訂正

注則鼓士不堅矣

土誤上今訂正

車人之事注擗斲斤柄

斤董本木

車人爲車注故書博或作搏

搏誤搏釋文徒丸反今訂正

弓人經漆欲測

漆誤漆今訂正

經鬻膠欲孰

鬻誤鬻余本今訂正

經漆三斛

漆誤漆今訂正